



## कैलासआगमन ॥

—000—

श्लोक ॥

गणेशं श्रीहरिंदुर्गा रविं शम्भुसरस्वतीम् ।  
विधातारमहं वन्दे सुरेशप्रमुखान्सुरान् ॥

कवित्त ॥

जैतिगणनायकविनायक सुजान सुठिशम्भुकेतुप्राण अरुगौरिके  
तुजीवहौ । हाथोकैसोभालतहांसेंदुरहैलाल अरुउदरविशालसुख  
शोभाकेतुसीवहौ ॥ देवनमेंपरसबवीरनमेंशूरवरदानिनमेंभूरशिव  
भक्तिमेंअतीवहौ । वीरीहैशरणतेरीताहिदेवफलढेरी औरभक्तिश-  
म्भुकेरीतूतोसिद्धिपीवहौ १ ॥

दा० बन्दि गणेशहि प्रीति सों वन्दौं पडमुख पाय ।

विघ्न हरैं संशै दलैं करैं सुमोरि सहाय ॥

विधि हरि चरणसरोज रज बन्दौंयुगकर जोरि ।

शम्भुचरण रतिदेहिं मोहिं मांगौं यहै निहोरि ॥

रमा चरण बन्दनकरौं पुनि बन्दौं विधि नारि ।

जासुकृपा लहिशम्भु यश वर्णहुं प्रेम सम्हारि ॥

सा० बन्दौं पुनि जगमात शिवा चरण पर शीश धरि ।



करहिं कृपा वेहसात शिव यश मोहिं बतावहीं ॥  
 बन्दौं निज गुरु पांव पुनिबन्दौं पितु मातु पद ।  
 जेहि की कृपा प्रभाव शंकर यश वर्णत बनै ॥  
 मनि मन मानस हंस बन्दौं शिवके चरण युग ।  
 ध्यावहिं जेहि निसर्ग हरि विधि ध्यान लगायके ॥

चौपाई ॥

एक समय मन में रुचि आई । कछु भाषौं शंकर प्रभुताई ॥  
 निज मनमें अनुमान करी तब । शंकर यशको ध्यानकरी सब ॥  
 तब अथाह देखा यश सागर । जहाँ न पारपावत बुध नागर ॥  
 गनतीकवनि तहां ममबुधिकी । स्वगपतिचालचलैकिमिफुदकी ॥  
 समुझि बहोरि महेश प्रभावा । दृढ़ भरोस मेरे मन आवा ॥  
 जोगुणनिधिहिकीनअल्कापति । कसनकरीसोइममभाषासति ॥  
 यहिचिन्ततमतिकहा बिसूरी । शिव प्रताप कछु कठिननदूरी ॥  
 बार बार चित को हरषावो । गिरि आगमन शम्भुको गावो

दे० शिव प्रताप उर आनि दृढ़ गुरुहि गणेश मनाय ।

शिव कैलासागमन यश कहौं सविस्तर लाय ॥

बन्दौं सूरज चन्द्रमा मंगल बुध गुरु शुक्र ।

विघ्न निवारैं सकल मिलि राहु केतु रवि पुत्र ॥

बुद्धिमान जे जगतमें मम कृत लखि न पराहिं ।

ईश्वर यशपटि आदरहिं हरि हरयशयहि माहिं ॥

सो० मधुमाखी ते होय पावन लोकहु वेद महँ ।

शिव यश भाषै कोय कबहूँ छूति न हैसकै ॥

वोरीलाल है नाम कायथ हौं श्री वास्तम् ।

ऊंडउ में मम धाम रक्षक जहँ श्री चतुर्भुज ॥

जो मम ग्रामाधीश बन्दि चतुर्भुज देव को ।

होय न कृतमें खीस जेहि की कृपा कटाक्षसे ॥

पुनि बन्दौं श्री पवनकुमारा । राम सहायक शिव अवतारा ॥

नमः सर्वलिया पीतम को है । मम कुल इष्ट सदाको जोहै ॥

दुर्वासादिक जेते शैव वर । बन्दौं तिन्हें जोरि दूनों कर ॥



करहिं मोरि सब सहित सहाई । शुभगग्रन्थजिमियहबनिजाई ॥  
नहिं भरोस मोहिं निजबुधिमतिकहैं । ताते विनय करौं सबही पहैं ॥  
जो दश धनी करै करुणाई । एक निर्दनी धनी है जाई ॥  
कार्तिककृष्णत्रयोदशिभौमा । सम्बतकरगुचिअंकहुसोमा १६३२ ॥  
सुमिरि गणेशहि भयो अरम्भू । पूरण करहिं सदा शिवशम्भू ॥

दो० नीमषार मिश्रित विषे शौनकादि मुनि वृन्द ।

कथा सुनत श्रीसूत सन मनमें महा अनन्द ॥

सो० एक समय श्रीसूत कथाकहत नभ गोलकी ।

सुन्दरसुखद सुपूत ईश्वरयशमिश्रितकिये ॥

कह्यो खगोल केर विस्तारा । सब पर सत्यलोक निर्धारा ॥  
सत्यलोक ब्रह्माण्ड को शीशा । तहां बसत श्रीविधि जगदीशा ॥  
संख्या अण्ड तहैं लगि गाई । तेहि ऊपर बैकुण्ठ बताई ॥  
तहां बसत श्रीपति बनवारी । जग पालक भगवान मुरारी ॥  
बैठि तहां जगपालन करहीं । निशिदिन ध्यान शंभुको धरहीं ॥  
शंख चक्र सब आयुध धारी । जनकी करत सदा रखवारी ॥  
तेहि ऊपर श्रीषड्मुख लोका । सुमिरि जाहि जनहोत अशोका ॥  
शक्ति लोक तेहि ऊपर गाई । बसत जहां गिरिजा जगमाई ॥

दो० तेहि ऊपर गोलोक कह बसत जहां गोपाल ।

कृष्ण राधिका गोपयुन क्रीड़ा करत कृपाल ॥

सो० हरिको रूप अभेद द्विभुज रूपहै तहैं लसैं ।

जेहि गुणगावतवेद मथुरामें सोइ औतरयो ॥

शिवपुर के सोइ निकट बतावा । शिव गोशाला गोपुर गावा ॥  
गोरक्षक श्रीकृष्ण सराधा । जेहि सुमिरे कछु रहत न बाधा ॥  
तेहि ऊपर शिवलोक धतयऊ । जहैं निर्गुण शिव सर्गुणभयऊ ॥  
जपत जाहि हरिविधि दिनराती । मुनिवरध्यान धरत बहुभांती ॥  
सुयश जासु निगमागम गावत । शेष गणेशहु पार न पावत ॥  
नेतिनेतिकहि निगम बखानत । तासुकृपालहि अधमहु जानत ॥  
जासु नाम जपि विधिभवकारी । विष्णुभयो जगपाल विहारी ॥  
जासु नाम जपि तपत दिनेश । करतकाजनिजसकलदिशेश ॥



दो० वरणि इमिहि नभगोलको कहन लग्यो भूगोल ।

सूत महामति हर्षयुत सुन्दर सुखद सुबोल ॥

सो० सकल खंडयुत द्वीप गिरि सागर बन वर्णहू ।

अल्कापुरी समीप गिरि कैलासहि भाषेहू ॥

जब वर्णहू शुभ गिरि कैलासा । कह्यो तहां शंकरकर बासा ॥

जब वर्णहू गिरि पर शिव गेहू । सकल ऋषिण मनभा संदेहू ॥

पूछेहू सूतहि देत अशीसा । जियहुसूत तुम लाखबरीसा ॥

मम मन मोह भयो यहिवारी । सो छूटहि तुम्हरे निर्धारी ॥

प्रथम कह्यो जब नभ विस्तारा । सर्वोपरि शिवलोक पुकारा ॥

भूमि कथा अब कह्यो सनेहा । गिरिकैलास कह्यो शिवगेहा ॥

एकहि शंभु कि पर कोउ शंभू । नाथ दयाकरि कहौ अदंभू ॥

हमहिं अज्ञ लखि दीजे बांधा । मोहित जानिनकीजे क्राधा ॥

दो० हँस्यो सूत तब धन्य कहि धन्य धन्य मुनिराज ।

अज्ञ बन्यो संसारहित तुमहिं न व्यापत आज ॥

सो० संतन की यहबानि शिव यथ सुनत अघातनहिं ।

ताते बनत अथानि बारबार पूछत सोई ॥

तात शंभु अद्वै जगमाहीं । तेहिकी समकोउ दूसरनाहीं ॥

अलख निरीह निरंजन देवा । हरिविधिआदिकरतजेहिसेवा ॥

दुइ गृह सुनत किहेव सन्देहू । गन्ती रहित शंभुके गेहू ॥

घट घट बसत चराचर केरे । असन ठौर जहँ शंभु न नेरे ॥

यह सुनि तात न संशय करहू । यह विचार निज मनमें धरहू ॥

जिमि शशि एककोटि घटछाया । तिमिशिवकोजानहुमुनिराया ॥

यहहि प्रश्न नारद यकवारी । विधिसोंकीन्ह स्वचतविचारी ॥

हे पितु धात जनक भवकारी । मम उर यक संशय है भारी ॥

दो० बहुतक मुंहसों यह कथा सुन्यो सविस्तर लाय ।

शिव निर्गुण सर्गुण भयो सो शिवलोक लसाय ॥

सो० बहुतक मुंह इतिहास सुन्यो तात सोई भाषहू ।

गिरिकैलास सकास मुख्य वास त्रिपुरारिको ॥

यहै भरम मोरे मत भारी । एकहि शंभु कि दुइ मदनारी ॥



तुम सब लायकहौ जगकारी । हरहु मोर यह संशय भारी ॥  
तब विधिधरि शंकर को ध्याना । बार बार नारदहि बखाना ॥  
तुम सुपूत मम कुलमें भयऊ । जोतुम्हरेमनशिवरतिजयऊ ॥  
हरि दासन कर यहै स्वभाऊ । बिनछल भजहिं शंभुकेपाऊ ॥  
करि हरि भक्ति न शंकर जापी । हरिहिसोहाहिँनतेबड़पापी ॥  
आपन भक्त न ताहि विचारी । शापदेत तेहिको बनवारी ॥  
मम इष्टहि निन्दा जो करहू । कल्प कोटि गौरव में पगहू ॥

दो० नारद समुझो सत्य यह इष्टहि निन्दत जोय ।

तेहि किमि निजसेवक लखैं सतवैरी समहोय ॥

सो० शैव प्रवर भगवान जिमि सुमेर माला विषे ।

तासु दास अज्ञान निन्दहि इष्टके इष्टको ॥

नारद सुनहु एक इतिहासा । कहहुं तुम्हैंलखि हरिहरदासा ॥  
जब निर्गुण शिवसर्गुण भयऊ । लीला रुचि मनमें उपजयऊ ॥  
वाम अंगते हरि प्रकटायो । दक्षिण से मम रूप बनायो ॥  
सर्गकार मोहिं कियो पुरारी । जगपालक तब भये मुरारी ॥  
सो मुरारि को सुनिये रूपा । ज्यों सनीर घनश्याम अनूपा ॥  
रतनजटित शिर मुकुटविराजै । काननमें कुण्डल छबि छाजै ॥  
जलज नैन सुन्दर रतनारे । भस्म त्रिपुंड ललाट सँवारे ॥  
बैजन्ती बनमाल सोहाई । कुसुममाल अतिशयसुखदाई ॥

दो० शंखादिक आयुध सजे चारि भुजा आजान ।

तेहिसों पालतसकलजग मारतरिपु बलवान ॥

सो० पीत जज्ञउपवीत मोहनमाला शुभग उर ।

विप्र चरणपर प्रीत हृदय मध्य शोभित सोई ॥

अंगद वलय सोह भुज करमा । पीतजलजजिमिनीलकशरमा ॥  
शुक नागा शोभित अतिसुन्दर । बांकी मोछ कपोलन ऊपर ॥  
त्रिवलित उदर सुनाभिगँभीरा । पहिर अहत पीत पटचोरा ॥  
पग शोभा नहिंजात बताई । जेहिध्यावत सुरमुनिसमुदाई ॥  
पगतल अरुण जलजसमगाई । मनिमन मधुप रहै जहँछाई ॥  
नख द्युति बालशशीछबिहारी । होतमदितजनताहि निहारी ॥



हरिहिदीख जबशिवसबलायक । कीन्हींसकल चराचरनायक ॥  
हमै कादि अरुतण परयंता । विष्णुहि कीन्ह सकल जगकंता ॥

दो० सब अधिकारी हरिभयो निजसमान शिवकीन ।

सृष्टि अवन संहार की त्रयी समर्था दीन ॥

सो० अर्थ धर्म अरु काम तीनिउँ को हरिदे सकैं ।

चौथ मुक्तिकोधाम सो महेश निजसोंरख्यो ॥

जबशिवमुक्तिनिजहिसोंरख्यो । तबकरजोरिविष्णुअसभाख्यो ॥

मोपर नाथ कीन जस दाया । कोटि लपनसों जात न गाया ॥

सकलपदारथदा मोहिंकीन्हा । मुक्ति देन की शक्ति न दीन्हा ॥

मुक्ति छांड़ि जे और न जानी । मोरि भक्ति करिहैं किमिजानी ॥

तब शिवकहा सुनो भगवाना । जन प्रणपाल हवै समबाना ॥

तुमहौ भक्त अनन्य हमारे । तोरभक्त मोहिं बहुत पियारे ॥

जो मम सेवककी सेवकाई । करहिस्वजनमोहिं बहुतसोहाई ॥

प्रथम मुक्ति तुव भक्तन देवै । तब निज दासनकी सुधि लेवै ॥

दो० जो करिहै तुव भक्ति हरि ताहि देव निर्बाण ।

यामे संशय नेक नहि कह्यो शम्भु भगवान ॥

सो० जो तुव बाना धारि छलहु करी संसार महँ ।

देवै मुक्ति सिहारि सकल चूक तेहि मेटिकै ॥

राम कृष्ण जो तुव अवतारा । तासु नाम लेतै एक बारा ॥

पाप काटि करिकै दाया हम । मुक्तिदेवतेहिनिजसेवकसम ॥

अस बर सुनत विष्णुतब बोले । धन्य धन्य हम भये अमोले ॥

जो अस प्रभु करुणातुम कीन्हा । दासमोर आपनकरि चीन्हा ॥

तहां तात एक कारण आही । सोसबखोलिकहौतुवपाही ॥

कलिमे कल्पित पन्थ बनाई । द्रव्य हेत मम दास कहाई ॥

जीतहि बनहिं प्रेत तनु जागी । कामर्थी घत खाँड़ अहारी ॥

चारि वेद जो विधि प्रकटोई । चारिसे भिन्न नामतेहि होई ॥

दो० निन्दा करिहैं तोरि प्रभु मन महँ अति हर्षाय ।

भय नहिं मनिहैं मोरिकहु मम प्रभु निंदागाय ॥

सो० तिनहिं देव हम शाप बैर मानि तेहि दासते ।



असैं तोहिं त्रैताप नर्क बसैं शत कोटि सम ॥

नाथ यहै वर तुम सन मांगो । उनपर नाथ दया तुम त्यागो ॥  
मम जन है तुव निंदा करहीं । कोटि कल्प रौरव में परहीं ॥  
निज दासन के लक्षण कहहूँ । नाथ दयाकरि चित में गहहूँ ॥  
सर सुर भजै धारि मम बाना । पर उपकार करै विधिनाना ॥  
तुव पद प्रीति करै निदंभू । भक्त मोर तेहि जानव शंभू ॥  
तिनहिं देव निर्वाण प्रचारी । नाथ यहै वर दीजे भारी ॥  
एवमस्तु तब कह्यो पुरारी । पुष्प वृष्टि अति मै तहँ भारी ॥  
तब बोले मिलि हमहुं मुरारी । नाथ होहु तुमहूँ अवतारी ॥

दो० मोहिंकीन तुम सतगुणी रजगुण विधिहिबनाय ।

धारि तमोगुण नाथ तुम कीजै सकल सहाय ॥

सो० त्रिसुर मध्य में आय नाथ सकल लीला करो ।

तासों तनु प्रकटाय करो सहाय दिशेश की ॥

परब्रह्म यहि तनुते रहहूँ । लीला हेतु अपर तनु गहहूँ ॥  
एवमस्तु तब कह्यो पुरारी । मन हर्षे अति हमहुं मुरारी ॥  
तब शिव कहा सुनो बनवारी । विधिसों होव हमहु तनुधारी ॥  
विधि भृकुटी से प्रकटव आई । तेहि मोहिं भेद वेद नाहिं गाई ॥  
नामरूप यहि कछुक न भेदा । भेद करत जन पाइहि खेदा ॥  
विधिकर्तव्यमहँयकगिरिसुन्दर । बनी महा भूधर पति भूधर ॥  
तेहिकर नाम होय कैलास । काल पाय तहँ करब निवास ॥  
तब हमहूँ हरि कहा बहोरी । नाथ एक वर देव निहोरी ॥

दो० प्रभु तव माया प्रबल अति करत सकल मति खीस ।

हमैं न व्यापै जिमि लखैं सदा तुम्हैं जगदीश ॥

सो० तुम स्वामी हम दास यहै भाव नित नित बढै ।

घटहि न कबहूँ प्यास तुव चर्णन रति वारि की ॥

एवमस्तु कहि शंकर तबहीं । अंतर्द्धान भये मुनि जबहीं ॥  
तब हम हरि दूनौं करजोरी । तेहिदिशिलखितुतिकीनबहोरी ॥  
यह इतिहास महा सुखदाई । शिव हरि गीता तुमहि सुनाई ॥  
परहु सुनीजो मुनि चितधरके । सुखीहोय सुतवितधन भरिके ॥



तब नारद दूनहु कर जोरी । विधि के कीन प्रणाम बहोरी ॥  
नाथ मोहिंयह कथा सुनायहु । परम ज्ञान मममन उपजायहु ॥  
तात किहेउ करुणा नहिं थोरी । शंकर चरण बढी रति मोरी ॥

दो० हरि जन है निंदहि शिवहि देतताहि हमशाप ।

करहु मोर वचतात फरि एवमस्तु कहि आप ॥

सो० हरिजन है शिवकाहि जो निंदहि संसार महँ ।

दुखितरहैं जगमाहिं कोटिकल्प भोगै निरय ॥

सूतोवाच ॥

एवमस्तु हर्षित विधि कहेहू । तब नारद विधि के पद गहेहू ॥  
तात अपर कहु कथा सोहाई । जिमि शिव भये तोर सुत आई ॥  
पुनि कैलास बसे किमि शंभू । सोउ कथा कह तात अदंभू ॥  
तबविधिध्यान शिवापतिकरिकै । कहनलगे निजमतिअनुसरिकै ॥  
जबहिं कथाचित भीतरआई । मगन भयो तनु सुधि बिसराई ॥  
कछु विलंभि तनुकी सुधिआई । बारंबार शिवहि शिर नाई ॥  
कहन लगे तब कथा रसाला । कहि जैजैतिशिवा विधुभाला ॥  
जब वगदै शिव गयेउ बिलाई । तब हम हरिसों कहा बुझाई ॥

दो० नाथ सकल पतितुमभये करुणा लहिविधु माथ

अज्ञा दीजे दास को कीजे मोहिं सनाथ ॥

सो० रचहु सृष्टितुमधात कह्यो विष्णु हर्षित हिये ।

हमहैं तुम्हरो पात अभय रचो संसार तुम ॥

सृष्टिवनी नहिं जबअति प्यारी । तबमोहिं क्रोधभयोमुनिभारी ॥  
क्रोध गयेपुनि असिमति आई । जो शिव है मम तनय सुहाई ॥  
जग रचनासब मोहिं सिखावै । तौ यह सृष्टि सर्ग बनि आवै ॥  
अस मति जबमोरे मन आई । तुरतहि कीन कृपा शिवसाई ॥  
मम भकुटी सों रुद्र स्वरूपा । प्रकटि देखायो रूप अनूपा ॥  
सो वर्णहुनारद निजमति सम । जेहिवर्णतकोउ पारलहतकम ॥  
शारद शेष न पावत पारा । नेति नेति कहि निगम पुकारा ॥  
शीघ्र जटा जहँ सुरसरि बसई । बालचंद्र माथे पर लसई ॥

दो० त्रैलोचन शोभा अधिक भस्मयक्त रतनार ।



चितवनि भक्त कलेशहर दुष्टनको क्षयकार ॥

सो० सोहललाट त्रिपुंड्र श्वेतभरम शोभा अधिक ।

गलमें माला मुंड विष शोभा नहिं जातकहि ॥

काननमें अहि कुण्डल राजै । गोल कपोल महा छवि छाजै ॥

सोह अजान भजा षट चारी । शूलादिक तहँ आयुध भारी ॥

समण्ड्याल तहँ अंगद कंकन । सकलरतनलाजततेहिदमकन ॥

केहरि कटिके हरिपट भावै । जंघा छवि केदलिहि लजावै ॥

जलज चरण शोभा किमि गाई । मुनिमनमधुप रहत जहँछाई ॥

धरतध्यान जेहिहमहुं मुरारी । पगतल अरुण जलज छविहारी ॥

जलज सकंटक लखिवर कावा । विद्रम खानताहि मुनि गावा ॥

तेहिकठोरलखि मति सकुचाई । भाषेहु बाल दिनेश ललाई ॥

दो० बालि रविहि आदर्श लखि उपमा मनहिंनमानि ।

दामिनिराशि बखानितेहि तज्यौसु चंचलजानि ॥

सो० उपमालगति न नीक शिव पगतल लाली यथा ।

मन मैं दै तबठीकभक्त हृदय अहि मणि कह्यो ॥

यहि विधि जब प्रकटे मदनारी । भये कृतार्थ मुनि हम भारी ॥

तब हमतिन्है कीन्ह तजिदंभू । भये प्रसन्न महा प्रभु शंभू ॥

शर्ग शक्ति मोहिं दै करुणा कर । अंतर्द्धान भये तब शंकर ॥

शिवअवतार कह्योइमि मुनिवर । अब सुनिये कैलास गमनहर ॥

मुनि पलस्त्यमम सुतगुणधामा । तेहिसुत सुभग विश्रवा नामा ॥

तिहिके भई तीन मुनि नारी । सुभग सुलक्षण गुण अधिकारी ॥

जो लहुरी तिनमांरहै मुनिवर । तेहि सुतभयो विभीषणनिश्वर ॥

परम भागवत सोसुत भयऊ । तासु सुयश सब जगमहँछयऊ ॥

दो० मझिली के दुइ सुतभये तिनके सुनिये नाम ।

रावण निशिचर राजभो कुंभकर्ण बलधाम ॥

सो० तेहि रावणको रूप अद्भुतभयो मुनीश सुनु ।

दशशिर परम अनूप बीस बांह विजयी भये ॥

रत्न जटित दशमुकुट विराजत । तेहियतिदेखिभानुद्यतिलाजत ॥

प्रतिशिर शुभग त्रिपुंड्र विराजै । काननमें कुण्डल छवि छाजै ॥



कण्ठस मणि सुद्राक्षक माला । भुजनमध्य अंगद मणिजाला ॥  
 बड़ोवीर आयुध सब धारी । बड़ो भक्त शिवको अधिकारी ॥  
 भक्ति अनन्य तासु उर आई । शिवतजिपरहि न माथनवाई ॥  
 लंका मध्य बसै अभिमानी । शिवतजिनिजपरपरहिनजानी ॥  
 शिवहि सेय सो असबरलयऊ । लोकपाल सबतेहिवश भयऊ ॥  
 इन्द्रहिजीतिलियो मुनिरावन । लग्यो अग्निपकवान बनावन ॥

दो० यमहिं कीन कीतवाल पुर शशिकर छत्रहि दीन ।

मेघा माली बाग के पवन विजन करलीन ॥

सो० इमिहिं सकल सुर तात आज्ञाकारी तेहि भयो ।

वर्णत मति सकुचात तासु विभो अधिकार को ॥

रावण चरित सकल जगजाना । ताते मैं संक्षेप बखाना ॥

अबसुनियेमुनिकथहिसव्यासा । जेहि हित शंभु बसे कैलासा ॥

मनिके रही जेठ तिय जोई । तेहिसम भाग्यवती नहिंकोई ॥

तेहि सुत भो वैश्रव न मुनीना । परम भक्ति शंकर कै कीना ॥

धनपतिताहि शंभु मुनिकीन्हा । अल्कापुरी राज्य तेहि दीन्हा ॥

सप्तम दिग्पति सोम दिशेशा । ताहि कीन करिरूपा महेशा ॥

कछुदिन इमिहि गये मुनिराई । पुनि कुवेरतप रुचिहिवढाई ॥

काशीजाय कीन तपभारी । बहुदिन लगि बिनुभोजनवारी ॥

दो० तीन जन्मकी कृत प्रकटि आय भई एक ठौर ।

तबदृढमन शिवपदलग्योशिवतजिलख्यौनऔर ॥

सो० कह विधि सुनु मतिनाथ शिवपद मन लागब कठिन ।

होय पुण्य एक साथ कइउ जन्म की तब रुचै ॥

सुनहु मुनी हम झूठन कहहीं । वेद धर्म सज जानत अहहीं ॥

जिनको रहत पाप तन घेरे । शिवपदप्रीतिले रुचिरहैफेरे ॥

सहस जन्मलहि ममपद ध्यावै । तब हरिभक्त पदारथ पावै ॥

सहस जन्म हरिको गुणगावै । तब मुनिशंभु भजनतेहिभावै ॥

जे हरि भक्त होहिं निर्दभू । तेसब छांड़िभजहिं पदशंभू ॥

जे हरिभक्त सकल अधिकारी । तेनिन्दहिं अतिशयमदनारी ॥

यह मुनि वेदतत्त्व हम भाषा । तुमसे कछुक गोयनहिंराखा ॥



जो सपनेहुं चिंतै मदनारी । करतल होहिं पदारथचारी ॥

दो० कनक कसे पुरुष बसे पारिख मिलत मुनीश ।

तुमसेहरिहि न अपरप्रिय तूचितथितगौरीश ॥

सो० सुनहु तात अब गाथ कहौ अपर शंकर चरित ।

प्रकटभये विधुमाथ देखि तपस्या धनद की ॥

तब शिव प्रकटि कहा बरमांगो । तातध्यानतजिके तुमजागो ॥

तब कुबेर निज नयन उवारी । देखा पुरहि ठाढ़ मदनारी ॥

पाहि पाहि कहि पाहि उमेश । परचौ लकुटइव भूमिधनेश ॥

नाथ निरीक्षित मैं अब भयऊं । दर्शनपाय कहा नहिं लहेऊं ॥

हरिविधि ध्यानधरत जेहिध्याई । ध्यानहुमें नहिं परतलखाई ॥

जाहि लागि मुनि होत विगगी । सो लहिनाथ औरका मांगी ॥

दर्शनको फल होय सो दीजै । मोहिं अज्ञलखि करुणाकीजै ॥

तब शिव कह्यौ सुनो धनराई । तोरि चतुरता हमलखिपाई ॥

दो० चाहत तुम मम निकटता सोइफल दर्शनकेर ।

सोलीजै फल विहँसि मनतू ठिग बसव कुबेर ॥

सो० गिरि कैलास पवित्र अल्कापुर के निकट है ।

बसि तहँ तोहंकरि मित्र सुखदेखै निजदर्शनफल ॥

असकहि शिवभये अंतर्द्वाना । तबकुबेरनुतितेहिदिशिठाना ॥

करि नुति धनद निजहिं घरआई । परखत रहे शंभु करुणाई ॥

तब शिव मनमहँ कीन विचारा । हरिसों यहै करार हमारा ॥

अवशि बात फुरि चाहौ कीन्हा । जोवरहरिहि कुबेरहिंदीन्हा ॥

जेहितनसों पुरघों विधि आसा । सो तनजाय बसौं कैलासा ॥

लीला तहां बहुत अनुसारो । निजदासन हरिदासनतारौं ॥

असकहि डमरू दीन बजाई । तासु नाद तिहुंपुररहि छाई ॥

डमरूनाद सुना जोइ जोई । शिवबोलावजानासोइसोई ॥

दो० तुरत चले तेहि ओरको सब निज साज सजाय ।

तुरत शंभु ठिग पहुँचिके नुति कीन्ही हर्षाय ॥

सो० सकल सुरा सुर नाग जायभये एक ठौर सब ।

मानि प्रबल निजभाग शिवआवब लखिजक्तमे ॥



हरि पुरते तब गयो रमेश । गरुडचढ़े निजगणलियेवेसा ॥  
 किये बनाव साज सब भारी । शंखादिक सब आयुध धारी ॥  
 भूषण सकल श्याम तनमाहीं । जनुदामिनिदमकतघनमाहीं ॥  
 हमहुं गये सब साज सजाई । हंस चढ़े शोभा अधिकारि ॥  
 लीन्हें सकल वेद मुनि साथ । शंभु दरश करिभये सनाथा ॥  
 गे सुरेश निज साज सजाये । गजपर चढ़े देव संगलाये ॥  
 सनकादिक तहँ गये हुलासे । जिमिसरनिरखिजाहिंगजप्यासे ॥  
 दिगपति सकलगये मुनि तहँवां । उमानाथ शंकर रहैं जहँवां ॥

दो० जब सब सुर एकठेभये तब हम हरि हर्षाय ।

शिव सों कह करजोरि कै दीजै नाथ रजाय ॥

सो० तब शिव कह विहँसात सुनहु रमापति मम वचन ।

मोहिं रुचि उपजी तात करहु बास कैलास में ॥

तब करजोरि कह्यो जगपाता । नाथविचारकीन्ह भलिवाता ॥  
 यहि तन रहहु त्रिसुर के मेले । परब्रह्म शिव रूप अकेले ॥  
 तहौं नाथ दीजै मोहिं यहवर । जिमिनकरैतुम्हरीकहुँ सरवर ॥  
 हमसेवक तुम स्वामि गोसांई । यहै रहै मति सदा अमाई ॥  
 एवमस्तु कहि तब गौरीश । विप्रदान दे उठे मुनीश ॥  
 वृषभ चढ़े शिव कीन पयाना । जय जय शब्द सुरासुर ठाना ॥  
 चले शंभु गण करि सुबनाव । बिस्तर भै तेहि रूप न गावा ॥  
 हरि हम दक्षिण वाम विगजा । पुर पाछे सब देव समाजा ॥

दो० शक्ति लोक शंकर गये उमा सो अर्चा पाय ।

स्कंदपुर में भेटलै हरि पुर गे नियराय ॥

सो० कह मरारि कर जोरि आगे द्वै मैं जातहौं ।

सामा करि एक ठौर पूजन करव तुम्हार प्रभु ॥

अस कहि हरि बैकुण्ठहिं आयै । लक्ष्मी सों सबबात जनाये ॥  
 उठहु रमा जोरहु सब सामा । शिवहिं अर्चि शोभित करुधामा ॥  
 भाग्य धन्य मम धन्य तुम्हारी । जहँ आये करि कृपा पुरारी ॥  
 धन्य भाग्य यहि पुरके बासी । जहँवां चरणधरयो अविनासी ॥  
 अस कहि साज सजावन लागे । फूल बिल्व दल अक्षत मांगे ॥



चंदन धूप दीप फल नाना । विविधमिठाईघृत पकवाना ॥  
करि संचय आगे युत नारी । शिव कहँ लेन चले बनवारी ॥  
करि दण्डवत भेंट धरि आगू । बोले वचन सहित अनुरागू ॥

दो० पावन कीजै मम भवन पगु धरिये विधु माथ ।

असकहि शिव कहँ लै चले कटक सहित मानाथ ॥

सो० निज बेदी लिपवाय तापर सिंहासन धर्यो ।

तापर शिव बैठाथ कीन दण्डवत तिय सहित ॥

पंचामृत स्नान कराई । गन्ध पुष्प दल बिल्व चढ़ाई ॥

धूप दीप नैवेद्य लगाई । अचमन करि ताम्बूल खवाई ॥

पुनि कर जोरि करन नुति लागे । रमा सहित अतिशय अनुरागे ॥

जय जय कृपासिंधु वृष केतू । जयतु नाम भव सागर सेतू ॥

जय जय उमा नाथ त्रिपुरारी । जय महेश सब जगहितकारी ॥

जय जगकारक पारक हारक । जयतु नाम तव भवकधि तारक ॥

जय जग पावन सकल सोहावन । जयति दासको कष्ट नशावन ॥

जय जय ईश अनीश गिरीश । जयति शम्भु जय शिव जगदीश ॥

छं० ॥

नमामीनमामीनमः बिर्षगामी । सदा सच्चिदानन्द त्रय लोक स्वामी ॥

नमामीनमामी नमः गौरिकंतं । सदा दीनपाली दया उरबसंतं ॥

नमामीनमामी नमः मुण्डमाली । सदा भक्तके हेतहौ दुष्टबाली ॥

नमामीनमामीनमः देव केतू । सदानाम तव सिन्धु संसार सेतू ॥

नमः वेद रूपं सदा वेद गीतं । प्रसीद प्रसीद प्रभो सर्व जीतं ॥

अजं अठ्ययं आदि मध्यं न अंतं । प्रसीद प्रसीद सदा प्रीय संतं ॥

सदा सेव्यमानं हरि ब्रह्म शक्रं । त्रिनेत्रं सचंद्रं सदा पंच वक्रं ॥

न जानामि योगं जपन्नैव जामी । प्रभो पाहि मामं महेशं नमामी ॥

दो० सुनि नुति महा प्रसन्न है तब बोले विधु भाल ।

नहिं अदेय तुम कहँ कछू वर मांगो जगपाल ॥

सो० बोले तबहिं रमेश भक्ति देहु अनपावनी ।

माया तोरि महेश मोहिं सतावै नहिं कबौ ।

एवमस्तु कहि तब गौरीश । चढ़ि वृषचले सकल जगईश ॥



हरिहुचले चढ़ि गरुडसवारी । मनमहँ अति हर्षित बनवारी ॥  
 सत्यलोक ममपुर नियराये । हमहूँ बिदा मांगि घर आये ॥  
 अर्चन सामा सकल बटोरी । शिव ठिगगये सतियकरजोरी ॥  
 नजरिगुजारि शिवहिं घरल्याये । अर्चनकरि अतिअस्तुति गाये ॥  
 जै जै शिवानाथ जग नायक । जैतिकृपाल स्वजनसुखदायक ॥  
 जै ममनाथ सनाथ करैया । जैति जैति जन पीर हरैया ॥  
 जैति अनाथन के तुम नाथू । जैति जैति जै जै विधुमाथू ॥

क० सेवक हेत कियो विषपान स्वरूपधरयो निज बंदरकेरो ।  
 पातित गंधहिमानि स्वअर्पदियो कि तबैपद इंदरकेरो ॥  
 काशीसे औरनठौरप्रिया तजिताहिरख्योमनमंदरकेरो ।  
 ओरी चहै तसहीकरुणा शिव बांछितपूरु ममंदरकेरो ॥

दो० सुनि नुति महा प्रसन्न है दियो भक्ति वरदान ।  
 आगे को वृष हांकेहू पहुँच्यो इंद्र मकान ॥  
 इंद्रहु अर्चहु भेंट दे शची सहित हर्षाय ।  
 नतिकीन्ह्यो करजोरिके अस्तुति किहेउ सुनाय ॥

सो० जै जै जै विधु माथ सेवक के सुखदायकह ।  
 कीन्ह्यो हमहिं सनाथ मम पुरमें पगुधारिकै ॥  
 जै जै जै सकलेश सकलद सकलप सकल पर ।  
 कीन्ह्यो हमें सुरेश दीन जानि अपनायकै ॥

सुनि सुरेशकी विनय अर्तोवा । अतिप्रसन्न शिवभे सुखसीवा ॥  
 कहेउ सुरेश मांगु वरदाना । मोहिंप्रसन्नलखिनिजमनमाना ॥  
 मांगेउ भक्ति सुरेश अदंभू । एवमस्तु तब भाषेहु शंभू ॥  
 चले बहुरि गुचि पुरमहँ आये । भेंट समर्चन तहँ प्रभु पाये ॥  
 वहिकीन अति अस्तुतिभारी । जै जै उमा नाथ त्रिपुरारी ॥  
 जै अम्बक जै जै सभैशा । जै सकलद जै जै सर्वेश ॥  
 होयप्रसन्न तेहिको सनमानी । दिहेउ भक्तिवर तेहिमनमानी ॥  
 धर्मराज पुर तहँ ते आई । तहँहूँ भेंट समर्चन पाई ॥

दो० धर्मकीन नति नुति बहुत हाथजोरि शिरनाथ ।  
 जै जै दीनानाथ प्रभु जै जै दीन सहाय ॥



सो० सुनि विनती वृष केरि भये प्रसन्न उमेश बहु ।  
 दीन्ह्यो भक्ति घनेरि पुनि आगे वृष हांकेहू ॥  
 नैऋत पतिपहँ तब शिव आये । तेहिसों भेंट समर्चन पाये ॥  
 सुनि नुतितासु विमलबरदीना । आगे गमन महा प्रभुकीना ॥  
 वरुण पवन सो पूजा लैकै । भये प्रसन्न भक्ति वर दैकै ॥  
 अल्कापुरी जाय नियराने । तब कुबेर द्वै बिदा पराने ॥  
 निजपुर आय जोरि सब सामा । आगे लेनचल्यो युत बामा ॥  
 त्राहित्राहि पुनि त्राहि पुकारी । भूतल करौ तपस्यौ सनारी ॥  
 करिदण्डवत भेंट धरि आगे । प्रभुहिं लेवाय चले अनुरागे ॥  
 हरि हमहूँ कहँ कीन प्रणामा । सबविधि प्रेमप्रचारि सबामा ॥

दो० गृह लैगयो सप्रेम सोँ सिंहासन रचवाय ।

श्वेत पुष्प बिछवाय के तापर शिव बैठाय ॥

सो० दक्षिण हरि बैठाय हम शिव के बायें लसे ।

सामा सकल मँगाय पूजनलाग दिशेश तब ॥

पंचामृत अस्नान कराई । चंदन सहित कपूर चढ़ाई ॥  
 अर्पेउ पुष्प कंज कर वीरा । पाती बिल्व अक्षिदल कीरा ॥  
 धूप दीप नैवेद्य लगाई । दै ताम्बूल सुधंट बजाई ॥  
 आरत हर की आरत साजे । शंख मृदंग महाध्वनि बाजे ॥  
 तब करजोरि बहोरि दिशेशा । करि दण्डवत रिझायमहेशा ॥  
 तब तिय सहित खड़े द्वै आगे । अस्तुति करन प्रेमसोंलागे ॥  
 जय जय उमानाथ त्रिपुरारी । जय महेशनिजजनदुखहारी ॥  
 जय जय सकल लोक अवतंसा । जय रमेश मन मानसहंसा ॥

क० लायकहौ जगनायकहौ सुखदायकहौ वरदा तुमहीहौ ।

भोजनदा जलदा तुमही शिववस्त्रहु सुंदरदा तुमहीहौ ॥

दासनको पतिदा तुमहों अरु दुष्टनको करदा तुमहीहौ ।

ओरीकोतापतिदासुखदादिनसांझसबोफरदातुमहीहौ ॥

दो० सुनि विनती निधिनाथ की भये प्रसन्न महेश ।

वर मांगो जो भावई सो हम देव निधेश ॥

सो० नेहिंमोहिंकछुअवचाह हाथजोरि निधिपतिकह्यो ।



रह्यो शेष अब काह चारि पदारथ मिलन में ॥  
 हरिविधिजिनहिं ध्यानधरिध्यावैं । ध्यानहुंमें नहिं दर्शन पावैं ॥  
 जन्म जन्म मुनितनतप कसहीं । सुतगृहछांडिमहावनवसहीं ॥  
 योगी धरत ध्यान जेहि लागी । भूप राज तजि होहिं विरागी ॥  
 सो सदेह मम भवन विराजा । अबवगलेब कवन ममकाजा ॥  
 करतल भयो पदारथ चारी । यहिसे वस्तु कवनिहै भारी ॥  
 तदपि नाथ वर मांगौं येहू । सो करि कृपानाथ मोहिं देहू ॥  
 माया तोरि बहुत बलवाना । जेहिवशभूलतविधि भगवाना ॥  
 सो न नाथ मोहिकबो सतावैं । भक्तिज्ञानप्रति दिनहिं बढ़ावैं ॥

दो० एवमस्तु शंकर कहा । शिर ऊपर कर फेरि ।

अब तुम मित्र हमारभो माया डर न कुवेर ॥

सो० उद्योतिष मुनिदै मान पूछि मुहूरत शुभधरी ।

विसुकर्महिंसनमानि कहा । शिवालयममरचो ॥

गिरि कैलास सुसुन्दर भारी । तामें बासा रचो हमारी ॥  
 ममगृहसहितशक्ति अरुगणवर । पृथकपृथकसवरचोमुदिततर ॥  
 हरिविधिवास बनावहु सुन्दर । रचहुमुनिनके भवनरुचिरवर ॥  
 सुनि आयसु विसुकर्मा तबहीं । माथ नवायचलो पुनि सबहीं ॥  
 प्रथम बनायो शहर पनाहा । चांदीमें सब काम निबाहा ॥  
 अष्ट पहल तेहि रची स्वहावा । उभय बुर्ज प्रति पहलबनावा ॥  
 चांदी भीत बुर्ज सोने के । विद्रुम जाल रचेहु कोनेके ॥  
 बज्र केवँर लाया फाटक । कारी गरी कीन सब ठाटक ॥

दो० उत्तरदिशि दरवाजकरि तेहि पुर रच्यो बजार ।

जहँ बिन मोल बिकातहै चारु पदारथ चार ॥

सो० पूरबदिशि रचि ताल मणिसोपानविचित्ररचि ।

फूले कँज बहु लाल नील पीत उज्ज्वल हरे ॥

जल पक्षी तहँ भये अनेका । हंसादिक शुभ एकते एका ॥  
 उत्तर दिशि रचि बाग मनोहर । बेल जम्बु मंदार अम्र वर ॥  
 पश्चिमदिशिवनशुभगस्वहावा । कुसुमादिक तहँफूल फुलावा ॥  
 मध्य भवन तहँ रच्यो अनेका । सुन्दर सुखद एकते एका ॥



चटापटी तहँ भूमि बनावा । सेत असेत दृषद तहँ लावा ॥  
बीच बीच मणि लाल पियारी । रच्यो जाल सब मीनाकारी ॥  
मध्य सुभग शिवका गृह सोहै । कच्छा सप्त देखि मन मोहै ॥  
सत महला तहँ बनी अँटारी । छुवत मनो नभ बांह पसारी ॥

दो० दोहरे घर प्रति दिशि रचे तेहि आगे स्वमसार ।

जोड़ी स्वम्भा कनक के बीचम विद्रुम जार ॥

सो० मणिन सों कीन्ह्यो काम जाल बेलि बूटा तहां ।

चमकत आठौ याम उदय मनो कोटिन मिहर ॥

चित्र विचित्र वसन छत लाई । मणि झाड़ैं तहँ बहु लटकाई ॥  
मुकुर आदि तहँ लगे अनेका । रंग रंगके सहित विवेका ॥  
विजन आदि तहँ बहुत सँवारी । जेहिसोंनिकरतत्रिविधबयारी ॥  
चित्र विचित्र पताका केतू । प्रति गृह रच्यो चिन्ह के हेतू ॥  
रचि रसाल पल्लव मणि केरे । बन्दनवार कियो चहुं फेरे ॥  
रचि रेशम डोरी बँधवावा । मनहुं मुक्तिकी फन्दलगावा ॥  
प्रति गृह दीन्ह्यो घंट लगाई । तेहि झनकार अकाश समाई ॥  
घंटा रव अति प्रिय शिवकाहीं । यह मुनीश समझो मनमाहीं ॥

दो० घण्टा नाद पियारि अति शिव कहँ है मुनिनाथ ।

जो जगमाहिं बजावई तेहि शिव करत सनाथ ॥

सो० अपनी मति सम तात कह्यो बननि कैलासकी ।

वेदौमति सकुचात गिरिबनाव नहिंकहिसकहि ॥

मुक्ता झालरि सकल सँवारी । प्रति दरवाज जरी चिकडारी ॥  
प्रतिमा तहां रची बहुतेरी । देव अदेव जीव गण केरी ॥  
निज स्वरूप विसुकर्मा देखा । हमकि सत्ययहकरतसुलेखा ॥  
मणिमय वेदी बीच सुहावा । तहां सर्वतोभद्र बनावा ॥  
सिंहासन तहँ श्वेत बनावा । हीरा खान तहां बहु लावा ॥  
बेलि बनायो अहि मणि केरी । जगमग ज्योति उठतचहुंफेरो ॥  
इमि रचि सुभग शैल कैलासा । आये लौटि शम्भु के पासा ॥  
नाथ शैल रचि हम फिरि आये । अब शासनका होत सुहाये ॥

दो० सुनत उठे शंकर तबै हरि विधि सुर गण साथ ।



जाय देखि रचना सकल भे प्रसन्न विधु माथ ॥

सो० हरिपदजोरिके हाथ सकल सुरनकह मुदितमन ।

करो यतन इमि नाथ जिमि होवै अभिषेकशिव ॥

तब शिवसों कर जोरि रमेश । कीन्ह्यो विनयसुनो सकलेश ॥

सकल सुरन मन इच्छा भारी । नाथ करै अभिषेक तुम्हारी ॥

भरि नयनन देखैं उत्साहा । जन्मसुफलकरि लेवहिं लाहा ॥

तब शिव कहा सुनो बनवारी । जस कछु इच्छा होय तुम्हारी ॥

करहु सोई नहिं बार लगावो । करि उत्सव जगको हुलसावो ॥

अस सुनि सकलदेवमुनि हर्षे । करि उत्साह फूल तिन बर्षे ॥

सकल सुरासुरशिवरति पागे । सामा सकल बटोरन लागे ॥

चौकें चारु सुभग पुरवाई । तीरथ जल सब लीन मँगवाई ॥

दो० नरियर पुंगी दुर्ब दधि कंदयल कंज धतूर ।

गोरोचन केसरि मलय मृगमद अगर कपूर ॥

सो० सप्त धान्य मँगवाय बेलपत्र तुलसी दलहि ।

करि सामा यकठाय तब रमेश शिवसों कह्यो ॥

नाथ उठहु करिये अस्नाना । दीजै हमें नयन फल नाना ॥

यह सुनिउठे सकलजगस्वामी । सकलकह्यो जयजयवृषगामी ॥

चौकी रतन जटित धरि दीन्हो । तेहि ऊपरशिव आसनकीन्हो ॥

करन लगे अस्नान पुरारी । मीजत तन तहँ हमहुमुरारी ॥

इन्द्र लिये कर सुवर्ण झारी । भरि भरि देत सुतीरथ बारी ॥

करि अस्नान बाघ पट धारे । श्वेत भस्म त्रयपुण्ड्र सँवारे ॥

जटा मुकुट अहि मौर बनाये । अहि भूषण सब अंग सजाये ॥

मणि पट सोनस जब नरखेला । तेहिते शंभु न निजतनमेला ॥

दो० भस्म श्वेत धूलित किये मुण्ड माल गल माहिं ।

कंठा गहि रुद्राक्षको विष छबि अधिक सोहाहिं ॥

सो० शूलादिक हथियार अति सोहत दण हाथमें ।

सोहत चंद्र लिलार सजि बैठे सिंहासनै ॥

कनक थार आरती सँवारी । प्रथम रमायुत कीन्ह मुरारी ॥

अर्चन सामा ते करि अर्चा । भवकधितरतकिहे जेहिचर्चा ॥



देव बधू सब नाचन लागी । गंधर्प गावहिं अधिक सुरागी ॥  
बाजक सकल बजावहिं बाजा । जेहिसुनिहर्षित देव समाजा ॥  
ढोल निशान शंख सहनाई । घंटा रव तहँ अधिक सुहाई ॥  
झांझ सितार मृदंग मजीरा । सकल बजावहिं पुलकशरीरा ॥  
सुरासहित हम कोन्हा पूजा । निजसमलख्योभागिनहिंदूजा ॥  
पुनि पूज्यो हर्षित असुरारी । शची समेत प्रीतिकरि भारी ॥

दो० पूज्यो बहुरि दिगीश सब प्रेम सहित युत नारि ।

देवजाति पूजे सकल त्रिय युत प्रेम सम्हारि ॥

सो० सनकादिक तहँ आय पूजा कीन्ही वेद विधि ।

निगमन तन प्रकटाय पूजा भाव बतावहीं ॥

मुनिन आय पूजा तहँ कीन्हा । प्रीतिसहितचितशिवपददीन्हा ॥

दैत्यादिक सब दानव राई । पूजाकीन्ह सहित सेवकाई ॥

शैलादिक धरिधरि निज रूपा । पूजेउ आय चराचर भूपा ॥

सबगिरिमिलि पूजहिंकैलासा । तात वंश तुम कीन प्रकासा ॥

आय सुमेरहु तेहि शिरनाई । गिरि कुलभूषणभयो सुहाई ॥

तुमते अधिक न वेदन गावा । परब्रह्म जेहि भवन बनावा ॥

तब शिवगणपूजेहु शिवकाहीं । लिहे आरती दुहुं करमाहीं ॥

नाच गवनई चहुं दिशि होई । जयजय शब्द कहै सबकोई ॥

दो० जहँ लगारहे मुनीश तहँ पूजेउ सकल महेश ।

वाञ्छित फलसबही लह्यो रह्यो न दुखलवलेश ॥

सो० करि पूजा मनलाय हाथजोरि ठाढ़े भये ।

पृथक पृथक शिरनाय लागे अस्तुतिकरन सब ॥

विष्णुवाच-छन्द ॥

जय शंकर शंभु उमा रमनं । त्रैताप नशावन पाहिजनं ॥

जेहि भूलेहु नाम तुम्हार कहै । तेहिको दुखलेश कबौनरहै ॥

जनदोष विभंजन सुख करं । शिव शंकर शंभु पुरारि हरं ॥

तुवभाव कहां लगि गाय कहौ । अतिसिंधुअगाध न पारलहौ ॥

दिन राति दिनेश गणेश बकै । अरु शारद नारद शेष थकै ॥

गुण अंत न पावत तोर कोई । करुणालहि नीचहु पावसोई ॥



निजदास विलोकि दया करिये । दुखदारिद्र्य दोष सबै हरिये ॥  
भले आय हियां गिरि वासकरे । जयजयति शिवापतिशंभुहरे ॥

विधुर्वाच-सवैया ॥

सिंधु मथ्यो जबहीं सुरदैत्य तबै लखि लीन प्रभुत्व तुम्हारी ।  
विषआंचमेंकोऊ न बांचसक्योतबहीं सबहीं तुमकाहिंपुकारी ॥  
सुनिआरतआय लियो विषखाय तोलीन्होबचाय सुरासुरझारी ।  
नाथअनाथ सनाथकियो भलेआय इहां गिरिमें पगुधारी ॥ १ ॥

सुरेशउचुः--छन्द ॥

जय नाथ अनाथ सनाथ करं । दुख दोष विभंजन तावहरं ॥  
मदनारि पुरारि महेश प्रभो । गुण मंदिर सुंदर नाथ विभो ॥  
नहिंआदि न मध्य न अंतकबौ । नहिंवैर न नेह समान सबौ ॥  
पर भक्त को आदर नाथ सदा । यह गावत वेद पुराण मुदा ॥  
भलेआय इहां गिरि वासकिये । निजदासनको सुखपुंजदिये ॥  
हम हैं अज्ञान कृपा ठनिये । निजदासन मध्यहमें गनिये ॥

वेदाउचुः ॥

जय ईश अनीश अनंत कदा । जय सेवकके सुखदात सदा ॥  
निर्वन्द अखंड अमान हवो । तुवसेवकको नहिं दुःखकवो ॥  
तुमहीं विधिको भवकार करी । तुम्हरे बल पालनहार हरी ॥  
तुमहीं दिहौ राज पुरंदर को । तुम माथधरी शिशु चंदरको ॥  
निज भूषणमें तुम व्याल लई । निजदासनकोमणि मालदई ॥  
तुम आपुहि आपु निशंक भये । निज दासनको चतुरंग दये ॥  
हम तो गुणतोर हमेश बकैं । शतमें एक अंशन गायसकैं ॥  
तुमहीं हमका प्रभु सत्यकरी । अबत्राहिपुकारिकेपाहिपरी ॥

सर्वेउचुः ॥

जयजय जयति जयाके कंता । जयजयजयति जलंधरहंता ॥  
जयजय जयति सर्व हितकारी । जयजय सकलाधीश पुरारी ॥  
बम् बम् बम् बम् बम् वृषकेतू । बम्बम्बम् बम्भवकधिसेतू ॥  
बम् बम् बम् बम् बम् वृषधारी । बम्बम्बम्बम्बम्बम् मदनारी ॥  
नमो नमो विधि रूप सँवारी । सृष्टिकरौ सब जगकी झारी ॥



नमो नमो हरि रूप बनाई । पालौ सकल जक्त सुरसाई ॥

नमो नमो निजरूप सम्हारी । प्रलयकालमहँ बनत सँहारी ॥

नमो नमो धरि सूर्य सरूपा । हरौ सकलजगको तमधूपा ॥

दो० नमोनमोजयजयतिजय बम् बम् बम् त्रिपुरारि ।

दया करो सब दुख हरो ओरी ओर निहारि ॥

सो० नुति सुनि सबकी तात भे प्रसन्न शंकर बहुत ।

बोले अति हर्षात बर मांगो सोइ मन रुचै ॥

सब सुर बोलि उठे हरि आदी । सुनहुसकलपतिशंभुअनादी ॥

यहिते अधिक कवनबड़ लाहा । देखत चरण सहित उत्साहा ॥

जेहिचरणनमुनिध्यान लगावत । ध्यानहुमें नहिं दर्शन पावत ॥

तासु प्रत्यक्ष रूप हम देखै । यहितेअधिक कवन बर लेखै ॥

जाको चरित वेद नित गावै । नेति नेति कहि पार न पावै ॥

ताकी करत प्रत्यक्षहि पूजा । यहितेअधिक कवन बर दूजा ॥

तजत राजनृप जेहि पद लागी । बसि उद्यान होत अनुरागी ॥

तेहि प्रभु संग खेल हम राचहिं । यहितेअधिककवनवरयाचहिं ॥

दो० तदपि नाथ शासन समुझि मांगित यह वरदान ।

देहु भक्ति निज चरणकी कृपा सिंधु भगवान ॥

सो० दूसर यह वरदान देहु नाथ करुणा सहित ।

तव माया बलवान तेहि वश कबहुं न भूलहीं ॥

एवमस्तु तब शंकर कहेऊ । सकलस्वजीवनकोसुखलहेऊ ॥

तब बोले शिवसब सुर राऊ । निजनिज लोकनकोसबजाऊ ॥

जाहु भवनमोहिंसुमिरहु जाई । हमहै तुम्हरे सदा सहाई ॥

चले सकल तब माथ नवाई । शिवशासन निजभवनसिधायी ॥

तबहरिहमैबोलिशिव लीन्हा । चितै कृपा करि आदर दीन्हा ॥

जाहु सुखेन रहहु घर माहीं । सुमिरहु मोहिंसदा मनमाहीं ॥

तुम मम अंग भेद नहिं नेका । करहु काजजग सहितविवेका ॥

माथ नाथ हरि हमहुं सबामा । चले जपत मनमहँ शिवनामा ॥

दो० तब अक्षेश बोलायके बिदा कीन त्रिपुरारि ।

जाय भवन सुखसेरहहु ममरति करहु सम्हारि ॥



सो० तब शिवलीन बोलाय बाजक नाटक गायकन ।

बरजरदीन अघाय कीन अघाची करि विदा ॥

सकल विदाकरि शिव मदनारी । सगण रहे कैलास विहारी ॥  
 कछुदिन शंभु रहे बिननारी । निजस्वरूपकोध्यानसम्हारी ॥  
 गये कछुदिन असमन चीतेउ । प्रगट्योशक्तिनबहुदिनबीतेउ ॥  
 चिंततही शिव के जगमाई । दक्षपुता है प्रकट जनाई ॥  
 सतीनाम तहँ भयो सुहाई । बरी शंभु कछु तप करवाई ॥  
 बहुत विहार कीन शिव संगी । लीला हेतु कीन तनभंगा ॥  
 शिव अपमान दक्ष जब कीन्हा । दक्षजतनलखिसोतजिदीन्हा ॥  
 तब प्रकटी हिमगिरि गृह आई । गौरिनामतहँ अधिकसोहाई ॥

दो० सो अविनाशी तनभयो कछुदिन तपकरवाय ।

शंभुबरी तब गौरिका हर्षित भये बनाय ॥

सो० करत विहार अनेक शक्ति सहित कैलास में ।

पालत जन सविवेक भक्तन को सुखदै रहे ॥

इनि कैलास बसे गौरीशा । सो हमतुमसे कहा मुनीशा ॥  
 शिव कैलास कहत एक बारा । कटतपापसब मिटतबिकारा ॥  
 शिव कैलास कहत दुसराई । कोटि यज्ञ फल सो नरपाई ॥  
 तिसरे कहत जो शिव कैलासा । तेहिकोतेहिगिरिहोतनिवासा ॥  
 मुक्ति होत तेहिके मुनि दासी । यथा फलदहै अभिधा काशी ॥  
 जो यहकथा महा सुखदाई । आपुपढ़हि असुपरहिसुनाई ॥  
 सो इत सुख सुत धनते पैहै । अंतशंभु के भवन सिधै है ॥  
 जो यह कथा सुनी चितलाई । इहांभोगिसुख परगतिपाई ॥

दो० तब नारद विधिसों कह्यो हाथजोरि नय माथ ।

जस कछु करुणा बापकी सुतपर चाही नाथ ॥

सो० तस तुम कीनी तात शिव यश मोहिं सुनायहू ।

तृष्णा पै अधिकात जिमि लोभी धन पायकै ॥

नाथ एक संशय मन मेरे । मिटिहै तात सुकरुणा तेरे ॥  
 जब कुबेर तप कीन बखानी । कह्यो जन्म शुचिकृतप्रकटानी ॥  
 सो कृत नाथ कहौ बिस्तारी । मम रुचिदेखि शंभुपद भारी ॥



जप तप ध्यान योग मख पूजा । कीन्ह्यो यहै कि पर कछुदूजा ॥  
तब विधि दै नारदै बड़ाई । कहन लगे शिव कथा सुहाई ॥  
द्रुपद पुरी यक नग्र मनोहर । यज्ञदत्त तहँ बसत बिप्रवर ॥  
दीक्षितपदवी सबकोउ कहई । नृप दरबार मान बड़ रहई ॥  
धनीभयो नृपसों धन पाई । पंडित बड़ा रहै द्विजराई ॥

दो० अति सुशील तेहि नारि मुनि पतिव्रता सुप्रवीन ।

कालपाय यक सुत लहेउ अतिशय उत्सवकीन ॥

सो० जातिकर्म सब कीन विप्रहि दीन्ह्यो दान बहु ।

याचकको धनदीन गुणनिधि राखेउ नाम तेहि ॥

दो० मूढ़न औ कनछेइनो यज्ञोपवीत बिवाह ।

समयसमयमहँसबभयो तहँतसभयोउच्छाह ॥

सो० गुरु घर सौपेहु ताहि पढ़न हेत विद्या पिता ।

खलतातेहिमनमाहिं बसीभाग्यबश मुनिसुनो ॥

पाय कुसंगति भयो जुआरी । पितुको धनसब दीननिकारी ॥

चोरी करत छलत पर नारी । निजतियसों अति बैरसिहारी ॥

पिता तासु गुण जान न एका । जानत विद्या पढ़त सटेका ॥

जननी तासु सकल गुण जानै । पूछेहु पतिसों नाहिं बखानै ॥

जबहिं तासुबत पूछत द्विजवर । कहतगयो भोजनकरिगुरुघर ॥

एक समय जननी लै ताही । सिखवन लगी यकंते माही ॥

तात तजो यह चाल कुचालू । बायस बनो न बंश मरालू ॥

तू पितु की निन्दा सब करिहैं । पाप भार मोपर बहु धरिहैं ॥

दो० दुहुं कुलमोर कुलीन अति तेहिमहँ लगिहैदाग ।

तात चलहु शुभ चाल तुम कुकरम कीजैत्याग ॥

सो० मूर्खहि होय न ज्ञान चहै विरंचि पाठक बनै ।

फल नहिं बेतमें मान यदपि अमीकी झरिलगै ॥

गुणनिधि मनहिं न एकौभावा । यद्यपि जननी बहुत सिखावा ॥

ईश्वर योग पाय यक दाई । निज मुंदरी देख्यो द्विजराई ॥

पहिरे एक जुवारी जाता । तिहिसोंहंसिपूछेउद्विजबाता ॥

यह मुंदरी कहँ पायो भाई । हमसे सत्यहि देहु बताई ॥



तब वह द्यूतकार हँसि बोला । तेहि वृत्तांत सत्य सब खोला ॥  
 सुनहु विप्र वरणहिं हम चोरा । जुआ खेलि हारयो सुत तोरा ॥  
 केवल यहै न मुंदरी हारी । सकल द्रव्य तवलह्यो जुआरी ॥  
 केवल जुआ न तव सुत खेलत । चोरी करत परस्त्रिहि हेरत ॥

दा० तुमहिं न सुत के गुण बिदित तुव सुत अति खल तात ।

करत दुष्टता रैन दिन पढ़न न कबहूँ जात ॥

सो० द्विज वर भयो अचेत सुनत कथा निज तनय की ।

श्वास मृत्यु की लेत बसन मूँ दिमुख घर गयो ॥

मांगेउ तब मुंदरी द्विज राई । तेहि त्रिय कह्यो सहित चतुराई ॥

करत टहल कतहूँ घर माहीं । राखि दिहेउँ अबहीं सुधि नाहीं ॥

तुमहिं जेवाय जेय मैं लेऊं । तब मुद्रिका काढ़ि कै देऊं ॥

तब कहि दिक्षित वचन भरि श्वासा । अब लगितोर किहेउँ विश्वासा ॥

अबला चरित न अबलगि जानेउँ । वचन तोर सब सत्यहि मानेउँ ॥

सुत वृत्तांत न मोहिं बतायो । पृच्छेहु पर तुम बहुत छिपायो ॥

कवनि खोरि अब देहिं तुम्हारी । ऐसेन इच्छा रहै पुरारी ॥

अब हम कहैं कगो तुम सोई । कुसुत त्याग कीन्है भल होई ॥

दा० सुतहि त्यागु संकल्प करि कुसुत तजे भल होय ।

भोजन हम तबहीं करब देव तिलांजुलि सोय ॥

सो० अस सुनि सप्त बिचार हाथ जोरि चरणन परी ।

करहु क्षमा यहि बार अस न करी सुत अब कबौं ॥

होय चहै सुत बहु अपकारी । कबहुं न दया तजत महतारी ॥

ऐसहि शम्भु सुनहु मुनिराजा । शठ सेवक कर करत नेवाजा ॥

क्षमित भयो द्विज सुनि त्रियवानी । अपर कथा सुनिये मुनि ज्ञानी ॥

दूरि हिते गुणनिधि सुनि पितुरिस । नगर छांडि भाग्यो तब परदिस ॥

सुमिरत मातु दुलार मनहिं मन । भागो चलो जात व्याकुल तन ॥

तेहि दिन मिल्यो अन्न नहिं बारी । बार बार हा मातु पुकारी ॥

सो दिन असित फाल्गुन भूता । बर्त राज शिवराति सुपूता ॥

महा बर्त शिव को अति भावे । भाग्यवंत तेहि महँ मन लावे ॥

सो० ओरी हवै शिवराति महा ब्रत बर्तनमें यह राज रजा है ।



जो कोउ बर्ती करै यहि बर्तको ताको दुहं दिशि वेशमजाहै ॥  
यहां करि भोग ससंपति संतत अंतमें होत स्वदेव ध्वजा है ॥  
जो न करै यहि बर्तको पामर ताको यमालैं में खूब सजा है ॥

दो० वर्णनमें जिमि विप्र वर वेदन में जिमि साम ।

सरितन में गंगा यथा शैवन में श्रीराम ॥

सो० तियमें शैलकुमारि मंत्रनमें पट वर्ण जिमि ।

नारद लेहु विचारि वर्तविषे शिवराति तिमि ॥

अबगुणनिधिकेसुनो हवाला । क्षुधिततृषित अतिभयोबिहाला ॥  
मगमहँ परचोसांझ नियराई । महाथकित पगचलि नहिं जाई ॥  
तहां शिवालय इक रहखाता । शैवलोग तहँ पूजन जाता ॥  
कीन्है बर्त वेद मत सांचा । हिलिमिलि चले जातदशपांचा ॥  
पूजन सामा सकल जुहाये । महा मधुर पकवान बनाये ॥  
सो सुगंध गुणनिधि जबपावा । क्षुधावंत तेहि पाछे धावा ॥  
शिवहि चढ़ाय जाहिं जबसोई । तब सब वस्तु लेब हम गोई ॥  
खाब पेट भरि मधुर अनाजू । बड़ो कलेश लह्यो हम आजू ॥

दो० क्षुधासेऔर कलेश नहिं अन्न से और न दान ।

क्षुधितहिभोजन देत जोइ पुण्य नताहिसमान ॥

सो० लालच बहु मनमाहिं गुणनिधि तेहि पाछेचल्यो ।

बीतेउ यकक्षण नाहिं पहं चिशिवालय ढिगगयो ॥

सकल बर्तीमिलि भीतरपैठे । गुणनिधि आपु दुआरे बैठे ॥  
पूजनकरन लागि सबकोई । गुणनिधि यकटक चितवतसोई ॥  
भाग्यवंत तेहि समनहिंदूजा । करि उपवास लखत शिवपूजा ॥  
द्विपहर पूजा तिनसबकरिकै । सोय गये तन आलस भरिकै ॥  
यदिजागरणचहिय सबयामा । रहे सकलअति गुण बुधि धामा ॥  
तदपि शंभु लीला मुनि राई । सोयगये अति आलस पाई ॥  
गुणनिधि तबहिं सुअवसर पाई । मंदिर भीतर गयो समाई ॥  
झुलमुल बातीतिमिर समाना । देखि न परतसकल पकवाना ॥

दो० निज तन बस्यहि फारिकै बाती बारचो सोय ।

शिव समुझ्यो निज आरती अर्द्ध निशामेहोय ॥



सो० जाग्यो चोरी चेत बिन पायेको ब्रत कियो ।  
 दीपक देखन हेत लालच बश पूजा लख्यो ॥  
 सकल शंभु मान्यो ब्रत भावा । गुणनिधिको तबहीं अपनावा ॥  
 सकल पाप तेहि कीन्ह्यो दूरी । सब विधि भयो धर्म भरिपूरी ॥  
 असको दीनदयाल मुनीशा । और दानी पर जगदीश ॥  
 भजे और जो तजि अस ईशा । पशुसमानतेहि जानु मुनीशा ॥  
 शिवहित्यागि जे औरहि यांची । कबहुं न पेटभरी ते सांची ॥  
 जब गुणनिधि पकवान बटोरी । हर्षित बाहर चलयो बहोरी ॥  
 लग्योचरण यकभक्त चरणमहँ । जागिपरयोसोइचौकितमनमहँ ॥  
 चोर चोर करि कीन पुकारा । पुर रक्षक सुनतहि शरमारा ॥  
 दो० लगतबाण गुणनिधि मार्यो सुनो महामुनिराय ।  
 लखिपापी तेहि जन्मको यमगण पहुंचे आय ॥  
 सो० बांध्यो लोह जँजीर तप्त दंड मारन लग्यो ।  
 अतिशय दीन्हीपीर किहेउ पाप सोइ लेहुफल ॥  
 उहां शंभु अस करुणा ठानी । स्वगणबुलाय कहा मृदुबानी ॥  
 बड़ोब्रती गुणनिधि द्विजवारा । यमगणसों दुख सहतअपारा ॥  
 करहु न बेर वेगि तुम जावो । ताहि छुड़ाय निकटममलावो ॥  
 दर्शन देव बर्त फल मानी । नृपति बनाउब दर्शकी कानी ॥  
 शिवगण तुरत तहां चलिगयऊ । यमगणको अतिहटकतभयऊ ॥  
 यहिक्योंकरतदुखित असतापी । नहिंचोन्हत तुमपापिअपापी ॥  
 यमगण कह्यो मष्टकरि रहहू । शिवगणहैं नहिंअनुचितकहहू ॥  
 तजि अधर्म कब कीन्ह्यो धर्मा । नान्हेनसे यह कीन कुकर्मा ॥  
 दो० शिवगण कह्यो रिसायके यहिसम नहिं शिवदास ।  
 किहेउ बर्त शिव राति में जाग्यो सहित हुलास ॥  
 सो० शिव के बैठि समीप पूजन यकटक से लख्यो ।  
 शिव ठिग बारेउ दीप अर्द्धराति निजचैलहति ॥  
 बड़े अयान हवो यम दूता । चीन्हत नहिं तुमपूत अपूता ॥  
 शिव ब्रतकरि फिरि पापकहांहै । शिव पूजक पर ताप कहां है ॥  
 असकहिगुणनिधि लीनछुड़ाई । लौटिगये यमगण खिसिआई ॥



जाय शमन ढिग रोदन ठाना । शिवगण बड़ोकीन अपमाना ॥  
जन्मक पापी लीन छुड़ाई । सकलपाप तेहि दीन मिटाई ॥  
धरिशिवध्यान दीखयमजबहीं । बतकी बर्तलखा सबतबहीं ॥  
निज दासनको शासन दीन्हा । सुनहु अनुगममसुमतिप्रवीना ॥  
करै जो शिव तिथिमें उपवासा । कबहुं न जाहु तासुके पासा ॥

दो० जो पूजा शिव की लखै की पूजै मन लाय ।

अवर पाप कैसेउ करै तेहि मग चलौ बचाय ॥

सो० भस्म त्रिपुण्ड्र ललाट जेहिके देखौ हे अनुग ।

छांडौ तेहिकी बाट चहै पाप केतनौं करै ॥

जेहि गलमें रुद्राक्ष लसाई । तेहिकी गली चलौ बरकाई ॥  
सांझ समय शिव दर्शन करई । तेहि मग कबहुं नतू पगुवाई ॥  
जो शिव मंदिर कबहुं बहारै । तासु ओर तुम नाहिं निहारै ॥  
शिव शिव कहै सोय जब जागै । तेहिकी गली छांड़ि तुमभागै ॥  
लोभ प्रेम रिस छल डर सानी । शिवसों नेह करै जो प्रानी ॥  
करि दण्डवत ताहि बरकायो । भूल्योसे तेहिनिकट न जायो ॥  
इमिनिजगणन शमनसमुझाई । बार बार शिव पद शिरनाई ॥  
जो मम गणत कीन अपराधा । सो क्षमिये करिकृपा अगाधा ॥

दो० अब सुनिये मुनि शिवकृपा गुणनिधि परमैजोय ।

इंद्रसिहायक कछु दिन शिवपुर राख्योसोय ॥

सो० कछु दिन बीते ताहि कीन कलिंगप बाल मुनि ।

करु बिचार मनमाहिं को कृपाल शंकरसरिस ॥

बारै से शिव पद रति गह्यहू । पूर्व जन्मकी सब सुधिरह्यहू ॥  
सकल लेपतजि भस्मलगावत । सकलनामतजिशिवशिवगावत ॥  
भूषणतजत कनक मणि केरे । बरु रुद्राक्ष सजत चहुं फेरे ॥  
बनवायहु शिवके बहु मंदिर । दीपदान तहँ करतअधिकतर ॥  
ग्रामाधीश सकल निज देश । सबन बुलाय सिखायहुवेश ॥  
रचहु शिवालय सब प्रतिग्रामा । दीपदान तहँ करहु ससामा ॥  
जबलगिजियोकियोइमिकामा । मरि पुनि गयो शंभके धामा ॥  
रहिकछु दिवसतहां यहिभांती । भयो आय पुनि मोरपनाती ॥



दो० तहौं शंभु पद प्रीति करि पदवी लई कुबेर ।  
 करै मेरु शिव सेर सम सेरहि करै सुमेर ॥  
 सो० तीन जन्म कृत आनि यकठे भई कुबेर की ।  
 तब शिव रतिप्रकटानि जासुकथा सबहमकहा ॥

बिन जाने ब्रत कियो मुनीशा । ताकोफल यह दियो गिरीशा ॥  
 जो सनेम ब्रत धर्म बढाई । करहि शंभुब्रत मनचितलाई ॥  
 शेष थकत तेहिमहिमा गावत । वेद पुराण पार नहिं पावत ॥  
 शंभु थकत तेहि ब्रत फलदेता । जो शिवराति रहै करि चेता ॥  
 देखहु गुणनिधि पातक खानी । यक शिवरातिरह्योबिनजानी ॥  
 तेहि फल भयो कलिंग नरेशा । तेहिकोअतिलघुमानिमहेशा ॥  
 कीन्ह्यो तुरत सौम दिग्पाला । ताहूको कमलख्यो मभाला ॥  
 तब कीन्ह्यो तेहिको धनराजा । तबहुं नशंभुलख्योकछुकाना ॥

दो० तब निज मित्र बनायके दिहेउ बड़ाई ताहि ।  
 कोअस दीन दयाल मुनि करु बिचारमनमाहि ॥  
 सो० जो नर अस प्रभुत्यागि करत औरमें प्रीतिमुनि ।  
 ताकी बड़ी अभागि गहत रेंड तजि कल्पतरु ॥

अस मुनि कथा महाअघहारी । भे मुनि बारम्बार सुखारी ॥  
 पिता चरण में दोउ कर जोरी । कीन प्रणाम बहोरि बहोरी ॥  
 भयों कृतारथ मैं अबताता । तुम्हरी कृपा भयो अघवाता ॥  
 बिगत पाप निर्मल मैं भयऊ । विष्णु निरादरको अघ गयऊ ॥  
 शिव शतनाम कहौ जगकारी । जेहिजपिहोहुं सकलअघहारी ॥  
 तबविधि कहेउ शंभुशत नामा । सो गहि नारद कीन प्रणामा ॥  
 कहिजयजय शिव बीन बजाई । नारदमुनि निजभवन सिधाई ॥  
 जपत सदा शिवको शतनामा । रहत सदा परिपूरण कामा ॥

दो० तबहिं ऋषिन मिलिसूतसन प्रश्न कियोअकुलाय ।  
 नाथ एक संशयरही सो मन नाहिं अबाय ॥  
 सो० नारद हरिको भक्त परम भागवत ज्ञान घर ।  
 कबहिं भयो आसक्त हरिहि निरादर जबकरी ॥



सूतउचुः ॥

कहेउ सूत सुनिये ऋषि नाना । शिवमायाअतिशय बलवाना ॥  
कठपुतरी सम सुनु मुनि राया । सबहि नचावतिशिवकीमाया ॥  
एक समय नारद मुनि ज्ञानी । हिमगिरिजाय विष्णुतपठानी ॥  
अतिदारुणतप लखितहँमेघवा । कामहिंविघ्न करनकहँपठवा ॥  
काम जाय तहँ कीन उपाया । नेक न लाग्योमुनिपर माया ॥  
तब खिसिआइ लौटिगा मारू । नारद निजमनकीन बिचारू ॥  
मोहिं समऔर न हरितपठाना । लीन्ह्योजीति काम बलवाना ॥  
अहंकार बश भयो मुनीश । हरषितचल्योजहँलसतश्रीश ॥

दो० जाय दण्डवतकीन मुनि हरि उठि आसन दीन ।

अहंकार युत देखि हरि रमा ओर चित कीन ॥

सो० हाथ जोरि जगदीश नारद सों पूछत भयो ।

बहुदिनभये मुनीश दीन्ह्योनहिं निज दरशको ॥

तब नारद अहमित मन लाई । कामजीत सब कथा सुनाई ॥  
यद्यपि प्रथमबर्जि शिव दीन्हा । शंभुअनुग्रह नहिंमुनि चीन्हा ॥  
अहंकार हरि हरको भोजन । तेहिते ताहिबचावत सज्जन ॥  
मद सूदन मदकदन मदारी । तेहिते नाम भयो मदहारी ॥  
तब बोल्यो हँसिकै बनवारी । कवनि बात तुमका यहभारी ॥  
जड़हुसुमिरिमुनिवर तवनामा । जीतत क्रोध लोभ मद कामा ॥  
तबमुनिबोल्योयुत अभिमाना । कृपा तुम्हारिसकल भगवाना ॥  
असकहि हाथजोरिलचिमाथा । विदा भये हरिसों मुनि नाथा ॥

दो० तब हरि कीन बिचारमन अबहिं मदांकुर छोट ।

जमतहिलेउँ उखारिमैं नहिं फिरि होइहै मोट ॥

सो० शिशु तनमें रुज देखि मातु पियावत नींबतेहि ।

अरुजहोबतेहिलेखि शिशु पीड़ाकोनहिं गनति ॥

ऐसहि नारद मोहिं अतिप्यारा । शिव मायाबश ज्ञान बिसारा ॥  
मम प्रणहै सेवक हितकारी । गर्व तासु मैं देउँ निकारी ॥  
शिवहिसुमिरिमन रच्यो उपाई । जेहिमगु चलेजात मुनिराई ॥  
आगे रच्यो एक पुर नीका । जेहिलखिलगतदेवपुर फीका ॥



भूपतितहांशीलनिधि राजत । तेहिसमाजलखिसुरपतिलाजत ॥  
 रमा भई तेहि कन्या जाई । तासुस्वयम्बरसुनि मुनिराई ॥  
 नृपगृह गयेउसोऊमुनि चीन्हा । करिप्रणामशुभआसन दीन्हा ॥  
 चरण धोय जल माथ चढ़ाई । सुता बुलाय प्रणाम कराई ॥

दा० कन्याको कर देखि मुनि लक्षण लख्यो बनाय ।

जो यहि व्याहै तासुवर सकल सम्पदा भाय ॥

सो० अजर अमर सो होय जग पालक घालक दनुज ।

तेहि नहिं जीतै कोय सदा होय त्रयलोक पति ॥

इमिलक्षणलखिअरुतेहिशोभा । नारदमन तेहिपरबहु लोभा ॥  
 अति सुन्दरि बहु रूप सँवारे । रतिलाजति तेहिओर निहारै ॥  
 नारद मनमहँ भयो बिहाला । कवनिप्रकार मिलै यहवाला ॥  
 तिय रीझत बरु रूपहि देखी । हरिको सुन्दर रूप बिशेखी ॥  
 जो हरि देहिं रूप मोहिं मांगे । तौ ममकारज सधहिसुभागे ॥  
 अस कहिसुमिरिचरण हरिकेरे । लागे बिनती करन घनेरे ॥  
 जय जगदोश प्रणत अनुरागी । प्रकटहोहु मम स्वारथ लागी ॥  
 जिमि गज टेर सुनत प्रभु धाई । लीन्ह्यो गजको तुरत छुड़ाई ॥

दा० दीन वचन प्रभु सुनतही पहुँच्यो द्रुपदी पास ।

तिमि यहि बेरिया आयके पूर करो मम आस ॥

सो० लीलाकर घनश्याम तुरतहि प्रकट्यो आय तहँ ।

नारद कीन प्रणाम भे हर्षित हरि देखिकै ॥

कहभगवान सुनहु मुनि राया । कवनकाजलगिमोहिं बुलाया ॥  
 नृप तनया यह सुन्दरि भारी । यहि मैं चाहत होय ममनारी ॥  
 देश देशके नृप सुत आये । तासु स्वयम्बर होत स्वहाये ॥  
 आपन रूप देहु मोहिं स्वामी । मोहिं जानि आपन अनुगामी ॥  
 जिमिमोहिं सुन्दररूप निहारै । फिरि जयमाल न परउरडारै ॥  
 सुनहु मुनीश कहा बनवारी । प्रण हमार सेवक हितकारी ॥  
 हित तुम्हार होइहैजेहिमाहीं । करब सोई तहँ संशय नाहीं ॥  
 रोगी रुचि नहिं बैद सुहाई । देत सोई जेहि मासज जाई ॥

दा० अस कहि अंतर्द्वानिभे मुनिमन हर्ष घनेर ।



निज स्वरूप सब तन कियो आनन बन्दर केर ॥  
 सो० गये तहां हर्षाय जहां स्वयम्बर भूमि मुनि ।  
 राज सभामें जाय बैठे अति उत्सुक हिये ॥  
 मुनिहिं जानिसबकीन प्रणामा । लखानको उ करत बधन श्यामा ॥  
 निकरी कुवँरि लिये जयमाला । निज समखोजत पुरुष विशाला ॥  
 निज स्वरूप हरिसम मुनि देखी । जानत यह मोहिं बरी विशेषी ॥  
 मरकट बदन दीख सोइ नारी । धोखेहु तेहि दिग्गजहिं पगु धारी ॥  
 भूप रूप तहँ गे बनवारी । हरषि रमा जयमाला डारी ॥  
 चले हरषि लै ताहि रमेश । भये निराश सकल भुवनेश ॥  
 नारद विकल भये अधिकारि । मनहु रंक धन चोर उठारि ॥  
 दुइ शिवगण तहँ विप्र स्वरूपा । लखत रहे यह चरित अनूपा ॥  
 दो० प्रथमहुं तिन मुनि देखि कै कूटि करत वहि ठौर ।  
 मुनिहिं मिल्यो हरिरूपबर मुनि तजि बरै न और ॥  
 सो० मुनि हर्षत मन माहिं कूटि न समुझत मोह बश ।  
 अर्थ गूढ़ तेहि माहिं हरि वानर को कहत है ॥  
 विकल देखि मुनिकाहि अथोरे । बोले शिवगण दुइ कर जोरे ॥  
 होहु विकल नहिं अस मुनिराई । बदन विलोकि करो क्षमताई ॥  
 तब मुनि जाय विलोक्यो बारी । लखावदन कपि अति भयकारी ॥  
 फिरि हुबारि देख्यो मुनि जाई । पुरवत यथा रूप निज पाई ॥  
 तब हिं क्रोध कीन्ह्यो मुनि अति ही । हरि पहँ चलयो त्यागि निज गति ही ॥  
 मारहुं देहुं कि शाप अतीवा । भले कराइसि मोरि असीवा ॥  
 अस शिवगणन शाप मुनि दीना । लेहु कूटि फल जस तुम कीना ॥  
 फिरि विप्रहि नहिं हँसौ भुलाई । होहु निशाचर तुम दोउ जाई ॥  
 दो० अस कहि मुनि आगे चले मगहि मिले भगवान ।  
 सोइ नृप तनया साथ में चले जात हर्षान ॥  
 सो० सोइ तनया युत देखि मुनि शीघ्रहि पहुँच्यो तहां ।  
 कीन्ह्यो क्रोध विशेषि क्रोध भये बुधि नहिं रहै ॥  
 मुनिहिं देखि हरिकीन प्रणामा । मुनि नहिं नयो क्रोध को धामा ॥  
 तब हरिकह्यो मुनहु मुनि ताता । चलयो कहां अति शय बिकलाता ॥



तब मुनि कह्यो क्रोध मनलाई । देखि न सम्पति सकहुपराई ॥  
 शंखचूड़ अतिशय तुवदासा । निशिदिनराखत तुम्हरीआसा ॥  
 तेहि त्रियको पतिवर्त छुड़ायो । पूजि महेश ताहि मरवायो ॥  
 कपट जलंधर तियसौ साजा । परतियभोगत तुम्हैं न लाजा ॥  
 चौदह रत्न सिंधु जब दीन्हा । कपटी पारुस तुमतहँकीन्हा ॥  
 जो न हलाहल पीतो शंभू । तब सब देखिपरत तुवदंभू ॥

दो० बुझियत नहिं अस शंभुको तुम्हैं कीन जगदीश ।

गुण अवगुण समुझयो नहीं अवघर दानी ईश ॥

सो० अब है तुमनिजतंत्र शिवहु अदब मानतनहीं ।

पहिरे छलको वस्त्र छलत फिरत संसार को ॥

हमहुं कीन विश्वास तुम्हारा । करि विश्वासघात मोहिंमारा ॥  
 दै निजरूप किहेउ बनचारी । छलकरि लिहेजात ममनारी ॥  
 एक बात भल कीन्ह्यो शंकर । सबपर तुमतुमहूँ परद्विजवर ॥  
 अबलगमित्योनहींकोउद्विजसे । किह्योनीकजोइलाग्योनिजसे ॥  
 आजु दिहेउ बायन घर नीके । लेहु तुरत फल निजकरनीके ॥  
 है शिशुभूप हरयो ममजाया । जगमें जाय धरौ सोइ काया ॥  
 किह्योदुखितमोहिं कारणनारी । नारिविरह वनफिरहु दुखारी ॥  
 कपि आनन तुम मोर बनाई । निज सहाय हितकरहुमिताई ॥

दो० कछु रु क्रोध नहिं कीन हरि शाप शीघ्र धरि लीन ।

निजमाया तब दूरिकरि पुरवत मुनि कहँ कीन ॥

सो० शौनक करौ बिचार शिव माया अतिशय प्रबल ।

परम भक्त बिधि बार सो हरि निन्देउज्ञानतजि ॥

हरेहु जबहिं माया श्रीकंता । नारद चौथा खुल्यो तुरंता ॥  
 मनमहँ शोच न निकरत वाचा । हे विधिस्वप्न किसांचेहुसांचा ॥  
 रमा समेत रमापति देखी । निजकहँ मान्यो मूढ़विशेखी ॥  
 त्राहित्राहिकहि पाहि रमेशा । परयो लकुट इव भूमिक्रपेशा ॥  
 नाथ तोरि माया अति भारी । कवनि चूक मम ज्ञान बिसारी ॥  
 निजजनजानिकरहुप्रभुदाया । मिथ्या शाप होय सुर राया ॥  
 तब हँसिके बोल्यो बनवारी । शिव इच्छानहिं चूक तुम्हारी ॥



शिवमायामुनिअतिहिबलीना । सबुध अबुधकरै अबुध मतीना ॥

दे० नारदओच न करहु मोहिं तुमसम और न प्यार ।

गर्व जानि हम दीन सिख गर्व अहार हमार ॥

सो० सुनि नारद प्रभु बैन हाथ जोरि सकुचत हिये ।

बोल्थो जलमगरनैन नाथ पाप मम किमि कटै ॥

बहु दुर्वचन कह्यो प्रभु तोही । है उद्धार कवनि विधि मोही ॥

कह हरि सुनु नारद विज्ञानी । आसतोष शंकर बरदानी ॥

शिव शतनाम जपहुमुनिजाई । और सुनहु शिवकथा सुहाई ॥

मुनिवर तुरत होय विश्रामा । महा घोर अघहर शिव नामा ॥

पर निन्दज अघसुनु मुनिराई । मोहिं जपिमहापाप कटिजाई ॥

ममनिंदजअघ सुनु मुनिराया । शिवजपिजाय न और उपाया ॥

परशिव निंदजसुनु मुनिराई । कटत नहीं करि कोटि उपाई ॥

जिमिपथरीहिय अनलकवासा । जलहुमें बोरे तजत न पासा ॥

दे० तिमिशिवनिंदज पापमुनि दिनप्रतिबाढ़त जाय ।

कोटि जन्म लगि नहिं मिटै कीन्हे कोटिउपाय ॥

सो० शिव अस द्विजकर द्रोह कुंभज पुण्य समुद्रको ।

तुम्हैं कहौं करि छोह बचे रहौ यहिसों सदा ॥

द्विज ममअंग शंभुमम स्वामी । निंदत इन्हैं कुमारग गामी ॥

होय चहहिकैसेहु मम ध्यानी । शत्रु समान तिन्हैं हम जानी ॥

अब तुम जाहु ब्रह्मके धामा । विधिसोंसिखहु शंभु शतनामा ॥

जपहु करत शिवपर जलधारा । तुरत पाप होइहै जरि क्षारा ॥

औरहु जपो जो जगमहँ याको । तुरत पाप सब काटौं ताको ॥

तब नारद हरिपद उर राखी । हरिसों बिदा भये जय भाखी ॥

पितुपहँगे करिपितहि प्रणामा । सीखत भये शंभु शत नामा ॥

लिंग थापि तहँ करतक धारा । जपन लगे तेहिको त्रय बारा ॥

दे० महा पाप जरि क्षारभो नारद भयो अमैल ।

जो न भजै नर शंभको सो बिन शृंग क बैल ॥

सो० शिव पदकरि दृढ़ प्रीति नारद पितुसों हर कथा ।

अपर सुनी जगरीति लोभ लाभ से बढ़त है ॥



सूत उवाच ॥

मोह विवश जिमिभे मुनिराई । सो हमतुमकहँसकलसुनाई ॥

शौनकोवाच ॥

बोल्हो शौनक तब करजोरी । जियहु सूत तुम वर्ण करोरी ॥  
 महापाप नाशिनि यह गाथा । कीन्ह्यो हमै सुनाय सनाथा ॥  
 हरि हर की प्रभुता सुखदाई । हमै सुनायहु करि करुणाई ॥  
 अब मुनि कहौ शंभु शतनामा । जेहि सुनि नष्ट पापकोधामा ॥  
 जो हरि द्रोहज अधको खोई । नाथ कृपा करि भाषहु सोई ॥  
 तबहिं सूतकरि हरिहरध्याना । शंभु नाम शत उरमे आना ॥  
 सामवेद को है सोइ सारा । मुक्ति भुक्ति को है सोइ द्वारा ॥

दो० गणपति अरु शिव शाम्भ के षटमुख हरि विधिपाद ।

सकल सुमिरि शिवनाम शत वर्णहुं मिटै बिषाद ॥

सो० शिव शिव लोकमें वास निर्गुण से सर्गुण भये ।

पुनिकैलास निवास शिवविधि भृकुटिजरूपधरि ॥

तेहि अवतार नाम शतकहहूँ । जेहिजपिदुहुंदिशिआनँदलहहूँ ॥  
 सद्योजात भयो सुख दयऊ । वामदेव तत पुरुष भयऊ ॥  
 पुनि अघोर ईशान कहावा । पंच ब्रह्म इमि जग हर्षावा ॥  
 भयो अष्टमूरति तव स्वामी । शर्व नाम पृथ्वी थल गामी ॥  
 भव जल रुद्र अग्नि में वासा । उग्र पवन भीमष परकासा ॥  
 पशुपति भयो क्षेत्र के वासी । ईशानहु तब सूर्य निवासी ॥  
 महादेव शशिधर में वासा । यहि प्रकार वसुमूर्ति प्रकासा ॥  
 शंभु चरित अब आगे कहहूँ । जेहिप्रकार शिव करुणा लहहूँ ॥

दो० धरि अर्धंगी रूप प्रभु ब्रह्म कीन निहाल ।

ओरी पुनि वर्णनकरो जिमिप्रकटेउशशिभाल ॥

सो० महाबीज ये नाम सुनहु ऋषीश्वर चित्त दै ।

सबके करहुं प्रणाम भयो नाम अवतारप्रति ॥

वसुकर रूप पृथक द्वापर मह । तिनकेनाम सविस्तर हमकह ॥  
 व्यासहितद है मत फैलावा । लीला आपनि सबहिं देखावा ॥  
 सेत सुतार दसन पुनि भयऊ । चौथसहोतर बहुसुख दयऊ ॥



कांक नाम लोकाक्ष कहावा । जैगीषठ्य योग निष्ठावा ॥  
 दधिवाहन असुक्रषभ भृंगतप । अत्रि बाल गौतम चौदह जप ॥  
 वेदसिरह गोकर्ण कहायो । गुहवासी है जग हर्षायो ॥  
 भयोशिवशडी असुजडिमाली । अट्टहास दारुक जगपाली ॥  
 लांगलीय महकाय कहायो । शूली मुण्डीश्वर है धायो ॥

दो० भयो सहिषणू सोमशर्म लकुलीतन त्रिपुरारि ।

ये अट्टाडस रूपधरि ओरिहि लियो उबारि ॥

सो० अष्टाविंशत रूप प्रति द्वापर ये शंभु के ।

लीला करत अनूप व्यास कृत्य फैलाय जग ॥

नन्देश्वर भैरव वर रूपा । वीरभद्र पुनि भे सुर भूपा ॥  
 सर्वेश्वर यक्षेश्वर भयऊ । पुनिदश विधिरूपहि प्रभुलयऊ ॥  
 तिनके नाम सुनो युतशक्ती । सुत धन बढ़े किहे जेहि भक्ती ॥  
 महाकाल शिव भो जगपाली । तेहिकी शक्ति भई महकाली ॥  
 तार रूप शिव भो निर्वाणी । तारा नाम भयो शिवरानी ॥  
 भो भुवनेश बाल शिव ताता । भुवनेशी बाला जगमाता ॥  
 श्री विद्देश शिवशङ्कर रूपा । श्री विद्या जग मातु अनूपा ॥  
 भैरव स्वामि भैरवी स्वामिनि । पंचमरूपभयो इमि नामिनि ॥

दो० छिनमस्तक छिनमस्तका रूप शिवा शिव लीन ।

धूमावत धूमावती ओरी को सुख दीन ॥

सो० मातंगी मातंग बगला मुख बगला मुखी ।

यह दश रूप ससंग कमलशंभु कमलाशिवा ॥

कहौं रुद्र एकादश नामा । जो पूरै सब विधि मम कामा ॥  
 हैकपाल पिंगल भिमतीसर । अरु विरूपाक्ष विलोहितसस्तर ॥  
 पुनिअजपादभयोपुनिआश्रम । अहिर्वधन है शंभु हरयो अम ॥  
 भवहै भयो सकल भवरक्षक । हैं गेरहौ प्रभु सब दुख भक्षक ॥  
 पुनि दुर्वासा हैं जगपाली । बालरूप गृह पश्य सुचाली ॥  
 है वृषेश हरिको दुख नासा । पिप्पलाः पीपर तर वासा ॥  
 है महेशद्विजकुलहिनिहाला । पुनि अब्धूत इन्द्र को पाला ॥  
 हनुमत रूप रामहित भयऊ । वैतनाथ है लोला ठयऊ ॥



दो० भयो द्विजेश यतीश प्रभु हंस रूप त्रिपुरारि ।  
असीरूप हियँतक भयो ओरी को हितकारि ॥

सो० इमिहि सूत महाराज जिमिजिमि वर्णत नाम सब ।  
पुलकत ऋषै समाज सुनि अभिधा शिव शंभु के ॥  
भयो कृष्ण दर्शन अभिधाना । भिक्षुनाथ पुनि भे भगवाना ॥  
इन्द्रेश्वर पुनि रूप धरायो । फेरि जटोलेश्वर कहवायो ॥  
नृतकेश्वर साधू द्विजनामा । भयो फेरि प्रभु अश्वस्थामा ॥  
भयो किरातेश्वर पुनि स्वामी । ज्योति रूप द्वादश भे नामी ॥  
सोमनाथ अरु मलिकाअर्जुन । महाकाल परमेश प्रणव पुन ॥  
भयो केदार भयं वर्येश । पुनः भीमशंकर विश्वेश ॥  
अम्बक वैद्यनाथ नागेश । रामेश्वर घुस्मेश्वर येश ॥  
ये बारह ज्योतिलिंग नामी । देत जनहिं अभिमतफलस्वामी ॥

दो० इमि जो गावै नाम शत शत अवतारन केर ।  
पावै फल अभिमत तुरत ओरी प्रमुद घनेर ॥

सो० शिवपर ढारै जोय यह पढ़ि धारा नीर की ।  
पूरण सब विधि होय तासु मनोरथ तुरतही ॥  
सुनत ऋषिन सबभयोअनन्दा । कहेउ सूतको धनि सुखकंदा ॥  
सब ऋषि यह शतनाम सहेता । निज उर राखेउ यतनसमेता ॥  
भये सुखित यहिसर्वसलखिकै । लगे पियाससुधाजिमिचखिकै ॥  
पदवी विप्रमिल्योजिमिशुद्रहि । कनकढेर जिमिलह्योदरिद्रहि ॥  
करतऋषिनशतनामकीजापहि । मानहु देत चुनौटी पापहि ॥  
करिहि जोनरशतनामहिजापा । ताहि विलोकि भगीअतिपापा ॥  
जो नहिं यहिपर करीसनेहा । जानहु ताहि पाप को गेहा ॥  
जापर हरिहर होयँ सहार्ई । ताको यह शतनाम सुहार्ई ॥

दो० सुनि सोहाय शत नाम जेहि बड़ो भाग्यकर पूर ।  
जेहि नहिं प्रिय शिव जक्तसे तेहिसम और न कूर ॥

सो० शिव सम और न देव भुक्ति मुक्ति दायक महा ।  
जो न करै शिव सेव तेहिते श्वान शृगाल भल ॥  
शिव भक्तनसों बिनवत ओरी । माथ नवाय दुहुँ करजोरी ॥



सेवक जानि करहु कसणार्ई । लखि कुकाठ्यनहिं हँसौरिसाई ॥  
 यदपि भणितममअतिहि भदेशा । तदपि अर्थ तेहि सुयशमहेशा ॥  
 भलसँग नीचहु पाव बढाई । जिमि मिसिरीसँग बांसबिकाई ॥  
 काठ्यभाव नहिं जानहुं एकू । नहिं कछु विद्या विरतविवेकू ॥  
 लहिपर पुस्तक कीबर आसा । कहेउं जिमिहिं शिवगेकैलासा ॥  
 तुलसीदास रामयश गावा । महानन्द शिव सुयशबनावा ॥  
 ताकी आशय कछु निज उरगुनि । दंतकथा कछु संतसभासुनि ॥

दो० लहि कछु शारदकी कृपा कहेउं शंभु यश गाइ ।

जो नर आदर सों पहुँ तापर शंभु सहाय ॥

सो० जो सुनिहै चितलाय परहिं सुनावहि प्रीतिसों ।

यहिजग सुतवितपाय अंतलहै शिवलोकसोइ ॥

दो० कलिमें तुलसीदास सम भयो न दूजो संत ।

संत शिरोमणि ज्ञानधर कवितन मांझ अनन्त ॥

ज्ञाता वेद पुराण को राम उपासक सोय ।

रामायण भाषाकियो सकल बुद्धि प्रकटोय ॥

रामहिं सर्वोपरि कह्यो इष्ट पक्ष दर्शाय ।

तद्यपि शंकरभावको भाष्यो अवसर पाय ॥

वेद तत्त्व छांड्यो नहीं कतहुं गुप्त कहुं खोलि ।

इष्ट पक्षको प्रबल करि और कह्यो सब गोलि ॥

गोलमें अर्थ अमोल है समुझि परत सबभाव ।

ताहि मूढ़ समुझत नहीं झूठहिं करहिं चवाव ॥

ताकी आशयपाय मै शिव यश कीन बखान ।

मूसख चेतन होनहित ताको देत प्रमान ॥

अथमुक्तदभाव ॥

आरण्यकाण्ड श्रीरामचन्द्रोवाच ॥

दो० मायाईश न आपुकह जानिकहै सो जीव ।

बन्ध मोक्षप्रद सर्वपर माया प्रेरक शीव ॥

विनयपत्रिका ॥

कोटि यतन करि जो गति हरिसों मुनि मांगत सकुचाहीं ।



वेद विदित सोइगति पुरारि पुर कीट पतंग समाहीं ॥  
ईशउदार उमापति परिहरि अन्त जो यांचन जाहीं ।  
तुलसीदास ते मूढ़ सांगने कबहुं न पेट अघाहीं ॥ २ ॥

अथफलदभाव दोहावली ॥

दो० तुलसी रेखा कर्मकी मेटि सकैं नहिं राम ।  
मेटैं तो अचरज नहीं समुझि कीनहै काम ॥

बालकाण्ड ॥

करहुजाय तप शैल कुमारी । भाची मेटिसकैं, त्रिपुरारी ॥

अथस्वामीसेवकभाव बालकाण्ड ॥

सब सुर विष्णु विरंचि समेता । गये जहां शिव कृपानिकेता ॥  
पृथक पृथक तिनकीन प्रशंसा । भये प्रसन्न चन्द्र अवतंसा ॥  
बोले कृपासिंधु वृषकेतू । कहौ अमर आयो केहिहेतू ॥  
कहहरि तुम प्रभु अंतर्धामी । तदपिभक्तिवशबिनबोस्वामी ॥

दो० सकल सुरनके हृदयअस शंकर परम उच्छाह ।

निज नैनन देखाचहैं नाथ तुम्हार बिवाह ॥

अथईश्वरभाव ॥

अयोध्याकाण्ड ॥

श्रीरामचंद्र ॥

तातसमुझि अस तजौ गलानी । ईश अधीन जीवगति जानी ॥  
सत्यकहौं दे शंकर साखी । भरत भूमि रहै राउर राखी ॥

राजादशरथ ॥

दो० तुमप्रेरक सबके हृदय सोमति रामहिं देहु ।  
बचन मोरतजि रहहिंघर परिहरि शीलसनेहु ॥

रानीकौशल्या ॥

दो० वेगि पांव धारिय थलहि कह सनेह सतिभाय ।  
हमरे तो अब ईशगति की मिथिलेश सहाय ॥

रानी सुनयना ॥

सेवक राउ कर्म मन बानी । सदा सहाय महेश भवानी ॥

श्रीलक्ष्मण ॥

जो सहाय करैं शंकर आई । तदपिहतौ रण रामदुहाई ॥



अथदृष्टभाव ॥

बालकाण्ड ॥

श्रीविष्णु ॥

जपहु जाय शंकर शतनामा । मुनिवर तुरतहोय विश्रामा ॥

लंकाकाण्ड ॥

श्रीराम ॥

करिहौं इहां शम्भु अस्थपना । मोरे हृदय परम कल्पना ॥

अथलक्षणभाव ॥

बालकाण्ड ॥

बिन छल विश्वनाथ पदनेहू । राम भक्तकर लक्षण येहू ॥

अथशापभाव ॥

शिवसे द्रोह भक्ति चह मोरी । सो नर मूढ़ तासु मतिथोरी ॥

शिवद्रोही ममदास कहावै । सो नर मोहिं सपनेहुनहिं पावै ॥

इतिप्रमाणः ॥

दो० प्रवर वैष्णवकी भनित याको लेहु विचारि ।

अपर एकदृष्टान्तको देखहु नयन पसारि ॥ १ ॥

हरि थापित शिवलिंगको जगमें लखत अनेक ।

शिवअस्थापितरूपहरिनजरिपरतनहिं एक ॥ २ ॥

मूसख चैतन होनहित असकछु कीन्ह्यो भेद ॥

हरि हरमें कछु भेद नहिं एकहि गावत वेद ॥

इतिश्रीशिवचरित्रेशिवकैलासागमन

सम्पूर्णम् शुभमस्तु ॥





श्रीगणेशायनमः

## काशिका आगमन ॥

—000—

ढोहा

गौरीपतिको ध्यान करि उमा चरण शिर नाथ ।  
जाकी कृपा कटाक्षसे सुभगग्रन्थ बनि जाय ॥  
गौरी पति से जोरि कर मांगहुं उमहिं मनाय ।  
जोकछु भाषौं प्रेमसे सो सबफुरि ह्वै जाय ॥

सो० गजमुखके परि पांय करत जोसिद्धि प्रसिद्धही ।  
बिनती मोरि बनाय शिवयश ममउरमें धरै ॥  
बन्दि षडानन पांय कृतमुख पद बन्दन करौं ।  
करहिंसुमोरिसहाय शिवयश मोहिंबतावहौं ॥

विधि हरि सुरा रमाके पांऊ । सहित प्रेम बन्दौं सति भाऊ ॥  
जासु कृपा बिन लहे कदाई । मिलतिनशम्भुभक्ति अधिकारै ॥  
सीता राम बन्दि शिर नाऊं । जासु कृपा शंकर यश गाऊं ॥  
बन्दौं पुनिहुं कृष्ण अरु राधा । जासुनामजपि रहत न बाधा ॥  
पुनि पुनि परशुराम पद बंदी । जो शिव भक्ति करी निद्वंदी ॥  
पुनि दधीच दुर्वासा गौतम । बंदौं तिन्है मानि हरिहरसम ॥  
वीरभद्र भैरव हनुमाना । नंदी क्षेत्रपाल बलवाना ॥  
बन्दि तिन्है मांगौं कर जोरी । शिवयश ममउर देहिं बटोरी ॥

छं० जो देवि है मम भवन भीतर नीम तरकी नामिका ।  
तेहि बन्दि बारम्बार प्रणऊं पांय परि बसु यामिका ॥  
सो करति रक्षा सुतन धनकी हवै दुर्जन घालिका ।  
जयमातुजगकीपालिका जयकालिका शशिभालिका ॥  
जय मेरुजा हिमवान तनया जयति दुर्गा नामिनी ।



जेहि अंशजा बहुदेवि होही रमा अरु विधि भामिनी ॥  
जोइकरतिरक्षामोरिनिशिदिन हवैसोइममस्वामिनी ।  
जय अन्नपूर्णेश्वरी देवी जयतिजय शिव कामिनी ॥

दो० गुरुहिंबन्दिअति प्रेमसों बंदौनिजपितु मात ।  
जासु कृपालहि शंभु यश गाऊं अति हर्षात ॥  
नर्वदादि तीरथ जिते जोहैं पुण्य प्रकास ।  
गंगा यमुना आदि दे बंदौ सहित हुलास ॥  
सो० विघ्ननिवारण हेतुरविशशिकुज बुधगुरुभृगुहि ।  
रविजराहु अरु केतुबंदहु सबहि प्रणामकरि ॥  
बंदि शारदा मात हाथ जोरि विनती करौं ।  
करहिं कृपाबिहँसात शिव यश मम उरमें धरें ॥

बंदि शिवा शिव चरण बहोरी । कहौंकथा शिवसबहिंनिहोरी ॥  
प्रथम कथा भाषेउँ सुखदाई । जिमि कैलास बसेशिव साई ॥  
तासु नाम कैलासागमन । संकल शोचहरअरु दुखदमन ॥  
तब रुचि भई कथा पर पूरी । लाभ से लोभ होयजिमि भूरी ॥  
जिमिहिं काशिका भूपर आई । सोइकथा पर रुचि अधिकआई ॥  
पुनिनिजभनितहि समुझिभदेशू । वरणजाति लखिभयोअदेशू ॥  
कैथहि वरण शूद्रसब कहही । तासुभनित द्विज कैसेगहही ॥  
जासु वचन द्विजनहिं आदरही । तासुप्रमाण संतकिमि करही ॥

दो० बैठेउँ याही शोचमें लिखनी औंठ लगाय ।  
तबहिं शारदा करिकृपा ममउर बैठेउ आय ॥  
कह्योवत्स जनि शोचकर वृथा शोचहै तोर ।  
शिवयश भाषैजोइ नर होय सकलशिरमौर ॥  
सो० सुनीसहित अनुराग हरिहर यशभाषि कोई ।  
जाय निहोरयो काग देखोगरुड विहंग पति ॥  
इवपचभनित यशईश बुद्धिमान सादरगहहिं ।  
धरतसकल सुरशीश यमनबागकोफूलजिमि ॥

सुयश महात्म इमिमत मेरो । अब संशय तव करत निवेरो ॥  
कायथ होय वरण नहिं शुद्रा । कहैशूद्र तेहि मति है शुद्रा ॥



मुखसों विप्र रची जब धाता । भुजसों भूप वैश्य उस जाता ॥  
पदसों शूद्र करी हित मानी । चारिउ वर्ण कहतइमि ज्ञानी ॥  
तब शिरसों कायस्थ बनाई । चितमें गुप्त राखि प्रकटाई ॥  
कोशमें देखु नामका शिरको । यस्थक्रिया है ता इस्थिरको ॥  
यदपि शीघ्र सब ऊपर भावा । तदपिमुख्य मुखहीको गावा ॥  
तेहि कारण द्विजको बड़मानो । ईश्वररूप विप्र पहिचानो ॥

दो० यदपिविप्र अरु भुजज सब ज्ञानीहैं अति तात ।

लिखब पढ़ब कायथकरम तदपिवनायो धात ॥

देखो बसुबसु सहस्रऋषि नीमपार बनमाहिं ।

कथा सुनत श्रीसूतसन सो कायथसुत आहिं ॥

सो० भाषेउ जिते पुरान व्यास महा मुनि विप्र वर ।

ता मुखकेर बयान ऋषिन प्रभ अतिहै विनित ॥

इमि निजमन अनुमानि देखि सरस्वतिकी कृपा ।

शंकर करुणा जानि मममन अति हर्षान है ॥

हर्ष्यो मन बीद्यो सब शंका । पारस पाय सुखी जिमि रंका ॥

बारम्बार शरदहि ध्याई । शम्भु कथा पर रुचि अधिकाई ॥

ऊंडव ग्राम बासमम ख्याता । जहँ हरि रूप चतुर्भुज पात्ता ॥

ताहि दण्डवतकरि शिर नाई । बरखौ शम्भु चरित सुखदाई ॥

बसततहां द्विजकुल बहुभांती । तिन्हें प्रणाम करौ दिनराती ॥

बंदौ चरण सँवलिया पीतम । जो कुल इष्ट सदाको है मम ॥

सम्बत उनइससै तेंतीसा । भयो अरंभ सुमिरि गौरीशा ॥

आवण मास पक्ष उजियारा । मघा दुइजअरु आदित वारा ॥

दो० तेहिदिनहरिहरपदसुमिरि कीन्ह्योकथाअरम्भु ।

पूरहिं साधगणेश हरि दिनपति गौरी शम्भु ॥

बंदि बहुरि विधि नारिको निज सहायके हेत ।

जोइबतावत शम्भयश करिमम हृदय निकेत ॥

सो० ओरी है मम नाम कायथहौं शिवदीन सुत ।

शिवरति आठौयाम लालचबश पाखण्डयुत ॥

काशी पांय मनाय कहौं काशिका आगमन ।



जहँ सब पाप बिलाय मिलति मुक्ति बिन युक्ति कछु ॥  
नीमषार मिश्रिष बन ख्याता । तप अस्थान महा विलसाता ॥  
सूत व्यासको शिष्य सुजाना । तहँ बसिकरत शम्भुगुणगाना ॥  
तासु प्रभाव जानितर मुनिवर । निज गुरु रह्यो किह्यो तेहि शकर ॥  
याको अर्थ निगम जो भाखा । सकल प्रबंध तासुको राखा ॥  
एक समय मिलि सकल ऋषीणा । जाय सूत ढिग दीन अशीषा ॥  
तुम बड़ शिष्य महामुनि केरे । संशय एक हवै मन मेरे ॥  
सो कुटिहै तुम्हरे निरधारे । परम शैव तुम व्यास दुलारे ॥  
सतयुग रह्यो ब्रह्म अवराधन । त्रेता आय भयो तप साधन ॥

दो० द्वापर में मख बल रह्यो सकल जगत उद्धार ।  
अब डरलगत विशेषिकै सुनिकलियुग पैठार ॥  
कलियुगमें नर आयु लघु काम क्रोध अधिकार ।  
लोभ मोहमें असित सब कैसे होय उबार ॥

सो० होय शास्त्र सब लुप्त विप्र अपढ़ खेती करैं ।  
गुप्त चलहिं सब गुप्त शूद्र पढ़हिं वेदान्तको ॥  
भूप धर्म सब त्यागि विप्र संत मानैं नहीं ।  
आवैं रणते भागि द्विजहि लूटि निजकोश भर ॥

गुरु लघुभाव न कोऊ मानी । जे दुसाधु ते बड़े गुमानी ॥  
भाट सकल द्विजराज कहावैं । द्विजसमता करि पांय पुजावैं ॥  
शूद्र सकल वनिकै बैरागी । विप्रन देहिं अशीष अभागी ॥  
द्विजहु तासु पदमें शिर नावैं । अपनहु जाय तासुको ख्वावैं ॥  
यमनसे नहिं कोऊ करी बरावा । मानि परस्पर बंधुको भावा ॥  
नेक भेद नहिं उरमें मानी । जेहि मानी तेहिलगै देवानी ॥  
कलिमें कल्पित पंथ अनेका । जानि सिद्ध तेहि गहहिं सटेका ॥  
चारिवेद असु आश्रम चारी । स्थागि तासु मत बनहिं अचारी ॥  
तहँ प्रमाण तुलसीमन भावा । उत्तर कांड विषे सो गावा ॥  
कलिमहँ कल्पित करहिं अचारा । वरणि न जाय अनीति अपारा ॥

दो० बनैं अचारी चारि तजि हेत दूध घत खाँड़ ।  
परम धर्म संन्यास तजि जारहिं तन जिमि साँड़ ॥



जगदीश्वर के भजन में कबहूँ करत न चेत ।  
 द्रव्यमान दुंदुत फिरत खान पानके हेत ॥  
 सो० अति प्रचंडतहँ नारि पातिब्रत द्यागहिं सकल ।  
 कुलकी कानिबिसारि पुरुषहु नारी ब्रततजहिं ॥  
 असकलिहोयकराल धर्म सकलविपरीत करि ।  
 तेहिते होतबिहाल नाथकहौउद्धार जिमि ॥

शिव पूजनते सब उद्धार । सो न करन देहै मद मारा ॥  
 अर्चन विष्णु तहां दुख हारी । दंभ लोभ तेहि देय बिगारी ॥  
 सहज उपायकहौ कछु जांची । जो फल देवै सांच असांची ॥  
 असउपाय कछु कहौ बिचारी । भक्ति अभक्तिहोय नहिं न्यारी ॥  
 पापिहु मुक्ति लहै बिन सेवा । होय पार खेये बिन खेवा ॥  
 जिमि न होय अधपुण्य विवेका । सो उपायकहिये करिटेका ॥  
 जेहिउपाय यम कला न व्यापै । नहीं सताय सकै अधतापै ॥  
 जरै पाप होवैं सब क्षारे । सो उपाय कहु व्यासदुलारे ॥

दो० हँस्यो सूत कहिधन्य अति धन्य धन्य कृतरास ।  
 जगहितपूछब अज्ञइव तुम्हैं न कलिकीत्रास ॥  
 सकलविदितहै तुम्हनकहँ हौबुधिविद्या खेत ।  
 अज्ञ बनत संसार हित हमैं बड़ाई देत ॥

सो० संतकचित्तकपास विमलविशदकोमलअतिहि ।  
 स्वापि प्राण नहिं त्रास परस्वारथ के काजमें ॥  
 सुनोमनीष उपाय जो पूछेउ तुम पाप हर ।  
 सोसब देउबताय काशीपतिकी लहि कृपा ॥

काशी पुरी जो है विख्याता । शिव नगरी सेवक सुख दाता ॥  
 तहां मरे बिन जप तप युक्ती । अनधी अधी लहैं सब मुक्ती ॥  
 यमकर तहां न होय प्रकासा । अधी हेत सो हवै मवासा ॥  
 परमरम्य सुन्दरि अतिपावनि । सबप्रकार अधपुंज नशावनि ॥  
 कितनौ पाप करै अधिकारा । काशी गये होत जरि क्षारा ॥  
 कहँ लग कहौ तासु प्रभुताई । कोटिलपन सों गायनजाई ॥  
 शौनक कह्यो सुनौ हो सूता । कह्यो उपायमहाअति पूता ॥



पर एक संशय हरौ हमारी । ब्रह्म सृष्टि अति विस्तर भारी ॥

दो० विधिकीसृष्टिविशालअति सकलकाशिकामाहिं ।

मरणसमय करिकोटिविधि पहुंचिसकैगोनाहिं ॥

यद्यपि कह्यो उपाय यह आश्रमहै सबकाहिं ।

तदपिकठिनसब जगतको पहुंचबकाशीमाहिं ॥

सो० तेहितेकहौउपाय होयमुक्तिबिन अमहिजिमि ।

काशीजाय न जाय पर वासीसे मृतु समय ॥

बोल्पो हंसितबसूत सुनहु महामुनि चित्तदै ।

तजिअधहोवैपूत काशीबसिलखिजपिसुमिरि ॥

चहै दूरि कितनौ नर रहई । तीनिबार शिव काशी कहई ॥

काशी बसे सरिस फल पावै । तेहिदिन मरे शंभु पुर जावै ॥

मंत्राधीश हवै शिव काशी । मुक्ति होत जापककी दासी ॥

अससुनिमगनभये मुनिझारी । देह गेहकी सुरति बिसारी ॥

पुनिहैं शांत ऋषय सुखराशी । बोलि उठे जयजय शिवकाशी ॥

महा हर्ष सोवत जनुजागे । कलिको देन चुनौटी लागे ॥

बारम्बार प्रशंसहिं सूता । धन्य तात तुम भयो सपूता ॥

तुमसमानहितकर कोउनाहीं । तुम्हरे दर्शन सब अधजाहीं ॥

दो० तात कृपाकरि जगतपर भाषेहु सहज उपाय ।

यहिसमऔरउपायनहिं बिन आश्रमगतिदाय ॥

और बात एक पूंछूहुं विनय सहितकरजोरि ।

काशी उत्पति भाषहु सुनि बिनतीप्रभु मोरि ॥

सो० कह्योसूत हर्षाय जब न रह्यो यह जगत कछु ।

शून्यमें रह्योसमाय जिमिहि फूलमें गंधशिव ॥

अगुण अरूप अनीह अलख निरंजनअठ्यअज ।

अभय अमाननिरीह परब्रह्मशिव जगतपति ॥

रह्यो अनाम अनामय भवको । सोइ भवविभव पराभवभवको ॥

एक समयतेहि रुच्यो बिहारा । रूपधरौ अस हृदय बिचारा ॥

धार्योरूप निज इच्छा चारी । भयो सगुण है शून्य बिहारी ॥

रचौथान तब अस मनभावा । तब शरकोशी भूमि बनावा ॥



भयो प्रकाशकोटि रवि भाषी । तेहिते नाम भयो तेहि काशी ॥  
 आनंद बसत सदा तेहिधामा । आनंद गहन भयो तेहि नामा ॥  
 मिलतमुक्तितहँवांविन युक्ती । तेहिते नाम भयो अविमुक्ती ॥  
 पाप पुण्य यक रस परिणामा । तेहिते भयो बनारस नामा ॥

नभ अंतर तेहि थापिकै शंभु बैठि तेहि थान ।  
 सगुणरूप जिमिधारेहू तेहिकर सुनहु बखान ॥  
 पंचवक्र त्रयनेत्र पुनि प्रति मस्तक शशिवार ।  
 भस्मत्रिपुंड्र ललाटप्रति प्रतिशिर सुरसरि धार ॥

सो० मुंडमाल गलमाहिं भूषण मणि युत अहि सकल ।  
 रतन लजत लखि ताहि कोटि सूर्यकी द्युतिलसै ॥  
 यश है शंभु प्रकाश कोटि सूर्य गन्ती कहा ॥  
 रोम रोम प्रति जासु कोटि कोटि रविकी प्रभा ॥

पद्मतल अरुण जलजकी शोभा । पटतर देस होत मनक्षोभा ॥  
 कोटि बाल रवि लाली जेहिमा । छिपतजहांशोभाकजकेहिमा ॥  
 लीला करब समुझि निजमनते । कीन्ह्योशक्तिअलगनिजतनते ॥  
 तासु तेज किमि कहौ बखानी । नहिंदूसरिजेहि उपमाआनी ॥  
 होन पवित्र हेत निज वानी । कछुक रूप तेहिकहौबखानी ॥  
 शिवा उमा वानी शर्वानी । महाकालिका गौरि भवानी ॥  
 उपजहिं जासु अंशते वेशी । शची शारदा रमा महेशी ॥  
 कोटिमिहर द्युति तेहि तनभासै । सोइभवकरै पालिपुतिनाशै ॥

दो० अति सुंदर बेणी गुहे रतन जटित तहँ पान ।  
 अहिपतिनी फणसहित जनु बैठोलै मणिखान ॥  
 सेंदुर सुन्दर मांग में इन्द्र धनुष जनु आहि ।  
 मणि मुक्ता प्रति लटन में तारावलि नभमाहिं ॥

सो० श्रवण वीरताटक ता ऊपर अलकै पड़ी ।  
 जनुदामिनीदमंक रातिसमय शशिकेनिकट ॥  
 सोहत रोरीभाल मृगमद कुंकुम बिन्दु तहँ ।  
 बसततहां शशिवाल गोररूपशशिसमबदन ॥

तीन नेत्र अति सुभग सरोजा । भृकुटी विकटकमानसनोजा ॥



चितवनि चारु भक्त सुखदाई । तासु मध्य अंजन झलकाई ॥  
 शुकनासातहँ नथलटकनियां । सोहतसुभगजडितगजमनियां ॥  
 बेँदी अरुण लिलाट सुहाई । मनहुं उदितकुजशशिनियराई ॥  
 हरतओठ विद्रुमकी लाली । दशनबीज दाड़िम गति घाली ॥  
 हँसी मन्द जनको दुख नाशत । मनहुं चन्द्रढिगदामिनिभाशत ॥  
 गोल कपोल शंख छवि हारी । चिबुकसुहावन जनदुखदारी ॥  
 अलकैं छूटि अरुण ढिग छपटी । नागिनमनहुं मलयगिरिलपटी ॥

दो० कंबुकंठ त्रयरेख शुभ तामे मोतीमाल ।

निकरयो गंगाधारजनु फोरिके गिरवरलाल ॥

गजमणि कंठा पचलरी जुगुनू तवक जँजीर ।

शशितर शृंग सुमेरपर कच पचिआकी भीर ॥

सो० मोहनमाल हमेल तेहितर मणियुत कंचुकी ।

उमगेउ शृंगसुबेल रतनखानि प्रकटायजनु ॥

सुन्दरउदरविशाल नाभि गहिर हृदसम कही ॥

पहिरे सारीलाल पाटम्बर मणि जरकसी ॥

अष्टभुजा अति सुखद सुहावन । भूषण सकलबने मनभावन ॥

अंगद असु भुज बन्द सुहावा । जोशन अंक रतनमन भावा ॥

कंकण बलय पछेलवा सोहत । धन्यजोध्यानसमयइमिजोहत ॥

चूरीहरी जटित मणि मोती । मलयाडारमनहुं अहिपोती ॥

प्रतिभुज सुभगहथार समेतू । दुष्ट दलन जन रक्षा हेतू ॥

चक्र गदा असि चर्म सुपासा । अपर वराभय भिंडकवासा ॥

सुन्दर जानु सुभग केदलीसम । उपमादेत लगै सबकुछकम ॥

चरण अरुण पंकज सम गाई । मुनिमनमधुप रहतजहँछाई ॥

दो० कमलदलन मोती गुही ह्योनखपद विलसात ।

धरत ध्यान जाको तुरत सबकलेश कटिजात ॥

अरुणाई पगतल मनो कोटिन दिनपति वाल ।

ध्यानधरत हिय तमहरत तुरतहिकरतनिहाल ॥

सो० मुनिमन मानस हंस हरिविधिकी जननी शिवा ।

होत सकल अवतंस जाको यकक्षण ध्यानकरि ॥



निजमतिके अनुसार कह्यो कछुक जगजननिभा ।

अहिपति कोटि हजार बकै कल्पभरि नहिं चुकै ॥

करै मसी सब गिरिन बटोरी । सप्त सिंधु महँ देवैं घोरी ॥

लिखनी सुरतरु शाख बनावैं । तासुपत्र कागद ठहरावैं ॥

शारद लिखत रहैं शत कल्या । उमाभावलिखिसकैं न अल्पा ॥

चारु थकैं षट रहैं मुख मोरी । तासु प्रभाव कहै किमि ओरी ॥

जोतमभानु न सकत मिटाई । तहँ खदैत करै का धाई ॥

करन पवित्र हेत निज बानी । कछुकसुमतिसमकह्यो ब्रह्मानी ॥

वरणत इमि जगमातु स्वरूपा । सुनत मगन सबभे ऋषिभूपा ॥

जिवहु सूत कहि सकल पुकारी । अमीसरिस जो कथाउचारी ॥

दो० सूतहु मगन सप्रेम है पुनि चितको ठहराय ।

कहनलगे शिवयशबहुरि शिवाचरण शिरनाय ॥

इमि जब अलख निरीह प्रभु बैठो धारिशरीर ।

बोल्थोप्रभु तब शक्तिसन सुनो उमा मतिधीर ॥

सो० एक पुरुष अस होय लायक सुंदर भक्त वर ।

करै काज सबसोय हम तुम सब लीलालखैं ॥

चिंतत इमिहि महेश लख्यो शक्तिकी ओर तब ।

प्रकटेउ तुरत रमेश शंकर के बामांग से ॥

श्यामशरीर सनीरवदनसम । मरकतमणिलजिकरतरुवमदकम ॥

कनककिरीट रतनयुतशीशा । मानहु कोटि भानु रजनीशा ॥

मुसकीअलक बिकटबंधुवारी । कामकमंद बन्यो जनु तारी ॥

भरुम त्रिपुण्ड्र विराजत माथे । केसरि बिंदु दिहे तेहि साथे ॥

जलज नयन रतनार सुहावा । भौंह कौश जनु मार बनावा ॥

बनी नाक जनु चौंच सुवाकी । तेहितरमोक्ष असितअतिबांकी ॥

ललितप्रवाल अधरलखिमोहै । मोती लरी सरिस रदसोहै ॥

करणश्याममणियुतकुंडलजर । मनहु राहु लोन्ह्यो रविकोधर ॥

दो० कंठ कौस्तुभ मणि लसै अरु कंठा रुद्राक्ष ।

बैजंती मणिमाल शुभ बनमाला कमलाक्ष ॥

चारि भुजा आजानु शुभ तामे युत हथियार ।



पंचजन्य अस चक्र शुभ नन्दक जलज विहार ॥  
 सो० तहँ भूषण झलकात अंगद बलय सुनवरतन ।  
 लोशन कड़ा सोहात मणियुतरविशगिरी प्रभा ॥  
 भूषण लालपियार श्याम श्याम तन महँ लसै ।  
 जनु यमुना की धार कज फूले पियरे अरुण ॥  
 त्रिवलित उदर विशाल सुहाई । तहँ श्रीवत्स महा सुखदाई ॥  
 हृदसम नाभि सोहात अतीवा । जलज फूल तहँ शोभासीवा ॥  
 कटि किंकिणी महा सुखसाजै । तेहि झनकार सुनतदुखभाजै ॥  
 पीतपाट पट सोहत धोती । दुहुं ढिग सुभगलागिनखमोती ॥  
 दुहुं अरुंध पीतपट डारे । पगलग झूलत जासु किनारे ॥  
 अम्बर पीत श्याम तनसोहै । दामिनि बैठि मनो घन मोहै ॥  
 दूसर उपमा कहौ बिचारी । मरकत गिरिपर बाल तमारी ॥  
 तीसर उपमा अस मनभावा । मनहुं कसौटी कनक चढ़ावा ॥

दो० कदली सम ऊरूलसै शोभा बरणि न जाय ।  
 पदपंकज के ध्यान में सब दुख तुरत नशाय ॥  
 छं० पद पदुमतल अतिअरुणशोभित कोटिरवि लालीतहां ।  
 मुनि चित्तको सोइ बित्तसमुझउ रैनदिन बिहरै जहां ॥  
 जेहिध्यानकरिसनकादिनिरखत तासुमहिमाकिमिकहा ।  
 तेहिसुमिरि अस कहिसुयश ओरी लहतहै मंगल महा ॥

दो० यहिविधिप्रकट्योविष्णुजब सुन्दर सुखद अनूप ।  
 हरषे तब शिवशक्ति लखि निजमनभावतरूप ॥  
 सो० तब शिवसोंकरजोरि कहेउ रमा पतिसनति है ।  
 सुनि बिनती प्रभुमोरि कहौ नामअरुकर्ममम ॥  
 दीजै मोहिं निदेश जेहि लगि मोहिं प्रकटायहू ।  
 हरषे बहुत महेश जिमिसुनि पितुबालक वचन ॥  
 पलिहौ विश्व महा हर्षाई । तेहिते नाम विष्णु सुख दाई ।  
 करिहौ तुम्हें जगत को ईशा । तेहिते नाम होय जगदीशा ।  
 पूरणसदाकबहुं च्युत नाहीं । अच्युत नाम होय जगमाहीं ।  
 सुखमहँ मगनरहोनहिं मंदा । तेहिते नाम सच्चिदानंदा ।



हर अंगज तेहिते हरि नामा । यहिते अधिक न पूरण कामा ॥  
मरिहौ दैत्य न लागी बारी । तेहिते नाम तुम्हार मुरारी ॥  
रहिहौ सदा रमितमम चरणा । राम नाम तव यहिते वरणा ॥  
मधुहि मारिहरिहौ उतपाता । माधव नाम होय जगख्याता ॥

दो० यहिविधिकहिशिवनामबहु निगमश्वासपथदीन ।

पंचवरण को मंत्र निज सो दै हर्षित कीन ॥

कह्यो जाय सुत तप करौ तपते अति बलहोय ।

मम चरणनको लायलौ बैठि रहौ छल खोय ॥

सो० तब हरिगे हर्षाय एक ठौर भू शोधि कै ।

तप नित बैठेउ जाय जपन लग्यो सोइमंत्रवर ॥

तब मन कीन बिचार बिना तीर्थ नहिं तप सधै ।

चक्रसों कुण्ड सँवारि किहेउ पूर निज स्वेदसों ॥

ताहि चक्र तीरथ भा नामा । तेहिजलकुवतमिलहिंसबकामा ॥

जो मनकरैसोइ फल पावै । तेहिते तेहि मनकर्णी गावै ॥

संचित पुण्यतहां झलकाई । तेहिते तेहि मनि कर्णी गाई ॥

अपरकहतकोउ असव्योहारा । यक दिन उमा तहां पगु धारा ॥

कर्ण फूल तहँ गयो हेराई । तबते मनिकर्णिका सुहाई ॥

तीरथ देवि विष्णु अनुरागे । तेहितट बैठि करन तपलागे ॥

न्यासादिककरि ध्यानसम्हारत । बारबार शिव नाम उवारत ॥

तीन कोटि अस लाख पचासा । जपत मंत्रनितकरिविश्वासा ॥

छं० धरि ध्यान सरशिर भस्म युत शशिगंगधर सुखकंदही ।

करिहृदय निजहरि मानसरवर हंसबपु शिरचंदही ॥

शिवचरण बारिज मधुपहरि मनचरत छबि मकरंदही ।

कहिजयतिजय सुखभवतशंकर अलखअजनिद्वंदही ॥

दो० यहि विधि तपत रमेश को गयो बहुत दिन बीत ।

संख्या संवत सहस दश भयो न तपमें जीत ॥

क्रोधयो तब अच्युत बहुत तनमें चलयो पसेद ।

सकल भुवन जलसों भरेउ हरितनभयो नखेद ॥

सो० हरि सोयो जल माहिं नारायण तहँ नाम भा ।



रह्यो चेत कछु नाहिं शिवमाया अतिशयप्रबल ॥  
 तब शिवकीन विचार सब्य अंगसे विधि बनय ।  
 दोन्ह्यो जलमें डार नाभि मध्य भगवान के ॥  
 अब शिव चरित सुनोमनलाई । जहँ न ज्ञान मनचितठहराई ॥  
 हरिनाभी अति सुभग सुहाई । मायाकरि तहँ जलजजमाई ॥  
 बाढ़ेउ जलज जहां लग पानी । तेहिपर फूलभयो सुखखानी ॥  
 तेहि मग धात फूल पर आयो । देखि बारि अतिशयघबड़ायो ॥  
 तासुरूप कछु कहौ बखानी । सकल महातम वेद न जानी ॥  
 अरुणवरण सरबदन विराजत । शोभादेखि कोटिरवि लाजत ॥  
 प्रतिशिर कनकमुकुट तहँभाजै । भाल विशाल त्रिपुण्ड्र विराजै ॥  
 कंठ अरुण रुद्राक्षक माला । बिच बिच सुंदर गुहे प्रबाला ॥

दो० चारि भुजा आजानु शुभ भूषण महा प्रकास ।

दंड कमंडल वर अभय लिये वस्तु संन्यास ॥

त्रिवलितउदरविशालअति नाभीगहिरिविशाल ।

मणि मुक्ता जर तारयुत गहे पटाम्बर लाल ॥

सो० चरण अरुण जलजात नखद्युतिशोभाबालगशि ।

ध्यान में चित हर्षांत पूर करत सब कामना ॥

अस जब वर्णनकीन सुनत ऋषिन संशयकियो ।

सूतहि आशिष दीन बोले शौनक द्वै विनित ॥

तात एक शंका मन आई । सो पूछे बिन रहो न जाई ॥

जो विधिरूप कहेउ तुम गाई । पांच बदन तहँ प्रकट दिखाई ॥

सकलकहतविधिकोचतुरानन । कौन प्रकार बोध उर आनन ॥

हँस्योसूतकहि शिवशिवबानी । जगहित अज्ञबन्यो मुनिज्ञानी ॥

लीला सकल शंभु की जानौ । कहौकथा सुनिसब भूमभानौ ॥

जब विधि प्रकटभयो प्रथमाही । पांच बदन तहँ संशय नाही ॥

हरि विधि बाद भयो यकदाई । तहँ विधि गर्वकियो हठलाई ॥

करिमदकह्योशिवहिनिजबालक । जोहरिजनकसदाश्रुतिपालक ॥

दो० जेहि मुखसों विधिनिन्देहू शिव निजबालक जानि ।

सो शिर भैरव रूपधरि काटेउ श्रुति अनुमानि ॥



चतुरानन तब नाम भो रह्यो शेष शिर चारि ।  
 यह सब लीला शंभु की देखो हृदय विचारि ॥  
 सो० लीला हेत महेश करत बिहार अनेक विधि ।  
 कहि न सकत जेहि शेष नेतिनेति भाषैनिगम ॥  
 संशय हर्यो तुम्हार कहि संक्षेपहि यह कथा ।  
 कहव सहित बिस्तार मुनि बहोरि भैरवचरित ॥  
 यहिविधि जब प्रकटउकरतारा । चक्रित द्वै सब ओर निहारा ॥  
 देखेउ और न कछु तजिपानी । बिकलभयो नहिं निकरतबानी ॥  
 को हम कौन मोर पितु माता । मन में शोचत यहै बिधाता ॥  
 तब शिव प्रेरक असमति पाई । कमल नाल जर जहँते आई ॥  
 जनक खोजलागी अब तहँवां । कमल नाल जर द्वैहै जहँवां ॥  
 असबिचार करि सूक्ष्म स्वरूपा । जलज नाल पैठ्यो सुरभूपा ॥  
 दश हजार दिव वर्ष प्रमाना । चलेगयो नहिं लग ठिकाना ॥  
 थकितभयो अति शीतलगाता । द्वै निराश तब लौटेउ धाता ॥

दो० दश हजार दिव वर्षलग ऊपर आयो धात ।  
 लह्यो न निजअस्थानको बिकलभयोअतिगात ॥  
 तब शिवप्रेरक बुद्धिभै अस्तुति कियो सुनार्य ।  
 जो कोउ होवै जनक मम करै सुमोरि सहाय ॥  
 सो० लह्यो तुरत निजथान कमल मध्यप्रकट्यो जहां ।  
 शिवप्रेरक भगवान बारि मध्य जागत भयो ॥  
 विधि सहायके हेत जल ऊपर आवत भयो ।  
 विधिकोदेखि अचेत तेहिठिग पहुंच्यो करिऊरा ॥  
 विधिसों कहेउ न डरपहु ताता । हैं हमतुम्हरोनिशिदिनपाता ॥  
 जपौ मोहिं ममपद चितलावो । बारबार मन को हरषावो ॥  
 तब विधि कह्यो कौन तू हैरे । बारबार मोहिं तात कहैरे ॥  
 मैंहौं तात सकल जग केरा । अज करतार नाम है मेरा ॥  
 पिता पितामह जनक कहाऊं । परम ईश सब जगत बनाऊं ॥  
 भजहु मोहिं मम शरणहि आई । अहंकार सब देहु बहाई ॥  
 तब उर क्रोध कीन बनवारी । नाम भरोस मूढ़ता भारी ॥



पवन नाम पँगुलाकर होई । एकहाथ नहिं सकत उड़ोई ॥

दे० नख हजार सम नालमें भरमेउ अति भटकाय ।

तबकी सुधि कहँवां गई सुमिरेहु मोरि सहाय ॥

सुनि तव बानी दीनता हम प्रकटिन यहिथान ।

अब परेश तुम बनतहौ मम माया बलवान ॥

सो० समुझो मोहिं परेश शरण गहौ तजि मोह मद ।

बोल्हो दपटि प्रजेश हम परेश तुम कौन हो ॥

उतपति है सुततोरि मम नाभी ते हरि कहा ।

व्यापी माया मोरि वेद तत्त्व सब गा बिसरि ॥

कहविधि ज्ञान तोरविपरीता । माया मोरि तोरि बुधि जीता ॥

हम परेश माया मम भारी । जो हठि कीन्ह्यो तुम्हें अनारी ॥

वाक्यबादि जबइमिबहुभयऊ । हैं अभिमान उभय मतिगयऊ ॥

वेद तत्त्वतजि त्यागि उमेशा । निजहीनिज चहबनन परेशा ॥

शिवमाया मुनिअतिबलवाना । जेहिबशहैं हरि विधिहुभुलाना ॥

जहँ असदशा विष्णुविधिकेरी । तहां अपर को सकत निवेरी ॥

तब सब चरित लखात्रिपुरारी । करिमदमोहिंइनदीनबिसारी ॥

बहुपियार मोहिं विधिबनवारी । मायाबश अति होत दुखारी ॥

दे० हर्षाऊं सब गर्भ हरि इन भूम देऊँ छुड़ाय ।

असकहि दोनों मध्यमें निज महँ दीन दिखाय ॥

बारि मध्य ते लिंगवत धदधा गयो अकास ।

सो लखि दोनों चक्रितभे समिटिभये यकपास ॥

सो० बोल्हो तबहिं मुरारि हे विधि यह धौं काह है ।

कहविधि मनहिं विचारि यह प्रकाशहै शंभुको ॥

जो हैं आदि परेश जाको हम तुम भूलिगे ।

तेहि नित आयमहेश हमरो तुम्हरो मद हरयो ॥

जानिपरतशिवअतिरिसकीन्हा । ज्वालारूप क्रोधकरि लीन्हा ॥

तब हरि शोच करन मनलागे । जानियूझि हम प्रभुकहँत्यागे ॥

बड़ अपराध कीन हम भारी । शिव सहाय अब करैहमारी ॥

असकहि ज्वाला ओर निहारा । ज्वाला मध्य लख्यो ओंकारा ॥



शिव स्वरूप ओंकार विशेषी । सोइ हरि ब्रह्म तासुमहँदेखी ॥  
मगन भयो लखि रूप परेशा । बोलिउठ्यो जय जयतिमहेशा ॥  
तेहि लखिहाथजोरिकलचाई । लाग्यो अस्तुति करन बनाई ॥  
पृथक्पृथक् अस्तुति अनुसारी । प्रथमहिं अस्तुतिकीन मुरारी ॥

छं० जयजयअकार अजीतअद्वय आदि अज अविकाशिही ।  
अभिलषितदा अविमुक्तिवासी अठ्यअगमप्रकाशिही ॥  
जय जय उकार उमेश उत्तम उरगधर उत्पति करं ।  
उरवास कर उत्पात हर उद्धार कर उड़पति धरं ॥  
जय जय मकार मनोज हारि महेश मंगल दायकं ।  
मंदार हार मभाल मंदर विहर कर मम नायकं ॥  
जय बिन्दु गगनग शून्य वासी निर्गुणं निरुपद्रवं ।  
निर्द्वन्द्व निर्बपु निगम पाल निरीह अतिकरुणाद्रवं ॥  
जय रेफ परम परेश सब पर परम पावन निर्मलं ।  
परमात्म पूरण कामकर सब दुःखहर जन वत्सलं ॥  
जय वर्णसर ओंकार रूपक कहत हरि गद्गद् गिरा ।  
ममअर्ज सुनि प्रभु रूप धारो दुख निवारो हरहरा ॥

दा० यहिमिसहरिबिनतीकियो तेहिमिसकीन्होधात ।  
सुनिबिनती हरि ब्रह्मकी प्रकट्यो शिव हर्षात ॥  
सो स्वरूप वरणीं कहा वरणि सकैं नहिं शेष ।  
नेति नेति भाषत निगम चुपकरि रहत गणेश ॥

सो० पंचवदन दश हाथ आयुध युत भूषण सहित ।  
शशि त्रिपुण्ड्र प्रतिमाथ जटाबीच सुरसरि लसै ॥  
तीन नेत्र रतनार रविवत शशिवत वह्निवत ।

चितवत भक्त उबार दुष्टहि जारत मारवत ॥

काननमें अहि कुण्डल छाजै । मुण्डमाल गलमाहिं बिराजै ॥  
कंठ गरल अति शोभा धारे । अपर माल रुद्राक्ष सँवारे ॥  
उदर विशाल महा छवि राजै । नाभि गँभीर सुहृदसम आजै ॥  
कटि सुन्दर बाघम्बर धारी । होत मुदितमन ताहिनिहासी ॥  
ऊरु बननि न कदली पावै । गुलुफगोलतहँ अतिमनभावै ॥



पद जलजात भक्त दुख हारी । बड़ भागी जेहि परत निहारी ॥  
मुनि मन मान सरोवर हंसा । ध्यानी होत सकल अवतंसा ॥  
नखअतिसुन्दरइन्दु निहायक । पगतल सुभगभक्त सुखदायक ॥

दो० पगतललाल प्रबाल सम परन कठिनतेहिमान ।

कोमल पल्लव अन्न जिमि औरजलजअनुमान ॥

शिवहिनिरखिहरि विधिदोऊ कीन्होदण्डप्रणाम ।

त्राहि त्राहि आरत हरण पाहि पाहि भर काम ॥

सो० हाथ जोरि लचिमाथ प्रथमहिं अस्तुति हरिकरी ।

जयजय दीना नाथ दीनबन्धु दीनोदरं ॥

निर्गुण सगुण स्वरूप वेद न जानत तव कथा ।

निज मति के अनुरूप हमहुं दिखावत दासता ॥

छं० जयईशगिरीशअनीशहरं । जनतापनिवारण दुःखहरं ॥

जयपंचवदनदिग्मानभुजं । तवभक्तिअनामयजत्करुजं ॥

जयशंकर शंभुउमारमनं । शरणागत पालक वेदभनं ॥

विप्रसोहतकंठमेंजंबुफरं । गंगाजलबुंद समान शिरं ॥

दिशबाममुखं जलजातउमा । कटिमेंहरिचर्मजबालसमा ॥

अतिशयबलवंतअजातुम्हरी । संसारहिबांधतज्योफँसरी ॥

जयमारनशावनलोकपतिं । नहिंआदिनमध्यनअंतगतिं ॥

अबदीनदयालकृपाकरिये । भममोरअजा अपनीहरिये ॥

दो० यहि विधि हरिअस्तुति करी मौनगही शिरनाथ ।

बोल्यो विधि गद्गद गिरा जयजय दीनसहाय ॥

छं० जयतीकृपालजयचन्द्रभाल । जयदुष्टघालजयभक्तपाल ॥

जयजगतकारभुजगेन्द्रहार । संसारसार करुणावतार ॥

करपूरगौर सबदेव मोर । नहिंआदिअंतजयउमाकंत ॥

जयकृपाखानिममअर्जमानि । ममहस्तधारिवनुभर्महारि ॥

दो० सुनि विनती हरि ब्रह्मकी हर्षित भयो परेश ।

मांगु मांगु वर इमिकह्या घन समान अमरेश ॥

सो० बाले विधिहु मुरारि नाथचूक मेढौ प्रथम ।

लीन्ह्यो हमहिं उबारि दरश दिखायो आपनो ॥



मायातव अतिचंड भल भुलाय हमको दर्ई ।

कीन्ह्यो कृपा अखंड दास जानिकै मदहरयो ॥

प्रथमहिं भक्ति देहु सुखदाई । जिमि न बहुरि माया लपटाई ॥

तेहि पाछे फल दर्शन केरा । देहु हमै करि कृपा घनेरा ॥

एवमस्तु तब कह्यो पुरारी । अरु बोल्यो करि करुणा भारी ॥

तुम मम अंगजघात मुरारी । तुमपर होब न हम रिस कारी ॥

मममायाअतिशयबलवाना । तेहि बश भूलेउ विधि भगवाना ॥

सो करिकृपा निवारा आई । अब न तुम्है माया निगराई ॥

ममदर्शनफलअतिसुखदाई । देत दर्शि कहँ निजहि बनाई ॥

सोहरिहोहिं जक्तपरिपालक । सुजन उबारक दुरजन घालक ॥

दो० धात रचै संसार को भद्र अभद्र मिलाय ।

बिना उभय मिश्रित किये लीलानहिं प्रकटाय ॥

हेहरि जो हम तुम्हनको वेददियो अति पंथ ।

सो विधिको अब देहु तुम विधिहूके तुम कंथ ॥

सो० सतो रजोतम जान मम माया कृत तीन गुण ।

होहु सकलगुण खान धारिसतोगुणविष्णुतुम ॥

स्वर्ग अवनि अरु अंत तीनहुंको तुमकरि सको ।

होहु सकलजग कंत सुरन बीच शिरमणिरहौ ॥

हम सिवाय नहिं तुमपर कोई । रहौ सदा निज तंत्रित होई ॥

जो मन रुचै करौ तुम सबहूँ । वेद मार्ग नहिं छांड़ेहु कबहूँ ॥

मम चरणन रति रहै सदाई । करब सदा हम तोरि सहाई ॥

भूल्यो करब न क्रोध पसारा । प्रकटब तुरतहि करब उबारा ॥

देहु सुजन कहँ सकलपदारथ । अर्थ धर्म अरु तीसर स्वारथ ॥

चौथमुक्तिहमनिजबशराखित । तुम्हरे जननदेव अभिलाषित ॥

सुतहि मिष्ठ देवै जो कोई । हर्षित तासु पिता अति होई ॥

इमि जो पूजनकरै तुम्हारी । ताहि देव निर्वाण प्रचारी ॥

दो० अपने जनसम तूजनहि करवै बहुत पियार ।

कल्पित पंथहि छांड़िकै जो मम निन्दाकार ॥

कह्यो विष्णु करजोरिकै जो तवनिन्दाकार ।



सो ममजन किमिहैसकै ममबैरी अधसार ॥

सो० हरिकोदै वरदान विधिसों बोल्यो गौरिपति ।

होहु सृष्टिकी खान धारि रजोगुण गुणसदा ॥

करहुसदा शुभसृष्ट ममचरणन रतिराखिकै ।

हरिहिलखोनिजइष्टसुमिरहुसदासहायहिता ॥

प्रलय समय धरिरूप अनंता । धारि तमोगुण करि जग अंता ॥

निजहिशेषरहि शून्यसमाई । रहब सकल निजमें समिटाई ॥

तब हरिकह्यो दुहूँ करजोरी । यक अभिलाष और है मोरी ॥

तुमहूँ नाथ होहु अवतारी । सगुण रूप होइ लीलाकारी ॥

जिमिहिं तीनगुण बनयो ईशा । तिमि है त्रिसुररहैं जगदीशा ॥

त्रिसुर रहहिं हम सुरनकेमेले । यहि तन रहौ परेश अकेले ॥

एवमस्तु तब शंकर भाखा । हरि अभिलाष पूर सब राखा ॥

विधि भृकुटी से प्रकटब आई । मोहिं तेहिभेद वेद नहिंगाई ॥

दो० तब विधिबोल्यो बातयक हाथ जोरि कलचाय ।

नाथ स्वर्ग आज्ञादिहेउ भद्र अभद्र मिलाय ॥

तब हम स्वर्ग बनावहित निजमनकीन चवाव ।

तब प्रताप उरमांझ मम पैठेहु स्वर्ग बनाव ॥

सो० बहुतक चारि प्रकार उत्तम मध्यम नीच लघु ।

दुइ दुइ केर पसार होवै भद्र अभद्र सब ॥

आधीराति सकार दुपहर संध्या चारिगण ।

तहँ दुइ देखविचार राति दिवस भाषै सकल ॥

चारि बरण मानुष में जानो । इमिहिंचारियुगकोअनुमानो ॥

भद्र अभद्र कहौं अब गाई । सुनहुमहा प्रभु चित्त लगाई ॥

कृष्ण श्वेत जानो दिन राती । सुर अरु असुर देवकी जाती ॥

मणिअसकांच उष्ण अरुशीता । बैरी दुष्ट संत अरु मीता ॥

पाप पुण्य अरु विप्र कसाई । गन्ध कुगन्ध सुगन्ध लसाई ॥

दाता कृपण निश्व धनवन्ता । अगुणी सदा महा गुणवन्ता ॥

बाध सियार सुअरि अरु गाई । काग मराल जलज अरु काई ॥

जियब मरबअरु भूँखअधाबा । सेवकस्वामि शिष्यअरु बाबा ॥



दी० क्रमनाशा तहँ सुरसरी धाम तहां हिमि होय ।  
 पालक बधिक विचारिये साधुअपर ठग सोय ॥  
 मरुत देश अस मालवा बेलबबुर अनुमान ।  
 रक्षक चोर विचारि कै राजा और किसान ॥  
 सो० सतयुग अघसे हीन कलियुग होइहि पूरअघ ।  
 कलिमें नर अतिदीन लघुआयुर रुज युक्तसब ॥  
 विद्या से अतिहीन बातन में पंडित बनै ।  
 परधन लेवै छीन झूठ बकै सोइ अतिचतुर ॥  
 आयुर हीन तपै नहिं कोई । धन विद्याबिन यज्ञ न होई ॥  
 तप जगिबिना न गोचर बसमें । बिनगोचबशमननहिं कसमें ॥  
 बिन मनकसे भजन नहिं होई । बिनतवभजननमुक्तिमिलोई ॥  
 कामक्रोध मदमोह लोभादिक । निशिदिनखड़ेरहैजिमिवादिक ॥  
 विधिवश कबहुं जोतवपद हेरी । बधिकै देहिं तासु रुचि फेरी ॥  
 किमि निस्तारकरै कलि लोगा । हे परेश कहिये सोइ योगा ॥  
 तब हँसि बोले कृपा निधाना । धन्य धन्यविधि परमसुजाना ॥  
 ऐसहि पितहि चही सतकारा । सुतहित करै अनेक विचारा ॥  
 छं० ममबात सुनु विधि शंभुबोल्थो युक्ति अघहर हमकही ।  
 मम भक्ति से नहिं युक्तिपरकछु भुक्ति अस मुक्तदसही ॥  
 मम चरण रति अद्वै करै तेहि देखि अघ कोशन भगै ।  
 ममभक्तको सम चतुरयुग कलिकाल माया नहिं लगे ॥  
 दो० तब बोल्थो विधि दीनहै नाथ कठिन कलिकार ।  
 मन भटकावत बादिबदि क्रोध लोभ मद मार ॥  
 कलिमें तब निंदक बहुत बाना बनै सरिष्ट ।  
 भाषि बहुत निजउक्तिमत ज्ञानिहु करहिं भरिष्ट ॥  
 सो० असकछु करौ परेश बिना योग जप नर तरै ।  
 निंदक तोर महेश सज्ञानिहु यमपुर बसै ॥  
 विधिहि बडाई देत बोल्थो शंकर हर्षि तब ।  
 कलि मानुषकेहेत तुम चाहत कछु वस्तु पर ॥  
 एवमस्तु तब शंकर भाषा । हमपूरव तुम्हरो अभिलाषा ॥



जब हम प्रथम सगुण तनधारा । निज थलहेत भूमि संचारा ॥  
 पंचकोश सर्वोपरि भाषी । ताकर नाम कह्यो हमकाशी ॥  
 जहँ हरि प्रथम कीन तपभारी । चक्रसे कुण्ड बने बनवारी ॥  
 ताको मन्निकर्णिका नामा । मुक्तिखानि असु पुरवत कामा ॥  
 तेहि भीतरनहिं अधकरवासा । अधिन हेत सो हवै मवासा ॥  
 कितनौ पाप करै जगमाही । काशीनिरखि तुरतजरिजाही ॥  
 द्विजहत्या सब पुर पैठारा । काशीनिरखिहोत जरिक्षारा ॥

दो० तहँवां अबमम पुरबन्यो योजन भूप हजार ।

ताकी छवि अनुपमसदा मणिजरमई दिवार ॥

ताके चहुंदिशि नबदा घेरे करत कलोल ।

ममविहार हित बाग बन पक्षी सुंदर बोल ॥

सो० कलिजीवनके हेत पंचकोश सोइ लेव तुम ।

करि करुणा हमदेत लिंगरूप हमहूँ रहब ॥

तव कृतमें करतार भरतखंड पावन महा ।

होइहि जगको सार तासुमध्य थापित कियो ॥

तहँपर नाम होयतेहि कासी । तहां मुक्ति रहै है दासी ॥

अविनाशी सर्वोपरि भासी । मोर रूप तहँवां के वासी ॥

प्रलयकाल ऐहै विधि जबहीं । निज त्रिशूल पर राखबतबहीं ॥

यहिकरनाश न कौनेहु काला । यहमम रूप कह्यो शशिभाला ॥

यहि दर्शत अधजायँ बिलाई । भाग्यहीन नहिं यहि ढिग जाई ॥

सर्व जीव नर कीट पतंगा । मरितहँ पैहैं मुक्ति अभंगा ॥

कितनौ अधीमरै तेहि धरणी । तेहिसमगनौन सुरपति करणी ॥

जोशुचि बारलेय तेहि नामा । परहु देश बसि पुरवहि कामा ॥

दो० लिंगरूप तहँरहब हम नाम विश्वेश्वरनाथ ।

अन्नपूरणा नामहै शक्ति रहै मम साथ ॥

सब सुर यक्यक रूपधरि रहैकरैं ममसेव ।

तुमहरि गणपतिसूर्य शशि इंद्रादिकदिगदेव ॥

सो० मोहिं तेहि लिंग अभेद पूरण गैहैं वेद सब ।

भेद करत लहि खेद निश्चयकरि फलपाइहैं ॥



तहँ बहु करब विहार पुरवासिन सुखदेव बहु ।

मुक्तिदेव अविचार निरघो अघो नन्यायकछु ॥

असकहि लिंगरूप शिव धारा । कोमल श्वेत महा द्युतिकारा ॥

सतयुग श्वेत रहै यह लिंगा । त्रेता अरुण करै दुख भंगा ॥

द्वापर पीत महा द्युति भासी । कलिमें कृष्ण होय अविनासी ॥

पुराण अंशतहां बसि शंकर । थापित कीन अवनि काशीपर ॥

पंचकोश पृथ्वी अलगार्इ । विधिको दीन महा दुर्षार्इ ॥

तब विधि गिरयो चरण सुखकंदा । कहि जय जयति सच्चिदानंदा ॥

कलिनर हेत दीन प्रभुकाशी । चारिहु युगहि भई अधनाशी ॥

हृदय बीच राख्यो जगकारा । जबलग कीन न सृष्टिपसारा ॥

दो० आयसु सिरजनपालदै विधिहरिको शशिमाथ ।

निजप्रभु अंतर्द्वान भो हरिविधि भये सनाथ ॥

तब विधि सृष्टिपसारकरि रच्यो स्वर्ग बहुभांति ।

तत्त्वभूत असुभूमिनभ मनुज देवबहु जाति ॥

सो० जसकछु सृष्टिप्रमान सोबनयो विधिजक्त सब ।

विस्तर सहित बखान सकल पुराणनमें हवै ॥

तेहितेकरि विस्तार नहिं भाष्यो विधिचरितको ।

रच्यो सकल करतार अंडज पिंडज चरअचर ॥

भरतखंड जब बन्यो सुहार्इ । जंबू द्वीप बीच मुनि राई ॥

तासु मध्य विधिथाप्यो काशी । जक्त बीच सर्वेपरि भाशी ॥

हरिविधि आदिदेव सब साथ । पूजन हेत विश्वेश्वर नाथा ॥

आय कीन पूजा तिन भूरी । सकल पाप दुखकीन्ह्यो दूरी ॥

प्रथमहिं अर्चने कीन सुगरी । तेहिपाछे विधिअरु सुरझारी ॥

कोउनाचै कोउ गाल बजावै । दै करतारी शिवहिं रिझावै ॥

धरि धरि रूप बसे सबदेवा । लागे करन उमापति सेवा ॥

देखहु मुनि कलि जीवन हेतू । करुणा कैसि कीन वृषकेतू ॥

दो० कोकपाल शंकर सरिस समुझत नहिं जड़लोग ।

शिवहिं त्यागि परदेव रत करै रवरवा भोग ॥

कल्पवृक्ष तजि रंडको गहै कांच तजि सोन ।



यहिविधि पररत शंभुतजि तेहिसम जड़है कौन ॥  
 सो० सुनिये महा सुजान यहिविधि आयो काशिका ।  
 सो वृष बिना वृषान जो सुनिहोय न शंभुरत ॥  
 जियहु तातसम लाष सुनिबोले मुनि सूतसन ।  
 पूरकिहेउ अभिलाष असो सरिस कथि गाथपह ॥  
 शंका एक और मन माहीं । कह्यो नर्वदा शिवपुर पाहीं ॥  
 एक नर्वदा है जग माहीं । शंभुलिंग जहँ बहु प्रकटाहीं ॥  
 दक्षिण दिशि जेहिकर विस्तारा । पश्चिम बहत जासुकीधारा ॥  
 यहि वहि भेद कहो विस्तारी । वरणि कथा हरिये भूमभारी ॥  
 कह्यो सूत सुनिये सुनिराई । यहिवहि भेद वेद नहिंगाई ॥  
 जो नर्वदा शंभु पुर भूजै । तासु धार यह भूमि विराजै ॥  
 एक धार छांड्यो वृषकेतू । भरयो लिंग तहँ पूजक हेतू ॥  
 है नर्वदा महातम भारी । लिंगरूप जहँ प्रकट पुरारी ॥

क० नर्वदा को नीर लखि सर्वदा पराहिं पाप  
 ताहिकी कटाक्ष को तो गंगा आदि जोहहीं ।  
 कोउ न समर्थ अस तासुको महत कहै  
 और की चलावै कौन विष्णुआदि मोहहीं ॥  
 ओरी अति भाग्य वाकी देखै मज्जै नर्वदाको  
 पाप तो बिलायँ सब मोद अति होहहीं ।  
 काशिहि कैलास में तो एक एक रूप हर  
 नर्वदा में शंभुजी अनेक रूप सोहहीं ॥

दो० ऋषिन नर्वदा गाथ सुनि सूतहि दीन अशीश ।  
 यक शंका उर और मम ताहूको करु स्वीश ॥  
 सकल नगर पुर चौपहल काशी है त्रयकोन ।  
 यामें कारण कौन है सकरुण भाषहु तौन ॥

सो० सुनहु सकलमुनिनाथ कह्योसूत सकरुणहिये ।  
 दयागहु भूमसुनिगाथ जिमित्रिकोण काशीभई ॥

स० विष्णु गदाधर रूप प्रकाश जो पित्रनहेत गया बनई है ।  
 मुक्तिदहोनकेहेत रमापति साँझसमय शिवसोबनई है ॥



दीन्हीं सदा शिव काशी को कोन तेही ते गया भइ मुक्ति मई है ।

ओरी कहै सब देखो प्रबीन न याही ते काशी त्रिकोण भई है ॥

सो० सुनहु सकल मुनिनाथ कह्यो सूत हर्षित हिये ।

चरित विश्वेश्वरनाथ सकल निवेदन कीन हम ॥

शंकर चरित अगाध अपारा । नेतिनेति कहि निगमपुकारा ॥

विधि हरि शेष लहै जहँ हारी । गनी कौनि तहँ बुद्धिहमारी ॥

गुरु प्रताप शारद करुणार्ई । भाष्यो जस कछु मम उर आई ॥

पर अभिलाष कहौ मुनि ज्ञानी । सो हम कहै सुमिरि विधिरानी ॥

पुनि पुनि सूतहिं देत अशीशा । भाष्यो निज अभिलाष मुनीशा ॥

बहु मुख सुनी तात यह बाता । सातपुरी जगमें है रूपाता ॥

मथुरा अवध द्वारका माया । अरु उज्जैन कांची गाथा ॥

अपर काशिका पुरी सुहाई । मुक्ति देत ये सात सदाई ॥

दो० तुम्हरे मुख निज काशिकै सुनी मुक्तिकी खानि ।

अपर पुरी भाष्यो नहीं यही भरम बड़ि मानि ॥

कह्यो सूत हँसि सुनहु मुनि शिवमाया बलवान ।

ज्ञानिहि अज्ञ बनावही जड़हि देत अति ज्ञान ॥

सो० तुम अस ज्ञान बलीन भूलतहौ भरमत फिरत ।

करै कहा नरदीन बचै जो माया शंभु से ॥

तुमहौ शैव सुजान तुम्हें न व्यापत शिव अजा ।

जगहित बनत अयान हमें बड़ाई दे रहे ॥

अब तुम सुनो भेद तेहि केश । यामें हैं बहु बाद घनेरा ॥

जो पुर कह्यो सात अधहारी । सो सब सत्य न संशयधारी ॥

सो अस्थूल मतो व्योहारा । ताको आज सुनो विस्तारा ॥

जो षट्पुरी कह्यो प्रथमाहीं । प्रथम जन्मसो अधहरनाहीं ॥

तहां मरेपर मिलत है काशी । काशी निरखि होय अधनाशी ॥

काशी मरे मुक्ति सो पावै । फिरिलै जन्म न जगमें आवै ॥

तहँ दृष्टान्त एक तुम देखौ । तब मम वचन सत्य करिलेखौ ॥

जब भगवान क्षीरनिधि वासी । दशरथ तनय भयो अविनासी ॥

दो० चतुररूप धरि बसैं तहँ कीन्ह्यो सुभग विहार ।



राम लक्ष्मण भरत अरु रिपुसूदन ये चार ॥  
 तब मुनि बोले सुतसन शंका हरौ हमारि ।  
 दशरथ कीन्ह्यो कौनतप जो सुतभये मुरारि ॥  
 सो० याहिकहो विस्तार हमैं लालसा है बड़ी ।  
 श्रीपति जगभरतार आयभयेकिमि राजसुत ॥  
 कह्यो सुत हर्षाय शिवमाया के जोरि कर ।  
 सकलसुनोचितलाय विस्तर सुतहमभाषहीं ॥

एकसमय यकपुर में ताता । बधिक एकअतिदीन लसाता ॥  
 द्रव्यहीन अतिशय व्यभिचारी । मृगहिमारि नितहोतअहारी ॥  
 मारि अहेर बेचि सोइ लाव । ताको अन्नलेय सोइ खावै ॥  
 कबहुं कदाचित नाहिं बिकाई । तौमृगरांधिनिजहिसोइखाई ॥  
 मातु पिता तेहि वृद्ध अपारा । सोइअकेल कुलपालनहारा ॥  
 विधिवश एकदिवस यक बेरा । अन्नमित्योनहिंमित्योअहेरा ॥  
 बारिअहार रह्यो परिवारा । हायहाय करि भा भिन्सारा ॥  
 जाग्यो बधिक भोर जब भयऊ । धनुषवाण लै बनकहँ गयऊ ॥

दो० निज मनमें प्रणठानि कै बनको चल्यो मृगारि ।

जबलगमिलै अहेरनहिं तबलग पियों न बारि ॥

मातु पिता सुतके जियत रहैं उपासे सोय ।

तासुतको धिक्कार है कह्यो बधिक अस रोय ॥

सो० असकहि बनमेंजाय सकलदिवस ठूँढ़त फिरयो ।

यक मृग दृष्टि न आय संचित कृत प्रकटा चहै ॥

तेहि दिन रहै शिवराति चतुर्दशी फागुनबदी ।

सर्वोपरि विलसाति बर्तराज शंभुहि प्रिया ॥

महावर्त सब सुरन पियारा । भुक्ति मुक्तिको देवन हारा ॥

महावर्त सब भांति अनूपा । रंकहि करत तुरत सुरभूपा ॥

चारि पदारथ करतल तासू । जो बतकरै सहित विश्वासू ॥

सकल वर्त यहि नावहिं शीशा । यहबत असवर हवै मुनीशा ॥

सुरन विषे जिमि हैं बनवारी । वरषविषे जिमि विप्रसिहारी ॥

पशुमें धेनु पुरिन में कासी । सरितन मध्यदेव सरितासी ॥



अहिनमध्य जिमि हवै अहीशा । शैवमध्य जिमि राममुनीशा ॥  
भक्तिनमें शिव भक्ति अघाता । तिमिब्रत बीचहवै शिवराता ॥

दो० कहँ लग वर्णन करौं मनि वेद न पावत पार ।

भुक्ति मुक्ति दासी करै ठानि बर्त यक बार ॥

रहत याहि करि प्रेम हैं ब्रह्मा इन्द्र मरारि ।

दनुज मनुजखगनाग पशु सुर उपसुर नरनारि ॥

सो० जोनर पापको गेह ताहि रुचै यह ब्रत नहीं ।

जानहु बिन संदेह तासुहेत रव रव बना ॥

सुनहुसकलमतिधीर बधिकहिफिरत अहेरनित ।

बिनभोजन बिननीर सांझभयो नहिंमृगमिल्यो ॥

सांझभयो जबमृगनहिं मिलेऊ । बधिकरिसाय नदीतटचलेऊ ॥

जेहितटनितहि पियतमृगपानी । मिलिहि जरूरतहांमृगजानी ॥

यदपि बारि भाजन तेहिसाथा । तदपि पियोनहिं हठवशपाथा ॥

नदीतीर यक कुज शैलूषा । तेहिचढ़ि बैठजायसोइभूषा ॥

धनुष चढ़ाय बाण तहँ लाई । चितवत पंथ कबै मृग आई ॥

शैलुषतर, यक लिंग महेशा । रह्यो अदेख दृषदके भेशा ॥

सांझसमय यक मृग मुनिराया । पानी पियन नदीतट आया ॥

निरखिताहि अति हर्षितगाता । भो चैतन्य करौं यहि घाता ॥

दो० लिंग उपर पाती झर्यो ठरकि पर्यो अरुबारि ।

पूजा पहिले पहरको मानिलियो त्रिपुरारि ॥

खरभरात मृग जानेऊ बोल्यो द्वै बाचाल ।

काह करतहौ बधिक यह क्षमाकरो कछुकाल ॥

सो० बोल्यो बधिक रिसाय क्षमा होत है कौन बिधि ।

घरहि तात अरु माय भूखे द्वैगे दिवस द्वै ॥

यकक्षण अब मृगमोहिं युग समान बीतत हवै ।

मारतहौं अब तोहिं निज कुटुंब पालन बरे ॥

तब बोल्यो मृग अति हर्षाई । धन्यभाग्य मम परहित जाई ॥

तहँ परंतु यक दिनय हमारी । मम घर चारि बाल दुइ नारी ॥

तिन्हैं बोध दै मैं फिरि आऊं । तब घर बैठि ब्रह्मपुर जाऊं ॥



तब नहिं तुम्हें दोष कछु ताता । मारौ हमें सहित हर्षाता ॥  
 बोल्यो बधिक करत बहु हांसी । पशु के बचन कौन विश्वासी ॥  
 तब मृग लग्यो करन सौगंधा । शिव रति छांड़ि करै परधंधा ॥  
 मारै गऊ बेल को काटै । धर्म करत जो चित उपाटै ॥  
 तिनकी गति विधिसन मैं पाऊं । सुनौ बधिक जो लौटि न आऊं ॥

दो० शिव प्रसाद कछु ज्ञान भा शपथ मानि सो लीन ।

धनुष बाण गहि बैठ पुनि मृगहि जान घरदीन ।

लखि बिलम्ब तेहि रातिमें ताकी जेठो नारि ।

ढुंढन हित तहँवां गई यक पद निशा गुजारि ॥

सो० तेहिलखि हरषिमृगारि धनुष बाण खींचत भयो ।

गिरयो पत्र अरु बारि लिंग उपर दुसरे पहर ॥

धनुष चढ़ावत देखि कह्यो मृगी बाचाल है ।

यह का करत अलेखि रातिसमयमें तियबधत ॥

बोल्यो बधिक क्रोधकरि भारी । हमनहिं लखत पुरुष अरु नारी ॥

मृगहिमारि निजकुलकोपारत । कारण सोइ तुम्हें हममारत ॥

घर में वृद्ध पिता अरु माई । भूखे होंगे दिवस अढ़ाई ॥

कह्यो मृगी मम धन्य सुभागी । जो ममदेह क्षुधित हितलागी ॥

क्षुधावंत के भोजन दीन्हें । फलहै कोटियज्ञ जिमि कीन्हें ॥

पर यक बात सुनो करि दाया । हैं शिशुवारि भवन लघुकाया ॥

तिन्हें सौंपिआऊं निजभर्तहि । लागी बेर न आउव तुर्तहि ॥

कह्यो बधिक कहिगा यकऐसे । मानहुं सत्य तोर वच कैसे ॥

दो० सुनो बधिक मम शपथको जो नर मारत नारि ।

जो निज पितृ क्षयाहदिन सुनोकरत बिसारि ॥

जो तिय निजपतिकोतजत परपतिमें चितदेत ।

जोनृप बिनहिं बिचारकरि द्विजकोधनहरिलेत ॥

सो० तिनकी गति मोहिं धात देहिं यमपुरी में बसे ।

जो नहिं आऊं तात तुरत लौटि घर पहुंचिकै ॥

पजन बर्त प्रसाद बर्यो कछुक करुणाहृदय ।

सुन्यो दाद बेदाद ताहि कह्यो घर जान को ॥



बेरभयो जब सोइ नहिं आई । कह्यो मृगा लघु नारि बुझाई ॥  
 गहरुभई सोइ लौटेउ नाहीं । शंका होत हवै मन माहीं ॥  
 कह्यो मृगी मैं अब बन जाऊं । पानीपियौ तासु लखि लाऊं ॥  
 अर्द्धनिशा बीतत तहँ जाई । निज बोलीमें ताहि बुलाई ॥  
 कतहुं न खोज तासुकर पाई । मारग अपरचली सोइ आई ॥  
 पानी हेत नदी तट गयऊ । देखिबधिकअतिउचकितभयऊ ॥  
 पाती बेल और जल धारा । गिरी लिङ्ग पर तिसरे बारा ॥  
 पूजन तीसर याम महेश । मानिलियो तेहि हरयो कलेश ॥

दो० जड़ता ताकी छूटि सब आयो ज्ञान प्रकास ।

पर माया बध शंभुके कछुक कियो तहँ वास ॥

धनुष बाण तब खींचिकै चह्यो तासु बध कीन ।

निज बैरी को देखिकै कह्यो मृगी द्वै दीन ॥

सो० क्यों मारतहौ मोहिं मैं अनाथ त्रिय रातिमें ।

कह्योबधिकबधितोहिंमातुपितहिपालबधरहिं ॥

कह्यो मृगी हर्षाय पर स्वारथ में परम हित ।

परहित निजतन जाय कोटिकल्पहरिपुरबसै ॥

है परन्तु यक विनय हमारी । आइउँ छांड़ि बाल धरचारी ॥

तिनहिंसौंपिभगिनिहिनिजजाई । तुर्तहि लौटि पहुंचिहौंआई ॥

तब तुम मारि हमें लैजायो । पितहिखवाय आपुपुनिखायो ॥

दुइमृगगये इमिहिं दै आसा । अब नहिं होय तोरविश्वासा ॥

तब सौगंध करन मृगि लागी । धेनु विप्र घर देहिं जो आगी ॥

शिव पूजन बिन करत अहारा । जेहि मन बिषे न शंभुअधारा ॥

पर उपकार न जेहि अवलंभू । लेत विप्र धन करि बहुदंभू ॥

तिनकीगतिमोहिंदेहिंपितामह । जो नहिं आऊं लौटि निशामह ॥

दो० धनुष बाण गहि बैठिगो शाखा उपरमृगारि ।

सकल भये यकठौरतब लौटिगई जबनारि ॥

सकल व्यवस्था आपनी कहत भयेअतिरोय ।

कह्यो मृगाअबजाबहम तुमशिशुपालहुदोय ॥

सो० बोली तब बड़ि नारि दंपति तुम घरम रहौ ।



जैहौंनिकट मृगारि बिनापुरुष नहिंनारिसुख ॥  
 नदीहोय बिन बारि देहहोय बिनजीव जिमि ।  
 तिमिहिंपुरुषबिननारि तुम्हैंत्यागिकैसेजियब ॥  
 कह्यो नारि लघुसुनु मत मेरी । पुरिखिनि होय जेठि घर केरी ॥  
 दम्पति रहोसकलसुख साजा । मोरे बिननाहिं कछुक अकाजा ॥  
 जाउँ शपथ पालन के कामा । सत्यमें मिलतहवै सुख धामा ॥  
 तीनिहुं चलयो एक नहिं माना । यद्यपि पशु तद्यपिवर ज्ञाना ॥  
 पाछे लागि चले सुतचारी । मातु पिता संगमरबविचारी ॥  
 चौथे पहर गयेमृग तहँवां । नदीकिनारबधिकरहै जहँवां ॥  
 देखि भीर मृग सो हर्षाना । धनुष बाण तरु ऊपर ताना ॥  
 गिरयो पत्रअरुजलतेहिअवसर । पूजन चौथलख्यो तेहि शंकर ॥

दो० बोल्योमृगसबबधिकसन हमहाजिर तुमपास ।  
 मारिह मैं अब तुरततुम पूरकरो निजआस ॥  
 शिव पूजनबलज्ञान भाकह्यो बधिकमनमाहिं ।  
 यद्यपिपशुइनसम कोऊवचनपाल जग नाहिं ॥  
 सो० जोमारौंइन काहिंमोहिं समान नहिं औरजड़ ।  
 हतन योग्य ये नाहिं घरप्राणी चहै जायँमरि ॥  
 मृगसों कह्यो पुकार जीवदान तुमलेहु सब ।  
 रहवै बिना अहार आजुसेमृग मारव नहीं ॥

पाप करत सब जन्म सिराना । एकक्षण भजन नमनमें आना ॥  
 हाय देव ममकिमि निस्तारा । त्राहित्राहि इमिवधिक पुकारा ॥  
 तुर्तहि प्रकट भये शिव साईं । बैल चढ़े गिरिजा दिशिबाई ॥  
 वरम्बूहि तब शंभु पुकारा । जड़ता तासु भईजरि क्षारा ॥  
 अमल ज्ञान तबलह्यो मृगारी । चीन्ह्यो उमा नाथ त्रिपुरारी ॥  
 त्राहि त्राहिकहिलकुटसमाना । भूतलपरयो निरखि भगवाना ॥  
 करधरि शंकर लोन उठाई । वत्स वत्स कहित्दय लगाई ॥  
 वर्त राज यहसहित विधाना । जस कीन्ह्यो तसकरै न आना ॥

दो० चारिपहर बिनबारि रहिनिशि में बसि उद्यान ।  
 चारिपहर पूजा किहेउ दिहेउ सातजिवदान ॥



यहिब्रतकोफलजोरुचै अतिप्रसन्नलखिमोहिं ।

मनमाना वरमांगिले नहिं अदेय कछुतोहिं ॥

सो० बोल्योहुलसितव्याध प्रथमभक्तिनिजचरणकी ।

दीजै रहितउपाधि जन्मजन्म नहिं सो घटे ॥

पुनि दूसर वरदान राज देहु महाराज मोहि ।

होहुं सुरेन्द्र समान विजयी अरु धर्मज्ञ बहु ॥

पुनि करजोरि कह्यो तब व्याधा । और एक पुरवहु ममसाधा ॥

राज देहु मोहिं जब सुख दायक । तहँसुतदेहुमहाअतिलायक ॥

पर नृप लह्यो होयजिमि नाहो । तिमिसुतदेहुनाथहमकाहो ॥

एवमस्तु तब शंकर भाषा । पुरयहुसकलतासुअभिलाषा ॥

कछु दिन रहौ जाय पुर मेरे । पुरउब सकल मनोरथ तेरे ॥

अवध राज सम राज न गाई । तहँकेनृपतिहोहुपुति आई ॥

दशरथ नाम महा रण धीरा । पुण्यमान अतिसुभगशरीरा ॥

तहँ सुत होय तोर जग पाला । ममअंगजकालहुकर काला ॥

दो० अस कहि अंतर्द्धानभे बधिक फिरयो घरकाहिं ।

सम्पतितेहिघरअतिभरयो कहिसिरातसोनाहिं ॥

जियोजबै लगि भक्तियुत सुखयुतकियो विहार ।

सरि पुनि शंकर पुर बरयो जहँ सुखको अम्बार ॥

सो० तहँबितायकछु काल भयोअवधनृप अज तनय ।

दशरथ नाम भुवाल महावीर रणधीर अति ॥

जाकी चहत सहाय इन्द्र सुरासुर युद्धमें ।

सकल जगतकेराय जिमि उड़गण दशरथनिसप ॥

हरि अवतार हेत यह हेता । अपर सुनो मुनिवर चित देता ॥

दनुजनाथतेहिअवसर रावन । लंका मध्य भयो सर दावन ॥

यद्यपि शैव तदपि अध कारी । बंश भाव किमि तज बिकारी ॥

सीचै नीब शर्करा घोरी । कटुता जाय तासु नहिं थोरी ॥

तेहिबलदनुजनिशाचरझारी । फैलि जगत में करत उजारी ॥

मारहिंमुनिनभागमख लेहो । शिव भगवान न पूजन देहो ॥

पाप से भाखती है धरणी । विधि पहुँजाय कष्टनिज बरणी ॥



गई शम्भपहँ लैविधि शासन । बोली त्राहि त्राहि दुखनाशन ॥

दे० करहु दूरि दुख भूरि मम मारि निशाचर झारि ।

नतरुअकालहिकालबिन प्रलयकरहु त्रिपुरारि ॥

गिरितरुवनसागरसकल नहिंलागत मोहिं नार ।

पाप भार गरुवाति अति सो दुख मेहु हमार ॥

सो० मैं दामी तुम स्वाम सदा सहयक मोर तुम ।

तव रति आठौ याम सत्य होय तौ मेहु दुख ॥

धरु धरणी उर धीर कहा शम्भु समुझायकै ।

हरब सकल तव पीर लीला बहुत पतारिकै ॥

अंश मोर जो हरि बनवारी । अति धर्मज्ञ सतोगुण धारी ॥

मम शासन जगपाल कहावा । मोहिं तेहि भेद वेदनहिं गावा ॥

पालत जग बैकुण्ठ बसोई । कबहुं रहत क्षीरनिधि सोई ॥

तेहिठिग जाहुमानिममशासन । कहि सकलपरितापविनाशन ॥

तेहिठिग जाहुकहौ दुख रोई । धरि नररूप सकलदुख खोई ॥

हृदयमध्य तेहिकरिहम वासू । सकल उपाय सिखाउब तासू ॥

तब धरणीकहिजयशिव सांई । चली सिंधु तटको मुनि राई ॥

पियो क्षीरनिधि में तब क्षीरा । गऊ रूप धरणी धरि धीरा ॥

दे० तबहिं पुकार्यो भूमि जय करुणा सिंधु अथाह ।

बूढ़तहौं अघ उदधि में प्रकटिधरहु प्रभु बांह ॥

जिमि गजकी प्रहलादकी द्रुपदसुता की लाज ।

राखिलीन प्रभु तिमिहिं अब मोहूँ करौ नेवाज ॥

सो० जब कनकाक्ष रिसाय गयो मोहिं पाताल लै ।

सूकर तन तुम धाय मोहिं उबार्यो मारि तेहि ॥

इत सुनि भूमि कलेश उत शिव प्रेरणपाय उर ।

प्रकट्यो तुरत रमेश रूप अनूप न जात कहि ॥

श्याम शरीर नयन रतनारे । माथे मुकुट विचित्र सँवारे ॥

भकुटी विकट कमान अनंगा । मृगमदसरिसअलकअतिबंगा ॥

माथे भस्म त्रिपुराङ्ग विराजै । अवण बीच कुण्डलकवि छाजै ॥

गलरुद्राक्ष सहित मणिमाला । भुजा चारि आजानु विशाला ॥



आयुध सकल सोह निनमाहीं । अंगदादि भूषण भरि बाहीं ॥  
उदर विशाल नाभिअति सोहै । हरिकटिनिरखिसकलमनमोहै ॥  
पहिरे सुभग पीतपट धोती । अरुणढिगन गांछी तहँ मोती ॥  
कदली बननि उरू छबि गाई । गुलुफगोल अतिसुभग सुहाई ॥

दे० पगशोभा नहिं जातकहि मुनिमन मानस हंस ।

जेहि सुमिरत क्षण एकमे होत सकल अवतंस ॥

हरिहिनिरखि पृथिवी तुरत परीभूमिजिमि दंड ।

त्राहि त्राहि आरत हरण हरु मम पीर प्रचंड ॥

छन्द

जयबनवारी । हरु दुख भारी ॥ होसबलायक । मोर सहायक ॥

जयजगपाला । हरुदुखजाला ॥ मैं तव दासी । तुमअविनासी ॥

जयजगत्राता । जनसुख दाता ॥ शंखासुर मारा । झषवपुधारा ॥

जिमिगजराखी । हैजगसाखी ॥ नर वपु धारी । हरुदुख भारी ॥

दे० अभय दान तेहि दीन तब करुणा सिंधु मरारि ।

हतौं सकल दनुवंश को बचै न बूड़े बारि ॥

कछु दिन धीरज तुम धरौ रसा गये कछुकाल ।

हैं नरपति सुत अवधमें तुमको करब निहाल ॥

से० अस कहिकै भगवान कीन्ह्यो पृथिवी को बिदा ।

निजमे अंतर्द्धान सुमिरि शक्ति शिवइष्ट निज ॥

तब हरिपरमकपालु सुरनबोलि प्रभुअसकह्यो ।

हैं हैं कपि अरु भालु बसहु जाय आरण्य में ॥

हमहैं मनुज अवध में जाई । कछुदिन करबकेलि लरिकाई ॥

करिबिवाह बहुयतनविचारी । बनको चलब राज तजि भारी ॥

तहँ करि बहुतप शिवहिरिझाई । सरवर सुभग शंभुसन पाई ॥

लै सहाय कपि भालु तुम्हारी । मारब दनुज दैत्यसबझारी ॥

दे सुख धरा और निज दासन । करबराज कछुलैशिवशासन ॥

अस कहि मे हरि अंतर्द्धाना । सकलसुरनजयतेहिदिशिठाना ॥

सकल शोश धरि विष्णु रजाई । बानर भालु भये महि आई ॥

किष्किधा करिकै रजधानी । देश बिदेश बसे कपि ज्ञानी ॥



दो० यहां भानुकुल कमल रवि दशरथ राज समीति ।  
 पालत प्रजहिं विवेक युत गयो तीनि पनबीति ॥  
 चर्म अवस्था प्रकटभै सुतन लह्यो नृप एक ।  
 सरयू तट नागेश ढिग तपन गयो करि टेक ॥  
 सो० लीन बुलाय वशिष्ठ सुतदमंत्र शिवको सिख्यो ।  
 करि नागेश्वर इष्ट करन लग्यो जप पुत्र हित ॥  
 करि सकार अस्नान निज कर तुरत बिल्व दल ।  
 सिद्ध मनोरथ मान षोडश बिधि पूजतशिवहि ॥

जपत मंत्र शिवको मतिधीर । सांझ प्रयंत न आसन पीरा ॥  
 लहि प्रदोष बेला चितचाऊ । उठि अस्नान करत पुनि राऊ ॥  
 पूजन करत महा हर्षाई । करत आरती घंट बजाई ॥  
 पुनिजपकरतबीतिनिशिजाई । होत सकार उठत मुनि राई ॥

३५००००००

जवनभखनभखनभआकाशा । बाण अनल मित पूर प्रकाशा ॥  
 सिद्धमानि निजतप तबशंकर । हरिहि बोलिबोल्हो तब हरवर ॥  
 मम अनुशासन है अवतारी । दशरथ सुत है अवध बिहारी ॥  
 लीला करौ हरौ भू भारा । तुम्हैं न लगि है कछुक बिकारा ॥

दो० जरा मरण में दुःख बहु तुम्हैं न व्यापै एक ।  
 लीला करि हनि दनुज सब ऐहौ सहितविवेक ॥  
 जपत हवै नृप मंत्र मम सिद्ध भयो परमान ।  
 मम अनुशासन मानिकै जाय देहु वरदान ॥  
 सो० तब तहैं अंतर्द्धान शंकर भे हरि को सिखै ।  
 नृप ढिग गे भगवान धरे रूप नर भूप को ॥  
 नीलजलद समश्याम राजिततन लाजितरतिप ।  
 अंगअंग अभिराम पगतल में रवि अरुणता ॥

चरण कमल शोभा किमिगाई । मुनिमनमधुप रहतजहैं छाई ॥  
 धरतध्यान जो करि विश्वासा । ताकी पूर होत सब आसा ॥  
 उपमाजलजलागिमोहिंझूठी । बिनरवि बांधि लेत सो सूठी ॥  
 चरण प्रकाश कबहुँ नहिंजाई । सदा रैनि दिन अति सुखदाई ॥



जलजबालिविन जायसुखाई । पद से प्रकटि देव सरि आई ॥  
मिलतिनउपमातेहिससतेहिकहि । अंगअंगशोभितअनुपमसहि ॥  
द्विभुज अभूषण सहित अजाना । आयुधसुभग धरधनुवाना ॥  
माथे सुभग त्रिपुंड्र विराजत । मुकुटकनकमणिमयअतिराजत ॥

दो० बरम्बूहि तब कहेउ हरि उठु नृपले बरदान ।

जोमनरुचै अदेयलखि अतिप्रसन्न मोहिजान ॥

उठयो नृपति तबध्यानतजिलखि आगेप्रभुरूप ।

गिरधोचरणपर लकुटइव त्राहित्राहि सुरभूप ॥

सो० तबकर धरि भगवान लीन्ह्यो राजहिं लाय उर ।

मांगु मांगु बरदान करुणा करि अस भाषेहू ॥

तब नृप अतिहर्षान हाथजोरि पुलकित कह्यो ।

प्रथमदेहु बरदान अचल भक्ति निज चरण की ॥

फिरि दूसरि मनसाध मिटावो । निजसमान सुतदै हर्षावो ॥

रूप रंग कछु भेद न आना । कर्म पराक्रम तुम्है समाना ॥

एवमस्तु कहि हरि असभाषा । ममसमअपर न शंकरराखा ॥

शृंगीऋषि से यज्ञ करावो । मखजहव्यनिजत्रियनखवावो ॥

हमहीं होब तोर सुत आई । अंतर्द्धान भयो अस गाई ॥

अतिहर्षित नृप निज घरआवा । ऋषिहिंबोलिसुतयज्ञकरावा ॥

दीन्ह्यो त्रियन हव्य नरपालू । भई सगर्भ पाय शुभ कालू ॥

जबसे गर्भ बसे बनवारी । बसेभवन जनुकोटितमारी ॥

दो० रंक भवन पारस बस्यौ तसना भूप दुआर ।

आय देव सब गर्भ मे नुति कीन्ह्यो अधिकार ॥

\* हरिभोजन कधि तातमे खगहित पुलमितिनंद ।

उभय चरण गत केशकरि जन्मलियो श्रीकंद ॥

सो० लहौ न मन कछु भेद यह अनूठि सुनि वार्ता ।

\* हरिभोजन १ अर्थात् मांस ॥ कधितात १ अर्थात् मधु ॥ सार्थ ॥

चैत्र २ खगहित १ अर्थात् पक्ष ॥ पुज ॥ अर्थात् सेतु ॥ नन्द ॥ अर्थात् ६

केश ॥ अर्थात् ॥ दिन ॥ उभय ॥ अर्थात् दो ॥



कल्प भेद गत खेद है अथाह हरि हर चरित ॥  
 लह्यो लोक आनंद जन्मलियो जब हरि हरषि ।  
 उदयहोत जिमि चन्द्र फूलत कोक त्रिलोकमें ॥  
 कौशल्या सुत भे जगवंदन । तेहि अनुभरत केकई नंदन ॥  
 पुनि भे लषण शत्रुहन दोई । मातु सुमित्राकर दुखखोई ॥  
 इमिभे चारि भाय भगवाना । दशरथदिहेउदान विधिनाना ॥  
 दानपाय याचक भे दानी । आनंदसमय न जातबखानी ॥  
 यहिविधि रामलीन अवतारा । मंगल भरयो सकल संसारा ॥  
 मुनिवर लखो वर्तको भाऊ । कहँ वह बधिककहां यहराऊ ॥  
 जपतप योग यज्ञ मुनिराई । देखा सुना बहुत हम भाई ॥  
 कतहु न दीख युक्ति असभारी । जेहिवल पुत्रहोहिं बनवारी ॥

दो० असब्रतकोतजि जोरहत तेहिसमअधम न कोय ।

बिनजाने करि असभयो जाने का धौं होय ॥

बड़े अभागी जक्त में जो शंकर रति त्याग ।

पर रतिमें चातुर बनत तिन्हैलखो जिमिकाग ॥

सो० जन्मै वंश मराल करौं जाय बुधि कागकी ।

तिमिहै नरको बाल तजि शंकर रति पशु बनै ॥

जगमें सुखपर मुक्ति जो चाहौ शंकर भजो ।

सहसकरै कोउयुक्ति शिवबिन सुखसपनेहुंनहीं ॥

अब आगे रघुपति गुणगाथा । सुनोचित्तदै सब मुनिनाथा ॥

चारिउभाय करत शिशु कीड़ा । हरतमातु पितुपुरजनपीड़ा ॥

मूढ़न भयो सहित उत्साहा । कर्णवेधसुखसहित निबाहा ॥

पांचवर्ष पर भयो कुमारा । तब उपवीतभयो सुखकारा ॥

विद्या पढ़त भवन गुरु जाई । लोक रीति बहु प्रकट जनाई ॥

सखा सहित सरयू तट जाई । खेलत खेल अहेर स्वहाई ॥

यहिविधिसुखयुतदिवससिराने । मातुपिता लखि अतिहर्षाने ॥

कहँलग कहौ अवध प्रभुताई । क्षीर सिंधुको हँसत ठठाई ॥

दो० द्वादश समके जब भये मातु पितहि सुख देत ।

राज काजमेंचित दिहेउकछु कछु कृपा निकेत ॥



तब मुनिविश्वामित्रजो गाधिसुवन जग ख्यात ।

यज्ञ न पावत सो करण दनुज करत उतपात ॥

सो० तब देखयोधरि ध्यान मनुजरूप हरि अवतरयो ।

अस मन में अनुमानि कौशल पुरमें आयहू ॥

नृपसे लहि परणाम आशिषदे मांग्यो हरिहि ।

लै सँग लक्ष्मण राम हरषि गयोनिज प्रणकुटी ॥

तहां सुवाहु ताडुका मारी । मुनिकी यज्ञ कराय मुरारी ॥

सुन्यो स्वयम्बरजनक कुमारी । चलितेहि पंथ अहत्या तारी ॥

पहुंचि तहां शंकर धनु भंजी । नृपन केर मद मस्तर गंजी ॥

सीतहिजनकसुखितअतिकीन्हा । रामसेराम राम धनु लीन्हा ॥

गई बरात व्याह सुख भरेऊ । हर्षित गवन अवधपुर करेऊ ॥

कछुदिन अवध रहे रघुराई । राज होनकी जब सुधि पाई ॥

दे केकई अयश अधिकारा । सीयलषणयुतविपिनिसिधारा ॥

बिनारामलविसबसुख हीना । दशरथ गवन रामपुर कीना ॥

दो० निश्चय जानत रामको दशरथ रमा निवास ।

आवेंगे बैकुण्ठ को करौं प्रथम से बास ॥

वहां राम बन पंथमें करि निषाद को मित्र ।

हरषि नहान्यो सुरसरी जो जल महा पवित्र ॥

सो० भरुममल्यो सबअंग पूजि पार्थिव विधि सहित ।

लक्ष्मण सीता संग तुरत बनायो वेष मुनि ॥

निगम उक्ति करि साज अंग अंग रुद्राक्ष धरि ।

भाल त्रिपुण्ड्र विराज मनहुं धर्योतपतीनतन ॥

पुनि मउजन करि तीरथ राजा । जायदीख मुनिराज समाजा ॥

भरद्वाज आयसु अनुसारी । चित्रकूट बन गयो मुरारी ॥

मत्त गयन्द्र पूजि शिव रूपा । विधिथापितसोइलिंग अनूपा ॥

तेहि ढिग पर्ण कुटी प्रभु छाई । कीन अत्रि मुनिकेरि मितार्ई ॥

भरत मनावन तहँ पुनि आये । करि सुबोध तेहिफेरि पठाये ॥

इन्द्रमुतहि निजबल देखराई । शैल सोऊ त्यागेहु रघुराई ॥

पंचवटी कहँ कीन पयाना । हत्योदैत्य तहँ बहु बलवाना ॥



शूर्पनखा मख सब सुधि पाई । लियो लंकपति सीय चोराई ॥

दो० शोचत तब रघुनाथ अति दुंदुत जनक कुमारि ।

सकलविपिनि रोवत फिरत हाहाकरत पुकारि ॥

सकलगिरिनतरु खोहमुनि दुंदुत काननमाहिं ।

हाहा जनक कुमारिका तब बिन जीवन नाहिं ॥

सो० शोचव तेहि बड़ शोच शोच विमोचन रामप्रभु ।

करत फिरत नर चोच गहे शम्भु माया प्रबल ॥

आगे चलि रघुनाथ देखि जटायू पंख बिन ।

कीन्ह्योहु ताहि सनाथ पठै धाम निजतात सम ॥

तेहि आनन सीता सुधि पाई । गयो लंकलै निशिचर राई ॥

तब प्रण कीन ताहि हतिडारौ । बंश समेत गर्भ युत मारौ ॥

गयो घटज पहुँ तब रघुराई । सकलव्यथा निजरोष सुनाई ॥

मुनिसों बेद सार तब पाई । जहँशिवनामसहस सुखदाई ॥

भाल त्रिपुण्ड्र भरुन अति लाई । अं अं रुद्राक्ष बनाई ॥

जपत राति दिन में षट बारी । किहे वर्त निजल बनवारी ॥

शिव पद जलज प्रेम मकरंदा । पियत मधुपइव करुणाकंदा ॥

जब पढ़ि पूर होत एक बारी । त्राहित्राहि शिव करतपुकारी ॥

दो० प्रगटभये तप देखि शिव राम लियो उर लाय ।

दीन्ह्यो सरवर पाशुपत अरु वरदान अघाय ॥

तब शिव अंतर्द्धान भे रामहि अति हर्षाय ।

दक्षिण दिशिको तब चले अनुज सहित रघुराय ॥

सो० पंपापुर तब जाय हनुमत की मत लै प्रथम ।

बालि हन्यो छल लाय राज दीन सुग्रीव कहँ ॥

अनिल तात तब जाय सीय खोज लायो तुरत ।

लै कपि भालु सहाय सेतु बांधि बैठेउ तहां ॥

अतिशय विमलदेखि सो धरणी । विमलविमलरघुनायकवरणी ॥

करिके यहां शंभु अस्थापन । कारजसुफलकरौ सबआपन ॥

जो अनन्य शिव दास मुनीश । शुभग वस्तु अर्पहिंनिजईश ॥

जो निजहृदयरखत शिवसूरत । तहँते काढ़ि लीन एक मूरत ॥



सुभग शिवालय तहँ बनवाई । चित्र विचित्र दृषद तहँ लाई ॥  
तब पंडित खोज्यो अधिकारी । करै प्रतिष्ठित जो त्रिपुरारी ॥  
सुनेहु रावणहिं पंडित भारी । अपर कुयज्ञ लख्यो विननारी ॥  
मख ब्रत पूजन तीर्थ मुनीगा । पत्नी बिना होय सब स्वीशा ॥

दो० तब रावण ढिग दूत यक पठै दीन रघुनाथ ।

शिव अस्थापन हेत जिमि आवै लै सिय साथ ॥

सियसों करब न प्रीतिकछु तुमसों लखबनबैर ।

मखाचार्य लखि बिप्रवर धरब तुम्हारे पैर ॥

सो० करि अस्थापन शंभु लौटिजाउ सियसहिततुम ।

मानो बचन अदंभ लखो बांह शिव शाम्ब की ॥

सुनि रावण हर्षाय शिव अस्थापन को अभय ।

सियको यानचढ़ाय चलयो मनहु निजमित्रघर ॥

पहुंच्यो जबहिं रामपहँजाई । आदर राम कीन तेहि धाई ॥

जानिनिजहिसो रामअचारज । सौंपेहुसियहि रामशिवकारज ॥

सियमनमोह हरयोकरिमाया । अपनहु धरयो राम जड़काया ॥

किमिपरिहरै बचनप्रभुआपन । मनहुभयोनहि कबहुंजुदापन ॥

सब तीरथ जललीन मँगाई । सीय सहित तब राम हनाई ॥

बैठयो गांठि जोरि अवधेश । लग्यो करावन कृत लंकेश ॥

तब संकल्प विषे कह रावन । कहहु राम अपनो मनभावन ॥

कौनकाजलगि शिव अस्थापन । सत्य मनोरथ भाषहु आपन ॥

दो० कह्यो मनोरथ राम तब रावण बधके हेत ।

पढ़्यो संकल्प हृदयहँसि रामहि जानिअचेत ॥

कुम्भकर्णको कौर एक सकल कटक यहिसाथ ।

भूमिपरो शशि गहनहित अधम पसारतहाथ ॥

सो० करि सबवेद विधान कीन प्रतिष्ठित शंभुको ।

निजहित सोकृतजान भयोहर्ष अतिरावणहि ॥

रामेश्वर धरि नाम भई यज्ञ सब पूर तब ।

करत पूर सबकाम जो दर्शन हित जात नर ॥

तब सांगता समय लंकेश । कह्यो दक्षिणा देहु नरेश ॥



कह्यो राम त्रय वस्तु बिहाई । मांगि लेहु जो मन ठहराई ॥  
 लंका सिया और मम नगरी । इन्हैं छांड़ि मांगो वसु सगरी ॥  
 है अदेय परवस्तु अनेका । जो मनरुचै सो लेव सटेका ॥  
 रावण कह्यो सुनो रघुराई । मांगव इन्हैं हवै जड़ताई ॥  
 बुद्धिमान निज करको भूषण । परसे लहत लखैं बड़ दूषण ॥  
 लंकभवन मम सिय ममफांड़े । निजकरि अवध रहतहमछांड़े ॥  
 मांगव इन्हैं कवन व्यौहारा । जेहिपर कबजा दखलहमारा ॥

दो० सूर्य्य बंशमें बंश तुम हो हरिके अवतार ।

शिवकी भक्ति अतन्य करि शंभुहि भयो पियार ॥

तेहिते मांगत दान हम शंभु भक्ति मोहिं देहु ।

जन्म जन्म जहँ जन्महीं शिव पद बढै सनेह ॥

सो० कहि तथारुनु रघुराय विदा कीत तव रावणहिं ।

सियको यान चढ़ाय गयो लंकपति लंकमें ॥

भे अधीर रघुवीर सियहि जात लखि लंकमें ।

धरयो बहुरि मन धीर हृदयपाय करुणागिरिश ॥

तब रामेश्वर पूजन कीन्हा । विविधदान सहिदेवन दीन्हा ॥

बहुरि लषण पूज्यो गौरीश । बारम्बार नाय पद शीशा ॥

बहुरि शिवहि पूज्यहु सुग्रीवा । राखेहु मोरि गौरिपति सीवा ॥

जामवन्त पुनि पूज्यो आई । भक्ति समेत प्रीति अधिकारी ॥

पुनि पूज्यो अंगद हनुमाना । जानि इष्टको इष्ट सुजाना ॥

सकल कटक पूज्यो तहँ आई । मांग्यो सकल जीत रघुराई ॥

यहि समान फल दायक पूजा । लख्यो रामतहँ और न दूजा ॥

पुनि पूजाकरि अस्तुति ठाना । बारबार शिव नाम बखाना ॥

दो० जय अनीश अविकार अज जय उमेश सुर भूप ।

जय जय दीनानाथ प्रभ जय ओंकार स्वरूप ॥

विधिहै जग करतार तुम हरिहै पालन हार ।

करत लीन सब आपमें प्रभु निजरूप सँभार ॥

सो० जय जय जयत्रिपुरारि जय रामेश्वर गौरिपति ।

रक्षाकरो हमारि त्राहि त्राहि मैं शरण तव ॥



असकहि घण्ट बजाय कटक सहित सागर उतरि ।

गिरि सुवेल परजाय विविध भांति घेरेउ गढ़हि ॥

हन्यो निशाचर तब तहँ झारी । कुंभकर्ण घननादहि मारी ॥

मारि रावणहिं सीतहि पाई । दीन विभीषण को नृपताई ॥

सखन अनुज सिययुत रघुराई । पुष्पक बैठि अवध में आई ॥

भरत मिलाप भयो अति नीके । धरयो पायप्रभु गुरु जननीके ॥

घरी शोधि बैठेउ सिंहासन । रुचित दानदीन्ह्यो द्विजदासन ॥

करत राज प्रभु सहित विवेकू । पाप ताप भाग्यो करि टेकू ॥

यकतौ सुयुग निपाप विराजा । दुसरे राम भये तहँ राजा ॥

कीन परावन दुख सुख बासा । तरुकरादि बीती सब त्रासा ॥

दो० भये सभासद सप्तऋषि नीति बतावन हार ।

यक दिन सब इकठौरहै कीनेहु मनहिं विचार ॥

रावण द्विजको बंशहै यद्यपि कर्म सुरारि ।

बंश सहित तेहिको हत्यो राम हेत यक नारि ॥

सो० है द्विज सदा अदंड यदपि करै अपराध बहु ।

होत वेद को खंड जो न राम को अध लगे ॥

तबहै सकल उदास रामहिं कह्यो बुझायकै ।

करितुम द्विजकुलनाश कछुक पराचित कीन नहिं ॥

द्विज हत्या तुममें लपटानी । करो पराचित तुम बड़जानी ॥

कह्यो राम सुनिये मति झारी । जो कछु आज्ञा होय तुम्हारी ॥

करौ पराचित बेर न लाऊं । जहँ जहँ कहौ तहां तहँ जाऊं ॥

तीरथ सकल करहु तुम रामा । दान देहु मख करहु ससामा ॥

हत्या जब चिक्कार लगाई । गइउँ गइउँ असकहै सुनाई ॥

तब तुम निरघ जानि निज रघुवर । निजपुर लौटि आइयो हरवर ॥

मुनिन जैस अनुशासन दीन्हा । तैसे राम जाय सब कीन्हा ॥

प्रथम सारथ करि अस्ताना । मज्जन बहुरि गोमती ठाना ॥

दो० गंगादिक तीरथ जेते पुरीधाम जग माहिं ।

तजि काशी सब जग फिरयो छूट्यो सो अधनाहिं ॥

अश्वमेध प्रभ कीन शत नीमषार में आय ।



विप्रन दीन्ह्यो दानबहु गौवय कोटि मँगाय ॥  
 सो० द्विजहत्या बलवान कोटि यतन छूटत नहीं ।  
 सो नर महा अजान तीरथ निन्दा जो लखै ॥  
 तब चित कीन्ह्यो राम काशीपुरको जाउँ अब ।  
 तहँ होइहि विश्राम विश्वनाथ दर्शन किहे ॥  
 काशी सम्मुख चले खरारी । पंचकोश भीतर पगुवारी ॥  
 तब पुकारि हत्या चिल्लानी । जरिउँ जरिउँ यहि ठौर बिलानी ॥  
 आगे हवै न मम पैठारा । काशीनिरखि भइउँ जरि छारा ॥  
 निर्मल भयो राम पापनसे । द्विजहत्या छूट्यो तबतनसे ॥  
 सुनत बचन हष्यै अतिरामा । कहि जय शंभुपुरी सुखधामा ॥  
 करि मणिकरणीमें अस्नाना । निरख्यो जाय विश्वेश्वरथाना ॥  
 पंचामृत अस्नान कराई । गंगनीर जल शुद्ध चढ़ाई ॥  
 तंदुल चन्दन युत कर्पूरा । बिल्व कंज करवोर धतूरा ॥  
 दो० धूप दीप नैवेद्य धरि कीन आरती राम ।  
 घंटबजायो प्रेमयुत जप्यो सहस शिवनाम ॥  
 कीन दंडवत दंड जिमि करि पुलकांग शरीर ।  
 लाग्यो अस्तुति करन तब प्रगटिहरो ममपीर ॥

छन्द सवैया ॥

हे शिव साम्ब सुनो बिनती शरणागतहौं अतित्राहि पुकारी ।  
 दासको देखो न कष्टकबो यहबानी तेरी कहै वेदप्रचारी ॥  
 मोहिंपुकारत बेरभई करुणा करिके सुधिलेहु हमारी ।  
 मेरिहि बार विचार कहा कबहूँ नहिं काहूँ के दोषविचारी ॥  
 देवअदेव मथीकधिको निकरो तहँ कूट हलाहल भारी ।  
 कोउ नभो समरथ तहां तबहीं सबहीं तबशरण पुकारी ॥  
 कीन्ह्यो नवेरचख्यो विषको तबली तबचाय सुरासुरझारी ।  
 मेरिहि बार विचार कहा कबहूँ नहिं काहूँ के दोषविचारी ॥  
 सेवकबारबधूको किरात तुम्हें अरप्यो कछु भूमिमें डारी ।  
 ताते कियो तेहि को बलि भूपत्रिलोक कीरा जदियो तेहि भारी ॥  
 और विभाव कहाँ लौकहौं हरिहूतेहि द्वार भयो है भिखारी ।



मेरहिबार बिचारकहा कबहूँ नहिं काहूँके दोषबिचारी ॥  
 भयो गुणनीध महादुष्टीशपरस्त्रीरतीसकचोर जुवारी ।  
 एक उपासकियो शिवरातिमें पर्वणहै नहिंप्रेम सम्हारी ॥  
 ताकोकियो निजमित्र कुबेरद्रवेशपुरी अलकाकोबिहारी ।  
 मेरहिबार बिचार कहा कबहूँ नहिं काहूँके दोष बिचारी ॥  
 चौदशमें एकठ्याधनिषाद मृगानित नोदऔभूखबिसारी ।  
 ताकोबतीनिजमानिकै शंभुकियो यहिलोकमेंज्ञातपभारी ॥  
 अवधकोराजबनायदियो कियोअंतमहापदको अधिकारी ।  
 मेरहिबार बिचारकहा कबहूँ नहिं काहूँके दोषबिचारी ॥  
 श्रीकरगोपतनय मिसखेलके तेरशिमें कृतकीन तुम्हारी ।  
 ताहि दियो धनधाम सुराजपठै हनुमत्त महस्व पसारी ॥  
 और कहाकहौं जासुके बंशमें आयकैकृष्ण भयोबपुधारी ।  
 मेरहिबार बिचारकहा कबहूँ नहिं काहूँके दोषबिचारी ॥  
 चोररह्यो एक पापी महा तव मूरतिमें चढ़ि घंटउतारी ।  
 क्रोधकहा करुणाकरिकै तेहिमानिलियो तनअर्पपुजारी ॥  
 ताहिदियो धनधाम महाप्रभु और दियोगजकी असवारी ।  
 मेरहिबार बिचारकहा कबहूँ नहिं काहूँके दोषबिचारी ॥  
 और सबै सुर सेवा चहै तुमहौ शरणागत के हितकारी ।  
 विष्णु विरंचि गहै तवशरण तहां परकीकरै कौन गुमारी ॥  
 याहीते ओरी सबैतजिकै तवशरणमेंआय पड़ो लटडारी ।  
 मेरहिबार बिचारकहा कबहूँ नहिं काहूँके दोषबिचारी ॥  
 रामकरी शिवकी यह अस्तुति प्रेमलगाय महापद भारी ।  
 रामकीकृत्ययहअर्जो महासुखदाय सदासबपातकहारी ॥  
 जोकोउपाठकरैउठिप्रात यहिअष्टरुको अतिप्रेमसम्हारी ।  
 तापर होहिं प्रसन्न रमेश दिनेश गणेश उमा त्रिपुरारी ॥  
 सो० राम विनय सुनि शंभु प्रकट शिवालय बिच भयो ।  
 लखि तेहि भक्त अदंभु बांह पकरि उर लायहू ॥  
 तुम मम अंगज राम तुम्हरे निकट न जाय अथ ।  
 विप्र महत के काम मुनि उर प्रेरित कीन हम ॥



सहि कलेश कोन्हो सुरकाजू । करहु जाय अब हर्षित राजू ॥  
 कछु दिनगये अवधतजिरामा । आयो अवध सहितनिज धामा ॥  
 अस कहि भे शिव अंतर्द्वीना । हरषि राम तबकीन पयाना ॥  
 आयअवध प्रभुसहित समाजू । लाग्यो करन अकंटक राजू ॥  
 कह्योसुत समुझौ मुनिझारी । यह इतिहास महा सुखकारी ॥  
 लंकसे लौटि जबै मुनि रामा । कीन प्रवेश अवध सुखधामा ॥  
 जोपै होत अवध अधहारी । तुतहि हरत राम अधभागी ॥  
 द्विज हत्या मोचित मुनिराऊ । तजि काशीनहिं परजग ठाऊ ॥

दो० यहिते लखो मुनीशसब काशी को शिरताज ।

अपर पुरी सब देतहैं काशिहिं भेंट विराज ॥

काशी पुरते पुर नहीं शंभु भक्तते सेव ।

भस्म से और न लेप है शंकर से पर देव ॥

सो० जोचाहौ विश्राम सहित भुक्ति जग मुक्तिपर ।

शिवरति आठौ याम करुओरी हर्षित हिये ॥

यह इतिहास पुनीत ओतहिं वक्तहिं देत सुख ।

पढ़ोसहितपरतीत सुनोसकल विश्वासकरि ॥

यक इतिहास कहा हम गार्ड । अब दूसर सुनिये मुनिराई ॥

युग द्वापर के अंत मुनीश । जगमें भूप वंश रजनीश ॥

कुरु अस पांडु रहे दोउ भाई । रहीप्रीति कछु वरणि न जाई ॥

कुरु सुत भयोनाम दुर्योधन । अतिबलजीति लियोजगयोधन ॥

पांडु तनय सरमितबल सीमा । नाम युधिष्ठिर अर्जुन भीमा ॥

नकुल और सहदेव बखाना । लहि द्रौपदी महा हर्षाना ॥

द्युतमें जीति युधिष्ठिर को धन । लोन्ह्यो कीनि राज दुर्योधन ॥

करि हस्तिना पुरी रजधानी । करै अकंटक राज गुमानी ॥

दो० ताही समयमुनीश सुनु श्रीपति जगभरतार ।

जन्मलियो वसुदेवधर बाज्यो नन्द कुमार ॥

सिंधुजवाहन तासु पति ताभष रिपुगजराज ।

अर्द्धभवननंद नंदको बाजी सबति विराज ॥

सो० वसुमिति शशिसुत केश अर्द्ध भानु रिपुमारिकै ।



प्रकट्यो तबहिं रमेय मथुरा से गोकुल गयो ॥  
 गोपिन संग बिहार कीनविविधविधि दैत्यहति ।  
 डारेहु कंसहि मार मथुरा में जब पगु धरयो ॥  
 जरासंध सन ठानि लराई । जाय द्वारका पुरी बसाई ॥  
 अर्जुन के संग कीन मितार्ई । सिखै दुहुं दिशि समररचाई ॥  
 बचे युधिष्ठिर पांचौ भाई । और मरे सब ठानि लराई ॥  
 राजा भये युधिष्ठिर राई । गये द्वारकै कुँवर कन्हार्ई ॥  
 तबहिं युधिष्ठिरके मन व्यापौ । मोहिंसम और न जगमेपापौ ॥  
 हा विधि काह कीनयह काजा । सब कुलमारि भयों मैं राजा ॥  
 अनुजनसहितसलाह बिचारी । जाय कौनविधि कुल हत्यारी ॥  
 चलहिंकुण्ड ढिग पूछहिंसोई । वे भगवान देहिं दुख खोई ॥

दो० पांचौ मिलि जे द्वारकै कुण्डहिं कीन प्रणाम ।

जेहि विधि कुलहत्या टरै सो उपायकहुश्याम ॥

मोहिं सतावत रैन दिन कुल हत्या बलवान ।

जेहिउपाय जरि जाय सो मोहिंकहौ भगवान ॥

सो० काशी को तुम जाव विश्वनाथ दर्शन करौ ।

यहिते अधिक उपाव कोटि यत्न नहिं सो टरै ॥

हरिपद शीशनवाय चलेकाशिका सकलमिलि ।

पहुंचे तहँ सब जाय धरयोफाल तेहि भूमिमें ॥

तबहिं पाप भाग्यो चिग्यारी । जर्योजर्यो असकहतपुकारी ॥

भे अति मुदित युधिष्ठिर आदी । कीन्ह्यो महा हर्ष सुखशादी ॥

तब मणिकर्णौ सकल नहाई । पूज्यो विश्वनाथ कहँ जाई ॥

अन्नपूरणा सहित महेश्वर । पूज्यो जानि सर्वपर ईश्वर ॥

मधु दधि क्षीर खाँड़ घत लाई । भिन्न भिन्न करि सकल चढ़ाई ॥

पुनिहु चढ़ायो निर्मल नीरा । बिल्व कंज तन्दुल करवीरा ॥

धूप दीप नैवेद्य सँवारी । शक्ति समेत पूजि त्रिपुरारी ॥

अस्तुति करन लगे करजोरी । माथ नवाय बहोरि बहोरी ॥

कवित्त घनाक्षरीछन्द ॥ रीझो तात विश्वेश्वर रीझोमातु विश्वे-

श्वरी नाम शीघ्र तुष्टतेरो बेर क्योलगात है । तेरे दरबारमें तो



दान अविचार सदा मेरी बारमे विचार चित्र नईबात है ॥ कहे  
ओरी करजोरी रीझोर शिवगौरी पापको बिसारवो न तुम्हें बड़ी  
बात है । देखो जगरीति अस न्यायशास्त्र रीतिकहूँ सुत अपराधी  
को न तजा तात मात है ॥

सवैया छन्द ॥

हे शिव शम्भ दयाकर शंकर सेवकके सुखदात तुम्हींहो ।  
ताकेवसी सब भुक्तिहु मुक्ति जिन्हैं सब छाँड़ि सोहात तुम्हींहो ॥  
जानतहो सबके मनकी सबके उरबीच समात तुम्हींहो ।  
ओरीकेतौ पितुमातु तुम्हीं गुरुभात तुम्हीं हितनात तुम्हींहो ॥

दो० सुनि बिनती धर्मादिकी प्रकट भये त्रिपुरारि ।

बैलचढ़े गिरिजा सहित सब दुख दीन्ह्यो टारि ॥

मांगहुवर पाण्डहु सुवन अति प्रसन्न मोहिं जानि ।

भुक्ति मुक्ति जो मन रुचै महादानि अनुमानि ॥

सो० लेखि प्रसन्न शिवकाहि गिरयो भूमितल दंड जिमि ।

त्राहि त्राहि कहि त्राहि हाथ जोरि ठाढ़े भये ॥

जो यांचत सब संत भक्ति देहु प्रभु आपनी ।

देहु धाम निज अंत परब्रह्म करुणायतन ॥

एवमस्तु तब शंकर भाषा । पूरकीन तिनकी अभिलाषा ॥

बंशवधज अघ जो सब लेखत । सो सब छूट काशिका देखत ॥

जाहु भवन ममपद रति करहू । कवनिहु भांति न पापहिं डरहू ॥

अंतहि मालय मग ममलोका । हर्षित चलेहु सकल तजि शोका ॥

अस कहि शंकर गये बिलाई । पांडव सुअन हर्षि घर आई ॥

कह्यो कृष्णसों सकल सविस्तर । हर्षित भयो कृष्ण कहि शंकर ॥

जब लग जियो शंभुपद ध्यायो । अंत शंभु के भवन सिधायो ॥

सुनु मुनीश अस हैं शिव काशी । सर्वोपरि अघहर दुखनाशी ॥

दो० जो हरतो अघ द्वारका देतो मुक्ति बनाय ।

तौ कित पठवत काशिका कृष्णचंद्र सिखलाय ॥

इमि तुम लखो मुनीश वर सकल पुरीकी बात ।

बुद्धिमान संक्षेप में जानि लेत सब तात ॥



सो० यह इतिहास पुनीत कहै सुनै जो चित्त दे  
तेहिपर शंभु सुप्रीत कर यथा गजबदन पर ॥  
ओरी भयो अनंद सुनि गाथा मुनि वृन्द यह ।  
सो नर अतिमतिमंद जेहि न रुचै शंकरचरित ॥

अपर कथा सुनिये मुनि झारी । भैरव चरित कहौ बिस्तारी ॥  
भैरव शंकर रूप अभेदा । तेहिप्रभावकहिसकत न वेदा ॥  
सकल कहत शारद थकि जाई । तहँ नरबुद्धि कौनिअधिकार्ई ॥  
निजमति सरिस कहै हमगार्ई । जो सअंब शिव कर सहार्ई ॥  
लखि अथाह शंकर की गाथा । लखहुनअचरजकछुमुनिनाथा ॥  
एक समय सब सुर मुनि राई । भेयकठे अस मतो जनार्ई ॥  
विधि हरि शंभु तीन जगदीश । इनमें है सब पर को ईश ॥  
जौन समय की है यह बाता । तब विधि रहेहु शराननताता ॥

दो० और न समरथ है कोऊ जो यह देहि बताय ।

सकल सुरन करि एकमति विधिपहँ गे हर्षाय ॥

हाथ जोरि ठाढ़े भये करि प्रणाम नय शीश ।

तुम हरिहर ये तीन सुर सर्वोपरि को ईश ॥

सो० बोल्यो धात रिसाय मूढ़ भयो तुम सकल सुर ।

नाम से काम लखाय अर्थ लाय सब बूझहू ॥

ब्रह्म ईश अज मोर नाम विधाता जग पिता ।

ईश होय किमि और हैं सर्वोपरि ईश हम ॥

सिरजिपालिहम करहिंसंहारा । सर्वोपरि गुरुवस्व हमारा ॥

देखो मुनिवर शिवमाया बल । भूलेहुविधिहु कहतबानीचल ॥

तत्क्षण प्रकट भये बनवारी । अरुण नयन उरमें रिसभारी ॥

हे विधि काहकरत अभिमाना । वेद तत्त्व तव सकल भुलाना ॥

नाभि जलज मम तोरि प्रसूती । मम अधीन तवसब करतूती ॥

मोहिंबिसारितुमनिजहिपरेशा । बना चहत मन तजि अंदेशा ॥

नाम भरोस कहे बड़ दूषण । कनक धतूर बनै नहिं भूषण ॥

मैंहौं सकल जक्त को नायक । परम परेश जक्त सुख दायक ॥

दो० तवतनधरि हमरचत जग हरिहै पालत ताहि ।



हैमहेश तेहिहरत हम मम समदूतर नाहि ॥  
 लखोमुनिन अतिशंभुकी माया प्रबल अथाह ।  
 जेहिबशभूलेहु हरिहु विधि शंकर करैनिबाह ।  
 सो० बाकवादि भैयोर अतिकठोर कहि जातनहिं ॥  
 हमहैं सबशिरमौर कहतपरस्पर विधिहुहरि ।  
 जोपरेश सबध्याय उमानाथ जगनाथ शिव ॥  
 तिनको दीनभुलाय ममममहमहम करिरहे ॥  
 तब दुनहुन मिलिमंत्र विचारा । वादिकिहेउ नहिं है निस्तारा ॥  
 कहैवेद जेहि को परमेश । सोइ सर्वोपरि है सर्वेश ॥  
 सुमिरन कीन निगम चलिआये । तिनसों सबवृत्तांत सुनाये ॥  
 कहव तुम्हार सदा जगलीका । जेहितुमकहौसोसबपरटोका ॥  
 तजहु कानिनिज बानिनिबाही । उचित वाजिबी देहु गवाही ॥  
 बोल्यो ऋग हम और न जानैं । सबपर सबपर शंकर मानैं ॥  
 जेहि वामज हरिभे जग पाता । दक्षिणांग ते भयो विधाता ॥  
 प्रथम चहीलखबो निज सूती । तब कीन्हे बकवाद सपूती ॥  
 दो० कह्योयजुर बिहँसातमन अज्ञबन्यो तुमदोउ ।  
 जो शंकर कोतत्त्वतजि निज परेश पर होउ ॥  
 वादिनभूल्योउभयमिलि जरतहलाहलआंच ।  
 शरणशरणचिचियानेहूतबहिं सकलसुखांच ॥  
 सो० जरतहलाहलआंच काहेन लीन्ह्योस्वायतेहि ।  
 जोपरेश है सांच तुर्तहि लाग सहाय सो ॥  
 तबउठि बोल्यो साम माया वश यहि बेरहौ ।  
 शिवरति आठौयाम तुम्हैं दीखहमनितकरत ॥  
 हमैं पाठकरि जेहि तुम पूजत । ताको आजकाह बश भूलत ॥  
 शिव कैलास निवास उमेश । लखो परेश ताहिविधि मेश ॥  
 कह्यो अथर्वण तब हर्षाई । हैं परेश शिव शंकर साई ॥  
 करत प्रथम जो नभमें वासा । फूल विषेजिमि गंध प्रकासा ॥  
 द्वै सकार लीला करबेका । तुम्हैं बनायो जग भरबेका ॥  
 तेहितजि बना चहत तुमईशा । पियतवारिमृगत्यागिअमीशा ॥



हस्यो सुनत इमिविधि बनवारी । शंभु अजा बस ज्ञान बिसारी ॥  
जानत तुम्है निपट हम सांचा । भयो आज केहिकारण काचा ॥

दा० रहत दिगम्बर प्रेतसँग पहिरत हाड़ बटोरि ।

सांपनको भूषण करत पियत भांग विषयोरि ॥

वृष बाहन में जो चलत रहत जगतसे रूठि ।

ताको कही परेश किमि दिह्यो शहादत झूठि ॥

सो० बोल्यो प्रणव रिसाय मायाबस तुम पशुबन्धो ।

वेदन झूठि बनाय निन्दा करत परेश की ॥

लख्यो शंभु तेहि काल हरिविधिभक्तिअनन्यमम ।

पर माया के जाल दुखित होत मद मान में ॥

प्रकटि करौ इनको दुख क्षास । हरि विधिसे नहिं और पियारा ॥

बौंदर एक तहां अति आवा । तेहि भीतर शिवरूप दिखावा ॥

जो स्वरूप विधिसों प्रकटाई । ताहि समय सोइ रूप देखाई ॥

कह्यो विष्णु विधिसों लखिताही । देखो कौन चरित यहि माही ॥

लख्यो धात निजपुत्र विचारी । कह्यो वत्स गहु शरण हमारी ॥

सुनत क्रोध कीन्ह्यो शिवशंकर । प्रकट्यो एक स्वरूप भयंकर ॥

श्याम स्वरूप नयन रतनारे । माथे भस्म त्रिपुण्ड्र सँवारे ॥

चन्द्र भाल त्रय नेत्र सुहावा । मुण्डमाल गलमें अति भावा ॥

दा० सुरसरि शीश त्रिशूल कर सोहत काल समान ।

जनु शिव गुणवत रूपधरि चलयो करन मैदान ॥

शिव आगे ठाढ़े भयो कहौ काम मम नाम ।

केहि सहाय करि काहिको पठै देउं यम धाम ॥

सो० भैरव नाम तुम्हार सकल जक्तकी भयहरौ ।

कालहु डरिहौ मार नाम काल भैरव सदा ॥

यहिविधिअतिमगरूरनिन्दतमोहिं सुतमानिनिज ।

दिसजाय मददूर करहु करै जिमि और नहिं ॥

भैरव मनमें लाग विचारै । कौनि सजाय देउं जग कारै ॥

निन्देहु शिवहि पांचयें मुखसे । ताको छीनरहौ मैं सुखसे ॥

बामांगुलसे सो शिर छीना । हाहाकार विधिहु हरि कीना ॥



भयो चेत मद गयो बिलाई । कहनलग्यो जयजयशिवसाई ॥  
 हमें दोष लावतहौ कैसे । हवै प्रचंड अजा तव ऐसे ॥  
 तब मामेत कह्यो शिवसाई । अब भैरव तुमरहौ चुपाई ॥  
 बहुत पियार मोहिं विधिमेशा । माया हरयो तोर धरिभेशा ॥  
 करि प्रणाम शिवमानि परेशा । विधिहरि जातभयोनिजदेशा ॥

दो० भैरव से तब शिवकह्यो कीन्ह्यो पाप अथोर ।

ब्रह्म शीश काटत भयो द्विजहत्या अति घोर ॥

भूमहु जाय संसार में पाप पुकारि पुकारि ।

भीखमांगि भोजन करौ जेहि छूटे हत्यारि ॥

सो० तब प्रकट्यो एक नारि महाघोर शोणितभरी ।

रूपनजाय निहारि द्विजहत्या तेहि नाम धरि ॥

तेहि सन कह्यो महेश भैरव के पाछे फिरौ ।

गुजर तोर सबदेश पै एक काशी छांडि कै ॥

भैरव चले रसाटनको जब । पाछेलागिचली तियसो तब ॥

सकल तीर्थ जगमें हैं जेतै । भैरव धूमि करी सब तेते ॥

पाछे सो तिय घोर स्वरूपा । तजतनहीं एकक्षण मुनिभूपा ॥

भैरव विकल महा तेहि देखी । यत्नबहुत तेहितजनकोलेखी ॥

शिव स्वरूप यद्यपि मुनिराई । नरलीला करि जगहिदेखाई ॥

भैरव पूरण रूप महेशा । कौनिहुविधिनहिंताहिकलेशा ॥

तदपि दिखायो द्विज प्रभुताई । द्विजहु रूप शिवको बुधगाई ॥

फिरयो जक्त कछु शांतन पाई । तब मनमें अस इच्छा आई ॥

दो० हरि पुरको अब जाउँ मैं अच्युत दर्शन पाय ।

शांतकरौं निज पापको द्विज हत्या मिटिजाय ॥

पहुंच्यो तब बैकुण्ठ में आवत तेहि हरि देखि ।

महाहर्ष आतुर भयो शंभु अंग तेहि लेखि ॥

सो० उठो रमा हर्षाय आवत है हरि करि कृपा ।

दर्शन ते अघजाय बड़ी भाग्य दर्शन मिल्यो ॥

रमा सहित परिपांय पूछ्यो लीला कौनि यह ।

भैरव कह मुसकाय लग्यो पाप विधिशीशहति ॥



प्रलय बीच सब जक्त नशावत । विधिहरिबहुतस्वदेहमिलावत ॥  
 तहां पाप नहिं गहत पुरारी । अवी भयो यक शीश बिगारी ॥  
 अचरज होत हमैं यह भारी । हरौ नाथ भूम दास बिचारी ॥  
 कछु जवाब नहिं दीनविधारी । मांगेउ भीख स्वपाप पुकारी ॥  
 माणिक दीन रमा भरिथारी । लै भैरव सोइ तुरत सिधारी ॥  
 पाछे चलत भई सोइ नारी । ताहि बुलाय कह्यो बनवारी ॥  
 मम आज्ञा तजु भैरव काहों । जो वरचहसिसोलेमोहिंपाहीं ॥  
 तजौ न भैरव कोटि यतनते । जबलगजियौ न ठहरौ अनते ॥

दो० तब भैरवहरि भक्ति लखि भे प्रसन्न मन माहिं ।

लौटि ठाढ़ हरिओर भे बहु सराहि हरि काहिं ॥

मोहिं न बाधत नेक यह जग हित लीला कीन ।

जिमि जगमानै विप्र को लखै न द्विजकी दीन ॥

सो० तुम शिव भक्त अगाध वर मांगौ जो मन रुचै ।

पूर करौ सब साध हरि मांग्यो शिव भक्तिवर ॥

एवमस्तु कहि नाथ चलत भयो काशी सुमिरि ।

चली नारि सो साथ डेरवावत अति खकरत ॥

चलत चलत जब भैरव राई । काशी भूमि गयो नियराई ॥

काशी भूमि धग्यो जब पादा । चिधरी पापिन मानि बिषादा ॥

जरिउँजरिउँकहिगईबिलाई । तेहि लखि भैरव अति हर्षाई ॥

तारी पीटि लग्यो सो नाचन । काशी नाम लग्यो सो बांचन ॥

विश्वनाथ दर्बार मँझाई । सकल पाप निज धोयबहाई ॥

करन लग्यो काशी कोतवाली । यात्री करत पाप से खाली ॥

बिन कीन्हें भैरव सेवकाई । रहि न सकत काशी नरजाई ॥

शिव काशी भैरव एक रूपा । करत जाप छूटत सबधूपा ॥

दो० देखौ मुनिवर काशिका कीहै महत अगाध ।

नामलेत सुमिरन करत छूटिजात सबव्याध ॥

जो हत्या बैकुण्ठ में गयो न हरिदर्शाय ।

सो काशीमें पगुधरत भयोभस्म चिचियाय ॥

सो० जो यहिमें चितलाय पढ़ैसुनै अति प्रेमसों ।



तापरहोहिंसहाय विधिहरिहर गिरिजागणप ॥

बिनाजाप जपयोग लहत पदारथ चारिनर ।

ओरी भयो अरोग गाय महातम काशिका ॥

लखोमुनिन असहै यह काशी । अपर पुरी नहिंतेहिसमभाशी ॥  
 है शिरताज पुरिन की कासी । अपर पुरीहैं तेहिकी दासी ॥  
 समदर्शीनहिंतेहि समआसी । पावत मुक्ति अधिहु कतरासी ॥  
 नरन विषे तहँवां के वासी । सरितन विषे देव सरितासी ॥  
 सनत महातम सबबनवासी । सूतहि देत अशीश सहासी ॥  
 लखि काशी सर्वोपरि भाशी । बोलिउठे जयजय शिवकाशी ॥  
 अबहमभयनसकलसुखरासी । काशी विषे भयन विश्वासी ॥  
 जो रति सहितकहैशिवकासी । भुक्ति मुक्ति होइहै तेहिदासी ॥

हरिगीतिका छन्द ॥

वरदान देहिं मुनीश सबमिलि जानि सबपर काशिका ।  
 शुभ सुयश यहिमें शंभुहरिको सकल ऊपर भाशिका ॥  
 जोपढ़ै सुनिरतिकरै यहिमा तासु घर नित सुख भरै ।  
 जो हांसि करि यहि सुयशनिंदहि तिन्हनमुख कीरा परै ॥  
 दो० एवमस्तु नभते भयो सुनिमुनि भये हुलास ।  
 कहिजयजयशिवकाशिकागयेसकलनिजवास ॥  
 सर्वे हरि हर दाससों बिनवत ओरी लाल ।  
 हाथजोरि सबके चरण नाथ नाथ निज भाल ॥

इतिश्री शिवचरित्रे काशीमाहात्म्य काशिका

आगमन सम्पूर्णम् शुभमस्तु ॥





श्रीगणेशायनमः

## अथजडचेतनी ॥

— 000 —

शाम्बशिव ॥

दोहा ॥

गजमुख शरमुख चतुरमुख षट्मुखसागरबांइ ।  
बन्दि सकल करजोरियश वर्णहुं गिरिजा नाह ॥  
गिरिजा कधिजा शैलजा रविजा नन्द कुमारि ।  
सबके पदपरि दण्डवत वर्णहुं यश त्रिपुरारि ॥  
बन्दि शारदा प्रेमसों विनय करौं शिरनाथ ।  
मम उरमें करि वास निज शिव यशदेहिं बताय ॥  
रविरविजहि शशिशिजभुज गुरुकविराहुरकेत ।  
बन्दहुं सबहिं प्रणाम करि विघन निवारणहेत ॥  
सहस नयन मुख सहसको बंदौं युग करजोरि ।  
गुप्त प्रकट जो शंभु यश मम उर देहिं बटोरि ॥  
छं० सहस करारी नख भुजदारी जो प्रभु रदकजमारी ।  
तिन पदबंदी सब छल छंदी पुरवहिं आश हमारी ॥  
तिनकीबिनुकसना रीझतहरना असयेभक्त गजारी ।  
करहिं सुयुक्तीजिमिशिवभक्ती ममउरकरहिं पसारी ॥

हरिगोतिकाछन्द ॥

हौं दास ओरीलाल कायथ पुत्रहौं शिवदीनका ।  
अरु वास उंडवग्रामजहँ बहुवास विप्र प्रवीनका ॥  
तेहि ग्राम रक्षक चतुर्भुज हरिहनत दुष्टबलीनका ।  
तेहिबंदि युगकर जोरिवर्णहुं सुयश शंभुमतीनका ॥  
दे० प्रथमकहीमें शिवकथा जिमि गिरिपर शिवशोभ ।



बढ़ीप्रीति जगरीति है लाभते बाढ़त लोभ ॥  
 भाकैलामागमन तेहि नाम परम सुख थान ।  
 तेहि पाछे काशी चरित कह्यो मुक्तिको खान ॥  
 नाम काशिकागमन तेहि भयो मुक्तिको पंथ ।  
 करुणा बग शिवशाम्ब के पूरभये दुइ ग्रन्थ ॥

तब निज मनमें मंत्र विचारी । आपनिभनित लगै बहुप्यारी ॥  
 बुद्धिमान जिहि ज्ञान अतीवा । तिहि आदरते मानहुं सीवा ॥  
 असविचारिमनप्रकटिदेखावा । निजहि अकविकहिविनयसुनावा ॥  
 छन्द प्रबन्ध लखौ नहिं ताता । हरिहर सुयशलखौ हरषाता ॥  
 जे शिवभक्त महा अधिकारी । तिनहिंलागि पुस्तक वैप्यारी ॥  
 जे हरिभक्त भागवत सांचे । ते शिव सुयश हर्ष युत बांचे ॥  
 जे पाखण्ड नृपति गुरुदम्भी । सदाकुवादि निन्द अवलम्भी ॥  
 उपर साधुचित परम अलट्टी । माला तिलक बधिककी टट्टी ॥  
 गऊरूप तिनको मन मेढ़ा । सुनिशिवसुयशकरहिंमुहँटेढ़ा ॥  
 आंखितरेरि मोहिं जड़गार्ड । भनित भदेसिल कहिमुसकार्ड ॥

दो० ताहिलखोनहिंभक्तिहरिजेहिशिवयशनसुहाय ।

कल्पित पंथी ताहि लखि संगति देव बचाय ॥

सो० बड़ेअभागी लोग जिन्हैं नप्रियशिव को सुयश ।

करैं रवरवा भोग कल्प कोटि बसि नरक में ॥

हरि भक्तन के चिह्न बताऊं । दंभी अपर अदंभी गाऊं ॥  
 जेशिव सुयशसुनत हरषाहीं । शिवपद प्रीति करहिं मनमाहीं ॥  
 तिन्हैं भागवत लखौ अदंभी । परम साधु हरिके अवलंभी ॥  
 शिवयश सुनत करैं मनफीका । गुनौ ताहि दंभी ठग नीका ॥  
 सुनो वैष्णव भनित प्रमानू । तुलसीदास कहा जो ज्ञानू ॥  
 बिन छल विश्वनाथ पदनेहू । राम भक्त कर लक्षण एहू ॥  
 रमासहितजेहि जपतमुरारी । सुरसमान तेहिलखत अनारी ॥  
 शिवहिंनिदरि असअचरज भारी । आपु बनै हरिको हितकारी ॥  
 बलिपशु सरिसन सूझत मारा । कांध चढ़ कर हरष अपारा ॥  
 तिनके चेत हेत कछु भाखौ । जड़ चेतनी नाम यहिराखौ ॥



दो० उनइससै चौतिस रह्यो कातिक आदितवार ।

षष्ठी उत्राषाढ़ सुदि कथा भयो अनुसार ॥

सो० बार बार शिरनाथ बंदौ पद श्री शारदा ।

देवी करै सहाय चहौ बारि पर भीत धरि ॥

जेहि विधि होय जड़न को चेतू । सोइकथा मम उरधरि देतू ॥

गुरुहि ध्याय भै कथा अरंभू । पूरण करै सदा शिव शंभू ॥

लही कछुक संतन के पास । वर पुस्तकनकेरि लै आसा ॥

कछुक कीन शारद कसणई । मम उरभीतर दीन बताई ॥

सो सब कहब प्रबंध बनाई । बारबार शिव शंकर ध्याई ॥

एक समय नैमिष बन माहीं । ऋषि गण गयो सूतके पाहीं ॥

दे अशीश निज संशय भाषे । कथासुननकोचितअभिलाषे ॥

नाथ विष्णु सब जगके कंता । चितानंद भगवंत अनंता ॥

सो लीला बखलै अवतार । आयभयो नृप अवधकुमारा ॥

तहां वशिष्ठहि गुरुप्रभु कीन्हा । दिक्षा कौन रमापति लीन्हा ॥

दो० जपै सकल जगरामको राम महा सुख धाम ।

मुनि वशिष्ठ गुरु रामके कौन सुनायो नाम ॥

रमितसकल जगराममें रामरमितकेहिमाहिं ।

रामजपत केहिध्यानमें पजत अरचत काहिं ॥

सो० मुनिनबखानि अनेक हँस्योसूत शिवशिव सुमिरि ।

जानत सकल विवेक अज्ञ बन्यो संसार हित ॥

सुनहु सकल मुनिनाथ कहीसूत हरिहर सुमिरि ।

परब्रह्म शशि माथ अगुण सगुण तेहिश्रुति कहै ॥

अज अनादि अद्वै अविनासी । सदा सकल घट घटमों वासी ॥

सर्वोपरि शिवशून्य बिलासी । तासु नाम सर्वोपरि भासी ॥

निरगुण से सरगुण तन धारी । तेहि अंशज भै धातु मुरारी ॥

तासु मंत्र पट वर्ण सुहावा । वेद सार तेहि वेदन गावा ॥

तेहिजपिसष्टि करतजगकारी । सो जपि पालत जग बनवारी ॥

तेहिजपि शंभुकरत लयअंता । तेहिजपि रमालह्यो हरिकंता ॥

सो जपि शेष धरै शिर धरणी । सोजपि नाश करै तमतरणी ॥



सो जपि इन्द्र भयो सुर राजू । लवा पाप को है सोइ बाजू ॥  
 तेहिबल शंभु मुक्तिके दाता । तेहि बिन जपे न है कुशलाता ॥  
 तेहिजपिभे सनकादिअतापी । अरुचरहै तेहिते खल पापी ॥

दो० रामकृष्ण सो मनुजपति धरत शंभुको ध्यान ।

पूजत अरचत शंभुको लहे शैव वरज्ञान ॥

छंद तारक ॥

उरबीच सदा हरि केशिवसोहै । परमाण तहां कवि केशवकोहै ॥  
 उरतेशिवमूरतिश्रीपतिलीन्ही । शुभसेतकेमूल अधिष्ठतकीन्ही ॥

सो० ताकी कथा पुनीत सुनौ सकल मुनिराय अब ।

जो सुनि होय प्रतीत भक्ति बढ़ै शिव चरणकी ॥

क्षीरसिंधु तजि जब श्रीअच्युत । अवधमें आय भयोदशरथसुत ॥  
 एक अंशते चारि बिरादर । जेठराम शोभा सुख सागर ॥  
 भरत लषण रिपुहा अभिधाना । चारि बंधुये वेद बखाना ॥  
 मातहिपितहि मोदअतिदीन्हा । पुरजनप्रजहिसुखीबहुकीन्हा ॥  
 लीला विविध करी बालापन । दीन्ह्यो बहुतभांतिसुखभक्तन ॥  
 जबहिं कुमार भये सब भाता । पूजतशिवहिजानिनिजत्राता ॥  
 प्रातकाल उठिकै सब भाई । सखासहित सरयू तटजाई ॥  
 करिशुचि क्रिया करत अस्नाना । रचत भस्म जिमिवेदबखाना ॥  
 अरु रुद्राक्ष भरे सब अंगा । जेहितेहोत सकल अधभंगा ॥  
 नागेश्वर पूजत मन लाई । कहिजयजयति शंभुसुखदाई ॥  
 पंचामृत अस्नान करावत । चंदन पुष्प कपूर चढ़ावत ॥  
 तिल तंदुल गोधूम का अक्षत । प्रेम समेत शंभु पर अर्पत ॥  
 पुष्प कंज करबीर धतूरा । शिवपर अर्पत लखि दलपूरा ॥  
 बलपत्र अलकीर अछिद्रा । शिवहि चढ़ावतकरिकरिमुद्रा ॥  
 पातीबिल्व शिवहिअतिप्यारी । अर्पत शिववहु होत सुखारी ॥  
 शिव अर्चन जहँ निगमबतावा । यहिते अधिक न दूसर गावा ॥  
 तब शौनक बहु सूत निहोरी । निज संशय भाष्यो करजोरी ॥

दो० तात सकल संसारमें बहुकुज विविध प्रकार ।

शिवहिनपरप्रिय बिल्वसम याको कौनबिचार ॥



पनस रसाल बरा अरु पीपर । पाकरतत अनार जंबुवर ॥  
 पुंगीद्रुम इत्यादि विहाई । सर्वोपरि शैलुष ठहराई ॥  
 उतपति महत बेल की गावो । करिकरुणा भूममोर मिटावो ॥  
 तब शिव बंदि सूत हरषाई । बारम्बार शारदहि ध्याई ॥  
 आय शारदा मम उर नाच । शिवयश कहौं होय सबसांचू ॥  
 करिकरुणा करु मोरि सहाई । चहौंबारि परचित्र रचाई ॥  
 जब निर्गुण शिव सर्गुण भयऊ । लीला हेत यतन बहु ठयऊ ॥  
 तब शर कोशरची शिवकाशी । तेहिपरटिकत भयोअविनाशी ॥  
 प्रथम तीन गुण बनयो शंभू । राखेहु ताहि त्रिशिखअवलंभू ॥  
 निज नयनन गुण तहां पसारा । रज सत तमोनाम तेहि धारा ॥  
 शिवके चषगुण कहौं बखानी । सुनो मुनीश परम हितमानी ॥  
 दक्षिण ते सब जग उपजावत । बामसे सकल पालना पावत ॥  
 मध्य नयन खोलत लय होई । सोइभांति त्रयगुण प्रकटोई ॥  
 चषगुणप्रकटित्रिशिखपरराखा । तेहिते प्रकट भयो तरुशाखा ॥

दो० सो तरु निरखिमहेश प्रभु भयो प्रसन्नमुनीन ।

निज स्वरूप ओंकार सम तासु पत्र कै दीन ॥

सो० बेलअपर शैलूष तासु नाम शंकर रख्यो ।

तेहिकीन्ह्यो पतिरुख तासुअंश सबकुजभये ॥

दो० बामअंगते हरि प्रकटि पालन आज्ञादीन ।

दक्षिणते विधि को बनै सृष्टिकार तेहि कीन ॥

सो० लह्यो रजो गुणधात हरिपालनहितसतलह्यो ।

करिकरुणाशिवतातलयहिततमनिजसोरख्यो ॥

हरिगीतछंद

जब भयहु संगर सुरासुर को देवता सब हारेहु ।

लैसीखविष्णु मिलापकीन्ह्योमथन सिंधुबिचारेहु ॥

तहँ प्रथम आयोकूट कातिल आंचसों सब जारेहु ।

तबगयेसब मिलि शरणशिवकेत्राहिकहिचिकारेहु ॥

तबआय शंकर कीन करुणा कूटको चखिलीन है ।

निजउदरमेंलखिसकल विधिकृतकंठमेंरखिदीनहै ॥



मर्त्याद राखन हेत विषकी भयो शंभु मलीन है ।  
तब विकल है हरि धात सुरमुनि नीर धारा कीन है ॥

दो० उष्णनिवारण हेत सब यत्न कियो बहु भांति ।

जूड़ वस्तु शिवपरधस्त जिमि विषहोवेशांति ॥

सकल देखावत दासता अर्पत वस्तुहि मात ।

भूताफागुन कृष्ण की सोइ भयो शिवरात ॥

सो० तब आयो कुजबेल निजदल शिवकेशिरख्यो ।

समिट्यो विषको फैल है सचेत शंकर उछ्यो ॥

तब दीन्ह्यो शैलुषहि बड़ाई । तुम समान नहिं मम सुख दाई ॥

सकल द्रुमनमें तुम गुरु होऊ । तुमसे अधिक न प्रिय मम कोऊ ॥

कल्पतरु अस्वस्थ रसाला । तव पद सकल नवावहिं भाला ॥

मम शिर जो धरि है तब पाती । ताहि बनाउब हम निज भांती ॥

मम पूजन तब बिनु नहिं होई । कितनौ यत्न करै चहै कोई ॥

पूजन सामा जुरै करोरी । बेलपत्र बिन सबहै थोरी ॥

एकौ होय न पूजन सामा । बेलपत्र एक सब सुख धामा ॥

पूजन विष्णु गणप अरु मोरी । बिना बेलपत्री सब थोरी ॥

दो० इमि सुनि महिमा बेलकी शौनक ऋषिन समेत ।

बोलि उछ्यो जय बेलकी जो शंकर सुख देत ॥

सो० तब शंकर पद ध्याय सूत महा मति प्रेमयुत ।

कहन लग्यो हरषाय अपर कथा रघुनाथ की ॥

इमि पूजत सब वस्तु चढ़ाई । धूप दीप नैवेद्य लगाई ॥

करत आरती घंट बजाई । जपत मंत्र पट वर्ण सुहाई ॥

अस्तुति पढ़त महा हरषाता । जय शिव त्राहि त्राहि जन त्राता ॥

रक्षा करौ सदा तुम मेरी । भक्ति देव निज पद की ठेरी ॥

अस करि अस्तुति गाल बजावत । दै तारी शिव शिवा रिझावत ॥

अस सुनि शौनक शंका कीन्हें उ । आशिष बहुत सूत को दीन्हें उ ॥

हमहुं तात पूजा की वारी । गाल बजाय देत करतारी ॥

पर नहिं जानत तासु प्रभावा । कवन भाव यह शंकर भावा ॥

दो० रीझ खीझ शिव शम्भु की समुझि परत नहिं तात ।



याको कहि विस्तारयुत करु मम संशय घात ॥

हरिगोतिकाछंद ॥

तब कह्यो सूत विचारि मनमें सुनहु मुनिवर कानदै ।  
है परम अद्भुत शंभुलीला गूढ़ जानहु तेहि सदै ॥  
तेहि वेद जानव नेति भाषत शारदौ थकि जातहैं ।  
नहिं पारपावत हरि हरीशहु हरि हरी सकुचात हैं ॥

दो० ताकी महिमा किमि कहैं अति लघुबुद्धि हमारि ।

अंजुलि से नापव कठिन यथा सिंधु को बारि ॥

सो० अति मतंग मुनि पील जौन भारनहिं सहिसकैं ।

सो किमिगहै पिपील तथाशंभु यश नरसुतहिं ॥

तदपि तुम्हारि लालसा देखी । शिवहिध्यायकछुकहबबिषेखी ॥

एक समय हरिविधिसौ भाषा । कहबिधिलखिनारदअभिलाषा ॥

शिवपद प्रीतिनिरखितबनारद । कह्योव्याससनसहितबिषारद ॥

व्यास कृपा मोपर अति कीन्हा । करिअनुराग मोहिं सो दीन्हा ॥

सोअब कहौं तुमहिं समुझाई । सुनहु मुनीश्वर चित्त लगाई ॥

हरि हर सेवक जो जग माहीं । सुनत शंभुयश अति हरषाहीं ॥

जोन होय शिव यशसुनि तुष्टा । ताहि लखौ कपटो अरु दुष्टा ॥

अब सुनिये शंकर प्रभुताई । कहौं शारदै साथ नवाई ॥

दो० दक्षभयोयकविधि तनय महा बुद्धिको खानि ।

परम भागवत शैवबड़ ताहिउमा अनुमानि ।

उमा भई तेहिकी सुता तेहि घरलै अवतार ॥

जगदम्बा तेहिजानिकै कीन बहुत सुखसार ।

सो० जगदंबा तेहि जानि दक्ष सुमति लै धातकी ॥

भक्तिसहितसनमानिताहिठ्याहिदीन्ह्योगिरिश ।

तबविधिकीनविचारदक्षहिसबलायकसमुझि ॥

दीनमहा अधिकार कीन प्रजापति को शिखा ।

भयो दक्ष मद गेह मुनीशा । लहिअधिकार भयोमतिखीशा ॥

करि अभिमान बीसहू बीशा । निजपर लख्यो न परजगदीशा ॥

शिव चरणनसे भयो बियोगी । लख्योशिवहिजिमिजगकीयोगी ॥



जेहि शिवचहत बिपतियहि होवै । निजपदते तुरतहि रुचिखोवै ॥  
 अबपरकथा सुनहु विधिसुतकी । कारज नाश सुनो मद युतकी ॥  
 मदसे होत सकल कृत भंगा । वृद्धि पाप कीहै मद संगी ॥  
 मदसे मधुको माधव मारा । मदसे मदन भयोजरि क्षारा ॥  
 मदसे भयो कलंकी चंदा । मदसे भयो मंदगति मंदा ॥

दो० मदहिसे बलि पाताल गो मदहिसे रावणनास ।

मदहिसे गोपिन हरितज्यो कीनद्वारका वास ॥

मदसे श्रीपति हारिकै बसे जलंधर •गेह ।

मदहै भोजन शंभुको मदसे करौ न नेह ॥

हारिपाप को गेह मद मदमें होहु न लीन ।

देखौ नरहरि तेज को सर्व निवारण कीन ॥

सो० जसफल पायो दक्ष होय न सो गति रांडकी ।

यदपि करी सुरपक्ष तदपि दुर्दशा बहुभई ॥

सुनुमुनीश यहज्ञान शिव विरोध नहिं परहितू ।

उदय भयेबिनु भान कोटि दीप नहिं तमनशै ॥

अब सुनिये मुनि दक्षकि लीला । शंभु अजा जाकी मतिकीला ॥

माया पुरी जहां शिव द्वारा । कनखल विषे जाय विधिबारा ॥

युत अभिमान यज्ञ तहँ ठाना । नाम वृहरूपति यज्ञ बखाना ॥

नेवते सकल देव मुनि झारी । भृगुआदिक जे मख अधिकारी ॥

दिगपतिसकल बुलायो हितसों । रचना सकल रचायो वितसों ॥

रविशशि आदि सकलग्रह आये । प्रेमसहित हरिविधिहिं बुलाये ॥

करिबिरोध नहिं शिवहि बुलावा । मायाबधनहिं विधिहु सिखावा ॥

शंभुभक्त नहिं परविधि हरिजस । सो भूल्यो शंकर माया बस ॥

दो० तजि शंकर सबदेव मुनि गये दक्षकी जाग ।

मायाबध शंकर विमुख लीन चहत मखभाग ॥

सो० तहँ मनि रह्यो दधीच परम पासुपत शैववर ।

बोल्होसभाके बीच आयो क्यौं नहिं सकल पति ॥

बिन दीपक नहिं मंदिर भाता । बिन दुलहा नहिं होय वराता ॥

बिना शंभु किमि यज्ञ सुहाई । देखौ करि विचार सुरसाई ॥



कह्यो दक्षकी सुनहु सुनीशा । आयो विष्णु सकल सुरईशा ॥  
नग्न समूत अमंगल साजू । ताकर कौन यज्ञ में काजू ॥  
तब दधीच अतिशय रिसवाना । धिकधिकतोहिं ऐन अभिमाना ॥  
कबहुं यज्ञ न पूरण होई । सकलकाज तवशिव प्रभु बोई ॥  
सुमिरण जासु अमंगल हारी । रमा सहित जेहिजपतमुरारी ॥  
तेहि तुम कहत अमंगल भेखी । नहिं रहि जाय तोरि यह शेखी ॥  
भाग लेन जितने सुर आये । सकल भाग्य हत होत जनाये ॥  
परको शोच करै को भाई । शिव माया बग हरिहु भुलाई ॥

दो० अस कहि मुनि बाहिर गयो करिकै सब पर काध ।

शिव माया बग सब भये करी न मुनि कर बोध ॥

सो० जब तजि गये दधीच भाग्य भगी जनु सुरन की ।

अस दक्षहि लखिनीच दै जवाब आयु चली ॥

अब सुनिये पर कथा सुनीशा । जेहिबिधि भई दक्षमखखीशा ॥  
पितुमखहाल सुनीसतिजबहीं । हरषि कौन अचरजबहुतबहीं ॥  
अतिहिं शोचबगभई भवानी । कारण कौन न हम कहैं आनी ॥  
नहिं महेश को नेवत पठावा । कौन चाल यह पिता उठावा ॥  
केहि विधियज्ञ पूर सो होई । बिनमहेश मोहिं शोच बड़ोई ॥  
जो मम बिनयमानि प्रभु जावैं । तौ मम पिता पूर फल पावैं ॥  
गई शंभु पहुँ तुरत भवानी । बारम्बार जोरि युग पानी ॥  
करि दंडवत सुमाथ नवाई । बोलत भई रजायसु पाई ॥

दो० करतहवै मख तात मम कनखल बीच महेश ।

गये सकल सुर भागहित युत बिधि इन्द्र रमेश ॥

सो० बहु कारज बगनाथ तुम्हैं भूलि मम पितु गयो ।

करहु कृपाबिधुमाथ मोहिं सहित चलि कैतहां ॥

कह्यो महेश देखि चतुराई । कारज बग नहिं हमहिं भुलाई ॥  
बैरमानि न्योत्यो नहिं हमका । हमरे बैर भुलायो तुमका ॥  
कह्यो सती पुनि युगकर जोरी । बिनती एक सुनहु प्रभुमोरी ॥  
तुम सम दृष्टी नाथ कहावा । बैर प्रीति तुम को यकभावा ॥  
चलिये जानि मोहिं निजदासी । पूरण यज्ञ करौ अविनासी ॥



तुम्हें बिना मख पूर न होई । मम पितृकाहिं हैंसैं सबकोई ॥  
 भे प्रसन्न सुनि विनय भवानी । चलन चह्यो तब औघरदानी ॥  
 देखत भयो तबहिं धरिध्याना । लख्यो दधीच केर अपमाना ॥  
 कह्यो शंभु अब सुनहु भवानी । सम दर्शी तुम कहफुरिबानी ॥  
 तदपि भक्तको पक्ष बड़ेरो । भक्त अधीन रहै चित मेरो ॥  
 दो० मोहिं लखै जो बैर सों तापर करौं न क्रोध ।  
 जन बैरीसो बैरिमम जबलगि हतौं न बोध ॥

छन्द ।

कह शंकर भो सुनु देविप्रिये निज शत्रुहु मित्र न काहू गतौं ।  
 जन बैरीसे बैर रहै हमरो जन मित्रका मित्र कहौं अपनौं ॥  
 मम भक्तदधीच बड़ो द्विज मौलख्योअपमान गयोहैचलो ।  
 तहँवां हमजाब न देविप्रिये ह्यहिको फलदक्ष सुपावैभलो ॥  
 सो० सुनि शंकर की बात बहु उदास देवी भई ।  
 नाथ बड़ो जड़ तात कीन्ही बैर परेश से ॥  
 पिता कीन मम बड़ अपराधू । क्षमा करौ प्रभु कृपा अगाधू ॥  
 जो कृपालु मैं आयसु पाऊं । देखौं जाय सुभाउ कुभाऊ ॥  
 लखि अमानतवहिय रिसहोई । तातनात लखि पीठजरोई ॥  
 तबनिज अजहिं शंभुशिरनावा । जो हठ कै हठ सती करावा ॥  
 कह्यो शंभु प्रिय जाब न नीका । बिना नेवत असजाबअलीका ॥  
 मातुपिता घर बिनहुं बुलाये । जाब भलो सब कहतसुहाये ॥  
 है सुठीक जहँ बैर न होई । बैर जहां तहँ खैर न होई ॥  
 लख्यो शंभु तब सती उदासी । दीन्होहुकुम जान अविनासी ॥  
 दो० रूपराशि यक तौ सती अद्वै अलख अनूप ।  
 करिकरुणा करुणायतनदीन्ही अधिकस्वरूप ॥  
 सो० जसभा सती बनाव पहिरि अभूषणचीरपट ।  
 वेदन करत चवाव कौन भांति तेहिबरणहीं ॥  
 निज मतिसमककुहौंबखानी । होन पवित्र हेत निजबानी ॥  
 शशि सरोज सम बदनसुहाई । मुसकी अलक महाछबिछाई ॥  
 चोटी गुही मनो अहि रानी । अमीलालसा शशिनियरानी ॥



तापर बेनी पान सुहाई । मनहुं राहु रबिकीन एकाई ॥  
 सेंदुर भरी मांग छवि सोहै । इंद्र धनुष सम सो मन मोहै ॥  
 लट प्रति मोती गुही सुहाई । तारावलि जनु नभमें छाई ॥  
 तीन नेत्र अति शोभा भारी । तहँ अंजन खंजन छविहारी ॥  
 भौहैं सुभग कमान मनोजा । मनहुंगहु नितसजेहु जलोजा ॥

दा० सोहतश्चेत त्रिपुंड्र अति तिहिठिग शशिधरवार ।

कहकशान जनु गगन पर उदय करी करतार ॥

सो० तहँ पुनिबेंदी लाल समनिरतन शोभा भारी ।

मनहुंभूमिको बाल उदयभयो शशिके निकट ॥

बंदी मनहुं करे छवि बंदी । छवि हित मार चलायो फंदी ॥  
 दूसरि उपमा अस मन भाई । निशिदिन बीच सकार सुहाई ॥  
 तोसरि उपमा कहौं बखानी । गंग जमुन बिच सोहत बानी ॥  
 नासा सुवा चौच समगाई । तहँ बेसरि छविसुभग सुहाई ॥  
 उपमा तासु हेरि कवि हारे । शशि महँ मंडल ताहिपुकारे ॥  
 नृप भूषण षोडश शृंगारा । अंग अंग रचि सखिन सँवारा ॥  
 विस्तर भयनहिं कह्यो बखानी । मातु बननि बरणव अज्ञानी ॥  
 जो कहि सकत न शारद शेषा । तहां कौनि नर सुतकी लेषा ॥  
 बड़ शृंगार जानि बुधि छोटी । शिरहि सँवारि पाउँ पर लोटी ॥  
 जलज चरण तहँ शोभा भारी । कड़ा छड़ा तहँ समनि सँवारी ॥

दा० जावकछवि पावक सरिस ताऊपर पकपान ।

मानहुंउयेउ प्रवाल निरि माघ सकारे भान ॥

सा० बिछुआअतिसुखदेतप्रतिअंगुरीमणिजरखँची ।

चारि पदारथ लेत ताको ध्यान सम्हारि नर ॥

पगतल अरुणजलजसमसोहत । मुनिमनमधुप जहांपरमोहत ॥  
 धरत ध्यान जेहि विधिवनवारी । शंकर शक्ति महा छवि हारी ॥  
 यकरथ सुभग बन्यो तेहि ठोरी । तेहिमहँ नह्योसिंह कीजोरी ॥  
 तेहिचढ़ि चलत भई जगमाता । शिवहि प्रणामकीन हरषाता ॥  
 चलत सतीशिवनिजमन माहीं । निजमायाकहँ अधिकसराहीं ॥  
 सकुच समेत विदा तेहिकीन्हा । षोडशसहसमुख्य गणदीन्हा ॥



चलत भईसति कनखल ओरा । बोलत छरीदार करि शोरा ॥  
 सकल कहत जयजय शिवसाई । दक्ष भवन सबगे नियराई ॥  
 पंछयो दक्ष कहां की भीरा । निरखि शंभुगणजरयो शरीरा ॥  
 कोउ नहिं सतीउतारनआयो । मन महँ सतीमहा दुखपायो ॥

दो० उतरि यानते मातु तब गयो दक्षके गेह ।

दक्ष त्रास उर मानि सब सतीप कीनन नेह ॥

सो० भली मिली एकमातआदरयुत हरषित हिये ।

भगनी सबबिहँसात बिना नेवत लखि आयबो ॥

निरखि सतीपद विष्णु विधाता । कीनप्रणाम जानि जगमाता ॥  
 निरखि तातगति तबसतिरोई । शंभु कहा को सुरति करोई ॥  
 मैं निज पतिकर कहा न मानी । ताको फल अबपाय अधानी ॥  
 असकहि सतीगई मखशाला । देख्योभाग न कहुंशशिभाला ॥  
 बहुत रिसाय दक्षसन बोली । यज्ञकिह्योनहिंकिह्योठठोली ॥  
 जोमखफलद सकलमख साई । ताहिनिदरि तुमचहतबड़ाई ॥  
 बहु खदैत जुरै एकठाई । बिनाभाजुतमकेहिविधिजाई ॥  
 बड़ श्रुतज्ञ तुम अति विज्ञानी । कारण कौन बालगतिठानी ॥  
 सुनत दक्ष बोल्यो करि क्रोधा । गुससम मोरकरत तुमबोधा ॥  
 सकलसुता समकरि ममकानी । रुचै रहौ नहिं जाउ भवानी ॥

दो० सुनि अस जड़ता दक्षकी सती कीन बहुक्रोध ।

जारौं मख सब सुर सहित मूढ़लहै तबबोध ॥

सो० सकलसुता समतूलि मोकहँ जानतनिजसुता ।

शिवमायावशभूलि लखतनमोहिंअखिलेश्वरी ॥

करौं प्रलय सब जक्त नशाऊं । पुनि रचनाकरि सृष्टि बनाऊं ॥  
 असकहिकै निजरूप सम्हारा । महातेज तब बढ़यो अपारा ॥  
 तीसर नयन उधारा चहिहू । शिवप्रेरिततबअसबुधिलहिहू ॥  
 लयनित शिव आज्ञा नहिंपाई । उचितनहै असकिहे ठिठाई ॥  
 तहँ परन्तु एक बात कठोरी । दक्षसुता है अभिधा मोरी ॥  
 सो तजिदेहुं त्यागि यह देहा । तब छूटै जड़सौं यह नेहा ॥  
 अपर कहत इमि वेद बखानी । सुनत शंभ निन्दा जो प्रानी ॥



महा पाप तेहि लागत भारी । तहँ निरधार करी श्रुतिचारी ॥

दो० की निन्दक शिरकाटही कि काटै तासु जवान ।

जो नहिं परै तासु बल भजै मूँदि कै कान ॥

पातक रहै सदा तेहि अंगा । जबलगिकरै न सो तनभंगा ॥

शौनक कह्यो जोरि यु । पानी । निन्दाकाको कहत बखानी ॥

हँस्यो सूतकहि शिवशिवबानी । निन्दाभेद सुनहु मुनि जानी ॥

शिवहि लखै नहिं सबपरईशा । तेहिशठनिन्दक जानुमुनीशा ॥

कहै शिवहि जोपर सुरमाना । सो बचनिन्दा भेद बखाना ॥

प्रकृतिपुरुष असकरत बिवादा । ताहि लखो निन्दकको दादा ॥

अस विचारि जगमातु भवानी । सोतनुतजिनिजलोकसमानी ॥

योग अनलसों सो तनजारा । भयो सकल जग हाहाकारा ॥

दो० मरतसती निजपतिसुमिरि मांग्यो यह वरदान ।

जन्म जन्म तुव चरण रति होयसहित दृढ़ज्ञान ॥

सो० मरत सती यह शाप दीन सबहिं पति पद सुमिरि ।

लहहिं सकल सुरताप जो शिव निन्दक घर बसे ॥

देखौ मुनि शिवकी यह लीला । जो हठिकै सबकीमतिकीला ॥

रहे सकलसुर हरि विधि जानी । मरतसतीको नहिं सनमानी ॥

रहे शंभु गण जो सति साथी । मरे सती सब भये अनाथा ॥

करन उपद्रव तहँ सब लागे । भृगु उच्चाट मंत्र पढित्यागे ॥

कछुक मरे निज कर सतिशेच । कछुकगयेगिरिसहितसकोच ॥

शिव चरणन पर माथ नवाई । सती मरण तब रोयसुनाई ॥

तब चिंत्यो नारद शशि भाला । तुरतहिपहुंचिगयोविधिबाला ॥

करि दंडवत सुमाथ लचाई । बोल्यो जयशिवजयसुरसाई ॥

दो० कही सकल वृत्तांत मुनि शिव सों युग करजोर ।

करी दक्ष अपमान जसं सो बिस्तार अथोर ॥

सो० जो न देहु यहि दंड बहुत बढै पाखंड जग ।

होय वेद को खंड बनै अदंडक दंड सब ॥

कहत वेद इतिहास पुराना । निन्दा सों नहिं पाप बखाना ॥

सुर पूजे नर निंदज पापा । छूटै किहे भली विधि जापा ॥



सुरनिन्दज अघ अतिबलवाना । सो पुनि जाय भजे भगवाना ॥  
 हरिनिन्दज अघ परमबलीना । सो शिव भजे होत है क्षीना ॥  
 शिव निन्दज अघ टरत न टारे । कोटि उक्तिकरि युक्ति बिचारे ॥  
 होय वेदबच बातिल सबहीं । जो न देव कर दक्षहि अबहीं ॥  
 रहे सकलसुर विधिहरिजादी । सती बोध नहिं कीन अनादी ॥  
 उचिततुम्हैं सबकेरसिखापन । पालहु वेद राखि प्रण आपन ॥

दे०० इमि नारद के बचन सुनि समुझि दक्ष अभिमान ।

श्वेत रूप से अरुण भा कीन क्रोध वृषयान ॥

से०० लीन्ह्यो तुरत उखारि एक केश निज शीश ते ।

पटकयो भुजा पसारि गिरिऊपर अतिक्रोधकरि ॥

हाल्यो गिरि कांण्यो त्रयलोका । खरभर सागर भयो सशोका ॥  
 पटकत केश भयो दुइ टूका । ज्वलित मनहुं भादौको लूका ॥  
 पुसपाकृत यक भयो तुरंता । वीरभद्र अतिशय बलवंता ॥  
 दूसर भद्रकालिका देवी । निर्भय रहै जासुको सेवी ॥  
 अति भीषण तनखप्परधारे । लयकर लयकर बचन उचारे ॥  
 वीरभद्र अति भयकर रूपा । कछु बरणौं तेहिकेर स्वरूपा ॥  
 गौर शरीर पांच शिर सोहैं । शीश जटा मधुकर मद मोहैं ॥  
 प्रतिशिर तीन नयन रतनारे । भाल विशाल त्रिपुण्ड्रसवारै ॥  
 प्रति मस्तक सोहत शिशुचन्दा । देखत होत शत्रुमन मन्दा ॥  
 अवणनमें अहि कुंडल राजै । मुंडमाल गलमाहिं विराजै ॥

दे०० सोहत सुभग अजान तहैं सुन्दर बाहँ हजार ।

गहे सकलमहँक्रोधयुत त्रिशिषादिक हथियार ॥

प्रलयानल सम लखि परत महातेज अम्बार ।

मनहुं लीन अतिक्रोधकरि विष्णु चौथअवतार ॥

से०० निजसमान शतकोटि निजतनते तवगणबनय ।

शंभु चरणपर लोटि हाथजोरि बोलत भयो ॥

छन्द कहुरंकको रावकरौं अबहीं कहु इंद्रको रंक समानकरौं ।

कहु मेरु सुमेरकसेरकरौं कहु सागरको जलपानकरौं ॥

कहु शेषदिनेशसुरासुरको यकहांकमें बन्दितखानकरौं ।



निज शत्रुकुलाम परेश कहौ तुरतै गहि मरदन मान करौ ॥

दो० कांच घड़ा सम पिरथवी तुरतहि डारौ फोरि ।

देनि देश परमेश मोहिं सुनि अस बिनती मोरि ॥

सो० बोल्यो तबहिं महेश सुनु गणवर मम अति प्रिये ।

विधिसुत दक्ष प्रजेश निदरि मोहिं यशकोचहत ॥

कनखलमें मखकीन अरंभा । गये सकल सुर तेहि अवलंभा ॥

मुनि दधीचि ममपद अनुरागी । लखि अपमान मोरगा भागी ॥

गई सतिहु मम कहा न माना । देख्यो तहां मोर अपमाना ॥

तज्यो प्राण जाख्यो निज गाता । यज्ञ विध्वंस होय कहि बाता ॥

तेहिते जाउ तुरत तेहि ठाऊ । यज्ञ विध्वंस करौ गणराऊ ॥

सुर मुनि गये भाग हित लागी । गणवर सबको लखो अभागी ॥

काहू को नहिं राख्यो कानी । हत्यो सकल बैरी सम जानी ॥

सुनत वीर अस शंकर बाता । महा हरष नहिं हृदय समाता ॥

दो० कहि जयजय शंकर शिवा वीरभद्र हरषान ।

प्रलयकालसम नाद करि सकटक कियो पयान ॥

सो० रथ अतिसुभग बनाष नहे सिंह तेहि महँ अधिक ।

शोभा वरणि न जाय वीरभद्र तेहि चढ़ि चलयो ॥

भद्रकालिका लै निज लस्कर । चलयो वीरहित सुमिरत शंकर ॥

क्षेत्रपाल निज फौज समेता । चलत भयो कहि जय वृषकेता ॥

चली भीर कछु वरणि न जाई । कूदत वीर गगन निरराई ॥

पगतल दृषद होत रजतूला । गिरत कोह टूटत तरुमूला ॥

उड़ी धूरि पहुंची नभ पासा । भूमि भयो षट आठ अकासा ॥

बाजा सकल जुझाऊ बाजत । प्रलयमेव जेहि सुनि अतिलाजत ॥

मारु राग सब वीर पुकारत । शंभु शिवा कहि जयति उचारत ॥

यज्ञकथा अब सुनहु मुनीश । होन लग्यो प्रथमहिं सो स्वीश ॥

रोवन लग्यो श्वान बिनहेतू । बिनहिं बात टूटे मख केतू ॥

वरषन लग्यो रुधिर कचवालू । देखि दशा सब भयो बिहाल ॥

दक्ष पाट महिषी जगरुयाता । वीरन कही देखि उत्पाता ॥

यह सब क्रोध शंभु कर जानौ । अपर बात नहिं मनमें आनौ ॥



दो० सकलविचारत मनहिंतुम किमिकारणअसहोय ।  
 शिवमाया वश भूलिहू समुझि परत नहिं कोय ॥  
 सो० वीरनकह पुनिरोय भल भूल्यो मुनि देव सब ।  
 सतीदीन तन खोय तेहि मखमे कल्याण कव ॥  
 तेहि अवसर गण सहित गणेश । पहुंचेआय सकल मखदेशा ॥  
 सुनत शोर देखत शिव भीरा । भयो दक्ष सुरसहित अधीरा ॥  
 जोरि युगलकर सुरपति आगे । बिनती करन दक्षतब लागे ॥  
 तुम्हरे बल मखकीन अरम्भा । रक्षा करहु छांडि कुलदम्भा ॥  
 तबसुरपति निजदलसनमानी । गह्यो वज्र धनुशर निजपानी ॥  
 अनलशमन अरु नयक्रतनाथा । जलपतिपवन भयोतेहिसाथा ॥  
 अरु कुवेर ईशान दिगीशा । उठे लरन सबसुनहु मुनीशा ॥  
 रोक्यो गणन करत उत्पाता । गणहुंक्रोध कीन्हीअतिताता ॥  
 आयुध चलनलग्यो दुहुं दिशते । मारतसुग्गुणहु अतिरिसते ॥  
 परम क्रोधकरि सुर शर मारत । बीचहिकाटि शंभुगण डारत ॥  
 दो० गण शरमारत सुरनको सो सुर डारत काटि ।  
 भयो परस्पर मारइमि इत उत बोलतडाटि ॥  
 सो० तब रिसकरि सुरराय वज्र चलायो गणनपर ।  
 काली मुखफैलाय लियो लील तेहि बज्रको ॥  
 तब लगि क्षेत्रपाल करि क्रोधा । निजसमानजोलखतनयोधा ॥  
 मारी इन्द्रहि त्रिशिष चलाई । गजते गिरो भूमि सरराई ॥  
 अनलहि हनेहु त्रिशूल चलाई । यमको बमकरि दीन भगाई ॥  
 यहिविधितकल दिगीशन मारि । घायल है सब भवन सिधारे ॥  
 गये भाग को भये अभागी । यश वीरता चले सबत्यागी ॥  
 शंकर विमुख सुनो मुनिगाई । धावै बहुत न पेट अधाई ॥  
 दीख दक्ष जब सब सुरहारै । जाय विष्णुढिग त्राहि पुकारै ॥  
 गिरो चरणपर रोय प्रजेश । रक्षरक्ष मोहिं रक्षु रमेश ॥  
 तुममखपतिमखफलदमखेश । तुम्हैअछत हमलहत कलेश ॥  
 शरणपाल तुमको श्रुति गावै । दीनबन्धु तुव नाम कहावै ॥  
 दो० दास जानिमोहिं राखु मख दीजै गणन बिडारि ।



तुम्हैं न प्रभु परिश्रम कछू रक्षा करो हमारि ॥

सो० हैं उदास मन माहिं कह्यो रमापति अति सकुचि ।

कह्यो दक्ष भल नाहिं ठानी सारि परेश सों ॥

सर्वोपरि जिहि वेद बतावैं । हमहुं रमायुत तेहि पदध्यावैं ॥

लघुसे प्रीति जाति सब आनी । बड़ सों बैर खैर की हानी ॥

है परंतु मोहिं शरणकि लाजा । निजबलसरिसकरबतवकाजा ॥

तब निज आयुध गही सम्हारी । उठे क्रोध करि तब बनवारी ॥

रोंकी गणन जाय दै हांका । तब समानसबदलको ताका ॥

तिहि क्षण वीरभद्र गा आगे । हरिहि देखिनिजरथकोत्यागे ॥

उतरि भूमि पर भयो प्रणामी । तुमशिवसरिसनाथममस्वामी ॥

लीन्हें हम शिव आयसु घोरा । नाथहुहुकुमलखितनहिं थोरा ॥

उचित होय तस देव रजाई । अस कहिमणवरमाथ नवाई ॥

कह्यो विष्णु तब सुनहु गणेश । है प्रबला अति अजा महेश ॥

दो० भक्ति विवश आयों इहां पाछे लख्यों विरुद्ध ।

शरण पाल ममपरण है तेहि वशठान्यों युद्ध ॥

सो० तुमहुं छांड़ि छल दंभ युद्ध करौ मम साथमें ।

तुम्हरो रक्षक शंभु जीतौगे संशय नहीं ॥

बिना मोहिं जीते गण वीरा । जान न पैहौ मख के तीरा ॥

अस सुनि वीरभद्र गण राई । चढ़ो यान पर शंभु मनाई ॥

हरिकी सैनहि ठेलि ढकेली । बम्बम् करि मखभीतरपेली ॥

तब करि क्रोधविष्णु तेहिरोका । गदा घालिहरि हरिशिरठोका ॥

तब त्रिशूल लै वीर गणेश । गदा काटि डारी महि देशा ॥

तब करि क्रोध महा रित धारी । चक्र सुधारि गह्यो बनवारी ॥

शीतल भयो चक्र को जोला । हैं बाचाल सुदर्शन बोला ॥

बिनती सुनहु महा प्रभु मोरी । तजहु न नाथमोहिं बरजोरी ॥

शिव जनउपर नहींमम जोरा । जिमिकधिपरलघुअनलकिशोरा ॥

वहि दिन केरि कगैसुधि साई । नयन चढ़ाय मोहिं तुमपाई ॥

दो० मोहिं चलावो नाथ जो फिा न लगौं तुम हाथ ।

तुरत जाव उड़ि शंभु पहुँ पुनि न तजै शशिमाथ ॥



सो० जब मोहिं दीन महेश तब तुम से कहि दीन अस ।

मम जन छांड़ि रमेश है अमिथ्य याकी जरब ॥

सुनत चक्रवानी जग पाता । भयो ककु कतवस कुचित गाता ॥  
ताहि राखि लीन्हें धनु बाना । करि अतिक्रोध अवल गिताना ॥  
वीरभद्र को उर तकिमारा । गिरो धरणि नहिं कीन सम्हारा ॥  
शिव कहि उठ्यो नयक पलबीता । तब योग रुड़ जिमि अहि हरि चीता ॥  
त्रिशिख उठाय सुतीक्ष्ण धारा । अति रिसाय हरिके उर मारा ॥  
गिरो भूमि पर कंपित गाता । पुनि शिव बोलि उठ्यो जग पाता ॥  
कीनक्रोध ककु बरणिन जाता । तेहि अवसर तहँ गयो बिधाता ॥  
युग कर जोरि कह्यो जग कारी । असत पक्ष में है निज हारी ॥  
तुम प्रभु सकल वेद के ज्ञाता । भूले ककस हवो जग पाता ॥  
निशि दिन जाको ध्यान लगावत । तासु संग अब रारि मचावत ॥

दो० शिव बैरी को पक्ष तुम हठि हठि करत रमेश ।

शिव माया बध भूलि कै लखहु न शिवहिं परेश ॥

सो० शिवहैं परम परेश ता बैरी को रखि सकै ।

चलौ चली निज देश लहै दक्ष निज कर्मफल ॥

सुनत ब्रह्म वानी बनवारी । गे सुलोक चढ़ि गरुड़ सवारी ॥  
हंस चढ़े विधिगे निज लोका । सकल देव ताक्यो निज ओका ॥  
रह्यो इष्ट हरि जनक बिधाता । शंकर बिमुख तजी सब नाता ॥  
शंकर बिमुख सुनो मुनिराई । हितू सकल बैरी सम गाई ॥  
बम्बु बोलि गणन मख शाला । लीन दबाय सुमिरि शशि भाला ॥  
यज्ञ वस्तु सब सुरसरि डारी । भृगु कूचक धरि गाल उखारी ॥  
जे मुनि रहे तहां मख कारी । ताड़ित करि सबको धिकारी ॥  
लेहु भाग मम निकटहि आवो । ककु खाय ककु घरलै जावो ॥  
रदहि तोरि कीन्हें उ रद काहू । शंकर बिमुख लेहु जस लाहू ॥  
काहुहि नाक काटि कर तोरा । काहूको धरि मस्तक फोरा ॥

दो० तब दक्षहि धरि वीर वर करसों मूढ़ मिरोरि ।

तोरि यज्ञ महँ होमि हू हरषित भयो अथोरि ॥

सो० दीन्ही तुरत बजाय विजयघंट रण जीत को ।



बम् बम् कह हर्षाय कहीसकलजयशक्तिशिव ॥

दे डंका लौटो वर वीरा । कटकसहित अतिहरषशरीरा ॥  
कह्यो सूत सुनिये मुनि झारी । नहिं चेततअस लखतअनारी ॥  
जो न भजै शिवको असजानी । तेहि शठलखोश्वानखरमानी ॥  
शिवसे बिमुख परहि में राता । मिथ्या नर तन दीन बिधाता ॥  
सेवा इष्ट करै चह जेहि की । शिवपद प्रीतिबढैरुचितेहिकी ॥  
तेहि पर शिव अनुकूल सदाई । यहिते तुलसी भयो गुसाई ॥  
रवि गणपति हरि शंभुअपरना । पूजै चहै जाहिकरि परना ॥  
शिव पद प्रीति रखै निरदंभू । तापर कृपा करै अति शंभू ॥  
पूजा सब पहुंचै शिव पाहीं । यथा जाय जल बारिधिमाहीं ॥  
पूजन भाव सकल सुर मानो । फल प्रद सकल शंभुकोजानो ॥

दो० अस लखि सकिओरी कहत सुनो सकल सज्जान ।

सकल तजो शिव कहँ भजो जो चाहहु कल्याण ॥

सो० सुनि यह कथा मुनीश थर थर कांपे युत सभा ।

भे सब बिस्वा बीश सेवक शंकर चरण के ॥

जियहु सूत तुम वर्ष करोरी । भईशंभु पद दृढ़ मति मोरी ॥  
अब पर कथा कहौ करि दाया । लवटि काह कीन्ही गण राया ॥  
तबहिंसूतकहि जय शिवशंकर । लाग्यो कहन कथाअतिसुंदर ॥  
गिरिपर पहुंचि गयो गणनाथा । जाय शंभु पद नाथो माथा ॥  
सकल हालशिवसों कहिदयऊ । सुरन संग जिमि संगर भयऊ ॥  
जेहिविधि लरेसुरनभयत्यागी । कह्यो सोउ जिमिगे सबभागी ॥  
यज्ञविध्वंसजौनिविधिकीन्हा । सुरनमुनिनजेहि विधिकरदीन्हा ॥  
भृगुकरजेहिविधिगरबनिवारा । दाढ़ी सहित दाढ़ जिमि फारा ॥  
दक्षहि शीश तोरि जिमिमारा । कीन निवेदन युत विस्तारा ॥  
सुनिसबमुदितभयोअतिशंकर । मिल्यो वीरभद्रहि भरि अंकर ॥

दो० सब गणपतिको पति कियो वीरभद्रको शंभु ।

सकलकाजमहराजनिजराख्योतिहिअवलंभु ॥

शिवशिवजनबिटलुकभसम असरुद्राक्षकमाल ।

निन्दक पावै दक्ष गति भाषत ओरीलाल ॥



सो० उहां सकल मुनिदेव भे यकठे गे धातपहँ ।

करि प्रणाम अरु सेव रोयरोय बोलत भये ॥

नाथभयो मखको अपमाना । जग में मख को ताउ बिलाना ॥

सपन्यो करी नअबमखकोई । बिना भाग सब देव मरोई ॥

लै विरंचि सबदेव अधीरा । गयो विष्णु पहँ सागर क्षीरा ॥

पहुँ चितहां सबजयजयभाषी । रमा रमन पदपर शिर राखी ॥

अस्तुति करन लगे विधि देवा । कहि जयजयति जनावत सेवा ॥

जय मुकुंद जयजय जगधारण । जय गरीब को दुःख निवारण ॥

जय सच्चिदानंद जगदीश । जय शंकर प्रिय जयतिमतीश ॥

जय सकलेश रमेश सुरेश । करहु कृपा अबहरहु कलेश ॥

सुनिसुरविनय कहीप्रभुवाता । केहि कारण आये सब धाता ॥

कहा विरंचि वृतांत बखानी । देवव्यथा सब अच्युत जानी ॥

दो० चलोचली शिव पाससब असकहि उठेरमेश ।

रिस तजि शिवकरुणा करैतबसब कटै कलेश ॥

सो० तबविधिभयोमलीनकउनदिखाउबमुहंशिवहिं ।

जस सब करणी कीन देखत जाँरैकाध करि ॥

तबहरि कह्यो बहुत मुसकाई । अजहूँ माया तुमपर छाई ॥

शिव समदरशी वेद बखानै । सपन्यो क्रोधनशिव उरआनै ॥

माया वश जो करत गवांरी । करत गरूर भूलि त्रिपुरारी ॥

तेहि दै कर शिव लेत उवारी । वेद पंथ पालत त्रिपुरारी ॥

शरण गये शंकर अपनाई । त्राहि कहे सब चूक भुलाई ॥

मोहिं अतिशय प्रतीत शिवकेरी । बंदत चरण देत सुखढेरी ॥

जनकी विनय थोरि बहुमानत । अतिशय चूक नउरमें आनत ॥

शिव समान को कृपा अगाध । देत भुलाय भक्त अपराध ॥

मोपर करुणा करत विशेषी । हरत चूक निजसेवक लेखी ॥

असकहि मगन भये बनवारी । सकलकही जयजयत्रिपुरारी ॥

दो० सुनितबहरिके बचनअस सबकोभा विश्वास ।

चल्यो शंभुठिगसुरसहित हरषितरमानिवास ॥

सो० विधिहरि सुरनसमेत पहुंचेशिवपहँगिरिउपर ।



॥ बोले जय वृषकेत त्राहि त्राहि आरत हरण ॥

दो० करि प्रणाम कर जोरि सब ठाढ़ भये शिर नाथ ।

हरि विधि सुर के अग्र है अस्तुति करत बनाय ॥

॥ कन्द

वम्बम् महेश । जय जय उमेश ॥ काटौ कलेश । तुमहौ परेश ॥

हमहै असाध । तुम कृपा काध ॥ हमरो पराध । क्षमियो अगाध ॥

छं० आयेहैं देव सबै मिलिके शरणागत हैं तुम्हरे सब शंभू ।

राखिले राखिले राखनहार नहै सबको दुसरो अवलंभू ॥

कीन्हीजु कर्मलही फलसर्म तकी अबद्वार तु त्यागिके दंभू ।

धरो अब बाहँ करो कर छाहँ अहो पुरनाह सुदानी मखंभू ॥

कल्पकुरुः केविवेक नही सब साधु असाधु स्ववांछित पावै ।

वेदक है नहिं सोत रूसर सत्य सोई शिव नाम बतावै ॥

कुक्कुट की शपि शाचकिरातहि सोमि निकोत है साखि गनावै ।

अभिमत दानि तुम्हारि हिबानि सुमांगत ओरी अभय वर पावै ॥

हे शिव शंभु दया कर शंकर सेवक के सुख दात तुम्हीहौ ।

वाकि बसी सब भुक्तिहु मुक्ति जिन्है सब छांड़ि सुहात तुम्हीहौ ॥

जानतहौ सबके मनकी सबके उरबीच समात तुम्हीहौ ।

ओरी केतौ पितु मातु तुम्ही गुरुभात तुम्ही हित नात तुम्हीहौ ॥

दो० सुनिबिनती हरिधातकी हरषित गिरिजानाह ।

हैं प्रसन्न कीन्ही सबै अभय उठा कर बांह ॥

सो० पुनि बोले वृषकेत चितै सुरन की ओर तब ।

कहोर मापति हेत सकल अमर आये कहां ॥

बोले हरि तब युग कर जोरी । सुनहु महाप्रभु विनती मोरी ॥

माया तोरि अधिक बलवान् । जानिहि करै महा अज्ञान ॥

माया वश सब तुम्हैं भुलाई । गये दक्ष मख सब सुर धाई ॥

हमहुंगये माया वश स्वामी । जानि दक्ष आपन अनुगामी ॥

दक्ष मंदमति करि जड़ताई । तुम्हैं न न्योत्यो भाग लगाई ॥

कारण वश तहँ गै जगमाई । भाग तोर तहँ नहिं लखि पाई ॥

तुवनि न्दालखि अधिक रिसानी । स्वतनजारि निज लोक समानी ॥



तुव प्रेरित लै कटक महेशा । वीरभद्र तहँ गयो गणेशा ॥  
 पौसखभरि करिसुरनलराई । वीरभद्र कर सब छत खाई ॥  
 गयेभागि हम सबनिजदेशा । तब ध्वंसित मख कीन गणेशा ॥  
 तुवकोपे नहिं कयउ रखवारा । गुरु पितु मातु बंधु परिवारा ॥  
 सब सुरकरी ताकिगौं पल्ला । दक्ष भयो होरी को बल्ला ॥

दो० दाढ़ी भगु उच्चारि तब मारि दक्ष करि अंत ।

विजय डंक निरशंक दै लौटो वीर तुरंत ॥

सो० गयो भाग हित लेख चलयो अभागी है सबै ।

कारणतहां विशेष शिव बिनु सुखसपन्योनहीं ॥

यदपि लरे सबसुर गण साथी । तदपि अचूक हवै सुर नाथी ॥  
 जिमिहिं नाथ कठपुतरीमाहीं । गुण अवगुणकछु देखितनाहीं ॥  
 बहु गुण करै तार बल सोई । करै नहै जोइ तार धरोई ॥  
 हमैं सबै कठपुतरी लेखी । निजहि तारधर लखौविशेखी ॥  
 तहां न्यायकरि ब्रह्मो स्वामी । कहा चूक ठहरी अनुगामी ॥  
 तेहि कारण सबशरणतिहारी । त्राहि त्राहि सुर करत पुकारी ॥  
 जोन करौ मख पूर गुसाई । सकल जक्त मख देय उठाई ॥  
 मख में भाग न जो सुर पावैं । भूखन मरैं काह सुर खावैं ॥  
 तेहिते करौ पूर मख स्वामी । सकल जानि आपन अनुगामी ॥  
 दक्ष जियाय लेउयश स्वामी । पूरण यज्ञ करौ वृषगामी ॥

दो० एवमस्तु शंकर कह्यो हरि की ओर निहारि ।

तुमसमअपरनमोहिंप्रियपुरउबआशतुम्हारि ॥

सो० अस कहि उठे मभाल चढ़ि वृष कनखलकोचलयो ।

सब सुर भये निहाल जय जय करि पाछे चले ॥

कनखल पहुंचि गयो त्रिपुरारी । मखकी लख्यो दुर्दशा भारी ॥  
 वीरिनि आय चरण शिरनावा । रोयरोय निज व्यथा सुनावा ॥  
 हौं अनाथ प्रभुकरहु सनाथू । पालहु नाथ वेद कर पाथू ॥  
 दीनबंधु तुम को श्रुति गावैं । कल्पवृक्ष तुव नाम बतावैं ॥  
 छोटन को उतपात गुसाई । क्षमा बड़न को वेद बताई ॥  
 करितासति पुनि करुणाधारैं । बड़ा सोई अस वेद पुकारैं ॥



शिवनिन्दकगतिजसञ्चुतिगावा । सो सब यथा उचितहमपावा ॥

अब जसउचितहोयप्रभुकीजै । शरण गहे को फल प्रभु दीजै ॥

छं० प्रभु औघर दानी है तुम बानी वेद न कहत बखानी ।

मोहिं जानिमलानी नारिअयानी हरोसकलमखहानी ॥

तुम तौ प्रभुतारी सोमिननारी नहिं कछुपापसिहारी ।

जो अब मम बारी करतबिचारी है चित्रित त्रिपुरारी ॥

दो० सुनि बिनती सर्वज्ञ शिव वीरिनि ओर निहारि ।

कह्यो मांगु मनरुचित वर देवै बिनहिं सिहारि ॥

सो० तब वीरिनि कर जोरि शिव चरणन पर गिरिपरी ।

पूरी इच्छा मोरि कृपा दृष्टि के लखतही ॥

दक्ष जियाय लेहु यश स्वामी । पूरण यज्ञ करौ वृषगामी ॥

प्रथम भाग आपन प्रभु लीजै । यथा उचित सब देवन दीजै ॥

तब हरिसों कह कृपानिकेत । तुम हरि सकल धर्म के सेत ॥

लाय अजा शिर दक्ष शरीरा । मंत्रित करि सींचौ कुश नीरा ॥

महा मंत्र षट वरण रमेश । जो तुम जपत सनेम हमेश ॥

ताहि सजीवन लखोमुकुन्दा । वेद सार सोहत निहृदा ॥

सो जपि रचत सृष्टि भवकारी । पालत जग तुमताहिसिहारी ॥

प्रलय करित हम सो मनुधारी । सो जपि भानु देत तमटारी ॥

तासों मंत्रित करि कुश बारी । देहु जियाय दक्ष बनवारी ॥

दाढ़ी अज भृगु के मुंह लाई । छती अक्षत कीजै सुरराई ॥

दो० तुरतहिं हरि कीन्हों सकल लीन्हों दक्ष जियाय ।

घायल सब निरुत करी सकल उठे हरषाय ॥

सो० तब करि चेत प्रजेश शंभुहि लख्यो परेश वर ।

मनमें जपत महेश बोलि न आवत अजल पन ॥

तबशिवचरणपरातजिहमहम । गलबलबोलिउठाशिवबमबम ॥

हँसेशंभु सुनि गलबल बानी । भे प्रसन्न अति औघर दानी ॥

दक्ष शीश पर निज कर फेरा । जारी सकल पाप तेहि केरा ॥

कह्यो रुचित वर मांगुप्रजेश । सकल त्पाति भय छाडिअदेश ॥

मांगी भक्ति सुगलबल नादा । एवमस्तु भाष्यो सुखकादा ॥



कही शंभु सब सुरन सुनाई । गलबल नाद मोहिं भलभाई ॥  
 मम पजन पाछे बम् बानी । गाल बजाय कहै जो प्रानी ॥  
 जगमें देव ताहि सुखसंपति । संतति सहित अंतमें परगति ॥  
 सुनतसकल असवरअविषादा । सिखी सकलसुरगलबलनादा ॥  
 गलबल सुनत ग्रामशिशुआये । मानहुं लखन तमाशा आये ॥

दो० अजय शीश नरधर निरखि सकल ग्राम के बाल ।

कर तारी मारी बहुत रची ठठोली रूयाल ॥

तेहि अवसर प्रगटी तुरत शंभु शक्ति जग मात ।

बोली यदपि प्रसन्न शिव तदपि न मोहिंसोहात ॥

सो० ये शिशु प्राण समान मोहिं परम प्रिय लाग्यहू ।

कर तारी बहु ठान भले हँसे शिव निन्दकहि ॥

सब शिशु लीन बलाय आशिष दै बांछित दयो ।

पुनि बोली जग माय सुनहुसकलसुरमुनिबचन ॥

दक्षहि शिशुन दीन जो तारी । सो ममचित्त लग्योअतिप्यारी ॥

जो जग में कर तारि बजावै । मम प्रसाद मन बांछितपावै ॥

शिव पूजन पाछे करतारी । देव बजाय लहै सुख भारी ॥

गाल बजाय शिवहि हरषावै । तारी दै पुनि मोहिं रिझावै ॥

गलबल लखव दक्षकीबोली । तारी मानव तासु ठठोली ॥

इहांदेव सुत बित युत राजू । अंत मुक्ति दै करब निवाजू ॥

अंतर्द्धान भयो अस भाखी । शंकर चरण हृदय निज राखी ॥

तबभृगुमुनिहिं बोलिप्रभुलीन्हा । यज्ञकरनकी आयसुदीन्हा ॥

लै आयसु तब दक्ष नहाई । लाग्यो करन यज्ञ हरषाई ॥

भली भांति मै पूरण जागा । लहीसकलसुरनिजनिजभाग ॥

दो० तब शिवगे कैलासको सकल सुरन हरषाय ।

सब सुरगे निजलोकको शंभु चरण शिरनाय ॥

सो० तबते वीरिन दक्ष सर्वोपरि शिवको समुझि ।

छाड़िसकल सुरपक्ष धरित्रिपुंडू शिवशिवरटत ॥

अस प्रभु छाड़ि भजै जो आना । तेहिसमको सतिमंददिवाना ॥

तेहि समभाग्यवान मुनिको है । मनवच कर्म शंभुको जो है ॥



लखोभाग्य मुनितेहि अनकूली । जौपर प्रीतकरै शिवभूली ॥  
 गहत कांच जड़ पारस त्यागी । त्यागि अमीविष पीवतमागी ॥  
 कहौ कौन अस दीनदयालू । अरिहुकरतजो परमनिहालू ॥  
 सती मरणकर कीन न शोच । शरणगये जसकीन सकोच ॥  
 तेहि गुणकहौ कौन विधि गाई । बकत शेष शारदथकिजाई ॥  
 जेहि वरणत सकुचै पटचारी । तहां कौन मम बुद्धिगवारी ॥  
 कहत कथा परहोत अभारी । जाकी शरण गहत बनवारी ॥  
 अस बिचारि जे परम सयाने । सकलत्यागि शिवमहँलपटाने ॥

दो० अस सुनि सकल मुनीश्वर बोलि उठेजय शंभु ।

सकल त्यागि शिव चरण दृढ़ कीन्हों प्रीतिअदंभु ॥

सो० चिरजीवहु तुम सूतकरहिं सदाहरि हरदया ।

करी हमै मजबूत शिवरतिमें कहि दक्षगति ॥

तब धरि ध्यान सूत शिव काहौ । सुमिरिशारदानिजमनमाहौ ॥  
 कहन लग्यो रघुनाथ चरित्रा । महा पाप हर सुखद पवित्रा ॥  
 जब लग पूजतशिवहि खरारी । तब लग सेवक सजतसवारी ॥  
 रथ पालकी सुकुंजर वाजी । कोतल खड़े रहै सब साजी ॥  
 बल्लमवंद खास बरदारा । रहै खड़े तहँ बांधि कतारा ॥  
 चोपदार बांधे बर पागा । गहे सुआसा कनक अदागा ॥  
 सेवक लिहे पुसाकै ठाढ़े । चुनि चुनि कबासुबूटा काढ़े ॥  
 पटुका जरी लरी मणि मोती । जगमगात मानहु रबिउयोती ॥  
 समनि मुकुट जरझूलतझब्बा । एकहि लिहे पान भरि डब्बा ॥  
 करि पूजा शंकर को रघुबर । भूतन सहित चलतअपनेघर ॥

दो० पहिरिसुपट महाराजसम पान खाय हर्षाय ।

शिविकागज रथचढ़िचलत कबहु तुरंगनचाय ॥

सो० अग्रे सकल समाज बोलत छरिया बिरदवर ।

बढ़ै उमर धनराज महाराज रघुराज की ॥

राम रूप कछु कहौ बखानी । मातु शारदा करु फुरि बानी ॥  
 वारिद सजल श्याममृदुगाता । तहँ तड़ि सरिसपीतपटभाता ॥  
 ताज जरकसीशिरपर सोहत । चमकतिकोटि भा छबिमोहत ॥



मृग मद मान हरतकचवांके । अवण प्रजंत परे लट ताके ॥  
 अवण सुभग कुंडलझलकाई । मनहुं राहु रविकीन यकाई ॥  
 भस्म त्रिपुंड्र ललाट सुहाई । मलय बिंदु तहँ अति छविदाई ॥  
 भौहैं कौत काम छवि हारी । जलज नयन तहँ शोभा भारी ॥  
 नासासुवा चोचसम सोहत । गोल कपोल मदन मद मोहत ॥  
 मुख शोभा नहिं जातबताई । लव लालीविद्रुमहि लजाई ॥  
 हँसनि मंद शोभा घर लुटत । दाड़िम मनहुं पवन वणफुटत ॥

दो० सुंदर शुभग अजान भुज तामें धनुशर सोह ।

तहँ भूषणजर मणिजटितदेखिकाममनमोह ॥

सो० जाकी करुणा पाय शोभा शोभा को लहत ।

तेहिबरणौकिमिगाय जहां नपावतपारश्रुति ॥

यहि विधि आवत रामनिकेता । मगमें नगर लोग सुख देता ॥  
 जाय सभा नृपके शिर नाई । जात जननि पहँ आयसुपाई ॥  
 भोजन करत संग सब भाता । आनंद हरषवरणिनहिं जाता ॥  
 जो आनंद को आनंद दानी । तेहि आनंदकिमिकहौं बखानी ॥  
 यहिविधिनितहिरामशिवपूजा । करि तब करतकाम प्रभुदूजा ॥  
 तब शौनक बोल्यो कर जोरी । जियहु सूत तुम वर्ष करोरी ॥  
 रघुपति चरित महा सुखदाता । सो तुम मोहिं सुनायहुताता ॥  
 का एक भई मन मोरे । सो छूटी करुणा बण तोरे ॥  
 हरिको रूप जहां तुम गाई । माथे भस्म त्रिपुंड्र बताई ॥  
 राम चन्द्र हरि को अवतारा । तेहि शोभा तुमकीन पसारा ॥

दो० तहँ तुम भस्म त्रिपुंड्र को कह्यो रामके माथ ।

कहुं कहुं अस बरणनसुना तिलकदेतरघुनाथ ॥

सबहरि जनजे जक्तमें लावत तिलक विशाल ।

सकलअंगकोउभस्ममलि तिलकलगावतभाल ॥

सो० बहुतक जन करि टेक निंदहिँ भस्म त्रिपुंड्रको ।

याकोसहित विवेक नाथ कृपा युत भाषिये ॥

हंस्यो सूत कहि शंभु सुमुनि मंडली कोसरहि ।

होसब बुधि के खंभु अज्ञ बन्यो संसार हित ॥



सुनो कथा शुभ तुम्हें सुनाऊं । तिलक त्रिपुंड महातम गाऊं ॥  
 भस्म त्रिपुंडशिवहि अतिप्यारी । निजहुभस्म लावतत्रिपुरारी ॥  
 भस्म सकल शोभा की खानी । मुक्ति भस्म सो वेद बखानी ॥  
 करै चहै कोटिन जप जुको । बिना भस्म नहिं पावै मुक्ती ।  
 चारि पदारथ हैं तेहि हाथे । भस्म त्रिपुंड लखोजिहिमाथे ॥  
 निंदहि भस्म वेद पथ त्यागी । रवरव बन्यो हेत तेहि लागी ॥  
 भवन अदीपक नदी अनीरा । भस्मबिना तिमिमनुजशरीरा ॥  
 शैवन को स्वइ इष्ट विशेषी । तेहिसम सुखदअपरकमदेखी ॥  
 जलज धर्मको भस्म पतंगा । पाप दीप को हवै भुअंगा ॥  
 परम पाशुपत विधिवन हारी । बिना भस्म नहिं पीवतबारी ॥  
 इंद्रादिक सब दिग्पति राई । करत राजतन भस्म लगाई ॥  
 राम कृष्ण हरिके अवतारा । परम शैव अस वेद पुकारा ॥  
 लावत भस्म लेप सब त्यागी । तिनसमअपरनशिवअनुरागी ॥  
 बिना भस्म नहिं तिन्हैस्वहाई । कोटिन यतन करै सेवकाई ॥

दो० भस्म तिलक में भेद नहिं दूनहुं एकहि वृत्त ।  
 भस्म रूपहै शंभुको तिलकहु लिंगा कृत ॥  
 अपर सुनो मुनिहरिकथा करिजोत्रिभुवननाथ ।  
 चिन्हहेत निज भक्तके तिलक रची निजहाथ ॥  
 लखिहरिनिजजनमध्यमेंकोउकोउशिवरतिहीन ।  
 तिन्है कृतारथ होनहित ऐसि यतन प्रभुकीन ॥

सो० एक समय भगवान बनै पारथी मृद मई ।  
 पूजीसहित विधान नेमरहै जिमि नित्यको ॥

षोडश विधि सों पूजि महेशा । अतिप्रसन्न चितभयो रमेशा ॥  
 पुज्य शंभु अद्वै जग माहीं । पूजक हरि सम दूसर नाहीं ॥  
 अस्तुति पढ़ि प्रभु गाल बजाई । परदक्षिण करिमाथ नवाई ॥  
 प्रीति सहित मन में हरषाई । कीन विसरजन तबसुखदाई ॥  
 लीन्हो स्वकर मुकुर बनवारी । बदन विलोकि सुकेशसंवारी ॥  
 भाल विशाल त्रिपुंड लसाई । देखि प्रसन्न भयो जग साई ॥  
 तबनिज मन चिंत्यो महाराजू । मोहिंदीन शिवत्रिभुवन राजू ॥



मोरि भक्ति करिहै संसारा । तासुचिन्ह कछु करीं विचारा ॥  
 कीन विसरजन जोशिवसूरति । ताको ध्यान धरीकरि सूरति ॥  
 लिंग रूप शिव लखि भगवाना । लिंग मईसब जानिजहाना ॥  
 सो मृदलै त्रय रेख खचावा । लिंग मान शिवरूप बनावा ॥  
 संपुट कही रहैजोइ इत उत । मध्यलिंगशिवको शोभा युत ॥  
 तिलक नामतेहि करिभगवाना । द्वादश अंग कही तिहि थाना ॥  
 शिव सरूप बर रुद्र यकादश । पूजा समय बनावत द्वादश ॥  
 द्वादश थान कही तेहिते हरि । मनहं पारथी भै रुद्री भरि ॥  
 रचत पारथी मृद जगकेतू । करीतिलकमृदमय तिहिहेतू ॥

दो० निज भगतन केहेतसो प्रकट करी भगवान ।

करिकसणा निजदास परदिह्यो सीखबरदान ॥

सो० प्रथमहि करि अह्मनान लावो भरुम त्रिपुंडको ।

तब पूजा मध्यान रचो तिलक मृद सेतकी ॥

तिहि समझो शिव सेवनमनमें । रची पारथी जनु सब तनमें ॥  
 मुक्ति हेतु मानो मृद सेतू । केसरादि हरदो धन हेतू ॥  
 इमिजो रचीतिलक ममवाना । तिहिसमुझवनिजदाससमाना ॥  
 भरुम त्रिपुंड इष्टहै मोरा । ताहिलखोजनितुमकरिथोरा ॥  
 विना भरुम तन शुद्ध नहोवै । विना शुद्ध शुभ बुद्धि नहोवै ॥  
 विना बुद्धि नर तजतन दंभू । दंभ तजे विन मिलत नशंभू ॥  
 शंभु मिले विन मुक्ति नहोई । बहै लाख नर युक्ति करोई ॥  
 यहिविधि तिलक रचीबनवारी । तिहिसमुझतकछुआनअनारी ॥  
 त्रिशिखाकृततिलकहि कहिकोई । लिंगा कृत सुनिके चुप होई ॥  
 कल्प भेदसो जानु मुनीश । है अथाह लीला गौरीश ॥  
 सुन मुनीश तेपरम अभागी । चलत चालहरि अज्ञात्यागी ॥  
 परम भागवत जेहरि दासा । हरिके बचन करैं विश्वासा ॥  
 पथम विभूति मलैं सरवंगा । पुनि दैतिलक करैं चितचंगा ॥  
 भरुम पुंड जोतीन सुहाये । तीनपंथ तिहि वेद बताये ॥

दो० भरुम त्रिपुंडहि माथदै मुनि वरसुनचितलाय ।

ब्रह्मा विष्णु महेश पुर जहां सचै तहं जाय ॥



छन्द

जिहि मुंडमें भस्म त्रिपुंड नहीं सोइ मुंडहै लोह निहाई यथा ॥  
 धरि तापर पाप के पुंज महा घन ताको भयो यम दंड तथा ॥  
 यम दंडक दंड त्रिपुंड सदा करै आयुत जन्मक पाप व्यथा ॥  
 अथ देवके लोक यथारुचि को त्रयपुंड के रेखहैं तीन पथा ॥  
 जिहि मुंडमें भस्मत्रिपुंड नहीं तिहिहेतु रचीविधनानिरि कुंडहि ॥  
 सूकर शीश भलो तिहि शीश ते विष्टक भंडकियो सोइमुंडहि ॥  
 भस्म बिहीन अशीश भलो कहि शर्म दिवावत है यमदंडहि ॥  
 ओरी कहै मतिमोरि यहै अतिशय सुख चाहु तोलाहु त्रिपुंडहि ॥

सो० यहि विधि भस्म त्रिपुंड है सर्वोपरि मुनि सुनो ।

भस्म बिना जोमुंड तिहि काटे कछु दोषनहिं ॥

ब्रह्म चार्य्य जे मुनि वैरागी । प्रथमहि भस्मदेहिं सबह्वागी ॥  
 तापाछे पुनि तिलक लगावै । तेहरिके अतिशय मनभावै ॥  
 पूजा आध यज्ञ ब्रत दाना । बिना भस्म नहिं वेदबखाना ॥  
 बिना भस्म होवे सब कैसे । ऊसर बीज बोय फल जैसे ॥  
 सुनो महा मुनि चित्रित गाथा । कलिमहोय बहुकल्पितपाथा ॥  
 तिहिमा एक पंथ बहु भारी । उपर साधु मनमें बट पारी ॥  
 निंदहिंशिवहि भस्मबनिज्ञानी । निजहिकहहि हरिभक्तसुजानी ॥  
 वैरी सदा ताहि हरि जानै । निंदे इष्ट कौन भल मानै ॥  
 हवैकाग समतिन कर ज्ञाना । विष्टा करहिं भोरहों पाना ॥  
 तिमि शिव निंदक कोबनवारी । शीघ्रहिं देहि नर्क मेंडारी ॥  
 वेद वेद वेदा अम वरणा । ह्यागि गहैं घत शक्कर शरणा ॥  
 चारि बचाय नाम तेहि होई । ज्ञानी करैं अर्थ यहि टोई ॥

दो० महिमा तिलकत्रिपुंडसुनि बोले मुनिहरषाय ।

हमै कृतार्थ कीन तुम शिवको तस्व लखाय ॥

सो० अबभा हमरे ज्ञान बाढी प्रीति त्रिपुंड पर ।

सोनर पशुखरमान जोन लगावै भस्म को ॥

जिहि परप्रीति करै बनवारी । तहां मनुजकी कौनि गुमारी ॥  
 निदरि भस्म निजजन्मनसावै । हरि हर बैरी सोइ कहावै ॥



अस कहिसूनहि दीनअशीशा । सूनो हरषि सुमिर गौरीशा ॥  
 कहन लग्यो रघुपतिगुणगाथा । शारद चरण जोरि युगहाथा ॥  
 विश्वामित्र महा मुनि ख्याता । तिहिमखदनुज करतउत्पाता ॥  
 अवध जानि हरिको अवतारा । जाउंतहां असहृदय विचारा ॥  
 जो प्रभु कृपाकरै मम साथू । मारिदनुजमोहिंकरहिंसनाथ ॥  
 अस विचारि मुनिकीन तयारी । जटाजूट बांधे शिर भारी ॥  
 कर त्रिशूल कांधे मृगछाला । भरुमत्रिपुण्ड सुसोहतभाला ॥  
 भरुम श्वेत सर्वांग स्वहाई । शिष्यनसहितचले मुनिराई ॥  
 अवध पहुंचिगे राज निकेता । गे नृपसभा सुआशिष देता ॥  
 मुनि आगमन अवधपतिजानी । सचिवनसहितचले अगवानी ॥  
 कीन प्रणाम साथ महिनाई । हाथजोरि निजभाग्यमनाई ॥  
 सुतन बोलाय प्रणाम करावा । रामदेखि मुनिवर सुखपावा ॥  
 आशिष दीन महा हरषाई । रहै सदा शिवसाम्ब सहाई ॥  
 तब नृप सरथू नीर मंगावा । पदपखारिनिजभवनसिंचावा ॥

दो० निज सिंहासन के उपर बैठारी मुनिनाथ ।

मंजन भोजन करणहित नृप जोरी युगहाथ ॥

सो० तब ऋषिराज नहाय भरुममली सर्वांग में ।

भालत्रिपुण्ड बनाय रची पारथी विधिसहित ॥

पूजि पारथी सविधि ऋषेश । प्रीति समेत रिझाय महेश ॥

हाथ जोरि सांग्यो मुनि नाथा । तुम प्रेरक सबउरशशिमाथा ॥

रामहि प्रेरिकरो मम साथू । दनुजमारिमोहिंकरहिंसनाथ ॥

तब नृप बहु मिष्ठान मंगाई । प्रीति सहितमुनिनाथखवाई ॥

पूछत भयो जोरि युग पानी । हेत आगमन कहौ बखानी ॥

कहमुनिदनुजसतावतमोहिंअति । देहुराम तेहिहेत महीपति ॥

नेक न शंक करहु नर पाला । रामहि लखोनतुमनर वाला ॥

जानो इन्हैं विप्र मुनि पालक । अतिरक्षक निश्चरकुलपालक ॥

अजित राम अस बेदन गावा । विजय दान शंकर सनपावा ॥

तब नृप भयो शोच के वासन । तजीशोचलखिनिजगुरुशासना ॥

दो० राम लषण नृप लाय उर बिकल तजत जनु प्रान ।



सौं पे मुनिकहँ करि बिनय तुम मुनिपिता समान ॥

सो० अति हर्षित मुनिनाथ है आशिष नृपको बहुत ।

रामलक्षणलै साथसुमिरि शिवहिनिजबनचल्यो ॥

सांझहि लखि मगुतेतरु पाथा । मुनि बरटिकेसहितरघुनाथा ॥

सब सुपास रघुनन्दन कीन्हा । मुनिकोभलीभांतिसुखदीन्हा ॥

प्रथम पारथी विधि जय दाई । रामहिंमुनिवरसविधिसिखाई ॥

बहुतभांतिशिव तत्त्व लखावा । तेहि पाछे सबअस्त्र सिखावा ॥

मुनिहिंमानिगुरुयुगकरजोरी । बोले रघुपति मुनिहिं निहोगी ॥

लिंग प्रभाव कहौ मुनिराई । मृदमय दृषद विवेक बढ़ाई ॥

कह मुनिनाथ सुनौ रघुराई । शंभु लिंग सब एक सम गाई ॥

रेख खचाय देय जलडाई । तबौ शंभु पूजा फल पाई ॥

है परंतु तहँ मृद फलभारी । सो पारथी सकल सुखकारी ॥

निजमतिसमकछुकहौबखानी । सकल महातम वेद न जानी ॥

पूजै एक मृदु लिंग सँवारी । मनहु नरवदेश्वर सतवारी ॥

सहसशिवालय सुरसुखधामा । दश हजार जनु सालिग्रामा ॥

वेदवाक्य अस हम सुनिपावा । सो तुमसे कहि प्रगट जनावा ॥

परम पाशुपत तुम बुधिधामा । तुम्है शिवै नहिं अंतर रामा ॥

दो० वाक्य अर्थ में भेद नहिं शंभु वाक्य तुम अर्थ ।

सूरख जानत और कछु जो अतिजड़ असमर्थ ॥

सो० भोरभये मुनि नाथ करि । मंजन रघुपति सहित ।

पूजिसविधिशशिमाथ चलतभयेनिजविपिनको ॥

तब मुनि सहित लषणरघुराई । आश्रम पहुंचिगये निजआई ॥

मुनि रामहिं सानुज सनमानी । कंदमूल फल भोजन आनी ॥

सांझ भये निशि करि बिआमा । भोरहि कही मुनीशहिं रामा ॥

निरभय यज्ञ करौ मुनिराई । बैठे सानुज धनुष चढ़ाई ॥

तब सुबाहु आवा करि जोरा । हनी राम तेहि बलकरिथोरा ॥

पुनि अतिकोपि ताडुका आई । हत्यो राम मुनि शासन पाई ॥

पुनि रिसाय आवा मारीचा । राम प्रताप न जानत नीचा ॥

बिनफररासहनी तिहिबाना । सिंधु नघाय हत्यो नहिं प्राना ॥



कटकदनुजसब लक्ष्मणमारा । सब मुनि निरभयजयतिपुकारा ॥  
 रामहिं आशिष देहिं मुनीश । जियौ अनुज युत कोटिवरीश ॥  
 किहौ हमैं निर्भय रघुगया । सदा करें तुम पर शिव दाया ॥  
 यज्ञ पूरकरि सब मुनि राया । प्रेमसहित रघुपतिहिं टिकाया ॥  
 शंभु भक्ति पूछत रघुगई । कहत मुनीश्वर तह्व लखाई ॥  
 यहिविधिकहतसुनतशिवगाथा । कछु दिन तहां रहे रघुनाथा ॥

दो० धनुष यज्ञ सुनि जनक पुर हर्षित लक्ष्मण राम ।  
 देखनको मुनि गण सहित चले जपतशिवनाम ॥

सो० दीख अहिल्यहि जाय परी शिला है विपिनमा ।  
 धरी पांय रघुराय लहि स्वरूप विनती करति ॥

छं० जय राम करुणा धाम । दायक सकल विश्राम ॥  
 यकवार लेतहि नाम । तुम सकल पूरत काम ॥  
 मैं नारि पातक खानि । पगधर्यो दासी जानि ॥  
 बहु जन्मकृत प्रगटानि । जोतुमहिं लाई आनि ॥  
 मुनिआप जोमोहिंदीन । अति परम करुणाकीन ॥  
 मुनि आप में बरदान । तुममिल्योमोहिंभगवान् ॥  
 मुनितपतजिहिपदलागि । सो क्यो समबर भागि ॥  
 सबपाप भा जरिछार । अब जातिहौं पतिद्वार ॥

दो० असकहि सो पतिपहँगई मुनिनसहित रघुनाथ ।  
 जाय नहायो सुरसरी जाको निर्मल पाथ ॥

सो० पूजी सविधि पुरारि मुनिन सहित रघुवंश मणि ।  
 युग करजोरि खरारि निज जय मखमें मांगेहू ॥

पुनि मुनिसे पूछा रघुगई । गंग महातम कहौ गोसाई ॥  
 मंजन फलकरि करुणा भाषौ । दास जानि कछु गोयनराखौ ॥  
 कहौ मुनीस सुनो रघुगई । गंग महातम अति सुखदाई ॥  
 भयो भगीरथ तव कुलकेतू । गंग आनि बांधो वृष सेतू ॥  
 तिहि दरशन ते पाप धिलाई । मंजन पान महा फलदाई ॥  
 सो विवेक निजमतिसम गाऊं । गंग महातम तुमहिं सुनाऊं ॥  
 दरशत गंग सुनो रघुगई । पापजाय सौजन्म नथाई ॥



पान करत गंगाको बारी । सहस जन्म अघजायखरारी ॥  
मंजन करत बढै छवि तनमा । भागै पाप सहस दश जनमा ॥  
है परन्तु तहँ मंत्र अधीना । बिना मंत्रहै सबफल हीना ॥  
हरहर मंत्र महा सुख दाई । मंजन मंत्र वेद गोहराई ॥  
वेदसार यह मंत्र कहावै । तुरत पाप सबकाटि बहावै ॥  
हरहर करि जो नाहिं नहाई । वृथा जन्म जग भीतरपाई ॥  
गंगा तेहिपर क्रोध पसारै । सकलपाप तेहि ऊपर डारै ॥

दो० हरहर कहि जो मंजहीं तिनकर पाप छडाय ।  
जो हर हर बोलैं नहों तिनको देहि बढाय ॥  
सो० जो मंजै रघुनाथ कहि हर गंगा कूप जल ।  
तेहिको करै सनाथ दै सुरसरि निज दर्श फल ॥  
सुनि रघुनाथ मंत्र अघ भंगा । बोलि उठे प्रभु जयहरगंगा ॥  
पुनि हर गंगा कहि करि मंजन । आगेचले सकल दुखभंजन ॥  
पहुंचि जनकपुर शिव धनुतोर । भृगुपति गर्भ हरी वरजोरा ॥  
तुरत अवध पुर पठई पाती । आये दशरथ सहित बराती ॥  
भयो बिवाह लिया रघुवरको । मिटाशोच सबजनकनगरको ॥  
उत्सव सहित यथा श्रुतिगाई । व्याही जनक सुचारिहु भाई ॥  
लही याचकन वस्तु अनेका । भये निरीछित पुनियंचवेका ॥  
जिनपावा तिन परहि बहावा । पुनिहुलहीतिनजो मनभावा ॥  
लखि वषशीशसमय कर जोरी । राम लियासों मांगत ओरी ॥  
राखु सदा ममपति रघुराई । दे शिवभक्तिसुभग सुखदाई ॥  
राम व्याह जस भयो उछाहू । वरणिनसकै सहस अहिनाहू ॥  
तहां कौनि नर बुद्धि मलानी । तेहिते मैं संक्षेप बखानी ॥  
बधुन सहित नृप बिदा कराई । लवटि बरात अवधपुर आई ॥  
भा परछन सब भांति सुहाई । मातन चरण राम शिरनाई ॥

दो० लहीदान सन्मान सब द्विज याचकन अघाय ।

विस्तर युत वरणत थकत श्रुतिशारदअहिराय ॥

सो० ठहरे जेहि पुरमाहिं लक्ष्मीपति लक्ष्मी सहित ।

चित्रित तहँ कछुनाहिं सुखसंपति शोभाधरम ॥



जबसे लिया सहित रघुवीरा । व्याहि अवध आयो मतिधीरा ॥  
 नित नित मंगल बढ़त सुहाये । घर घर बाजत अनंद बधाये ॥  
 भ्रातन सहित राम उठि प्राता । सरयू निकट जात जगपाता ॥  
 करि मंजन सरयू शुचि बारी । प्रीति सहित पूजत त्रिपुरांगी ॥  
 हरषितलौटि पितहिं शिरनावत । करि प्रणाम मातहिं हरषावत ॥  
 बहुरि करत भोजन विश्रामा । राज काज सब देखत रामा ॥  
 दशरथ लखो राम सब लायक । कीनविचार सुमननरनायक ॥  
 टीका राज राम कहँ देखँ । हर्ष समेत नयन फल लेऊँ ॥  
 असविचारि गुरु शासन पाई । सामासकल नरेश मँगाई ॥  
 समुझि राज सुरकाज कबंधन । मनहिं विचारकीन रघुनंदन ॥  
 सियसों मति कीन्ही तजिराजू । चलिये विपिन संतसुरकाजू ॥  
 भरत मातु शिरधरि बढनामी । चलेविपिन उरधरिवृषगामा ॥  
 चले राम लक्ष्मण सिय साथ । प्रजामातु पितुभयो अनाथा ॥  
 तजोप्राण दशरथ तेहि शोचू । निजवरदान समुझिमनपोचू ॥

दो० जाय नहायो सुरसरी सिया लषण युत राम ।

केवटको सेवक समुझि दिह्यो ताहि मनकाम ॥

सो० पूंजी सविधि महेश गंगतीर रचि पारथी ।

मांगी सुबर रमेश दनुज बधन सुर छूटवो ॥

तव सित भस्मलाय बनवारी । जटाजूट बांधी शिर भारी ॥  
 सानुज भाल त्रिपुण्ड बनावा । सहितविधान वेदजिमिगावा ॥  
 धूलित भस्म करी सब अंगा । मनहं उभय मुनिबन्धो अनंगा ॥  
 ताक्षण राम लषण जस सोहे । उपमां हेरि हेरि कबि मोहे ॥  
 मिलतिन उपमा बहु अभिलाषी । शैव तरास वेदमत भाषी ॥  
 सुरसरि उतरि प्रयाग नहाई । भगद्वज पहं गे रघुगई ॥  
 राम प्रणाम कीन मुति देखी । मुनि वरआशिष दीन विशेषी ॥  
 शंभु भक्ति पूछी रघुनाथा । तत्त्व समेत कही मुनि नाथा ॥  
 सुनिरघुपति अतिशय सुखमाना । चित्रकूट प्रभु कीन्ह पयाना ॥  
 चित्रकूट पहंचे रघुगई । पूजी मत्त गयंदहि जाई ॥  
 मत्त गयंद लिंग शिव केरा । विधि अस्थापित तेजधनेरा ॥



अत्रीमुनि से कीन मितार्ई । पर्ण कुटी तहँ रघुवर छाई ॥  
शंभु कथा सादर मुनि गावत । सुनिसियरामलषण सुखपावत ॥  
नितहि प्रात उठि रघुकुलकेतू । पूजत मत्त गयंदसहेतू ॥  
सांगत शिवसों वर रघुगई । दनुज निकंदन देवरिहाई ॥

दो० भरत मनावन को गये पुर जन मातु समेत ।

तख बोध रघुपति दई कीन्ही बिदा निकेत ॥

सो० बसि सोनंदी ग्राम शिवहि पूजि सांगत यही ।

कुशल लषणसियराम अवधिबादि आवें अवध ॥

यहां रामसिय लषण समेत । बनबसि सुरतमुनिनसुखदेता ॥  
एक दिवस चुनिफूल शुभग तर । बनई रामस्वकर भूषण वर ॥  
सो सीतहि रघुपति पहिराई । फटिक शिला बैठे सुखदाई ॥  
नाम जयन्त इंद्र सुत जोई । दीखचह्योरघुपति बलसोई ॥  
काग रूप धरि सो करि धावा । सीता चरण चोचक्षतलावा ॥  
रुधिर चलत देखी भगवाना । अति सर्वज्ञ तासु छलजाना ॥  
अतिशय क्रोध कीन रघुराई । अनल वाण यहि देउँ जर्राई ॥  
तबतिहिसुरपति सुतलखिरामा । निजमनशोचकीनसुखधामा ॥  
जोयहि करौं भस्म मैं आज् । अतिशयदुखितहोय सुरराजू ॥  
सुर सुख हेत मोर अवतारा । दुखित करबनहिंकाजहमारा ॥  
असविचारितिहिलखलावा । सीक बान रघुनाथ उठावा ॥  
मंत्र षडक्षर शिव सुख धामा । जपतजाहि निशिवासर रामा ॥  
तासों मंत्रित करि त्रिनवाना । तजी राम भा अग्नि समाना ॥  
सो प्रमाण तुलसी असगावा । प्रेरित मंत्र ब्रह्मशर धावा ॥

दो० देखि वानरविमान सो करि डरबहुत भगान ।

युग अंगुल पाछेचह्यो जानि राम रुचिवान ॥

सो० गयो तुरत पितु लोक तहौं नपाई शरण जड़ ।

सब जग फिरा सशोक हरि हर बैरी कोरखै ॥

तब सोलै नारद सिख भारी । जाय राम ढिग शरण पुकारी ॥  
सीक बाण तेहि पाछे आवा । करिप्रणामतिहि रामजुड़ावा ॥  
शरण परे तिहि हतीन प्राना । करि यकनैनतज्यो भगवाना ॥



तजी ठौर सोलखि उत्पाता । आगेचले सकल जगपाता ॥  
 आगे राम लिहे धनुवाना । पाछे लषण बीर बलवाना ॥  
 तासु मध्य सीतागुणखानी । सुरसरि यमुनबीचजिमिबानी ॥  
 पर उरमा इमि भाषत संता । मनहुं कामरति सहितवसंता ॥  
 रामहि मिलत जोई मुनिमगमा । आशिषदेत परतकोई पगमा ॥  
 निश्चर मिलतताहि हनिडारत । देत स्वलोक वाणके मारत ॥  
 परम तत्त्वतहँ जान मुनीशा । करै भक्ति शिव सब अघखीशा ॥  
 कैरयो होय महा अघकारी । शिव जापक नहिं नर्कविहारी ॥  
 सोलखि हनत राम निज हाथा । देत स्वपुर तिहि कोरघुनाथा ॥  
 शिव प्रताप कज फूलत ऊनर । रावणादि मेहरिके दूसर ॥  
 अधिन पाशु पतकर लखुसाका । हरिबिनभयो नपरसमताका ॥

॥ दो० जो अघतजि गहिवेद मत करै शंभुकी भक्ति ।

॥ ताकी महिमा कहनको वेदन राखै शक्ति ॥

॥ लखि ऐसहु शंकर चरण करै न अघ तजिप्रेम ।

॥ तिहिते श्वानशृगाल भलकबहुं न ताकोक्षेम ॥

॥ सो० तहँ आयो सुर राज देन लिखापन मुनिन कहँ ।

॥ जब आवै रघुराज रावण दिशि बल भाखिहू ।

॥ कहन न पायो गाथ आवत लखि रघुनाथको ॥

॥ तुरत फिरयो सुरनाथ करिप्रणाम निजपुरगयो ।

॥ दैसरभंगहि गति रघुनाथा । जाय घटज पद नायो माथा ॥

॥ लखितिहि शंभुभक्ति अधिकारी । बहुसत संग कीन बनवारी ॥

॥ निरखि राम उर शंकर ध्याना । घटसुत कह्यो बहुत शिवज्ञाना ॥

॥ तब मुनिसन कह कृपानिधाना । आयसु होय करौ तहँ थाना ॥

॥ करिप्रणकुटीछाय तृणशाला । कछुदिन भजन करौ शशिभाला ॥

॥ कह मुनिराम सकल तव थाना । जहँ न बसहु असकौन मकाना ॥

॥ घटघट बसहु चराचर केरे । देत बड़ाई मुहिं शिव प्रेरे ।

॥ पंच वटी जहँ दंडक भीतर । सो अतिठौर मनोहर रघुवर ॥

॥ तहँ बसि करहु शंभु तपरामा । पूरहु मुनिन केर मनकामा ॥

॥ हतौ दनुजजिहिलगिऔतारी । जयति राम बैकुंठ विहारी ॥



चलेराम लक्ष्मण तिय साथी । कहिजय उमानाथ शशिमाथा ॥  
 रामधरत पगकहि त्रिपुरारी । बिन शिवभजेपियत नहिंबारी ॥  
 तिहि नर मूढ़करत अपमाना । जानि शिवहि सब देवसमाना ॥  
 जासुध्यान धरिविधिबनवारी । करत काज बनिजगपतिभारी ॥  
 सो प्रमाण तुलसी असगावा । गरुड़ काग सम्बाद स्वहावा ॥  
 सुमिरिउमाशिवसिद्ध गणेश । पुनिप्रभु चले सुनहु विहंगेश ॥

दो० कलिमें तुलसीदाससम करचो नहरि सेनेह ।

इष्टपक्ष दरशायके बनयो रघुपति गेह ।

सो० कतहुं गोलिकहुंखोलि शंभु तत्त्वछाड़ेहुनहीं ।

लखोतासु की बोलि इष्ट पक्ष तजितत्त्वमत ॥

पंचवटी महँ रचि तृण शाला । तियालषण्युत टिक्योरुपाला ॥  
 फरे हरे हैं सब द्रुम झारी । मिटी शाप मुनि वरकीभारी ॥  
 ऋषिमुनिनिकर रामपहँ आवैं । सुनै कथा शिवकी पुनि गावैं ॥  
 तहँ लखि राम अस्थिकोढेरा । पूंछेहुऋषिन हालतिहिकेरा ॥  
 सुनि ऋषिहाड़ निशाचरखाई । अतिशय दुखितभये रघुराई ॥  
 भुज उठाय कीन्हो प्रण भारी । जो सहाय मम है त्रिपुरारी ॥  
 जगमा निश्चर रहै न पावै । राम नाम मम तब कहवावै ॥  
 सुनि हर्षित भे सकल ऋषेश । बोलि उठे जय जय अवधेश ॥  
 एक समय हरषित रघुनाथा । लखिकहलषणजोरियुगहाथा ॥  
 नाथ शारधा यक मन मोरे । सो पुरिहै करुणा बध तोरे ॥  
 पूजा विरति भक्ति अरु ज्ञाना । सहित विवेक कहौ भगवाना ॥  
 माया जीव विवेक बढ़ाई । ईश्वर भाव कहौ रघुराई ॥  
 वेद वरण आश्रम रघुराई । इन कर भेद कहौ बिलगाई ॥  
 अपर सुना अस कछु रघुराई । कलिमें कलपित पंथबनाई ॥  
 ठग लोग तब दास कहाई । तिनके चिह्न कहौ समुझाई ॥  
 सुनि अस प्रश्न सहोदरकेरा । हर्षित भयो कृपाल घनेरा ॥  
 सरहि शीघ पर फेरेहु हाथा । बोलेहु बचनसुमिरिशशिमाथा ॥  
 सुनहु बंधु प्रियसहितविवेकू । पूजा इष्ट करै करि टेकू ॥  
 तहां वेद अस भेद बतावत । फल प्रद सकल शंभुको गावत ॥



पूजे चहै जोन सुर हितकरि । देत सकल फल तेहि शिव अनुसरि ॥  
जिमि हि कर्म सब गोचर ठाना । होत मुखहि से सकल बखाना ॥  
पूजे शिवहि सकल सुर रीझत । जिमि मुख भखे सकल अंग सीझत ॥

॥ दो० ॥ तेहिते जोनर चतुर अति ह्यागि सकल मनमाहि ।

॥ पूजत शिवहि सो इष्ट करि लखि सर्वोपरि ताहि ॥

॥ सो० ॥ मम सुभाव सुनुतात शिव पूजे सोइ मोरजन ।

सपनेहु मोहिं न सुहात शिव बैरी मोहिं बहु भजे ॥

भक्तिके लक्षण अब सुनु आता । भक्ति शंभु अति शय सुखदाता ॥

प्रथम विप्र पद प्रीति बढ़ावै । ता फल मोरि दासता पावै ॥

करै अदंभ मोरि सेवकाई । सुदृढ़ रहै मम पर लौलाई ॥

ताको फल शिव दास कहावै । शंभु भक्ति करि परगति पावै ॥

ताहि सविस्तर देखु गनाई । जब शिव भक्तिसुदृढ़ उर आई ॥

तब बैराग पाय भा जाना । दीन चिन्हाय ब्रह्म निरवाना ॥

ताहि चीन्हि भा ताहि समाना । जासु नाम बहु बेद बखाना ॥

निर्गुण सगुण ब्रह्म शिव ईशा । जासु अंगसे भे जगदीशा ॥

बामसे बिष्णु जासु हम रूपा । पालन हेत भये जग भूपा ॥

दक्षिण से बिधि भो जगकारी । रह्यो मध्य निजलय गुणधारी ॥

माया रूप कहौ अब गाई । हम हमार तुम्हरो तुम भाई ॥

इमि है माया सोइ शिव दासी । डारे रहति सकल परफांसी ॥

इंद्री दृष्ट जहां लग जानो । माया राज तहां लगि मानो ॥

सो छूटै शिवकी करु नाई । अपर उपाव न एकौ भाई ॥

सकल कादि अस तृणपरि यंता । दारु यंत्रिका भाषत संता ॥

माया तार रूप अति गावै । तहां तारधर शिवहि बतावै ॥

तेहि वशनाचत सकल चराचर । उभय रूप तहँ लखो अजाकर ॥

विद्या अपर अविद्या भावा । तहां भेद अस वेद बतावा ॥

ईश्वर भजन विषे जो राता । विद्या रूप लखो तेहि आता ॥

करै काज पर शिवहि बिहाई । ताहि अविद्या जानो भाई ॥

जीव सकल जानो तुम ईशा । होत भिन्न सोइ भयो अनीशा ॥

माया मिल स्वजीव कहावत । वनत ईश जब शिवहि रिझावत ॥



दो० जिमि सुरसरि जल भिन्नहै नाम परचोतिहिखार ।  
 पुनि करुणा लहि गंग ही मिलत गंग को धार ॥  
 ईश भाव सुर शीश मणि राम कह्यो निर धारि ।  
 हम सब स्वारथ दै सकत परमारथ त्रिपुगारि ॥  
 सो प्रमाण तुलसी लिखा जो भागवत अतीव ।  
 बन्ध मोक्ष प्रद सर्व पर माया प्रेरक सीव ॥  
 सो० वर्ण भेद सुनुचारि मुखजभुजजऊसजपदज ।  
 वेदकहतनिरधारिविप्रहि सब परमुख्यकहि ॥  
 आश्रम भेद सुनहु चित लाई । प्रथम ब्रह्म चारी श्रुति गाई ॥  
 पुनि गृहस्थ को आश्रम गावा । तीसर बानप्रस्थ बतावा ॥  
 संन्यासी तहँ चौथ स्वहावा । सर्वोपरि तेहि भाव लखावा ॥  
 है संन्यास धर्म अति भारी । जापर कृपा करहिं त्रिपुगारी ॥  
 तहां गृहस्थाश्रम अति सुंदर । जो करि यत्न शिखावे शंकर ॥  
 चारिसे भिन्न सुकल्पित पंथा । कलिमें बनै साधि मन मंथा ॥  
 तिनके चिह्न सुनो तुम भ्राता । अति अभिमानरहै तेहिगाता ॥  
 निजसम गनै न ज्ञानी परको । बनहिं दासमम निंदहिहरको ॥  
 दीनहिं देखि देहिं बहु गारी । अतितामस नहिं जातसम्हारी ॥  
 मिलै जहां घत दूध मिठाई । टिकै तहां बहु दंभ दिखाई ॥  
 शिवहि न पूजै मूढ़ विशेषी । जरहिं बहुत शिवभक्त न देखी ॥  
 मोरभक्त शिव निन्दक होई । जानहु बंधु चिह्न तुम सोई ॥  
 शिवहिनिनिदअसअचरजभारी । बनै दास मम ज्ञान बिसारी ॥  
 बाप से बैर पूत से नाता । कहौ बंधु कब सुखरै बाता ॥  
 होयँ सकल स्वरवा बिहारी । जबलग रहै निशोश तमारी ॥  
 सुनिअसलषनजोरियुगहाथा । हरषि राम पद नायो माथा ॥  
 सो प्रमाण तुलसी कहिगाहै । जो सुदास रघुनंदन का है ॥  
 जोनिजमुखन रामजीभाषा । लंककांड में सो लिखि राखा ॥  
 शिवकोनिदरिभक्तिचहैमोरी । सो नर मूढ़ ताहि मति थोरी ॥  
 शिव बैरी मम दास कहावा । सो नर सपनेहुं मोहिं न पावा ॥  
 कलिमानुषगतिमुनहुमुनीणा । तजि रघुनाथ वचन बनि ईशा ॥



लोगन सिखै दंभ बहु खोवै । सहस जन्म रवार मे रोवै ॥

दो० ऐसो मत रघुनाथ कर सुनि न करै जो चेत ।

सो किसानउसरौरको कबहुं न जामैखेत ॥

सो० यहिविधि कथा पुराण कहत राम प्रिय अनुज सन ।

धरे शंभु पद ध्यान बनबसि घर सुधि नहिं करत ॥

एक दिवस शूर्पणखा नामा । रावण बहिन महा दुख धामा ॥

धरे सुभग सुठि नारिस्वरूपा । आई जहां कौशला भूपा ॥

राम साथ याची निज व्याहा । बहु सर्वज्ञ राम मुनि नाहा ॥

लक्ष्मणकर श्रुति नाक कटावा । जनु रावणहिं सँदेश पठावा ॥

तब गै सो खरदूषण पाहीं । जो अतिबलौ थाह बल नाहीं ॥

चढ़्यो क्रोधकरि कटकसमेता । हट्यो राम तिनको रण खेता ॥

तब रावण पहुँ गै बिलखाई । सकलकथा निज रोय सुनाई ॥

तोहिंजियत अस मोरहवाला । धिक धिक बीसबाहु दशभाला ॥

खरदूषण त्रिशिरा को मारी । करी मनहुं अधनाथ तुम्हारी ॥

खरबध सुनत बहुत भयमाना । लखि अवतारधरयो भगवाना ॥

दिगपति सकल सुरासुर झारी । खरसमान खरसकलबिचारी ॥

हरिहरछांड़ि न तेहिबधलायक । असबिचारकरिनिशिचरनायक ॥

लै मरीच आवा बन माहीं । बहुत बिचारकीन मनमाहीं ॥

करि मारीच कपट को भाऊ । बन्योमृगा जरजटित जराऊ ॥

दो० कह्यो जानकी ललकि मन अति सुंदर यहि चाम ।

यहि को हति आनहु तुरत रुपा सिंधु सुखधाम ॥

सो० मन महँ हँसि रघुराय शिवमायालखि अतिप्रबल ।

सीतहिं लषण तकाय चलयो राम तेहि हतन को ॥

कीन राम तेहि पाछे धावा । निशिचर करत कपटको भावा ॥

कबहुं दुरत कबहुं खुलिजाई । यहि विधि दूरि गयो रघुराई ॥

तब तकि राम बाणतेहिमारा । मरत बेर लक्ष्मणहिं पुकारा ॥

निशिचरबोल न चीन्ह्यो सीता । जानेहु राम पुकारत भीता ॥

सीता कह्यो लषण तुम जाहू । रामहिं जीति लीन जनु काहू ॥

कह्योलषण अतिसकुचितगाता । हैं अजीत रघुनायक माता ॥



सुरनरअसुरन कोउ असलायक । रणमें जीति लेय रघुनायक ॥  
 तुम्हैं सौंपि मोहिं गे रघुराजा । तजतमोहिंलागत अतिलाजा ॥  
 कह्यो सिया कछु वचनकठोरा । लक्ष्मणभे अतिदुखितअथोरा ॥  
 रेख खँचाय सौंपि बनजीवन । चले रामपहँअतिसकुचितमन ॥  
 तब रावण धरि भिक्षुक बेसा । देवदत्त बोल्यो लंकेसा ॥  
 तब सीता भिक्षा लै आई । रेख बीच नहिं सो धरिजाई ॥  
 तब रावण बोला कल सानी । बांधी भीख लेत बड़ि हानी ॥  
 अससुनिसिया तज्योजबगुंडा । लीन उठाव तुरत दश मुंडा ॥

दो० निज स्वरूप दिखराय तब लीन्ह्यो सियहि उठाव ।

स्थ ऊपर बैठारि करि लंकहि चल्यो उड़ाव ॥

सो० देखि जटायू ताहि बहुत लड़्यो सिय हेतु मुनि ।

जानि बलो मन माहिं जारयो परशर अनल सों ॥

रावण गयो सियहि लै लंका । गयो राम ढिग लषणसंका ॥

लौट्यो राम चर्म लै तासू । देखि लषण मनभयोहिरासू ॥

तब पहुंचे प्रभु पर्ण निकेता । देखि सिया विनभयोअचेता ॥

हाय हाय कहँ गई जानकी । जीवन जीवन प्राण प्राणकी ॥

अस कहि लषण राम बहु रोये । अंगुवन से सब अंग भिमोये ॥

सुमिरत जाहिमिटत दुखभारी । तिहिदुखयहलीलात्रिपुरारी ॥

आगे चलत जटायू पावा । सो सियके सबहाल बतावा ॥

तब अगस्त पहुँगे रघुराई । सकलव्यथा निजरोयसुनाई ॥

नाथ नारि मम गई चोराई । धिक मोहिं क्षत्रीवंश कहाई ॥

दे मुनीश सो यत्न बताई । रावण मारि सिया लै आई ॥

कह्यो अगस्त धरहु मन धीरा । मिथ्या सहो नारिहित पीरा ॥

कुल परिवार नारि भौ रोगू । नदी नाव इव सब संयोगू ॥

ब्रत भंगिनी नारी को नामा । तिहिहितकरत शोचकतरामा ॥

हैस्वस्थित भजुमनमथजितको । जो है सुखद सदाउतइतको ॥

दो० बहुतलखायोज्ञान मुनिरामहिंकुछनसोहान ।

जरतअनलघतजनुपरयोसीयबिरहअधिकान ॥

सो० हम क्षत्री रघुवंश तापर लीन्हें धनुष शर ।



कीन्हें विना विध्वंस सीय चोरको कलनहीं ॥

अबै ज्ञान उर नहिं ठहराई । सिखबज्ञानपुनिसीतहिपाई ॥  
 तब रिसान मुनि करिबहु क्रोधा । है ज्ञानी तुम लहत नबाधा ॥  
 करो रुचै जो तुम्हैं नरेश । अति प्रबलाहै अजा महेश ॥  
 रावण जितब कठिन अतिभारी । तुम अस वीर चढ़ै धनुधारी ॥  
 रावण बल नहिं बरणि सिराई । कहत शेष शारद थकिजाई ॥  
 सहजहि शिवगिरि लीन उपारी । जिती इंद्रतिहिसुतबलधारी ॥  
 कुंभकर्ण तिहि बंधु बलीना । अर्द्ध वर्ष सोवत डर हीना ॥  
 जागत यक दिन होत भयावन । सकलदेव तब करत परावन ॥  
 अक्षय कुमार तासु को बेटा । ताको वीर देत सब भेंटा ॥  
 इन सम कोटि रहत बलवाना । धात मयी तिहिकोट बखाना ॥  
 खाई सिंधु बहै दिशिचारी । इतन्यो पर रक्षक त्रिपुरारी ॥  
 तिहि तुम चहत मारिबो रामा । मोहिलगत अतिअचरजधामा ॥  
 प्रथम कहौ तुम एक विचारी । किहिविधिउतरिजाहुकधिभारी ॥  
 सुनि रघुनाथ घटज की बानी । रोयो सिया रूप उर आनी ॥

दो० रोय गिरयो मुनिचरण में त्राहि २ कहि राम ।

कीमैं त्यागत प्राणहों की मम पुरवहु काम ॥

सो० तुम गुरुसरिसमुनीश तुम्हैंविदितसबयुक्तिहै ।

करहुयतनतजिरीसमोहिं जानिनिजदासलघु ॥

पियो सिंधु करि बंद समाना । इल्लल हत्यो महाबलवाना ॥  
 रावण मरत कौनि मुनि देरी । जो तुम कृपाकरो दिशि मेरी ॥  
 तुमसे अधिक पाशु पत नाहीं । सिंधु सुखाय एक क्षणमाहीं ॥  
 शंभु भक्ति तुम करो अदंभू । तुम पर कृपा करें बहुशंभू ॥  
 जोतुम यतन करो मम लागी । शंकर देहिं रावणहिं त्यागी ॥  
 मुनि पदरोय परचौ अकुलाई । तब मुनीश गहि बांहउठाई ॥  
 लखि प्रचंड माया शिव केरी । पोंछि आंशु कर शिरपरफेरी ॥  
 सुनहु राम अब बात हमारी । जोतुम चहत रावणहि मारी ॥  
 करहु शंभु तप दृढ़ता धरिके । शिवहिरिझावहुबहुतपकरिके ॥  
 सहस नाम शिवको बहु प्यारा । तासु नाम जो है श्रुतिसारा ॥



लह्यो शंभु सन सो बनवारी । धातहिदिह्यो जानि जनभारी ॥  
 तिहि विधि जानिवेद को सारा । थाप्यो साम बीच करतारा ॥  
 सनकादिक विधि से सोपावा । व्यासहिसोकरि प्रीतिसिखावा ॥  
 करतव्यासतिहिकोनितजापा । पद्म पुराण बीच सो थापा ॥

दो० जपो बार में बारगुचिनिशिमेंगुचिगुचिबार ।

जबलग रीझैं शंभुनहिंतबलगअवधिविचारि ॥

सो० लेपि त्रिपुंड्र लिलारगहि रुद्राक्षहि वेदविधि ।

बैठिय कंत भुवार करो पाठ श्रुति सारकी ॥

तब रघुवीर हरषि कर जोरा । पुर यहु नाथ मनोरथ मोरा ॥  
 अब कृतकृत्य भयों मैं स्वामी । दिह्योसीखलषिनिजअनुगामी ॥  
 असकहिसिख्योसहस शिवनामा । जाकेजपतमिलतसबकामा ॥  
 शोधि घरी शुभ कर अह्नाना । भस्मबिछायकीन तहँथाना ॥  
 भाल विशाल त्रिपुंड्र लगाई । सकल अंग रुद्राक्ष बनाई ॥  
 करि साधक लक्ष्मण कोदूरी । करणलग्यो शिवकीतपतूरी ॥  
 राति दिवसमें गुचि गुचि बारा । करत पाठरघुवरश्रुतिसारा ॥  
 पाठ पूर करिके रघुराई । जपत मंत्र सरवर न सोहाई ॥  
 इमि जो गये एकादश बारा । अति प्रसन्न भये शंभुउदारा ॥  
 सुरन सहित भे प्रकट महेशा । कछु वरणौ तिहिअवसरभेशा ॥  
 प्रथमहि भयो अवाज अथोरा । प्रलया मेघ करत जनुशोरा ॥  
 आंधी चलयो भयो अधियारा । दनुज बिचारि राम शरमारा ॥  
 उज्यो न बाणबँध्यो दोउहाथा । तबै नयन मूँद्यो रघुनाथा ॥  
 शिव शिव कहि तबनयन उधारा । इंद्रादिक सब देव निहारा ॥  
 तासु मध्य रथ दीख अनूपा । तिहिपर लष्यो शंभु सुरभूषा ॥  
 पांच बदन दश भुजा विशाला । शशि त्रिपुंड्रसोहतअतिभाला ॥  
 अहि भूषण सोहत शिरमाला । तीनिनेत्र जिमि पंकजलाला ॥  
 बिषकुचिकहिनजातमोहिंपाहीं । गंगाधार बहै शिर माहीं ॥  
 बांयें बिष्णु लिहे कर छाता । चवँर डोलावत दक्षिण धाता ॥  
 यहि विधि सेवत देव समाजा । उमा रूप अद्भुत बिराजा ॥  
 देखि राम तब भयो निहाला । बोलिउज्योजयजयशशिभाला ॥



आगे चलि प्रणाम बहुकीन्हा । हर्ष सहितनिज इष्टहिचीन्हा ॥

दो० तब शिव रथते उतरि करि रामहिं लीन उठाय ।

प्रीति सहित शिर सुंघेहु हियमें लीन लगाय ॥

सो० निज गोदी बैठाय शिव कर फेरेहु सकल तन ।

कह्यो शंभु हर्षाय मांगु राम वर मन रुचित ॥

कह्यो सम अतिशय हर्षाई । प्रथम देहु निज भक्तिगोसाई ॥

जो अनपावनि सदासोहावनि । सदा दासको मन हर्षावनि ॥

दूजे प्रीति देहु निज पदकी । जो कुठार है माया मदकी ॥

तोजे देहु सुवर मद नारी । जेहिते लेहुं रावणहिं मारी ॥

त्रिषा मोरि हरि लै गा रावन । ताहिपाय हम वाहि नशावन ॥

तुम्हरे बल सोहै बलवाना । तासु पक्ष त्यागहु भगवाना ॥

साम मध्यहै श्री मुख बानी । दीन हेत हौ अवघड़ दानी ॥

जौन दीन तवकिमिअसभाषौ । सदा भरोस चरण तव राखौ ॥

सुनत प्रसन्न भयो अति शंकर । एव मस्तु कहि हरेउ भयंकर ॥

दिह्यो पाशुपतशर असभाषत । प्रलय हेत जो निजकरराखत ॥

यहिते हतौ रावणहिं जाई । लै संग कीश भालु कट काई ॥

यहां प्रमाण व्यास को गावा । पद्म पुराण देखि मन भावा ॥

उत्तर खंड बिषे सो लेखो । तहँ अध्याय गङ्गनऋषि देखो ॥

ऋषिण कृष्ण सम्बाद सोहावा । तहां तीन श्लोक बतावा ॥

व्यासउ वाच ॥

श्लो० एतत्तदेवपुरारामो लब्धवान्कुम्भसम्भवात् ।

अरण्येदण्डकारण्ये प्रययाप्रघूब्दहः ॥

निष्ठ्यं त्रिषवणश्नार्दत्रिसन्ध्यासुऽस्मरन्निवम्

तदासोदेवदेवोविप्रत्यक्षंप्राहसधवम् ॥

इदंपाशुपतंदिव्यंप्रग्रहातरघूब्दहः ।

ऐतदासाध्यपौलस्त्यंजिहिमासोकमर्हसि ॥

दो० सरबर लहि रघुवंश मणि बोल्यो तबकर जोरि ।

नाथ लह्यो मैं जन्म फल करि सेवकाई तीरि ॥

सो० यदपि दीन तुम बाण तदपि देखि दश शीघ्रबल ।



मननहिं करत पयान तेहि मारब को तुम बिना ॥  
 तब शिव कह्यो सुनो रघुराई । सब बिधि करिबे तोरिसहाई ॥  
 तुम अनन्य मम दास सुहावा । तुमसे परप्रियश्रुतिहु न गावा ॥  
 मम अंशज यककपि हनुमाना । अंजनि सुवन महा बलवाना ॥  
 पूरण अंश मोर सो भावा । महावीर तेहि वेदन गावा ॥  
 आगे मिली तोहिं सो आई । सब बिधि करी तोरिसेवकाई ॥  
 सब प्रकार तब तत्त्व लखाई । जिहिलखिसूढकरहिं सेवकाई ॥  
 रणमें सकल सुकरिहै कामा । तुम्हैं न कछु अम हैहै रामा ॥  
 तब करजोरि कह्यो रघुराई । बिनती एक सुनो जग साई ॥  
 पूरण अंश तोर सो स्वामी । केहि बिधिहोय मोरअनुगामो ॥  
 सुनहु राम कह शशि अव तंशा । तुमहु हवो मम पूरण अंशा ॥  
 पूरण अंश तुम्हैं श्रुति गावा । प्रथम भयो तुम जेठसोहावा ॥  
 तेहिते सो अनुचर तुमस्वामी । यहिमिसु बोधकीन्हवृषगामी ॥  
 अस कहि शंकरगयो बिलाई । सहित सुरन निज पुरगेसाई ॥  
 रामगये उठि कुंभज पाहीं । सकल वृत्तांत कही दुखदाही ॥

॥ दो० सुनि अगस्त हर्षाय अति आशिष दीन सोहाय ।

॥ विदा मांगि मुनिराज सों अग्र चलयो रघुराय ॥

॥ सो० भै शवरी सों भेंट तासु बैर खायो हरषि ।

॥ ताको अघ सब मेटि दिह्योराम निजधामवर ॥

किष्किंधा बन कपि अस्थाना । पहुंचे अनुजसहितभगवाना ॥  
 आगे आय मिल्यो हनुमाना । रामहिंचीन्हि महासुखमाना ॥  
 सकलकथा निज हनुमत गाई । लै सुग्रीवहि कीन मिताई ॥  
 स्वारथ लागि सुकंठहि पाली । ताल बेधिमारचोछलिबाली ॥  
 दै सुग्रीव राज तब बासा । कह्यो प्रवर्षणगिरिकधिमासा ॥  
 देखि वृष्टि ऋतु को सुखसारा । सीय बिरह दुखसहतअपारा ॥  
 अब रावणगति सुनहु मुनीश । जेहिविधिभयोतासुबलखीश ॥  
 एक दिवस नारद मुनि राई । गयो लंरु शिव प्रेरण पाई ॥  
 रावण नारद आवत देखी । कीन दंडवत हर्ष विशेषी ॥  
 तब रावण पूछ्यो हर्षाई । निजआगमन कहो मुनिराई ॥



दो० बहु दिनते तुम्हरो दरश नहिं पावा हम तात ।  
 यहिते आयों बेगि मैं कहु आपनि कुशलात ॥  
 सो० कह रावण मुसुकात बड़ी अनुग्रह कीन मुनि ।  
 सकल भांति कुशलात शंभु अनुग्रह ते अहे ॥  
 तब नारद बोले मुसुकाई । कहौ रुचै जो निशिचर राई ॥  
 तुम जानत शिव केरि अनुग्रह । मममतसे शिव मानत विग्रह ॥  
 एक बंधु तुम और धनेश । तहां भेद बहु करत महेश ॥  
 तासु निकट निज नगर बसाये । एकहु बेर न लंरहि आये ॥  
 तेहिसे राखत बहुत मितार्ई । कहत झूठिफुरि तुमहिं बनाई ॥  
 अस दुर्भाव रखत त्रिपुरारी । लखत नहीं तुमकाह विचारी ॥  
 अस कहि नारद बिदा कराई । ब्रह्म भवनगे शंभु मनाई ॥  
 तब रावण मन कीन विचारा । कह्यो सत्य सबधात कुमारा ॥  
 जब लग शंभु न लंका आवै । तब लग मोरि न शंका जावै ॥  
 ल्याऊं गिरि कैलास उपारी । घरहि थापि पूजौं त्रिपुरारी ॥  
 कौनि कुबेर कीन सेवकाई । मोहिते अधिक जो नहिं प्रभुताई ॥  
 अस कहि तुरत चलयो दशमीया । लीन्ह्यो तुरत उपारि गिरीया ॥  
 तेहि अवसर शिव उमासमेता । करत रहे विश्राम निकेता ॥  
 जब रावण गिरिलीन उखारी । हाल्यो शोरभयो अति भारी ॥  
 दो० तब गिरि हालव जानिके अतिकंपित है माय ।  
 त्रिहित्राहि कहि सडर उर शिव उरगै लपटाय ॥  
 सो० तब शिव कीन विचार जान्यो रावण की कला ।  
 मन रिसाय त्रिपुरारि दीन आप अतिकोप करि ॥  
 कीन होय जो अस उतपाता । प्रकटै तुरत तासु दुखदाता ॥  
 केतरी होय मोर हित कारी । रक्षा करौं न तेहि यकबारी ॥  
 गिरिवासिन कीन्ह्यो बिकलाता । बंशसहित सो होय निपाता ॥  
 बरवश हरि तेहिसकै न मारी । नर है हतै ताहि बनवारी ॥  
 तज्यो पक्ष शिव करि तेहि परना । लखि अतन्य निज भक्त अपरना ॥  
 भक्त बैर शिव बैर बढ़ावत । प्रेरिपंगु गिरि शिखर चढ़ावत ॥  
 शंभु आप रावण ठिग गयऊ । देखि आप बहु विस्मित भयऊ ॥



धरिगिरि तहां गयो सो लंका । अहंकार बध भूयो शंका ॥  
 राम कथा अब सुनो ऋषेश । शिव प्रेरन लहिभे अवधेश ॥  
 सीय ढयाहिकरि भे बनबासी । बनमें बहुत निशाचर नाशी ॥  
 तब रावण सीता हरि लेई । राम लह्यो शावर शिव सेई ॥  
 करि सुग्रीव मित्र अवधेश । वालिहन्यो करिछललवलेष ॥  
 वर्षापाय तहां प्रभु रहेऊ । सीय विरहमें बहुदुख सहेऊ ॥  
 जो विस्तार सहित हमभाषा । प्रथमदेखितुम्हरो अभिलाषा ॥  
 वर्षा विगत शब्द ऋतु पाई । सीय खोज कहँ कीश पठाई ॥  
 लै मुदरी हनुमान सिधाये । दक्षिण दिशबहु सगुण जनाये ॥  
 उतरि सिंधु लंका में जाई । सीय देखि बहुमन हर्षाई ॥  
 तोरि बाग बहु दनुज संहारा । अक्षय कुमार मारि गढ़जारा ॥  
 सिया सोधलै पुनि फिरिआवा । राम लषणको चित हर्षावा ॥  
 भालु कीश दल लै जगदीशा । लंकहिचढ़यो सुमिरिगौरीशा ॥  
 पहुंचे सिंधु तीर रघुवीरा । करि प्रणामउतरयो कधितीरा ॥  
 तब हरकारा खबर जनावा । रावण को रघुवर दल आवा ॥  
 गनबे योग न सो कटकाई । पदुम अठारह मैं सुनिपाई ॥  
 जोकपिआय प्रथम गढ़जारा । तेहि सम देख्यों कोटिहजारा ॥

दो० सुनि रावणबिंहरयो बहुत पुनिडाट्यो अतिवोहि ।

बोलत लगे पिशाच जनु भय दिखरावत मोहि ॥

सो० नर कपि भालु अहार ताकी वर्णत वीरता ।

याको देहु निकार रहन योग नहिं लंकमें ॥

असकहि बैठ सभा सो जाई । मंत्री सब निजलीन बुलाई ॥  
 इन्द्रजीत आदिक सुत जेते । रावण तहां बोलायो तेते ॥  
 मन्दोदरी तहां चलि आई । गयो विभीषण अवसर पाई ॥  
 आदर सहित सबहिं बैठाई । रावण पूछ्यो मंत्र सुहाई ॥  
 राम नाम अवधेश नरेश । दंडक टिक्यों मुनिनके भेषा ॥  
 सूपणखा तिनसों करि शरी । नाक कान तिनके कर हारी ॥  
 सुनि खगदूषण लाग गोहारी । तिनकोकटकसहिततिनमारी ॥  
 सोबधसुनि मैं करिरिस भारी । हरयोजाय तेहि सुन्दरिनारी ॥



तासुखोज आवा कपि जोई । तेहि बल विदितहवैसबकोई ॥  
 चलयो राम अबलै कपि संगी । दियादेखि जिमिचलतपतंगा ॥  
 आवनदेह तासु रुचि राखौ । की कधि पारजायतेहिचाखौ ॥  
 निज निज मंत्रकहौ सबभाई । देशकाल न्यै रीति जनाई ॥  
 बोलि उठे बहु खल हँकारी । महाराज है अचरज भारी ॥  
 सुर दिगपति भूधर तुम मारी । तबकवहुं नहिं मंत्र विचारी ॥

दो० नर कपि भालु अहार मम तामें करत सलाह ।

ब्यालकटक लखि गरुड़को करनचही उत्साह ॥

सो० बड़ उत्सव की बात जो चलि आवै सब यहाँ ।

पठै दीन जनु धात विधिबश भोजन भवन में ॥

तब प्रहस्त बोल्यो कर जोरी । सुनहु नाथ यक बिनतीमोरी ॥  
 मंत्रिन को अस मंत्र न चाही । जासु मंत्र महँ होय तवाही ॥  
 रारि बचाउब काम सयानो । जो हित सहित मोरबचमानो ॥  
 पठै देहु तिनकी तुम नारी । दै परबस्तु तजौ सब रारी ॥  
 लौटिजायँ तौ अधिकभलाई । मिटै रारि सब भांति सुहाई ॥  
 जो कदापि फिरिकरै ढिठाई । तौ हठि तिनहिं लेहिंहमखाई ॥  
 मेघनाद सुनि कह्यो सक्राधा । करत मूढ़ कादर सम बोधा ॥  
 हरी वस्तु फेरब अज्ञाना । जियत देव कादर परमाना ॥  
 सिया पाय सोकरी विचारा । पटैदीन डेर पाय अपारा ॥  
 जो प्रभु मोकहं देहु रजाई । सिंधु पार तिहि मारौं जाई ॥  
 मारि भालुकपि रामसमेता । करौं अवध में जाय निकेता ॥  
 देखौ पिता बैठि सतकरनी । करौं भालु कपि नर बिनु धरनी ॥  
 तब मय सुता कह्यो रिसवाई । मारत अक्षय न कयों धरिखाई ॥  
 करत हीन नरकपिसोंधरनी । येककीशगति बनत न बरनी ॥  
 कहबसेकरब बहुतकठिनाई । देहु सिया जो चहहु भलाई ॥  
 कौन बीरता आनब चोरी । लह्यो न कसतिहिशिवधनुतोरी ॥  
 लखिदासीमोहिंमानुनिहोरा । रखु अहिवात सिया दै मोरा ॥  
 दै परबस्तु होहु सतधारी । असत किहे है रण में हारी ॥  
 दो० निज कुल को लखु कंजवन सीता सीतनुषार ।



॥ तिहिपरिहरिरक्षहुकुलहि बनहुं न बंशकुठार ॥

॥ सो० रावण कह्यो रिसाय भीत नारि मम बड़ि हँसो ।

॥ कहु तुहिं कतहुं दिखाय ममसम योधाजकमे ॥

कह्यो विभीषण युग करजोरी । सुनहु नाथ विनती अबमोरी ॥

दास जानि नहिं कीजै क्रोधा । सस्यन नाथ सरिस पर योधा ॥

परनहिंरामहिं मनुजविचारो । नाशरहिततुम किहिविधिमारो ॥

अविनाशो सर्वोपरि भासी । शंकर अंश महा बल रासी ॥

भाभी कहा सो भाभी मानी । देहुसिया तुम अतिहित जानी ॥

रामहिं लखो चराचरनायक । लीला हेत धरयो धनु शायक ॥

नाहिं तो प्रलयकरैपलमाहीं । को निस्तरे तासु बल माहीं ॥

सीता पठै करौ हित अपना । स्वारथ सकल लखो भवसपना ॥

जो सीता नहिं देहु सुगरी । तुम पर क्रोध करै त्रिपुरारी ॥

मनुजहुतनुज लखोजोरामा । केहि अपराध हरयो तिहिवामा ॥

यदपिशंभु अति औघरदानी । तदपि लखत सतअसतगुमानी ॥

गहत सत्यतजिअसतमहेशा । राम सत्यब्रत तुम असतेसा ॥

दासजानि मम राखु दुलारा । सीता पठै पालु परिवारा ॥

जतनकरोतुम तजिहठतावत । जबलहि उतरि न सागरआवत ॥

॥ दो० फिरत रह्यो आरण्य में नाथ एक मम दास ।

॥ सोलखितपवर रामकीआयकह्योमोहिंपास ॥

॥ सो० दंडक में चितलाय राम करी तप शंभुकी ।

॥ शर वर दीन अघाय तव मारनहितशंभुतेहि ॥

तेहिते शिव अनकूल बिचारी । बार बार मोहिं है दुख भारी ॥

तब रावण बोला अभिमानी । सकल सभीत भये ममप्रानी ॥

जो नरदेखि असुर भयमाना । उचितनतिहिममनिकटठेकाना ॥

यक कादर सब फौज भगावै । यक पापी सब नाउ डुबावै ॥

मम समीप नरकेरि बड़ाई । करत न सठ तोहिंलाजलजाई ॥

असकहिरावण करिवहुरीसा । मारयो लात विभीषण शीशा ॥

है अतिभीत विभीषण भागा । जाउं राम पहं अस अनुरागा ॥

गंगन पंथ सो चला उड़ाई । कह्यो बचन रावणहिं सुनाई ॥



मैं तहँ जाउं जहाँ रघुगई । सीता दै तुम करो भलाई ॥  
 अस कहि गयो सिंधुकंपारा । मगन होत मन बाहिं बाग ॥  
 जेहिपदलागितपतमुनिबनमा । जो पद धरे जानकी मनमा ॥  
 जेहिपद कुवत तरीमुनिनारी । सो प्रत्यक्ष हम लेब तिहारी ॥  
 दुहुकर कुवत्रजायहमसोपद । खोउब सकल पाप अपनोगद ॥  
 पहुंचिगयो तब रामकटकमा । कटक देखि भा चित्त अटकमा ॥  
 केहिबिधिकरहिंमोरसनमाना । शत्रुबंधु कहि करहिं अमाना ॥  
 असशोचत तब कटकमझावा । कपिनजाय कपिपतिहिंजनावा ॥  
 तब सुग्रीव राम पहुँ जाई । तासु कथा सब दीन सुनाई ॥  
 मंत्रिन से लै राम सलाहा । तिहिपाछे निज परन निबाहा ॥

दो० शरण पाल निज बानि कहि अभय दान तिहिदीन ।

निज चरणन के दरश फल लंकापति तिहिकीन ॥

सो० तब बोले नर नाह सुनहुं लंकपति बुद्धिवर ।

दीजै सोइ सलाह जिहिबिधि उतरैकपि कटक ॥

कह्यो विभीषण सुनुजगपाता । अति चित्रित तुम पूछहुवाता ॥  
 नामलेत तव भवकधिछुं छत । जलकधिहेतजतनमोहिंपू छत ॥  
 तदधिकहब हमकरिसेवकाई । मांगहु मग सागर सन जाई ॥  
 सुनिलक्ष्मणअतिशयमनमाखे । राम चरण पर कर गिर राखे ॥  
 नाथ सुनत अस बड़िकदराई । मिलै पंथ तब कटक चलाई ॥  
 आज्ञा मिलै देहुं कधि जारी । उतरै कटक होय सुखभासी ॥  
 जेहिवलघटजताहिचखिलीन्हा । सोशिवमंत्रहरषिमोहिंदीन्हा ॥  
 लक्ष्मण सो बोलेहु रघुबीरा । धीरज धरहु न होहु अधीरा ॥  
 बीर भाव अस वेद बताई । प्रथम शांति पाछे मनसाई ॥  
 असकहिगयो सिंधुतटरामा । मांगेहु मगहि करत परनामा ॥  
 तीन दिवसबिनुभोजनबीरा । मग हित बैठि रह्यो रघुबीरा ॥  
 राममनहिंमनशिवअभिलाषी । करि संकल्प बचन असभाषी ॥  
 सिंधुतरब जेहिदिन शिवसाई । लिंग थपब तब गेह रचाई ॥  
 असकहि अनलवानकरलीना । सोखौं सिंधु महा रिस कीना ॥  
 शिवप्रेरितकधि धरिनररूपा । आयो जहाँ कौगला भूपा ॥



हाथ जोरि सहिमाथनवाई । कीन्ह्यो वितय सुनहु रघुराई ॥

दो० तव प्रताप मैं सुखहूँ उतरै कटक अपार ।

पर परंतु मरजाद मम छूटत एकहिं बार ॥

सो० तेहिते करो उपाय दास जानि मोहिं आपनो ।

उतरि कटक सब जाय बनीरहै मरजाद मम ॥

नाथ नील अरु नल दुइ बानर । तिनके छुवत तरत जलपाथर ॥

कपिन पठै भूधर मँगवाई । तेहि कुवाय कधि लेहु बँधवाई ॥

सेतु बँधाय उतारो कटका । दनुज मारि मेटहु सब खटका ॥

तिहिकरि विदाराम उठि आये । सकल भालु कपिगिरि कहँ धाये ॥

सेत तयार कीन नल नीला । देखि प्रसन्न भयो सुखशीला ॥

कह्योगाम बहु सुंदरि धरनी । अतिशय सुखद जात नहिं बरनी ॥

यहां शंभु मंदिर रचवाई । तब आगे दल देव चलाई ॥

जो अनन्य शिवभक्त मुनीश । सुभग वस्तु अर्पहिं निज ईश ॥

रामसे अधिक वेद नहिं गावा । शंभु भक्त जस राम सोहावा ॥

शिवहि न परप्रिय राम सरीसा । कहत सकल श्रुति साधु मुनीश ॥

तव रचाय मंदिर रघुनाथा । शेत मूल थाप्यो शशि माथा ॥

हृदय बीच जो शंकर रूपा । राखत सदा राम सुर भूपा ॥

तासु अग एक लिंग निकारी । तहां प्रतिष्ठित कीन खरारी ॥

लिंगथापि पूजन करि रामा । कटक सहित पहुंचे लंकामा ॥

दो० कह्यौं काशिका गमन जब करुणा लहि रघुराय ।

शिव अस्थापन की कथा कह्यौं सबिस्तर लाय ॥

सो० गिरि सुवेल रघुनाथ उतरत भे कपिदल सहित ।

लंका में दस माथ अति अशंक कछु शोचनहिं ॥

एक दिवस सब सचिव समेता । बैठे गिरिपर कृपा निकेता ॥

कोमल पत्र प्रसून बिछाई । तेहि पर जर मृगचर्म सुहाई ॥

बीरसन तेहि पर रघुराई । जटा मुकुट अति शोभाछाई ॥

गांछे बिच बिच शुभग प्रसूना । छबिलखि होतिका मछबिऊना ॥

भाल त्रिपुंड गहे धनु हाथा । जनु मुनिबीरबन्यो रतिनाथा ॥

अक्षयतुनीर धरा दिशि बांधे । मंडल करि सब सचिव सोहाये ॥



पाछे लषण बीर बल वंता । सोह काम ठिग मनहु वसंता ॥  
 सांझ समय बिधु पूरण मासी । लखिसबसोंबोल्होखरनासी ॥  
 शशि के मध्य श्यामता सोहै । कहोसकलनिजनिजमतिजोहै ॥  
 भूपति को भूमहि अतिभाया । कह सुग्रीव भूमि की छाया ॥  
 बंधु भाव लछिमन मन राखी । शशियुरटिकयोगरलअसभाखी ॥  
 बंधु वैर लंका पति हेरा । रंभा हरेउ शार बिधु केरा ॥  
 राम भक्ति प्रिय पवन कुमारा । कह्यो धस्योशशिध्यानतुम्हारा ॥  
 निजमतिसरिससकलअसभाखी ॥ पर वार्तात राम पर राखी ॥  
 दो० रामहिं प्रिय अति शिव चरण सबको कह्यो सुनाय ।  
 धरे ध्यान शशि शंभुको नील कंठ छवि भाय ॥  
 सो० पुनि लै सबको शीख पठै बसीठी बालि सुत ।  
 जाय बालि सुत दीख प्रथमद्वाररावन सुतहिं ॥  
 जुरा तहां बहु मल्लक माला । तिखत खेलतहँ रावण बाला ॥  
 लखि कपिबहुत ठठोलीलाई । अंगद कोपि ताहि गरियाई ॥  
 तब रावण सुत कोप बढ़ावा । कह्यो मूढ़ कपि कहंते आवा ॥  
 लखतन मोहिं मत गजबच्चा । कह अंगद मै केहरि चच्चा ॥  
 हट्यो प्राण तेहिको पद तानी । भाग्यो सकल महाभयमानी ॥  
 तब कपि जाय सभातेहिदेखी । उड़ा होस लखिरावणसेखी ॥  
 बहु मणि जटित धरासिंहासन । बैठ तहां रावण बीरासन ॥  
 लोह कोह सम सुतन सुहावा । तहं दश शीश शृंग सोभावा ॥  
 कोह खोह समहै श्रुति नासा । प्रतिशिरसुभग त्रिपुंडप्रकासा ॥  
 मणि मय मुकुट धरे दश भारी । उये मनहु रविदश यकबारी ॥  
 भूषण सहित सोह भुज कोरी । अजगर समनिमनहु एकठोरी ॥  
 इद्रतहां तेहिकोश रखावत । अग्नितासु जेवनार बनावत ॥  
 करत समन तेहिकीकोतवाली । नैरित बरुणभयोतेहि माली ॥  
 पवन विजन धर मेघ कहारा । बेद सुनावत तेहि करतारा ॥  
 चवर क्षत्र लीन्हे रज नीशा । यहि विधि राजकरतदशशीशा ॥  
 असलखि अंगद बहुसकुचाई । भयो सुदृढ़ सुमिरत रघुराई ॥  
 पहुंच्यो सभा बीच कपि राई । बैठत भयो ताहि शिर नाई ॥



कह दश शीश कहाँको कीशा । मैं रघुनाथ दूत दश शीश ॥

दो० को रघुनाथ न जानहूँ भेद कहौ तुम तासु ।

नरको चर बानर सुनतहोत नमनविश्वास ॥

सो० जगपति रमानिवास अवध राजघर अवतरयो ।

जासु चराचरदास नर बानर सुरअसुरसब ॥

अवधराज किमिकटकसिहारत । चक्र चलाय सकलदिसिमारत ॥

अब समुझी हम कपितवबानी । सुना निकारि दीन तेहिरानी ॥

बुधि प्रताप तेहिमां कछु नाहीं । मांगत खात फिरतवनमाहीं ॥

विधिवसमिलीसुभगतेहिवामा । सोहम छीनिकीन निजधामा ॥

छीनव अपर अपर है चोरी । भयो कालवसतव मतिभोरी ॥

सुनु लंकेय कहा कपि राई । बुद्धि मान तुम परत जनाई ॥

अबुध सरित तुमकीन्हौ काजा । परअबहीं नहिंकछुरुअकाजा ॥

सिय लैपगौ राम पदजाई । त्राहित्राहि कहि माथ नवाई ॥

शरण पाल तिहिको अतिगावैं । तुरत तोर अपराध मिटावैं ॥

हंसि दश शीश कहा दवकाई । करसि मूढ़किमि बहुतढिठाई ॥

निज अपराध मेटि पुरलेते । काहेकपिता ताहि वनदेते ॥

जाय अवध लैतोरि समाजू । भरतहिं मारि लेहि निजराजू ॥

तोआवे मोहिं सेकरि रारो । तुम्हैं आदि कपि करै सुखारी ॥

तब अंगद बोल्यो रिसवाई । बीस आंखि नहिंपरतदेखाई ॥

दो० तृणसर दसा जयंतकी देखि करत नहिं बोध ।

चक्र चलावत देरनहि जबलग करतनक्रोध ॥

सो० सुनु प्रमाण दशमाथ कहों असाधन साधको ।

चलि आये रघुनाथ राज विभीषण देनहित ॥

वेधि तार मुनि मारेहु बाली । लखतनतेहितुमक्यों शठताली ॥

रेखन नाधि सक्यो तुम स्वामी । नाघ्यो सिंधु तासु अनुगामी ॥

तेहि प्रताप तुम अजहु नबूझा । बात कहत खरदूषण जूझा ॥

चाप तोरि सियक्यों नहिआनी । रह्यो बीरतुम बड बलवानी ॥

भृगु पति केर गर्भ जिन छीना । ताहिकहत तुमनिश्चरदीना ॥

तजि अभिमान चलो ममसाथा । दैसिय शरण गहौ रघुनाथा ॥



निज कुलपाल सकल मदत्यागी । मुनिपुलस्त्यकुलपाल अदागी ॥  
 कह दशकंधर बहुत रिसाई । कहसिबात कपिबहुतबनाई ॥  
 तोरब धनुष कवनि मनुसाई । शिवधनुयुतगिरिलिह्योउठाई ॥  
 सुरनर असुर शरणमम आवैं । कोअस जासु शरण हम जावैं ॥  
 तियको दान जो तव प्रभु लेई । पूंजत शिवहिं सिया हमदेई ॥  
 रिपु सेजो कोउ करत मिताई । लखोताहितुमअति कदराई ॥  
 जोतव प्रभु जानत बिरताई । तुम्हैं पठै किमि करतयकाई ॥  
 तुमसे परको हवै सपूता । बाप मराय भयो तेहि दूता ॥

दो० हँस्यो सुनतइमिबालिसुत अहौबुद्धिकोभौन ।

ममपितुमारनकहत जोइतवपितुमारेहुकौन ॥

सी० जाके वल तोहि गर्वतिहिनिजपर रूठोलखो ।

कहत वेदबुध सर्व शिव हिनपर प्रियराम सों ॥

सुनहु कथा अबतुमहिं सुनाऊं । प्रीति प्रतीत राम शिव गाऊं ॥  
 कौन राम तप कुंभज साधन । तहं प्रत्यक्षप्रकट्योवृषभाशन ॥  
 तजि तबपक्ष दीन बरदाना । तव बधहेत दयो बरवाना ॥  
 और सुनो अस वेद कहानी । हरिहिं दोनबर औघर दानी ॥  
 तुम्हरो भक्त भक्त निज जानब । बैरी तोर शत्रु निज मानब ॥  
 जग करता भरता अस हरता । हरिहिं कीनशिवत्रयगुणधरता ॥  
 तेहिते लखु रामहिं शिवरूपा । तजहु असतहठनिश्चर भूपा ॥  
 तब रावण बोल्यो करि क्रोधा । करत सुगुरसम शठममबोधा ॥  
 तेहि असाध कहितबकपिराई । गयो तुरत उठि जहं रघुराई ॥  
 चारिहुं दिस घेरेहु कपि जुथा । चढ़्यो लंकते दनुज वरूथा ॥  
 भाअतिविकटसमरकपिनिश्चर । लक्ष्मण हत्यौ तासुकोसुतवर ॥  
 घट अति रावण रघुपति मारा । कपिन निशाचर कटकसंहारा ॥  
 राज विभीषण केशिर सारी । अति शय हर्षित भयौ खरारी ॥  
 लै सिय रामशिवहिं शिरनाई । चले अवध प्रभु घंटबजाई ॥  
 रावण रघुपति समर पसारा । पुरकपिकह्यो सहित विरतारा ॥  
 तेहिते मैं संक्षेप बखानी । बेगि भारतहित अवधहिआनी ॥

दो० पुहुपकचढ़िसियअनुजयुतमंत्रिनसहितखरारि ।



हरषसहित पहंचे अवध सुमिरिउमात्रिपुरारि ॥

सो० मिले भरत परिपाय आगे चलि सिय रामको ।

रामलीन उरलाय मेठी सकल गलानि दुख ।

मातन सकल मिले रघुनंदन । गुरुहि प्रणाम कीन जगवंदन ॥

गुरुवशिष्ठ को लै अनुशासन । बैठे राम राज सिंहासन ॥

बढ़ो हर्ष कछु वरणि न जाई । रुचित दान महि देवन पाई ॥

राम राज जसभयो अनंदा । कहत श्रुतिहु मति होवे मंदा ॥

सोमैंकहौं कौनि विधि वरणी । करैपार गज किमि लघुतरणी ॥

सुनि रघुनाथ चरित सुनिझारी । बोलि उठे जय जय बनवारी ॥

हम अब लखा तत्वरघुवरकर । रघुपतिसरिसनप्रियशिवकेपर ॥

सूतहि दे अशीश पुनि बोले । अपने मनकी शंका खोले ॥

जो तुम तात कह्यो बहुवारी । शिव बैरी हरि हनत प्रचारी ॥

निजहु दास मानत हरिबैरी । पठवत नरक ताहि सतपैरी ॥

को असनाथ करी जड़ताई । शिवरिपुता अच्युतशिवकाई ॥

जेहिमारेहु हरि करि बहुक्रोधा । सोकहि नाथ करौ ममबोधा ॥

हँस्यो सूतकहि शिवशिवबानी । जगहित बन्यो तात अज्ञानी ॥

सुना चहत शंकर गुण गाथा । तेहिते अज्ञबनत मुनिनाथा ॥

दो० सुनहु नाथ शिवकी अजा बहुपरबला बलीन ।

मित्रहि बनवत शत्रु है शत्रुहि मित्र प्रवीन ॥

सो० समदरशी शिवनाथ ताको मित्र न शत्रु कोउ ।

लीलाहित शशिमाथ रचै शत्रु अरु मित्रको ॥

शिव भगवान भाव मुनि एका । कहतसंत श्रुति बुधकरिटेका ॥

कह्यो सूत सुनिये मुनिनाथा । है सर्वत्र विदित यह गाथा ॥

शिव निन्दक होवै हरि दासा । गनै शत्रु तेहि रमा निवासा ॥

शंखचूड़ यक दैत्य कहायो । कृष्ण भक्त तेहि वेद बतायो ॥

रहो अनन्य भागवत सोई । तेहिसम कृष्णदासनहिंकोई ॥

निशिदिन करै कृष्णकी सेवा । लखै न हरिपर सों परदेवा ॥

शंभु संग सो बैर उठावा । शिवहिपचरितेहिविष्णुमरावा ॥

तेहितिय तुलसी पतिव्रतधारी । तेहिप्रताप शिवसकतनमारी ॥



संशय करहु न सुनिमुनिनाथा । वेद पंथ पालत शशि माथा ॥  
 पतिव्रत नारि न विधवाहोवै । तेहिप्रताप शिवताहिनखोवै ॥  
 शिव बैरीलखि विष्णु मुनीशा । करिछलकरचोतासुब्रतखीशा ॥  
 नेक न कानि दासकी कीन्हा । छटत धर्म मारि शिवलीन्हा ॥  
 ऐसहि सेवक धर्म ऋषेश । श्रुतिविरोध किमिकरै रमेश ॥  
 माता पिता बंधु गुरु दासा । इष्टक शत्रु शत्रु सम भासा ॥  
 पितु प्रह्लाद यतनकरि मारी । मातहि भरत दीन्ह बहुगारी ॥  
 बंधु हतन हित भेद बतावा । भयो विभीषण परम सुहावा ॥  
 गुरु अपमान कीन बलि राऊ । व्याकुल कीन नयन के घाऊ ॥  
 प्राकृत जनन कीन असकाजा । किमिनकरै हरि सबजगराजा ॥  
 इष्ट भाव हियँ दृष्ट करोहु । अपर प्रकार न मोह धरोहु ॥  
 करतभक्ति जेहिविधिवनवारी । कहि नर गति को बनै अनारी ॥

दो० सुनि यह कथा समासतब हर्षित भये मुनीश ।

इच्छा करि विस्तारकी सूतहि दीन अशीश ॥

सो० तब शंकर पद ध्याय सुमिरि शारदा को बहुरि ।

सूत महा हर्षाय कहन लग्यो हरि हर सुयश ॥

जबनिर्गुण शिव सर्गुण भयऊ । निजवासाहित पुरशिवठयऊ ॥  
 वाम अंगते हरि उपजावा । जग पालनतेहिकाजसिखावा ॥  
 दक्षिण ते विधि को प्रकटाई । सृष्टि रचन तेहिकाज बताई ॥  
 हरि वासा वैकुण्ठ सुहावा । सत्यलोक विधिवास बतावा ॥  
 रच्यो सृष्टिजब विधिसबझारी । पालत तेहि भगवान मुरारी ॥  
 शिव पुर निकट भयो गौलोका । चिंतत जाहिमिटतसबशोका ॥  
 गौवैं तहां शंभ की रहहीं । ध्यान करत सबपातकदहहीं ॥  
 तेहि पालन हित शंभु बिचारी । बोलि लीन भगवान मुरारी ॥  
 हरिसों कह्यो शंभु समुझाई । परतन धरि पालहु सबगाई ॥  
 शिव अनुशासन बहुमन माना । दूसर रूप धर्यो भगवाना ॥  
 कृष्ण नाम तिहि वेद पुकारा । राधा रूप रमा तब धारा ॥  
 तिहि पुर रह्यो कृष्ण अरु राधा । सुमिरतजाहिमिटतसबबाधा ॥  
 केलि हेतु बहुगोप सँवारी । गोपी बहुत भई अधिकारी ॥



यहवर तिनको दीन महेशा । तब महं बड़े विष्णु से बेशा ॥  
विष्णु तुम्हें कछुहोय न भेदा । एक रूप गावैं सबवेदा ॥  
असकहि भे शिव अंतर्द्वाना । पालत धेनु रहे भगवाना ॥

दो० गोपिन सँग खेलतहरषि पालत धेनु सुजान ।

जोयह सुनिहैं ध्यानधरि तिहिपलिहैं भगवान ॥

सो० अबसुनु कथारसाल परम पावनीदुखहरनि ।

चरितकीनशशिभाल सोबरणौं शिवपदसुमिरि ।

वृजानाम एक सखी सुहावनि । अतिसुंदरि रतिमाननशावनि ॥  
तासुरूप लखि मोहि मुरारी । भयो तासु बग लीला धारी ॥  
अवसर पाय राधिका चोरी । जात तासु घर यतन बटोरी ॥  
नाम सुदामा गोप सुभासा । सेनापति अति हरि को दासा ॥  
तिहि दरपर रखवार बनाई । भीतर जात सुकृष्ण कन्हारि ॥  
यकदिनसोवृत सुनिकरिराधा । धरन हेत हरिको चितसाधा ॥  
वृजाद्वार पहुंची रथ ठौकी । भीतर जात सुदामा रौंकी ॥  
सुनिसुबोल हरिगयो बिलाई । निजतन धिरजा नदी बहाई ॥  
सब वृत्तांत जानि जगमाई । लज्जितलौटि स्वभवनहिं आई ॥  
कोप भवन गै अति रिसधारी । भूपरि भूषण बसन उतारी ॥  
तब श्रीकृष्ण गये तिहिधामा । द्वारे राखेहु गोप सुदामा ॥  
देखि राधिका कानि न राखा । दुरहो दुरहो कृष्णहि भाखा ॥  
शासन सखिनदीन यहिमारो । गृहते मेरे तुरत निकारो ॥  
बहु दुर्वचन कह्यो करिटेका । दीन्ह्यो शाप न कीन विवेका ॥  
नरवत कामकीन यह कामी । जगमें जाय होय नर नामी ॥  
हरिसो शाप शीघ्रधरिलीन्हा । शंभु अजाके अस्तुति कीन्हा ॥

दो० सुनत सुदामा कीनरिस लखि निजस्वामिहिशाप ।

जो यहि उत्तर देउं नहिं लगै मोहिं बहु पाप ॥

सो० सेवक को यह धर्म स्वामी हित बहु दुख सहै ।

देखहु चर्म कि चर्म घाव सहै स्वामी बचै ॥

दीन सुदामा राधहिं शापा । नर है भोगहु तुमहूं तापा ॥

सदा अपाप कृष्ण बनवारी । नाम लेत जेहि पातक जारी ॥



ताको दीन्हेहु लाय कलंका । नेक न मानेहु हरि की शंका ॥  
 तिहिते होहु कलंकिन जाहू । परव्यहौ हरि हाथ बिकाहू ॥  
 हरिको हठितुमदुरदुरकीन्हा । परब्रह्म नहिं हरि को चीन्हा ॥  
 तिहिते हरि हरिक हितुममरहू । हरिके बिरह अनल महँ जरहू ॥  
 सुनि राधा रिसवानि अतीवा । जड़ नहिं माने कछु ममसीवा ॥  
 मोहिं न चीन्हे शठजगमाता । बार अनेक कहे कटु बाता ॥  
 तेहिते दैत्य होहु तुम जाई । अति बलवान देव दुखदाई ॥  
 परब्रह्म शिव परै न चीन्ही । यहि भिस शाप राधिका दीन्ही ॥  
 सुनि बकवाद कृष्णतहँ आये । माया खींचि कुवादि मिटाये ॥  
 उभयबोधदे इस्थिर कीन्हा । असु वरदान सुदामहिं दीन्हा ॥  
 दानवहोहु तहौं मम दासा । शिवके हाथ होय तव नासा ॥  
 पुनि ऐहौ हि यँलहि शिवकरुना । नेक उदासी निज मन धरुना ॥  
 तेहिते पतित सुदामा भयऊ । जगमें आय दैत्य कुल जयऊ ॥  
 विधिसुत कश्यप जो जगख्याता । दितिसुतता सुविप्रचित ताता ॥  
 तासुत दंभासुर बलवाना । अतिबलवान न जातबखाना ॥  
 तिहिसुत भयहु सुदामा आई । शंखचूड़ तहँ नाम धराई ॥

दो० बहु उदसव दंभा कियो शंखचूड़ सुत पाय ।

जातकर्म करि हर्षयुत दान दियो हर्षाय ॥

सो० पलनापर करि जोर जब खेलत टूटत महद ।

रोवत होवत शोर मनहुं प्रलय के बादले ॥

बालबीति जब भयो कुमारा । पढ़त हेत गुरु भवन सिधारा ॥  
 विद्या सकल पढ़ी तहँ जाई । कृष्ण मंत्र लीन्ह्यो हर्षाई ॥  
 कृष्णहिलखतब्रह्म अविकारा । कृष्ण छाँड़िनहिं परहि उचारा ॥  
 पूजत कृष्ण ध्यान बहुलाई । जपत कृष्ण करि इष्टसुहाई ॥  
 तपहितगयो विपिन महँ निश्चर । विधितपठानि कीनतप दुस्तर ॥  
 लखि पूरणतपविधितहँ आयो । वरम्बूहि कहि ताहि जगायो ॥  
 लखिविधिको निजसनमुखठाढ़ो । सिद्धिकामलखि आनँदवाढ़ो ॥  
 हाथ जोरि महि माथ नवाई । मांग्यो वर तब निश्चरवाई ॥  
 होहु अजीत सुरासुर माहीं । गिरिनरनाग जितैं मोहिं नाहीं ॥



तजि निद्वंद अपर सुर जोई । मारि न सकहि मोहिं जगकोई ॥  
 करौ अकंटक जगमहँ राज । अस वरदान देहु महाराज ॥  
 एवमस्तु ब्रह्मा तब बोले । पुनि निजधात मनोगति खोले ॥  
 बदरीबनहिं जाहुनिशिचारी । तपत तहां तुलसी यकनारी ॥  
 अति सुंदरि धरमध्वजकन्या । तिहिवरि होहु तात तुमधन्या ॥  
 अरुतिहिकृष्णकवचविधिदीन्हा । हरष समेत निशाचरलीन्हा ॥  
 तासु प्रभाव रहै मुनि ऐसो । बांधे ताहि मरै नहिं कैसो ॥

दो० तुरत गयो बद्री बनहिं शासन लहि विधि केर ।

धरमध्वज जा देखिकै हर्षित भयो धनेर ॥

सो० करि बिवाद सज्ञान रहै ज्ञान के खानि दोउ ।

शासन विधिको मान करिबिवाह निजभवनगो ॥

तुलसीसहितपहुं चिनिजधामा । मातुपितहिनिजकीन्हप्रणामा ॥  
 दंभासुर लखि तिहि कुलकेतू । दै निज राज गयो तप हेतू ॥  
 जहँलगि असुर वंश जगमाहीं । यकठे भये आय तिहि पाहीं ॥  
 शुक्रहु आय तहां पगुधारा । राज तिलक तिहिकेशिर सारा ॥  
 जबते शंखचूड़ भा राजा । कृष्णभक्त भा सकल समाजा ॥  
 शिवसे बैरमानि सब लीन्हा । इष्टकोइष्ट शिवहि नहिंचीन्हा ॥  
 पाछिल वृत्त कह्यो कविगार्ड । सकल सुरासुर बैर बताई ॥  
 इंद्रहि जीति लह्यो इंद्रासन । हरषितभयो समुझिगुरुशासन ॥  
 फौज बटोरि चढ़्यो मधवा पर । घेरिलीन जनु मेघ दिवाकर ॥  
 भयो युद्ध बहु बल बुधि मानी । भागे देव प्रवल तेहि जानी ॥  
 गिरि कंदर सब देव लुकाने । आपनि भाग्यहीन सबजाने ॥  
 भयो इन्द्र सो लहि इंद्रासन । परअधिकारलह्यो तेहिदासन ॥  
 अग्निलोकको पति इकभयऊ । यमकरकाज दैत्य यकलयऊ ॥  
 लीन्ह्यो एक नरितकर काजा । वरुण लोकमें एक विराजा ॥  
 वायु भयो एक निशिचारी । भयो एक धनको अधिकारी ॥  
 भा ईसान एककरि साना । द्वै दिनकर इककरतबिहाना ॥  
 एकलीन शशिकर अधिकारा । लीन्ह्यो एक शेष कर भारा ॥  
 कोउ किन्नर गन्धवको राजा । कोऊ करत यक्ष को काजा ॥



दे० यहिविधि सब अधिकार लै करन लग्यो सुरकाज ।

नीति सहित पालत प्रजहिं शंखचूड़ महगाज ॥

सो० हठि हठि सुरपथ लाग भागेवचत न कतहुं सुर ।

लेत सकल मषभाग धूमि निशाचर जक्त में ॥

भाग्यहीन सुर कृततन भयऊ । इन्द्रपाससबसुर मिलिगयऊ ॥

इन्द्र सहित सबगे विधिपाहीं । कृष्णशरीर बहुदुख मनमाहीं ॥

करि प्रणाम सब त्राहिपुकारी । सदासुखद सुर तुमजगकारी ॥

केहि अपराध बिसारेहु देवन । सदाकरत तुम्हरो हम सेवन ॥

तुम्हैं उचितनहिं असप्रमेश । सुरनमारि पालहु असुरेश ॥

की अकालकरु प्रलयविधाता । की हति असुरबनो जगपाता ॥

तब बरबस भै अमर खराबो । करौपतन अबनाथ सिताबी ॥

अपने उपर अयश जब हेरत । टोना लाय टोन्हाइन फेरत ॥

बहुदुखभरे सुरनविधिवोन्हा । बहत बहत कहि धीरजदीन्हा ॥

सब सुरसाथ लिहे जगकारी । गयो क्षीरनिधि जहँ बनवारी ॥

दे० रमा सहित हरिपदतिरखि करि प्रणाम लचिमाथ ।

हाथ जोरि ठाढ़े भयो सब सुर लै विधि साथ ॥

सो० बरणि कह्यो सबगाथ शंखचूड़ की प्रवलता ।

बारबारलचिमाथलाग्यो विधिअस्तुतिकरन ॥

जय परमेश रमेश परेश । दीनदयाल अखिल भुवनेश ॥

सुखप्रद सुखद सदा श्रीरंगा । हरन पाप भव प्रद्वव दंगा ॥

दीनानाथ अनाथ सहायक । सुजनउबारक दुरजनघायक ॥

विश्वभरण पोषण लयकारक । निजइच्छाकर त्रिजगविहारक ॥

असुर निकंदन जन उर चंदन । अमर नाग नर किन्नर बंदन ॥

पाहिपाहि जन आरत टारन । त्राहित्राहि दनुजादि संहारन ॥

तुम शर्णागत को दुख भक्षक । सदा प्रणत पतिके तुम रक्षक ॥

जबजब कष्ट परयो हमकाहीं । तबतब हरयोआय तुरताहीं ॥

शंख असुर जब वेद चोराई । तेहिकर सुर बहु तापउठाई ॥

मत्सरूप है ताहि संहारयो । करि करुणा सुरवेद उबारयो ॥

लवि दुख देवनको अतिभारी । बहुरि कूर्म वपुनाथ सवारी ॥



जब हरणाक्ष भयो बलवाना । रसा उठाय पताल ठिकाना ॥  
 धरि वाराह वपुष तेहिमारयो । सकल सुरनको कष्ट निवारयो ॥  
 लखि प्रह्लाद कष्टपुनिधायहु । है नरहरि असुगधि नशायहु ॥

दो० लीनचह्यो बलिगज जब राज सुराधिप केरि ।

वामनहै तेहिकोछल्यो लखि सुरविपतिघनेरि ॥

सो० हय भुज हनेहुं सुरारि है प्रणराम स्वरूप बर ।

दिहेउ देव दुखटारि कियोभूप बिन भूमिसब ॥

तोटकछन्द ॥

लंकेश जबै बड़ वीर भयो । तबहीं प्रभु राम स्वरूप लयो ॥  
 शिवकी तप कानन जाय करी । लहि वान दशानन प्राणहरी ॥  
 लहि कंससों देवन त्रासघनी । तुम्हरो शरणागत त्राहिभनी ॥  
 है कृष्णस्वरूप हत्यो तेहिको । हरिभारलयो सगरी महिको ॥  
 यमनादिचल्यो अतिरीतिजबै । प्रभु लीनहेहुं बोध स्वरूपतबै ॥  
 तिनसोंछलि वेदछोड़ायदियो । महि देवन देवन काज कियो ॥

दो० जब कलियुग पातक बढ़े छुटिगे धर्म वलेश ।

है कलकी सब भार महि हरिहौमारि मलेश ॥

सो० कहा कहैं जगपात तब कसणार्हे हम सकल ।

कहिकहिसबसकुचात नारद शारद शेषश्रुति ॥

सुनिविधि सुरविनतीहरिनाथा । धीरज दीन सनहि गहिहाथा ॥  
 शंखचूड़ कोलखि दुख दाता । अतिशय क्रोधकीन जगपाता ॥  
 हतौं शंखचूड़हि पल माहीं । असकहितकयोसुदरशनकाहीं ॥  
 पुनि निज मन चिंत्योबनवारी । मोर दास बड़ अहै सुरारी ॥  
 निजदासहि मारतबड़ि लाजा । बिना हते नहिं है सुरकाजा ॥  
 तब निरखी धरि ध्यान रमेशा । शिवपूजकनहिलखिअसुरेशा ॥  
 करो क्रोध कंयो त्रैलोका । देवन हरष अदेवन शोका ॥  
 मोरदास है शिवहि न भजई । सोजनु मोहिं बैरकरितजई ॥  
 भजै न मोहिं देहि जनुगारी । जोन मोर पति लखै पुरारी ॥  
 शिव मम पतितिहिसे दुभावा । यदि मुहिं बहुतइष्टकरिगावा ॥  
 सोगवार तिहि बुद्धि अनारी । चूमै शिशुहि मारि महतारी ॥



अस कहि चक्र उठाय रमेशा । गरुड़साजिमन ध्याय महेशा ॥  
चलनचह्यो तब अस मति आई । विधिवरदान दीनतिहिजाई ॥  
तजि परेश त्वहिं हतैन कोई । शिव तजि अपर परेशनहोई ॥

दो० असगुणहरिद्विस्थिरभयो लखितेहिबधशिवहाथ ।

सुर समेत विधि साथलै शिव पुर गे हरिनाथ ॥

सो० करिरेवा अस्तान दीख शिवालव जाय हरि ।

शिवगृहलखिभगवानकरिप्रणामभेवहुछकित ॥

कच्छा सात रहे तहँ भारी । प्रति दरवाज खड़े रखवारी ॥  
प्रथम द्वार परजाय रमेशा । बोलि लालसा दरश महेशा ॥  
करि प्रणाम तिहि आयसुपाई । दुसरे द्वार गयो जग साई ॥  
तहौं जाय स्वइष्टत बखाना । यहिमिसितजी सातअस्ताना ॥  
गेभीतर हरि विधि सुरसाथा । दीख सभा शिव शंकरनाथा ॥  
बनीमहा मणि गचि अँगनाई । मणि युतजड़ी दिवालसुहाई ॥  
खंभा नील मणीके ठाढ़े । पीत लालि मणि बूटा काढ़े ॥  
कौस्तुभादि मणि कीहै बेदी । सुमिरिजाहिजनहोय अखेदी ॥  
चँदवा चांद सुरज छवि हरई । उष्णशीत कछु जानि न परई ॥  
मणिकिरांत नहिं जात बतावा । राति दिवस करतहां अभावा ॥  
शीतल मंद सुगंध स्वहाई । त्रिविध बयारिचलै सुखदाई ॥  
तहां सर्वतो भद्र मनोहर । बेदी मध्य बना अति सुंदर ॥  
रजतमयी सिंहासन तिहिपर । स्वेत मणिनकेबूटा जिहिपर ॥  
तिहिपरउमासहितशिवसोहत । सेवकसकल खड़ेरुखजोहत ॥

दो० इंद्रादिक दिगुपतिसकल कोटिन कोटप्रवीन ।

सेवतशिवहिविवेकयुत निजनिजकारजलीन ॥

सो० बहुचतुरानन धात सुरासहित सेवत शिवहि ।

चतुर्भुजी जगपात रमासहित कोटिन तहां ॥

बहु पूजत बहु ध्यान लगाये । बहुतक खड़े रहै रुख लाये ॥  
बहुनारद तहँवीण बजावत । बहुसनकादिक शिवगुणगावत ॥  
बहुतखड़े तहँ आदिरुसविता । शशिभूमजबुधगुरुशनिकविता ॥  
बहुत रामतहँ धनु शरलीन्हें । बहुत कृष्णमरली मखदीन्हें ॥



बहु गंधर्व तहँ गान सुनावत । किन्नरादि बहु बाज बजावत ॥  
 यहिविधि सुभग सभा शिवबैठे । चहुंदिशि खड़े महा गणऐंठे ॥  
 शिव स्वरूप कछु बरणिनुनाऊं । निज हरषौं औरौ हरषाऊं ॥  
 जोकहि श्रुतिहु न पावत पारा । सहसलपन शेषहु करिहारा ॥  
 विधि हरि इंद्र रहै चुप साधी । शिवगतिवर्णि सकैं नहिं आधी ॥  
 सो मैं कहौं कौन विधि वरणी । धरैज्जुअहि किमिशिरधरणी ॥  
 होन पवित्र हेत निजबानी । निजमतिसमकछुकहौं बखानी ॥  
 पांच बदन छवि अधिक सुहाई । प्रतिशिर तीननेत्र सुखदाई ॥  
 चितवत एक सृष्टि बनिजाई । सोदक्षिण जो विधिहि बनाई ॥  
 खोलत एक पालि जग जाई । सोहै बाम हरिहि उपजाई ॥  
 खोलत एक महालय होई । सोहै मध्य रुद्र प्रकटोई ॥  
 जो कैलास विश्वेश्वर भूपा । जनसुख हेत शंभु पररूपा ॥  
 तिहिते कछुक भेद नहिंमानो । भेद किहे बहु खेद सयानो ॥  
 एकहि नाम रूपवर ध्याना । एकहि समुझिलहौ वरज्ञाना ॥  
 प्रति शिर जटा गंगकी धारा । प्रतिशिरसुभगत्रिपुंडूलिलाग ॥  
 प्रतिमस्तकशशि बालसुहावा । विषछवि अधिकनजातिबतावा ॥  
 मुंडमाल गल अधिक विराजै । समनिफणिकभूषणछविछाजै ॥  
 अस्त्रन सहित सोहदश बांहीं । ओरी रहत सदाजिहि छांहीं ॥

दो० अहि कुंडल वर कर्णमहँ गल रुद्राक्ष सुहाय ।

श्वेतभस्म सबतनलसै शोभाकहिन सिराय ॥

सो० त्रिवलितउदरगँभीर नाभिगहिरिशोभाउदधि ।

पहिरे हरि चर्मचीर दिशाबस्त्र ताको लखो ॥

ऊल्लखि सित केदलि लाजै । गुल्फगोल महँ अधिक विराजै ॥

पदशोभा किमिकहौं पुकारी । धरतध्यानज्यहिविधिवनवारी ॥

सनकादिक जाको नित ध्यावैं । सकल सुगसुर जहँ मन लावैं ॥

जासुभागिमनि बहुबलकरहौं । सो नर शंभु चरण चितधरहौं ॥

सोनर मुनि बहुलखौअभागी । जो पर भजै शंभुपद त्यागी ॥

धरतध्यान जेहि बिष्णुबिधाता । अति जड़ता वरणत पर बाता ॥

पगतल अरुण कंजकी शोभा । मुनिमन मधुप रहत जहँ लोभा ॥







कह्यो मांगु वर सकुचतजि हेममप्रिये रमेश ॥

सो० अरुभाषौ समुझाय जो कलेश देवन भयो ।

हमतुम्हरो सुवदाय अबनशोचउत्सवकरौ ॥

कही रमेश जारि कर दोऊ । मोहिं सम भागिवाननहिंकोऊ ॥

जेहिबिनती सुनिआपगजारी । द्वै प्रसन्न वरदेन बिचारी ॥

प्रथमहिं भक्ति देवनिजचरणा । ज्यहिअनपावनिकहिअतिवरणा ॥

पनि दूसर वर देहु महेश । तव माया नहिं देय कलेश ॥

पुनि तीसरिअसबिनतीमोरी । पुरवहु नाथ दाद सुरकेरी ॥

यहै नाथ मोहिं एक अँदेषू । जो प्रभु पूछत देव कलेश ॥

कौनि वस्तु असहै जगमाहीं । जो सर्वज्ञ लखत तुम नाहीं ॥

घट घट बसहु सकल उरसाई । हमैं आदि तृणलगि जहँताई ॥

तदपि भक्ति बग मानि रजाई । करब निवेदन माथ नवाई ॥

शंखचूड़ यक दैत्य बलीना । सो अधिकार सुरनकरछोना ॥

भयो इन्द्र निज अपर दिगेशा । बने दास त्यहि सुनहु परेशा ॥

सब सुरसहतबिपतिबनमाहीं । तेहि भयअभयरहतक्षणनाहीं ॥

बिधि वरदानदियो तेहिभारी । तजि परेश नहिं मृत्यु सुरारी ॥

तेहि वग मैं नलख्योतेहि साथी । जानिमीचतेहिप्रभुतुवहाथी ॥

समदरशी तुम यदपि कहावत । शरणागत प्रिय वेद बतावत ॥

सब सुर आये शरण तुम्हारे । राखु राखु पति राखनहारे ॥

दे० सुनि हरि बिनती देव दुख शंखचूड़ संवाद ।

अभय दान सबको दियो हंसिशिव करुणाकाद ॥

सो० जाहु सकलकैलास हरि बिधि सुरममसीखगहि ।

ममपरतन के पास सो सब हरी तुम्हार दुख ॥

बिनय कीन अस पुर बनवारी । होहु नाथ तुमहूँ अवतारी ॥

तेहितन रहौ सुरन के मेले । परब्रह्म शिव रूप अकेल ॥

तेहि हित मैं दूसर तन धारी । भयो जाय कैलास बिहारी ॥

नाम रूप बपु गुण सब एका । नाम मात्र परभा कहबेका ॥

जगहित मैं पर रूप बनावा । म्वहिं तेहि भेदवेदनहिंगावा ॥

तेहि ढिग कह्यो जायदुखरोई । सोसब बिपति सुरनकीखोई ॥



अससुनि शिव कहैं देखि दयाला । बोलि उठे सुरजय शशिभाला ॥  
 तब सब शिवसे बिदा कराई । चले प्रणाम करत शिरनाई ॥  
 तुरत आय पहुंचे कैलासा । निरखि शिवहि दयारघोस बत्रासा ॥  
 नाथ माथ सब कीन प्रणामा । कहि जय उमाशंभु सुखधामा ॥  
 तब है हरि सब सुरन के आगे । अस्तुति करन शंभु की लागे ॥  
 जयजय उमानाथ त्रिपुरारी । जय महेश जनके दुख हारी ॥  
 जय सुरनायक देव सहायक । जय शरणागत के सुख दायक ॥  
 जय अनीश अद्वैत अखंडा । जय सर्वोपरि बल धर चंडा ॥

छन्द ॥

जयजय महेश निरभय परेश सब पति उमेश पर गति सुरेश ।  
 चितकरु दयाल वरवरु कृपाल दुखहरु ममाल सुखकरु कमाल ॥

कवित्त ॥

ईश अनीश अद्यंग शिवापति हौ सुरपाल कहैं श्रुतिचारी ॥  
 देव भये सब कष्ट भूष्ट तुम्हैं सुखदा लखि आय पुकारी ॥  
 भायक दैत कय वंशमंशख शिखाते हिनाम महाबलधारी ॥  
 सो सब देव निकारि दयो अधिकार लयो शिवलागुगुहारी ॥

दो० सुनि बिनती हरियाद की लखि सब को निज दास ।

निरभय वरदै सुरन को बोले उमा निवास ॥

सो० सब हम जाना भेद शंखचूड़ की प्रबलता ।

तजौ सकल सुर खेद शंखचूड़ मारालखौ ॥

छन्द सुनि अस शंकर बानी । देवन अति सुख मानी ॥

कहि जयनिशिपति माथा । देवन किह्यो सनाथा ॥

जय शिव होय तिहारी । लीन्हों हमैं उबारी ॥

अस कहि माथ नवाई । चलत भये जय गाई ॥

दो० सुनु मुनीश शंकर सरिस कोहै सुशरण पाल ।

शरणागत सुर जानिकै तुरतहि करी निहाल ॥

सो० जोन भजै अस शंभु तेहि हतभागी मुनिलखौ ॥

बीस करै अवलम्भु पर न बचै यमदण्ड से ॥

रसुन विदाकरि उमा निवासा । शोचत भयो निरखि सुरदासा ॥



कौनिभांति सुरकाज सवारैं । किहिअघलायअसुरपति मारैं॥  
 शासन देउँ असुर पति काहीं । शासन भंगहते डर नाहीं ॥  
 पुष्प दिजाचार्जहिं दे आदर । जौगन महावीर बुधिसागर ॥  
 निज निकटहिशिवलीनबुलाई । शंखचूड़ वृत्तांत सुनाई ॥  
 शंखचूड़ सुरदीन निकारी । सुरन राज सबकरत सुरारी ॥  
 सुरभे सब शरणागत मेरे । तासु काज मैं करब सबेरे ॥  
 अब तुम शंख चूड़ ढिग जाई । मम संदेशकहु युत चतुराई ॥  
 छांड़ि देय सुरराज सुरारी । रहै सुभूनल जाय सुखारी ॥  
 करै किधौं आयसु धरि माथा । करै कि युद्ध आय ममसाथा ॥  
 धरि शंकर शासन निजमाथा । शंखचूड़ ढिगगा गननाथा ॥  
 दिह्यो संदेश महेश सुनाई । जो मन रुचै करौ तुमभाई ॥  
 हँस्यो सुनत तबनिश्चर राजू । पीगे भांग बहुत शिव आजू ॥  
 जो अस मोहिं डेरवायपठाई । विपिनमध्यकबसिखेनिलडाई ॥

दो० मोकहँ परति प्रतीत नहिं कहु गण सांचौ सांच ।

सोहत नहिं भिखियारिको पुरुष राजकी यांच ॥

सो० तेहिते तुम फिरिजाय तेहि समुझावो चेतकरि ।

बैठि रहे चुपलाय सापहु साउब ज्ञान नहिं ॥

और सुनौ यकबात हमारी । मोहिं दीनवर असजगकारी ॥

तजि परशमोहिं हतै न काऊ । सो ममइष्ट कृष्ण सुरराऊ ॥

महाकाल कालहुके काला । मोरपात हरिदीन दयाला ॥

हँसो पुष्पदन्ता सुनि बानी । निरखि शंखचूड़हिं अभिमानी ॥

जाकरतोहिं बहुतअभिमाना । तिहिलखुनिजपरअधिकरिसाना ॥

शरणगही शिवकी सुरसाथा । तब बधहेत विधिहु हरिनाथा ॥

शिव तजि अपर परेशनहोई । शिवकर लखो दास सब कोई ॥

हरि विनतीसुनि शंभुदयाला । अभय दान दै देवन पाला ॥

तुम्हैं जनाय दीन प्रण आपन । सुरन राजतजि करौ भलापन ॥

बोला शंखचूड़ करि क्रोधा । डिरसों डिरत न जो जगयोधा ॥

शंकर के जो अस मन माहीं । प्रातकाल पहुंचब गिरिपाहीं ॥

कहौजाय हुसियारी साथा । गिरिते उतरि रहै शशि माथा ॥



कीतजि गिरिवर जायभगाई । की मम संग करै मनुसाई ॥  
योगीलखि अबतलकबचावा । अपनै से सो कीन चवावा ॥

दो० सुनि ताको अभिमान बड़ हँस्यो बहुत गणराय ।

शंभ अजाबश जानि तिहि चलयो गिरीशमनाय ॥

सो० शंखहि कही सुनाय काल विषय त्वहिंज्ञाननहिं ।

सन्यपात है जाय जिमि ज्ञानिहुं के मृतु समय ॥

असकहि गण शंकरपहँगयऊ । पद शिरनाय कहत सबभयऊ ॥

नाथ मृत्युतिहिवहुनगिचानी । तिहिवशहरी न कछुनवकानी ॥

शंखचूड़ अति है जड़ भूला । प्रात होत पहुँची गिरि मूला ॥

हँस्योशंभसुनितिहिमनुसाई । निज मायहिं बहु दीन बड़ाई ॥

अब सुनु शंखचूड़ की गाथा । गयो भवन निशि निश्चर नाथा ॥

तुलसीसो सबबात बखानी । शंखचूड़ अतिशय अभिमानी ॥

उत्तरदिशि जो गिरि कैलासा । तहँ एक योगी तपत निगसा ॥

सो बनि देवन केर सहाई । मोरे निकट सँदेश पठाई ॥

की दे राज सुरन की फेरी । की मम सँग करु युद्ध घनेरी ॥

बीर चुनौटी सुनि सुखबाढ़ा । पहुँचव प्रात कीन असखाढ़ा ॥

तिहिनितप्रातअवशिहजैवै । शिवहि जीति जयको पदपैवै ॥

शिवसंग्राम सुनाजबतुलसी । भई तेज हत सूखे गुलसी ॥

मर्छित भूतल परी तुरंता । रोदन करत हाय कहि कंता ॥

युनि धोरज धरि उठीसँभारी । पति पद परी जोरि कर तारी ॥

नाथशिवहिंजनिसुरकरिजानौ । अज निरद्वंद सर्व पर मानौ ॥

जो तुम्हा पति कृष्णसुरारी । शिव सेवक तिहि लखो सुरारी ॥

हरिविधिजासुध्याननितकहौ । तिहिसँगकौनिभांतितुमलरहौ ॥

जाकर नाम लेत जय होई । तासु अजय करिसकै कि कोई ॥

शिवशासनशिरधरिप्रभुकीजै । शासन मानि राज सुर दीजै ॥

परधनतजब न होयअलीका । शिव रजाय सब धरमक टीका ॥

जो शिवआयसु गहौ सुरारी । तब सब दिन तुम रहौ सुखारी ॥

जो करिहो प्रभु आयसुभंगा । तौ दीपक बिच होहु पतंगा ॥

दो० नाथ वितय मम मानहुंमानि सेवकिन नात ।



शिव आयसु शिर धरिकरौ रहै मोर अहिवात ॥

सो० विधि वरदान विचारि है परेश कर मृत्यु तव ।

कांपत हृदय हमारि शिवतजि अपरपरेशनहिं ॥

तिहितेम्बहिंलखिकंपितगाता । शिवभजि राखु मोरअहिवाता ॥

सुनितियबचनमहारिसधारी । बोला शंखचड धिकारी ॥

जो रणधीर बीर जग रखाता । तिहितिय भीत हँसै की वाता ॥

लिह्यो जीतिसबलेखअलेखी । कबहुं न भीत तोर चित देखो ॥

अगुन अगेह दिगम्बर योगी । अहि विभूति भूषण विष भोगी ॥

तिहिरणसुनतकिहेचितकांचा । नारि सुभाउ कहै कवि सांचा ॥

डिरहि निरखि योगीसनारी । मूठि चलाय लेख नहिं मारी ॥

असडिरसुनत हँसीबहु अई । बचन एक भाषे रिस दाई ॥

सेवत जाहि चराचर झारी । मोर इष्ट श्री कृष्ण मुगरी ॥

तिहि शिवको सेवक तूभाषा । नेकहु कानि मोरि नहिं राखा ॥

करीक्षमा त्वहिं जानि पियारी । नहिंतौ लेख्यो जीभ उखारी ॥

असकहिलीन्हेंसि हृदयलगाई । उत्सव समय न करुकदराई ॥

है मम पात सुदरशन धारी । ब्रह्म सच्चिदानंद मरारी ॥

तब तुलसी बोली करजोरी । रिसतजिसुनहुंविनयप्रभुमोरी ॥

दो० मैं अतिअज्ञ अतज्ञ तुम अतिमहँ करौ विचार ।

शिवसे हरि सो चक्रको पायो कौनि प्रकार ॥

यदपि जलज पोषकतरणि तदपिहने बिनवारि ।

कमलदास पर सुरतरणि लखौ वारि त्रिपुरारि ॥

सो० राखहु मोर दुलार शिरधरि शिव शासन करौ ।

है यह अतिकोसार शिव विरोध नहिं परहित ॥

लखहुदक्षगतिमनहिंअसुरपति । शंकरविमुखभयो कसदुरति ॥

रहो इष्ट हरि जनक विधाता । शंकर विमुख तजी सबनाता ॥

तेहिते मानि नाथ मोहिं दासी । सबतजिभजौशंभअविनाशी ॥

सुरअधिकार तजौ शिव शासन । रवि नमानलखुदीप प्रकासन ॥

बड़ीभागि निज लखो सुगरी । जो त्वहिं अज्ञादीन पुरारी ॥

सुनि रिसाय बहुकाय संभारी । उठिकर द्वारगयो असरारी ॥



होत भीर मंत्री सब आये । होहु तयार हुकुम सब पाये ॥  
 चली फौज कछु बरणिनजाई । गिरि तरु टूटत नदीसुखाई ॥  
 दिशि कैलास चले शठ कैसे । सलभ समूह अनलकहँ जैसे ॥  
 शंखचूड़ मंत्री युत आपू । चलतभयो करिकोटि प्रताप ॥  
 आगे राहु शुक्र युत सोहै । इनसन्मुख सुखकौनलहोहै ॥  
 यहिमिसि असगुनभयोअनेका । शिवमायाबध गनत न एका ॥  
 पहुंचे जाय निकट कैलासा । जलथल निरखि रोतहँधासा ॥  
 शिवको चर अस खबरजनाई । गिरितर कटक दनुजकीआई ॥  
 तब शिव बोलि लीन गणचारी । नन्दी षटमुख गनपमखारी ॥  
 गिरिते उतरि बेगि तुम जावो । कटक समेत बेरनहिं लावो ॥  
 रोकहु दनुज न गिरिपर आवै । करहु उपाय बेगि हटिजावै ॥  
 मारहु ताहि ख्यलाय ख्यलाई । जिमि न करैपर ऐतिढिआई ॥

दे० शिवआयसुसुनि गणपमुख रणहित कटकसमेत ।

उतरे गिरिते तुरतही बोलत जय वृषकेत ॥

सो० गिरिते चली तुरन्त सहित योगिनी कालिका ।

करु करु निश्चर अंतघन समान गरजत चली ॥

होनलग्यो रण विकट कराला । कहिजय शंखचूड़ शशिभाला ॥  
 ताकि हनहिं गणवर वरतीरा । डारहिं काटि निशाचर वीरा ॥  
 निश्चर ताकि गणनकहँ मारैं । बीचहिं गणनकाटि महिडारैं ॥  
 कबहुं दनुजपर गणनक धावा । कबहुं निशाचर गणनभगावा ॥  
 अचरज करौ न सुनिमनिराई । बिनजय अजय नयुद्धस्वहाई ॥  
 देवहु सकल जुरे तहँ आई । इन्द्रादिक रणसाज बनाई ॥  
 दिगुगति सकललिहेनिजलस्कर । लागे लड़न बंदिपद शंकर ॥  
 कटक समेत रमापति आये । गरुड चढ़े सब अस्त्र सजाये ॥  
 शिवहिं बंदि रणके ढिग आये । बहुत निशाचर मारि गिराये ॥  
 सांझ समय रण बंद कराई । निजनिज बासउभयबलआई ॥  
 तेहिदिन निश्चर मरे अनेका । सैनप मुख्य एकते एका ॥  
 शुक्र असुर गुरुतहँ चलिआयो । शिष्यन मरे देखि दुखछायो ॥  
 मंत्र महा मृत्युअय जोई । जो सिधिकहे सजीवन होई ॥



सो कवि किहेरहै तेहि सिद्धा । लोक वेद यहु बात प्रसिद्धा ॥

॥ दो० तेहि मनुमंत्रित सींचिजल लीन जिआय अदेव ।

॥ शंखचूड़ बहु हर्षयुत करन लग्यो गुरु सेव ॥

॥ सो० यहिविधि मुनि बहुबार मारी सुरगण असुरदल ।

॥ कवि नित करत उबारपढ़ि संजीवनि मंत्रशिव ॥

तबगण प्रमथ विष्णुके प्रेरे । जाय शंभुपहँ युग कर जोरे ॥

नाथ सुनहु असविनय हमारी । अतिशय प्रबला अजातिहारी ॥

जितने असुर हनीहम दिनमा । लेतजियायसकलकविछिनमा ॥

यहिविधिजिये न जीतब साई । जो परेश नहिं करौ उपाई ॥

सुनि शंभू करि क्रोध अपारा । नंदीगण कहँ तुरत हँकारा ॥

आयसुदान तुरत तुमजावा । कविहिपकरिममनिकटहिलावो ॥

तुरत गयो नन्दीगण रणमा । मारी बहुत निशाचर क्षणमा ॥

कविके निकटगयो अतितरजी । लीन उठाव महाधुनि गरजी ॥

निशिचरपतिसुनिलाग गोहारी । गयोकूदि गण जहँ त्रिपुरारी ॥

गुरुहीन जब भये सुरारी । जयका आशतजी सब झारी ॥

कविहिनिरखिशिवक्रोधपसारी । मुखमें लीलि पेटमा डारी ॥

शिवके उदरगयो कवि जबहीं । तहौं दीखविधिकीकृतसबहीं ॥

है चकृत बहुधा तहँ घूमें । सब जग लखी पेट शंभू में ॥

भूमि अकाश नदी गिरि गाँऊ । बहुप्रकार देखी सब ठाँऊ ॥

लखीदिवसनिशिरविरजनीशा । सकल सुरासुर दीख कवीशा ॥

पुर बैकुंठ रमा बनवारी । सुरा सहित देखी जगकारी ॥

॥ दो० यहिमिसि देखी सकलजग घूमि घूमि सबठौर ।

बीते संवत सहस इमि शंभु न देखी और ॥

॥ सो० निजहु रूप बहु देखिभा चकृत पुनि ज्ञानलहि ।

शिवाह सर्वपर लेखि करीजाप कवि उदरमें ॥

जो षट वरण मंत्र मुनिराई । सर्वोपरि जाको श्रुति गाई ॥

वेदसार सो सब मनुराजा । जपत तुरत पूरत सबकाजा ॥

सदासिद्धि वृष वृद्धि करैया । लहत चारिफल तुरत जपैया ॥

जेहि जपि सृष्टिरचै जगकारी । जेहिजपि पालतजगतमुरारी ॥



जेहि गहि शंभु करत लयझारी । जेहि जपि शेष धरत महि भारी ॥  
 जेहि जपि इन्द्रभयो सुरराजा । जेहि जपि दिगप करत जभकाजा ॥  
 जेहि जपि रमाविष्णुपतिपावा । जेहि जपि घटसुत सिन्धुसुखावा ॥  
 अस जो मंत्रताहि नरस्थागी । जपत अपर मनु परम अभागी ॥  
 तेहि जपि उदर बीच कविराई । करी सिद्धि जपि घरी अढाई ॥  
 जब कविकीन जापतजि दंभू । भये प्रसन्न सकल पति शंभू ॥  
 बीजपंथ तेहिलीन निकारी । शुक्रनाम भा तबते जारी ॥  
 मांगु मांगुवर कह्यो कृपाला । हाथ जोरि बोल्यो भृगुबाला ॥  
 प्रथमदेहु प्रभु निजपद सेवा । याचत जाहिसकल मुनिदेवा ॥  
 पुनि अपराध क्षमा मम कीजै । सेवक जानि अभय बर दीजै ॥

दो० एवमस्तु शंकरकही विदा करी हरषाय ।

शंकरपद शिरनायकवि गयो सुआय सुपाय ॥

सो० कहु मुनीश परदेव को कृपाल शंकरसरिस ।

जौन करै शिवसेवतेहि हतभागी मुनिलखो ॥

उहां होत रण कठिन करारे । बाजत दुहुंदिशि समर नगारे ॥  
 सुरअरु प्रमथ गणन सब मिलिके । हनत निशाचर बल करि पिलिके ॥  
 षटमुख गणपति असुबनवारी । शंखचूड़ सन लरत प्रचारी ॥  
 अनल बाण जब तज्यो सुरारी । वरुण बाण तब हन्यो मुरारी ॥  
 कहि जघ कृष्णनिशाचर धावत । हनत रमापति जब शिवगावत ॥  
 मारी सर्प बाण असुरेशा । गरुल बाण तब हनी रमेशा ॥  
 कृष्ण बाण तब असुर पवारी । हनी पाशुपत शर बनवारी ॥  
 देखहु शंभु बिमुख मुनि राया । हनत ह्वभगतहि हरितजिदाया ॥  
 यहौ लखत नहिं भजै पुरारी । सो जड अधम अचेत अनारी ॥  
 यहि मिसि भयो महा रण भारी । दुहुंदिशि भयो नैकहु हारी ॥  
 तब विधि बरमन चीति रमेशा । गयो शंभुपहँ सहित गणेशा ॥  
 करि दंडवत माथ महि नाई । बोलत भयो सुआय सु पाई ॥  
 शंखहि प्रभु बिधिको बरदाना । तजि परेश ह्वहि हतैन आना ॥  
 सो परेश तुम तजिपर नाहो । शंख चूड़ बध तव कर माहो ॥

दो० शंखचूड़ बधरूढ मत बर बध तुव कर नाथ ।



नाहिंतौसबचरअचर करमरब जियवतुवहाथ ॥

सो० अबन उचित शशि भाल ताहिरुपलाउब समरमहँ ।

हतौ ताहि तत काल चलि महेश सुर सुख लहै ॥

सुनिअस विनय रमापतिकेरी । देवन पर करि नेह घनेरी ॥

उठे त्रिशूल हाथ शिव लाई । जासों प्रलय करत जगसाई ॥

उतरि कोहते समर तकाया । ब्याल बाललखि जनुखगराया ॥

रणमहँपहुं चि लरनशिवलागे । बिकटरूपलखि निशिचरभागै ॥

दंभा सुतहु ह्यागि छल दंभू । लरन लाग है सन्मुख शंभू ॥

बहुत काल लभि भई लराई । जस कछुसमर भावश्रुतिगाई ॥

शिव सँगपर कोबीर बखानब । अदब हीनपर बलउर आनब ॥

लीला करत सकल जगसाई । परन भेक सँग शेष लराई ॥

यहिमिसिबहुतकालजबबीता । दंभा सुतहि न शंकर जीता ॥

तब है बिकल सदेव सुरेश । गहीजाय पद कमल रमेश ॥

बिकल देव लखिकै बनवारी । गयो जहां रण लरत पुरारी ॥

हाथ जोरि कह रमानिवासा । अबन महा प्रभु करहु तमासा ॥

हतहु दंभ सुत करहु न देरी । काटहु बिपति सकल सुरकेरी ॥

तब शिव कही सुनो बनवारी । है तिथतासु पति ब्रत धारी ॥

बिधवा होयन पतिब्रत मारत । वेद बिरोध होय यहि मारत ॥

तापर कृष्ण कवच यहि बाजू । सीवा पालब है मम काजू ॥

दो० ताते तेहि ढिग जायतुम कृष्ण कवच छलि लेहु ।

अरु छलि तेहितिय भंगिब्रत देवन को सुखदेहु ॥

सो० तुम्हैं न लगिहै पाप ब्रतभंगन को मम कृपा ।

खोवन हित सुरताप है तुम्हरो अवतार हरि ॥

धरि शंकर आयसु शिर भारी । तुरत बूढ़ द्विज बन्धो मुरारी ॥

लिये लकुट कर चले एकाकी । माथे तिलक दिहे मृत्तिकाकी ॥

असितबसनसितकेश स्वहाता । चलत लकुट बलकंपितगाता ॥

महाराज श्रीपति असुरारी । शिव शासनगहिबने भिखारी ॥

जेहि शासन शिर गहतरमेश । तहँ नर सुतहि कौनउपदेश ॥

तब हरि शंख चूड़ ढिग जाई । बोले देव दत्त छल लाई ॥



द्विज लखिमहादीन अनुमानी । बोला शंख चूड़ बर दानी ॥  
 मांगु मांगु द्विज जो मन भावै । लहितव कृपा मोरिजयपावै ॥  
 कहां दीन द्विज तन भगवाना । मोरि वृत्ति सुनिये बलवाना ॥  
 पिता मोर अति शय धन वंता । कृष्ण भक्त बरबर कुलवंता ॥  
 सो मरिगयो मोहिं धनत्यागी । सो हरिलयो चोरबिधिलागी ॥  
 ताते भिक्षाटन अब करहूं । मांगत भीख लाज बहुधरहूं ॥  
 ताते मांगि सकहुं नहिं राजा । मिलय नहीं तौहोय अकाजा ॥  
 जगमें निन्दा होय हमारी । लहतभीखनहिं बनिउभिखारी ॥  
 दो० शंखचूड़ द्विज बचन सुनि बोला सप्त प्रमाण ।  
 कृष्ण सप्त मैं देव सब मांगु रुचित बरदान ॥  
 सो० मांगी द्विज संकोच शंखचूड़ दीन्ही तुरत ।  
 करीन नेकहु शोच यद्यपि रहै सो प्राण सम ॥  
 तन धन धाम नारि सुत वंधू । तृण समान जानै सत सिंधू ॥  
 पाय कवच हरषाय मुरारी । शंख चूड़के भवन सिधारी ॥  
 धरि बपु शंख चूड़ बन वारी । वैसिन निशिचर सैन सवारी ॥  
 हरषि बजावत बिजय नगारे । मंत्रिन सहित गयोतेहि द्वारे ॥  
 लखितुलसीपति युतकल्याना । हरषित द्विजन दीनबहुदाना ॥  
 साजि आरती बाहिर आई । पतिहि प्रणाम कीनशिरनाई ॥  
 करि आरती महा हरषाई । धरिकर पतिहि भवनलैआई ॥  
 पांय पखार पान मुख दीन्हा । हाथ जोरि बिनतीतब कीन्हा ॥  
 नाथ एक शंका अति मोरे । सो सब जाय अनुग्रह तोरे ॥  
 सर्वा जित मृत्युंजय नामा । अज सच्चिदा नंदपर धामा ॥  
 ताको कहत नाथ तुम जीती । यहसुनिमनहिंनहोतिप्रतीती ॥  
 जो चर अचरहिमारि गिरावत । हरिविधिजनकजाहिश्रुतिगावत ॥  
 जो कालहु कर काल कहावै । तेहि जीतब विश्वास न आवै ॥  
 बोल्यो शंखचूड़ तन अच्युत । लखिबिचारतुलसीकरअद्भुत ॥  
 दो० जो तुम कहो सो सत्यप्रिय देखि महा रणरारि ।  
 उभयक इति समुझायविधि दीन्हीसुलहपसारि ॥  
 सो० विधिकर शासन मानि सुरत राज हसतजिदयो ।



सुर सनाथ भे जानि शिवहु गये कैलास को ॥  
 असकहि प्रिये लीन उर लाई । शय्याउपर गये सुख दाई ॥  
 करि बिहारपतिब्रतहि छुड़ावा । बार बार हरि काम जगावा ॥  
 उहां शंखचूड़हि शिव माग । सकल सुगन सुखलहीअपाय ॥  
 तन तजि गयो शंख गोधामा । बनापुनिहु हरि मित्र सुशामा ॥  
 शंभु सरिस को कृपा अगाधू । लही शत्रु जो लहत न साध ॥  
 धन्य भागि तुलसी मुनिराई । जेहि पति भये रमापति जाई ॥  
 मुनिमन जेहिकरध्याननिहारै । सो तुलसी सँग करत बिहारै ॥  
 शिव माया अब सुनहुमुनीश । जोहठिकरतसकलमतिखीश ॥  
 बिहरसमयजसस्वपतिसुभाऊ । लखी न तुलसी बहुरतिदाऊ ॥  
 तब चिन्ताकरि मनहिं विशेषी । पतिको मरण ध्यानधरिदेखी ॥  
 तब बोली करि क्रोध अपारा । को तु चोर मम धर्म बिगारा ॥  
 कहु निज वृत्ति प्रकट छलकारी । नतरु देउँ शापानल जारी ॥  
 सुनि अस प्रकट भये श्रीकंता । बने चतुर्भुज रूप तुरंता ॥  
 श्याम शरीर जलद सम सोहै । बरणै छवि अस कविजगकोहै ॥  
 ॥ दो० जाकी छवि बरुत सुरा अहिप न पावत पार ।  
 ॥ सो छवि किमि ओरो कहै मतिकोहीन गवार ॥  
 ॥ सो० रसना पावन काज कछु बरणौ हरि रूप को ।  
 ॥ महाराज सुर राज मोहिं देहिं शिव भक्ति सुख ॥  
 श्याम शरीर सबन बन दासम । निरखत कामकरै ममताकम ॥  
 माथे मुकुट समनि छवि दाई । कोटि भानु जनु उदयसुहाई ॥  
 काननमें कुंडल छवि छाजै । भाल विशाल त्रिपुण्ड्रबिराजै ॥  
 नयन तामरस अरुण स्वहाई । भौंह कमान काम की गाई ॥  
 शुक नासा छवि देत अनूपा । गोल कपोल शंख के रूपा ॥  
 हँसी मंद जनको दुख हरही । दाड़िम बीज हिरद रदकरही ॥  
 कंबु कंठ वृष कंध सुहावा । भुज विशाल कधि मानबतावा ॥  
 अंगदादि भूषण कर सोहै । कंज पीत यमुना सर मोहै ॥  
 सकल स्वअस्त्र लिहे सुरकेतू । दुष्ट दलन जन रक्षा हेतू ॥  
 शंख चक्र कज गदा स्वहाई । गल मणिमाल अधिकछविदाई ॥



दृश्य समनि सदाक्षिकमाला । अरु बैजंती गहे कपाला ॥  
 अरु बनमाल फूल के गजरे । जनु यकठ तास नण सगरे ॥  
 उदार विशाल बनायहु सुंदर । नानि महिर तहँ फूला जलकर ॥  
 पहिरे पीत वसन तन कार । मरकत गिरि जनु दिनकरवारे ॥  
 ॥ दो० ॥ रान महा श्रुति खान तहँ गुलफगोल अनमोल ।  
 ॥ चरणकमल जहँ चिन्तमुनि मधुहै करत कलोल ॥  
 ॥ सो० ॥ तरवा अरुण बखान कोटि बाल रवि की प्रभा ।  
 ॥ धरि ओरी जिहि ध्यान लहाचहै शिवभक्तिसुख ॥  
 यहि मिति जो प्रकटे भगवाना । लखितुलसी अतिशयरिसताना ॥  
 रे रे दुष्ट चोर छल कारी । किहि पराध मम धर्म बिगारी ॥  
 कही विष्णु सुनुनारि लयानी । मम स्पर्श नहिं है ब्रत हानी ॥  
 घट घट बसौ चराचर माहीं । बाढ़ै धर्म गहौं जिहि बाहीं ॥  
 लेत नाम मम पाप बिलावै । मम स्पर्श किसि धर्म नयावै ॥  
 तुलसी कही अधिकरिस करतै । जो वृष रहत ककस पति मरतै ॥  
 धर्मपाल तुम कहँ श्रुति भाषै । सो विपरीत मोर मन साखै ॥  
 कज उपमा तुमका सब गावै । तहँ मृदु फूलहि अर्थ बसावै ॥  
 मम मन कठिन कंज कांटा सम । ठूठत जगहि सदा दै दै दम ॥  
 मम पति सदा भरोस तुम्हारा । करत रहा नहिं आन अधारा ॥  
 पूजत तुम्है जपत लवलाई । तिहि मारण हित यतन रँभाई ॥  
 तबचित है जिमि उपल कठोरा । होहु उपल जग गहि बच मोरा ॥  
 तब हरिकही सुनौ सतिवाता । शिव के बैर कौन जग त्राता ॥  
 शिवशासन जो तजै अनारी । सोहत भाग्य कहत श्रुति चारी ॥  
 जो जग करै भरै पुनि हरई । तासु बैर करि किहि बल सरई ॥  
 चहै होय कैरयो मम दासा । करि शिव बैर तजै मम आसा ॥  
 ॥ दो० ॥ शिव निन्दक मम दास जो करै हसाई मोरि ।  
 ॥ तिहि मारौं निज शत्रु लखि पटैरवरवा खोरि ॥  
 ॥ सो० ॥ तुम करि जड़वत ज्ञान दई शाप म्वहिं अतिकठिन ।  
 ॥ तुमहुं होहु जड़ मान जगमें कुज अस शाप मम ॥  
 सुनि हरि तुलसी केर कुवादा । प्रकटे तुरत शंभु सुख कादा ॥



कीन निवारण बाद कठोरा । की उभय दिशि कृपा अथोरा ॥  
 तुलसी सन बोले वृष केत । पुनहु सती मम बचन सहेत ॥  
 हरिहिलखौसबजगपतिस्वामी । मम परतन सब घटघटगामी ॥  
 हरि कर नाम लेत यकबारा । कटै पाप वृष बढै अपारा ॥  
 तिहि स्पर्श पाप नहिं मानौ । मरब स्वपति मम लोलाजानौ ॥  
 निजवृषकीलखुसतिप्रभुताई । तव पति भये रमा पति आई ॥  
 जिहिनिरखैमुनिध्यानलगाई । सो प्रत्यक्ष तुव पति भा आई ॥  
 अबतजिषोचमुत्पागिगवांरी । बनु हरि तिय बैकुंठ बिहारी ॥  
 मम माया वश उभय भुलाई । शापाशाप कियो हठलाई ॥  
 तेहि कारण हरिहै शिल रूपा । शालिग्राम नाम सुर भूपा ॥  
 बनो वृक्ष जगमें तुम बामा । तुलसी तहों रहै तुव नामा ॥  
 जगमें रहि पूरहु सब कामा । हरि तुलसी असबोलतनामा ॥  
 हरि करि छल बततोरछड़ावा । सो फल भलीभांतिहरिपावा ॥  
 हरि शिर उपर होय तुवबासा । बिन तू हरि शिररहै उदासा ॥  
 तुव पति अस्ति शंख के रूपा । रहै सदा हरि निकट अनूपा ॥

दो० जो पूजै हरिरूप शिलनिश्चय करि जग मांहि ।

बिन तुलसी दल शंखके फलन मिलैकछुताहि ॥

सो० भे पुनि अंतर्द्धान तुलसी को समझाय शिव ।

करि करुणा वृष जान खैचिलीन अपनी अजा ॥

माया रहित भई जब तुलसी । हरि हिंमानिनिजपतिबहुहुलसी ॥  
 युग करजोरि गई पुर हरिके । बिनती करण लगीपगु परिके ॥  
 अनुचितबहुत तुम्हैं मैं गावा । ताकर फलनीकी बिधि पावा ॥  
 अब करि कृपा क्षमहु अप राधू । तुम करुणा कर नाथ अगाधू ॥  
 एवमस्तु कहि रमा निवासा । तुलसीसहित गयोनिजबासा ॥  
 लखौ शंभु लीला मुनि राया । निशिचर बधू भई हरि जाया ॥  
 निशिचरतियतुलसी मुनिराई । हरि भगवान जक्त सुखदाई ॥  
 तेहि तुलसीहरि शीश चढ़ावा । निज हारे गुर भौरी खावा ॥  
 सेरहि करै सुमेर पुरारी । करै सेर पुनि ताहि विगारी ॥  
 यह सब खेल हवैशशि माथा । तार चराचर जाके हाथा ॥



अवसुनिये मुनिजग व्यवहारा । शालिग्राम क पूजन कारा ॥  
 शंख बजाय चढ़ावै तुलसी । बांछित लहै सदा मन हुलसी ॥  
 हरि पूजक जे चतुर मुनीश । तुलसी दलहि धरहि हरि शीश ॥  
 शंख बजाय रिझाय रमापति । इत सुखलहै लहै उत पर गति ॥

॥ दो० यहि बिधि शंकर बैरसों मारत हरि निजदास ।

॥ ताते राखत चतुर नर शिवपददृढ़ विश्वास ॥

॥ शिवहु स्वहात न दास निज जो बैरी भगवान ।

॥ तेहिते दुविधा छाड़िलखु हरिहर एक समान ॥

॥ अससुनिबसुबसुसहस ऋषिसर्बोपरिशिवचीति ।

॥ पूजत हरिबिधि सकलसुर मांगत शिवपदप्रीति ॥

॥ तेहिते जो नर चतुर जग पूजत सुर सरमान ।

॥ सबसे फल मांगत यही करहिं कृपावृषजान ॥

॥ सुनि अस जड़चेतन्य है जो न भजै वृषकेत ।

॥ तेहिते श्वान सियार भल होय न कबहू चेत ॥

॥ यह कलि विष धर ना गहै ताको शिवजसमोर ।

॥ जौन सुनै चितदै पढ़ै कस न लहै गति घोर ॥

॥ हाथजोरि ओरी कहै सुनो सकल मम मीत ।

॥ जो इत सुख उत गति चहौ करौ शंभुपदप्रीत ॥

॥ यदपि भदेशिल भनितममतदपि भराजसईश ।

॥ सुर सरि जलजिमिकांचमेधरतसकलसुरशीश ॥

॥ जो यहि आदर करि पढ़ै सुनै चित करि बेश ।

॥ तेहि परहोहिं प्रसन्न रवि हरिहर गौरि गणेश ॥

॥ इत संपतिसंतति सहितरहै सुखित जगमांहि ।

॥ उत सरि हरि पुर बसै योगी जाहिसिहांहि ॥

॥ जो चाहो यहि जगतमें गति सुख संपति बाल ।

॥ सकल तजो शिवकहँ भजो भाषत ओरीलाल ॥

॥ छं० ओरीकहँ सबसे करिनेह उभय करजोरे बिनय करिके ॥

॥ जगमें सुखसारजु कीनचहौ प्रथम बनिदास रहौ हरिके ॥

॥ तेहिको फलशंभुकिभक्ति मिलै तब मुक्ति मिलै गटई धरिके ॥



जौनउभय पदप्रीतिकरै स्वइखातहै माटिमुहोभरिके ॥

सो० होत सकल सुख धाम गायशंभु यशअति सुखद ।  
वोरी लह्यो अराम छूट सकल भव रोग दुख ॥

छंद

शर अनल अंक सशंक मधु सित मृगे छठि शशि बारही ।  
तेहि समय भै संपूर्ण पुस्तक हरष भाषत बारही ॥  
जो पढ़ै चितदै सुनै वोरी लहै सब सुख सारही ।  
तेहि भरै मनसा गणप हरि हर उमाविधि दिन कारही ॥

दो० यह कलिकाल कराल अति वोरी कहत पुकारि ।

भजि शंकर कलिको जितो परविधिमें है हारि ॥

सो० जो सचेत शिव दास पढ़ै सुनै मम भनित को ।

जड़ करिहैं उपहास अंधरे मुकुर स्वहात नहिं ॥

दो० जयशिव जयशिव जयशिवा जयशिव जयशिव शंभु ।

शिव तजि वोरीलाल को अपर नहै अवलंभु ॥

इतिश्रो शिवचरित्रे पुस्तक जड़चेतनी नाम भनितभाषा  
सम्पूर्ण समाप्त शुभमस्तु ॥





श्रीगणेशायनमः

## गिरिजामङ्गल ॥

—000—

टोहा ॥

प्रथम वन्दि गणपति चरण सकल सिद्धिके हेत ।  
वरणों शंकर सुयशको जो अनभव सुखदेत ॥

कूटभाषा ॥

वारिजसुत सुत तासु सुत तावाहन मुखध्याय ।  
उपहिबलबलि रिपुरिपुसुता मंगलकहों बनाय ॥

यहां काव्य कर्ता गणेशजी की बन्दना करतु है कि वारिज  
नाम कमल कमल के सुत जो हैं ब्रह्मा और ब्रह्माके सुत जो हैं  
कश्यप तिनके सुत जो हैं इन्द्र तिनका वाहन जो है हस्ती हस्ती  
मुख जो हैं गणेश तिनका ध्यान करतहों उपहि ध्यानके बलसों  
वलिरिपु जो हैं इन्द्र तिनका रिपु जो है पहाड़ और पहाड़ जो है  
हिमंचल तिनकी सुता जो हैं पार्वती तिनका मंगल जो है विवाह  
तिसको बनाय करिके वर्णन करें ॥

दो० घटसुत रिपुसुत यानपति तारिपुवेलिविचारु ।  
तारिपु कन्या कंतपद वीरी प्रेम सम्हारु ॥

घटसुत जो हैं अगस्त्यमुनि तिनका रिपु कहें समुद्र ताको सुत  
कहें चन्द्रमा तेहिका यान कहें वाहन जो है मृगा मृगाको पति  
जो है सिंह ताको रिपु है जो हाथी अरु हाथीको कहें नाग सो  
वेलि नागमें एकत्र करने से नागवेलि असपदहुवा नागवेलिकहें  
कमल ताको रिपु जो है पाला पालाका नाम हिमि औ हिमि  
जो हैं हिमंचल तिनकी कन्या जो हैं पार्वती तिनके कंत जो हैं



महादेव तिनके पावन में है वोरी प्रेम सम्हार काव्य कर्ता  
अपनाको समुझावत है कि हे मन तू श्रीमहादेवजी के चरणन  
सों नेहकरु ॥

सो० भूधरकन्या कंत तापितु रिपुपदवंदिकै ।

ज्यहिउरमाझबसंत गिरिजागिरिजापतिसदा ॥

अब कवि श्री रामचन्द्रजी की बंदना करतु है ॥ भूधर  
जो हैं शेषनाग तिनकी कन्या जो है सिलोचन तिसका पति जो  
है मेघनाद मेघनाद का पिता जो है रावण तिसके रिपु जो हैं  
रामचन्द्र तिनको बंदना करौं हों कैसे हैं रामचन्द्र कि जिनके  
हृदय के मध्यमें गिरिजा जो हैं श्री पार्वतीजी श्री श्रीमहादेवजी  
निह्यहीं बसे रहते हैं ॥

दो० शैलसुतापतिहाररिपुताहितरिपुसुतध्याय ।

बरनौं शिवगिरिजासुयशसबकलेशमिटिजाय ॥

शैल नाम पर्वत आवश्यकता हिमंचल तिनकी कन्या जो हैं  
पार्वती तिनके पति जो हैं श्री महादेव तिनका हार जो है सर्प  
तिसका रिपु कहे गरुड़ तिनका हित जो है पक्ष समाधान पंख  
तिसका रिपु जो है बयारि तिसके सुत जो हैं हनुमान तिनका  
ध्यानकरिकै गौरीशंकर का सुयश वर्णन करौं जासों सब कलेश  
दूर होजाय ॥

दो० जाबल बुधि बानी चलै विधि रानी तिहि नाम ।

ताके पद बंदन करौं मिलै सकल मन काम ॥

सो० उमा चरण शिरनाय उमा सुयश वर्णन करौं ।

माता करै सहाय निज यश मम उरमें धरै ॥

पुनि बंदौं शिव जन हरषाता । जो अति सुखद सुमंगल दाता ॥  
परम पाशुपत जे जग माहीं । बंदौं तिन्हें जोरि युग बाहीं ॥  
षट्दश महा शैव जगरूयाता । कोमल मंजु चरण जल जाता ॥  
पृथक् पृथक् बंदौं सब काहू । है प्रसन्न मेटहिं दुख दाहू ॥  
दुरवासा पद कमल नमार्मी । शिव अवतार सकल जगस्वामी ॥



परम पाशुपत तेज अतीवा । ज्यहि वर बची द्रौपदी सीवा ॥  
 पुनि बंदौ कौशिक पदकंजा । ज्यहि की कृपा राम धनु भंजा ॥  
 शिवहि सेय असभयेप्रतापी । भयो दास हरि तिहि गुणथापी ॥  
 पुनिविधिकेपदकमलमनाऊं । जासु कृपा निरमल मति पाऊं ॥  
 शिवहि सेय जोभाजगकारी । बंदत चरण सकल दुखहारी ॥  
 बंदौ मारकंड्य युत प्रीता । शिवहि सेय जो मृत्युहि जीता ॥  
 बंदौ इंद्रहि सहित समाजा । शिवहि सेय जो भा सुर राजा ॥  
 बंदौ वान चरण मनलाई । जो शिव भक्त अनन्य अघाई ॥  
 भोग्योजगसुखसहितसमाजा । भयो अंत शिव पुर गण राजा ॥

दा० प्रीति सहित कर जोरि युग बंदौ हरि महाराज ।

शिवहि सेय सबपरभयो जगपतिसुरशिरताज ॥

सा० लह्यो रमा मणि चार चक्र सुदर्शन हर कृपा ।

भाषत वेद पुकार नहिं शिव प्रिय पर विष्णु से ॥

बंदौ शक्ति चरण धरि पानी । शिवहि सेय जो भै शिवरानी ॥  
 शंभु शक्ति से नेक न भेदा । वाक्य अर्थ सम गावत वेदा ॥  
 भवभवविभव पराभवखानी । अंशज जासु रमा ब्रह्मानी ॥  
 पुनिबंदौ पद पदुम दधीचा । भयो न अस शिवजनजगबीचा ॥  
 शिवहिसेयअसभयोअभोती । हरिहु न पायहु तिहि कहँ जीतो ॥  
 बंदौ चरण परशु धर रामा । जो शिव सेय लह्यो सब कामा ॥  
 दश अवतार मध्य हरिरूपा । सुमिरत जाहि मिटै सब धूपा ॥  
 पुनि बंदौ रघुपति के चरणा । सब सुखमिलत जासुकीशरणा ॥  
 शिवहिसेय असलह्योप्रतापा । मिलतसकलफलजिहि की जापा ॥  
 पुनिबलिरामचरण धरिपानी । बंदौ महाशैव अनुमानी ॥  
 शिवहिसेय असलह्योबड़ाई । कृष्णहुंकीन जासु सेवकाई ॥  
 बंदौ गर्ग चरण मनलाई । भयो कृष्ण गुरु शिव यशगई ॥  
 बंदौ शुक्र चरण धरि शीशा । लह्यो सजीवन मनु भजिईशा ॥  
 बंदौ चरण वृहस्पति नामी । सुर गुरु भयो सेय शिवस्वामी ॥

दा० पुनि गौतम के चरण युग बंदौ बारम्बार ।

जो शिवभक्ति अनन्यकरि लह्योपदारथचार ॥



सो० गौतम को जो नाम पुर पैठत सुमिरन करै ।  
 लहै सकल मनकाम आदर करै नरेश बहु ॥  
 पुनि बंदौ युगपद विधिरानी । जो मम हृदय बतावत बानी ॥  
 फिरि फिरिता सुचरण धरि माथा । कछु गाऊँ शंकर गुण गाथा ॥  
 एक दिवस मनमें रुचि आई । कछु नाम हित करौं उपाई ॥  
 वेद पुराण संत अस कहही । मर्यो न शोचहि पाछे रहही ॥  
 कूप तड़ाग सेत आरामा । अपर शिवालय अस सुरधामा ॥  
 है परंतु तहँ और विवेका । इत उत सुखद शिवालय एका ॥  
 अपर सकल जगमें यशहेतू । एक शिव धाम उभय दिशिकेतू ॥  
 तब रुचि बढी शिवालयहेता । पर मम भागि न सो दिशिचेता ॥  
 कर्यो न अस हरिनारि सहाई । जेहि ते मम रुचि लहै बडाई ॥  
 बिना भागिनहिं अस मुखमारा । है परंतु तहँ धन व्योहारा ॥  
 बहुत धनी हम जगमें देखा । शिव से विमुख अधमके भेखा ॥  
 बिन शैवत धन कैस सरोई । घूर उपर जिमि फूल तरौई ॥  
 बिन शैवत कसहै धनधारी । बसन हीन युत भूषण नारी ॥  
 बिन शैवत कसहै धनवाला । बिना पुरुष जिमि सुंदरि बाला ॥  
 सो किमिलहै भागिममकोटो । पर शिव चहै तो होवै मोटो ॥  
 तृण से मेरु मेरु से तिनका । करै शंभु चितवै जो किनका ॥  
 दो० बाढ़ति रुचि शिव गेहपर बिना द्रव्यसकुचाति ।  
 तब विधि रानी करि कृपा बोध कीन हरपाति ॥  
 सो० करि मम हृदय निकेत उपजायो मम चित्तमें ।  
 करु शिव यशपर चेत सहस शिवालयसम जोई ॥  
 जो पुस्तक बनवो शिवयशकी । लहु फलतुरत शिवाल सहसकी ॥  
 थपै शिवालय में लिंग एका । ग्रंथ मध्य शिव नाम अनेका ॥  
 असलखि शारदकी करुणाई । कहौं सुयश शिवरुचि मनछाई ॥  
 तब देख्यो शिवसुयश अपारा । नेति नेति जेहि निगम पुकारा ॥  
 थकत वेदविचरत जिहि खोरी । सो पथचलै किमिहिं जड़घोरी ॥  
 है शिव सुयश बनाउब कैसे । जलपर भीत उठाउब जैसे ॥  
 यहै शोचि शंका भै भारी । तब मम कंठ कह्यो विधि नारी ॥



शंभुसुयशअतिशय सुखदाई । तुम बनवो हम करब सहाई ॥  
 लखिरूपालसबविधिविधिनारी । भयोहृदय ममअधिकसुखारी ॥  
 करि प्रणाम गुरुको अतिआदर । लाग्योकहन सुयशशिवसादर ॥  
 प्रथमकह्यो जिहिविधिशिवआये । गिरि कैलास महाछबिछाये ॥  
 नाम तासु मनकरि अनुमाना । श्री कैलासागमन बखाना ॥  
 दूसर कह्यो काशिकागमन । काशी महत महा दुखदमन ॥  
 जड़चेतनी तृतीय बनाई । सीता राम चरित तहँ गाई ॥  
 कीन जैसि शैवत रघुराई । बरगयो सकल सविस्तरलाई ॥  
 जब भे तीन ग्रंथ सुखकारी । निरमलयश शिवके अधिकारी ॥  
 तब मन रुचि चौथेपर धारी । लाभ सों लोभ होय अधिकारी ॥  
 तब मनमें उपज्योअसज्ञाना । तीनिउ ग्रंथ कह्यो शिव बाना ॥

छं० अब चौथ जो यह ग्रंथ बनवों शंभु करुणा पायकै ।

तहँ सुयश शंकर सहित गिरिजा भाषहूँ मनलायकै ॥

विस्तार युत गिरि कन्यका यश कहत ओरीगायकै ।

जो सुनै जगमें पढ़ै मंगल सुखलहै अधिकायकै ॥

दे० गिरिजा मंगल नाम तेहि तेहिते धरयो बिचारि ।

मुनि शुचि अंकनिशीशमें बत्सरको अनुसारि ॥

से० मधु माधव मधु पूत अपर माधवी मेघवी ।

मास पक्षदिन जत तिथिनक्षत्र क्रमसेलखो ॥

टी० मधुकहे चैत्रको महीना माधव नाम कृष्णपक्ष मधु पूत कहे  
 सोमवार माधवी कहे एकादशी तिथि मेघवीकहे धनिष्ठा नक्षत्रमें  
 यह ग्रंथ प्रारम्भ हुआ ॥ इति ॥

ऊंडव नाम ग्राम सुखकारी । रक्षक जहां चक्र गदधारी ॥

श्याम चतुर्भुज नाम सुहाई । छाया तासु ग्रामपर छाई ॥

देहिक दैविक भवतिक तापा । तेहिवलनहिं पुरवासिनव्यापा ॥

बसत तहांममपितुसुखधामा । तेहि शिवदीनलाल असनामा ॥

कायथ में श्री बास्तम दूसर । तेहि समयशीनलखियत दूसर ॥

अति तेजसी परम वृष धारी । दाता वीर ज्ञान अधिकारी ॥

बिद्यमान धर्मज्ञ अशेषी । सर सुर पूजक शैव विशेषी ॥



तेहि सुतभयो मंदमति ओरी । ज्यहिलखिअघतनरहतसिकोरी ॥  
 अब निज जड़ता कहौ पुकारी । चहौं कृपा शशि बांह पसारी ॥  
 चहौं स्वअजलि कधिकबटारी । अस जड़ता देखौ सब मोरी ॥  
 जहँ स्वगेशबल नाहिं बिसाई । तहां मशक किमिकरै उपाई ॥  
 शिव यशअगम अगाधि प्रपारा । नेति नेति ज्यहिनिगमपुकारा ॥  
 शेष सहस मुख सकतनगाई । असहै शंभु सुयश प्रभुताई ॥  
 विष्णुबिरंचि आदि शचिकंता । बरणत रहत लहत नहिअंता ॥

दो० सो यश मैं बरणा चहत यहै जड़ापन आहि ।

जहां न पावत पार सुर नरकेहि लेखेमांहि ॥

सो० पुनि नहिं ज्ञान पसार विद्याको बल नेक नहिं ।

गहा चहौं गज भार पौरुष नहीं पिपील को ॥

है परंतु तहँ यह दृढ़ताई । लखि निजपरबिधिनारिसहाई ॥

बड़ करुणाई लहि अतिनीचू । बड़ेहोहिं जिमि सुरघर कीचू ॥

लहिकरुणागजजिनिअजबाला । खात मधुरफल ऊंचबिशाला ॥

बार बार तेहि के पद ध्याई । भाषौं शंभु सुयश सुखदाई ॥

जेजगमें बुधि मान सयाने । तिनके पद बंदौ असजाने ॥

जिमिनहँसैं लखिभनितभदेशू । करहिं कृपालखि सुयशमहेशू ॥

जानौं नहिं कछु काव्यतरीका । बिन तरीकनहिं लागतनीका ॥

परलखियो तहँ ज्ञान पसारी । जहां अमी तहँ है अधियारी ॥

बिनशिव सुयशकाव्यरसकैसे । बिष संयुत मणिमय घटजैसे ॥

प्रकृत नरन यशकी कबिताई । सुंदर यथा इंंदौरन गाई ॥

बिनशिव काव्यकाव्यपर कैसे । सेमर निकट सुवा गा जैसे ॥

बिनशिवध्यानहोय बकुध्यानी । निरखत रहै मीन अरु पानी ॥

बिन शिव ज्ञान कागसमज्ञानी । होत भोर बिष्टा नित सानी ॥

बिनशिवभजनहोय परभजना । ऊसर मध्य बीजको फेकना ॥

दो० अस विचारि शिव यश निरखि यहमम भनित भदेश ।

अचरज नहिं जो आदरहिं बुद्धिमान जन वेश ॥

सो० अससुनि बिनय हमार जोनकरैं क्षमपर हँसैं ।

ते शिव विमुख गवांर मोहूँ से मतिमंद बहु ॥



अब सुनुतत्त्व शैव मन लाई । सुने जाहि छूटे जड़ताई ॥  
 शिवहि भजैतेहिलखोसपूता । नहिं तेहि लखो मूतको मूता ॥  
 शीश सोई जो नवै शैवनपद । नाहिं तो लखो तोमरीकटकद ॥  
 भाल वही जहँ भस्मत्रिपुंडा । नहिं तेहि लखो श्वानकरमुंडा ॥  
 सुभग नेत्र शिव दर्शनहीना । तेहिलखु झंझी करिमतिपीना ॥  
 अवणसोईज्यहि शिवयशरुचई । नहिं तेहि उपमाअहिघरसुचई ॥  
 शिव पुर धरै भूमि सोइ नासा । नाहिं तो पंथ ठेहसम भासा ॥  
 शिव यशरुहै अरपि शिवखावै । सोइमुखनहिं गिरिखोहबतावै ॥  
 शिव यशरुहै जीभ तेहि जानों । नाहिं तो भषुअजयापहिंचानो ॥  
 गलबलाय शिवपुर सोइगाला । नाहिं तो लखो सुसंबुकताला ॥  
 शिव अर्चन हितअमि कहैकर । नहिं तेहिलखो शाखवद्रीकर ॥  
 मिलिशिवजनजोनाहिं जुड़ाती । गिलगिलसमजानौं तेहिछाती ॥  
 शिव दर्शन हित चलै अदंभा । तेहिविन चरण बबुरकोखंभा ॥  
 शिव दंडवत करै सो अंगा । तेहिविनलखै सकलतनभंगा ॥  
 नरतन मिलतबहुततप कीन्हें । तेहिफलमिलतशंभुजपकीन्हें ॥  
 नर तन को फल है बहु भुक्ती । संतत युतइत उतफलमुक्ती ॥  
 सो न मिलै विन शंकरसेवा । तेहिते ताहिगह्यो सब देवा ॥  
 शंभु शिवारत विधि बनवारी । तहां मनुज गतिकहब गंवारी ॥

दो० अस सुनि गौरी शंभुपद भजै न जो सबस्यागि ।

नरतन लखोपिशाच तेहि तेहिते रहियो भागि ॥

सांचेहु दंभेहु शंभुपद जो कोउ राखत नेहु ।

तेहि पद वीरो शीश धरि शिवयश में चित देहु ॥

रविशशिकुजबुध जीव कबिशनिरुराहु असुकेत ।

विघ्न निवारण हेत करि इनके पदचित देत ॥

मधुरिपु मधुरिपु मधुरिपु मधुरिपु मधुरिपु तात ।

इन पांचों पद शीशधरि शिव यश कहु हर्षात ॥

टी० मधुनाम दैत्य तेहिकेरिपु विष्णु मधुनामरस तेहिकेरिपु

सूर्य मधुनाम दैत्य तेहिकीरिपु देवी मधुनाम काम तेहिके रिपु

शिव मधुरिपु नाम शिव तेहि के तात अर्थात् पुत्र गणेशजी ॥



दो० विधि पतिनीको ध्याय अति तासु आशिषा पाय ।

गिरिजा मंगलको कहौ जो सुनि कष्ट नशाय ॥

सो० नैमिष में मुनिराज एकसमय वशु गज सहस्र ।

जुरि मिलिकरी समाज गये सूतपहँ प्रीतिकरि ॥

सूतहि दे आशिष हरषावा । कथासुननहितविनय बुनावा ॥

मीनसुता सुतके तुमचेरा । तव उर रहत शंभुको डेरा ॥

तुम त्रिकाल दरशी गुरु सेई । है मति तोरि शंभु रसभेई ॥

जेहि सुनिमिलै पदारथ चारी । सोई कथाकहु हृदयविचारी ॥

जेहिपढ़ि सुनिरुजजाय विलाई । सुत वितवढ़ै महा सुखदाई ॥

रणमें होय महा जयदाई । सोई कथाकहु सूत स्वहाई ॥

जेहि सुनिहोय पाप तनभंगा । होयमलिनमनजेहिपढ़िचंगा ॥

पापिहु सुनै जाहि मन धरिकै । मिलैमुक्ति तिहिके पगपरिकै ॥

सुने जाहि कलिकला न व्यापै । असन सताय सकै त्रयतापै ॥

सोई कथा कहु व्यास दुलारे । जेहिसुनि पापजरै बिनजारे ॥

पढ़त सुनत जेहि तुष्ट पुरारी । है प्रसन्न मेटहिं दुखभारी ॥

सुनि असप्रण मुनिनकरसूता । लखिशिवरतिमेंअतिमजबूता ॥

जेहिउरलखोनशिवरतिसबहूँ । तेहिढिगकहौनशिवयशकबहूँ ॥

अधिहिसोहाय न शिवयशकैसे । अंधरे मुकुर न भावै जेसे ॥

शिवयशकुचितसुचतइमिनाहौं । सेंदुर यथा सुवरि शिरमाहौं ॥

सुभगवस्तुनहिं खलकोफवती । स्वानहिं पचै यथाघृत कमती ॥

दो० ज्ञान तासु अज्ञान सम जेहि उर बसहिं न शंभु ।

यथा भवन मणिजर खचित बिनादीप अवलंभु ॥

बिन शिव ज्ञानकरै हतज्ञानी । यथाभानु कमलहिविनुपानी ॥

जेहिउरबसत शंभु दिन राती । तेहिढिग कहवकथाबहुभांती ॥

तिपटशैवसन शिव यशगाउब । यथा दूधने खांड मिलाउब ॥

यहिविधिसूत मुनिनरुचिदेखी । परम प्रीति शंकरपद लेखी ॥

कहन लग्यो तबकथा रसाला । सुमिरिताम्बशिवगौरिमभाला ॥

एक समय नारद मुनि ज्ञानी । रसाअटन को भये पयानी ॥

हरिगुण गावत कातल वीना । दयाज्ञान निधि परम मतोना ॥



देख्यो घूमि रसा सब ठाऊं । तीरथ नगर शहर पुर गाऊं ॥  
 काहुहि राज करत मुनि देखा । काहुहि भीषन पावत पेखा ॥  
 बहुतन अरुजलखी विधिताता । रोग असित देखा बहु गाता ॥  
 दृष्टवान बहु बहु चष हीना । बहुतससुत बहु असुतमलीना ॥  
 बहुतक धनी दीख युत भूषन । बहुत निस्वरोवत मरिभूषन ॥  
 धवलधाम मणिवचित स्वहाये । झोपरी बहुत पलाशन छाये ॥  
 बहुत दीख हय गज असवारे । शिविकारथ बहुभांति सवारे ॥  
 बहुत पयादे पद बिन त्राना । लादे शिपर बोझ अमाना ॥  
 यहिविधिदुखीसुखीलखिजगमा ॥ शोचतचलेजात मुनिमगमा ॥

दो० कयहिप्रकार दुखदुखिनकर विनअमजाय हेराय ।

जाउं विष्णु पहुँ जोरि कर पूछहुं कछुक उपाय ॥

सो० अस मुनि दयानिधान परदुख देखत भे दुखी ।

बसत जहां भगवान गये क्षीरनिधि को विधिज ॥

नारद दीख तहां बनवारी । रमा सहित क्षीरोधि विहारी ॥

माथे मुकुट कनक मणि सोहै । देखि प्रभा कोटिन रविमोहै ॥

श्याम फाम घनश्याम लजावै । पीतवसनदामिनियुतिरुवावै ॥

मुशकी अलकपरी लगि काना । तहँ कुंडल रवि राहु मकाना ॥

माथे भरुम त्रिपुंड बनाये । तेहि उपमा वेदहु नहिं गाये ॥

है निर्द्वन्द भरुम की शोभा । सकलसुरासुर जेहिपरलोभा ॥

उपहिलावत शिवविधिबनवारी । कहब कथा परकेरि गवारी ॥

पापिहि रुचै भरुम नहिं कैसे । सुभग बस्तु सूकरिकहँ जैसे ॥

यथा कटुक हयको गुड़ लगै । अधीभरुमतेहिविधिमुनिद्वयगै ॥

भरुम बिहीन जासुको भाला । लखुतेहि सेवक अष्टकपाला ॥

हवै भरुम उपमा ते हीना । तेहिसमानतेहिकहतमतीना ॥

अति शोभित शुचि पुंड्रबनाये । अरुणजलजसमनयनसोहाये ॥

सुभग नाशिका शुकुमद हारी । गोल कपोल शंखद्युति मारी ॥

वांज अनारहि रद रद करही । हँसीमन्ददामिनि छविहरही ॥

वांह अजान चारु शुभ चारी । शंख सुदर्शन गद कज धारी ॥

मुंदरीवलय विजायठ सुन्दर । मुक्तासहित सोहजनुकरिकर ॥



गलै समनि रुद्राक्षक माला । सुभगहृदय अरुउदरविशाला ॥  
नाभी गहिरि जलज युत भारी । बनी कमर केहरि मद हारी ॥

दो० रंभा खंभा जांघ जनु गुलुफ गोल अन मोल ।

चरणकमलजहंनितकरतमुनिमनभृङ्गकलोल ॥

सो० तरवासद्युति प्रवाल कोटिवाल रविद्युतिहरत ।

जिहिभजिवोरीलालचहतसुखदिशंकरभगति ॥

छन्द

लखि मुनिभूपा । रूपअनूपा ॥ करिनति नाना । अस्तुति ठाना ॥

हरिगीतका छन्द

जयविष्णु जय भगवान जय जगपात जयसुख दायकं ।

जय माधवं मधु कैटभारि मुरारि जय सुर नायकं ॥

जय सिंधुजा पति सुखद सुखकर शंभु रूप निरंतरं ।

सबहरत देख लखि दुखित जगतुम दीनबंधु सुशंकरं ॥

दो० सुनिविनतीमुनिनाथ कीजगपति रमानिवास ।

उठिकरिमुनिहिं प्रणामकरि बैठारोतिजपास ॥

बोल्यो रमानाथ भगवाना । मांगुमांगु द्विजवर वरदाना ॥

हैअदेय सब वस्तु हमारे । तुम नारद अतिप्राण पियारे ॥

जवनिवस्तु म्वहिं दीनगिरीशा । सोतुमआपनि लखौमुनीशा ॥

अब लगि कहवां रहे सुनीना । बहुत दिवसपर दरशनदीना ॥

निज आगमन हेतुमुनि भाषौ । लेहुसोई जो मन अभिलाषौ ॥

तब बोले कर जोरि सुनीशा । बारम्बार नाय पद शीशा ॥

रसाअटन मैं गयो मुरारी । देखा जगबहु भांति दुखारी ॥

बहुचष हीन बहुत धन होना । रोगअसित बहुविन्न मलीना ॥

पुरुष अनारि नारि बिन नाहू । भोजनमिलतननिशि दिनकाहू ॥

जो जीवनरु फल अतिगावत । पुत्र हीन नहिं मुक्ति बतावत ॥

सो अपुत्र प्रभु बहुनर देखी । दयालागि म्वहिं नाथविशेखी ॥

तिहिलगितक्यों शरणतवनाथा । सकलउपायजानि तव हाथा ॥

हमरे प्रभुतुम गुरुपितु माता । सकलशोच हरसुखवरदाता ॥

सो उपाय भाषा जगलागी । धोरेअमहिं जाय दुख भागी ॥



सुनि नारदके वचन दयाला । अतिहिप्रसन्न भयोजगपाला ॥  
बोलेप्रभु बहु मुनिहिं बखानी । धन्य धन्य मुनिवर बरजानी ॥

दो० एकतोतुमम्बहिंबहुत प्रियसत्यसुनौविधितात ।

दुसरे परउपकारहितजो म्बहिंबहुत सुहात ॥

सो० तिहिते कहव उपाय देखि तुम्हारी लालसा ।

शंकर करै सहाय बिन अम छूटे जक्तदुख ॥

सुखद उपाय सुनौमुनि नायक । जो सर्वोपरि है सुख दायक ॥

गिरिजा मंगल शिव यश भारी । पढ़तसुनत सबपातक हारी ॥

सुत धन देत करत जय रनमें । हरत व्याधि दैपौरुष तनमें ॥

गति पति देत न लावत बारा । तिहितुमलखौ मुक्तिकोद्वारा ॥

वेद सार सोहै शिव रूपा । बीजमंत्रतिहि लखुमुनिभूपा ॥

गोपनीय सब कहँ मुनि राया । दास जानिम्बहिं शंभुबताया ॥

मोपर करत कृपा अति भारी । विश्वनाथ मम नाथ पुरारी ॥

निजअधिकारसकलम्बहिंदीन्हा । दासजानिमोहिंसबपरकीन्हा ॥

धन्य धन्य सो धन्य महाजन । जाहिसाम्बशिवजानत आपन ॥

अस कहि मगन भये बनवारी । पुलकि शरीर नैन बहै बारी ॥

पुनि धरि धीरज शंभु मनार्ई । कहनलगे मुनिसनजगसाई ॥

मोसन तात धात सोपावा । जानिसुबस्तु बहुतमतभावा ॥

थापी ताहि साम के भीतर । तबते साम भयो अधिकी तर ॥

सोतुम मानि सिखापन मोरा । जाउधात पहुँसहितनिहोरा ॥

सोलै होहु कृतार्थ आप् । जगफैलाय हरौ सब तापू ॥

चारि पदार्थ करतल त्यहिके । शिवयशहृदयबसैमुनिउग्रहिके ॥

दो० सुनि नारद श्रीपति वचन बारबार हरषाय ।

चलत भये विधि धामको हरिकोमाथ नवाय ॥

सो० पहुंचे मुनि विधिधाम तुरतगये निज तातपहँ ।

लचि शिरकान प्रणाम बारबारअस्तुतिकरी ॥

पुनि पूंछी मुनि गिरिजामंगल । ज्यहिसुनिजरतपापकोजंगल ॥

रसाअटनजिहि विधिमुनिगयऊ । अरुहरि सीखबतावतभयऊ ॥

सुनि विधि दै नारद बड़ाई । बार बार शंकर पद ध्याई ॥



लगे कहन शिव कथारसाला । जोगिरिजा मंगल मुदमाला ॥  
 क्षीर सिंधुसे जब मुनि राई । हरिहिनमितविधिभवनसिध्दाई ॥  
 तब लक्ष्मी दूनों कर जोरी । पतिप्रणामकरिबहुतनिहोरी ॥  
 आयसु पाय बचन तब भाषा । निजअभिलाषगोयनहिंराखा ॥  
 कह्यो नाथ नारद सन जोई । गिरिजामंगलसबदुख खोई ॥  
 को गिरिजा क्यहिकी सोजाया । मंगलकौन करी सुर राया ॥  
 सुमिरत तुम्हें नितैं त्रय तापू । कौनसुयशज्यहिसुमिरतआपू ॥  
 सुमिरत जाहि मगन तुमरहेऊ । सकल पदारथदाजिहिकहेऊ ॥  
 सोमोहिं नाथ जानिनिजदासी । चरणकमलकीलखिविश्वासी ॥  
 कहो सकल नहिं राखौ गोई । जोमोपर करुणा अतिहोई ॥  
 सुनत्रिय बचन हरषि भगवाना । बार बार तिहि बुद्धिबखाना ॥  
 बड़ीभाग्य तिहि केरि रमाहै । शंभु सुयश पर जासुतमाहै ॥  
 असकहि कहनलगे भगवाना । सुंदर कथा सुयश वृषयाना ॥

दो० नारद से निज लोक में कहत कथा सोई धात ।

कविजासन क्षीरोधि में कहत सोई जगपात ॥

सो० कहत सून हरषाय शौनक सन सोई कथा ।

शारदको बलधाय कहत सकल कविजक्तमें ॥

है शिव सर्वोपरि परमेश । जक्त गुरू जगपति जगतेश ॥  
 सर्वोपरि तिहिकहैं अतिगावै । हमरो विधिकर मूलबतावै ॥  
 सकलकर्मको है सोईसाखी । रवि शशिवहि जासुकी आंखी ॥  
 जेहिइच्छाहोवहिं जगनायक । उत्पति पालन अंत करायक ॥  
 बाम से विष्णु भये हमतासू । दक्षिण से विधि केर प्रकासू ॥  
 मध्यते रुद्र आप अविनाशी । महाकाल सोई भा कैलाशी ॥  
 प्रथमरह्यो सोई शून्यसमाई । यथा सुगंध फूल सुखदाई ॥  
 अगुण अनीह अनाम अखेदा । निर्गुण जाहि कहत सब वेदा ॥  
 तिहिरुचिसगुनकीनयकबारा । धात्री रूप शिव नाम उदारा ॥  
 लीलाहेत शक्ति प्रगटावा । उमानाम जिहिको अतिगावा ॥  
 शिवा हरा अरु भवाभवानी । जया जक्त जननी सर्वानी ॥  
 शिवअंशजहमविधिगुणखानी । उमा अंश तुम अरु विधिरानी ॥



विधिभकुटी से शिवअवतारी । भये आय कैलाश बिहारी ॥  
 विधिसुत दक्षप्रजापतिज्ञानी । ताकी सुता भई सर्बानी ॥  
 व्याहीदक्ष जानि भव भामा । तब से दक्ष भयो सुखधामा ॥  
 कछुदिन गये दक्ष अभिमानी । शिवसे नेहतजी तजि कानी ॥  
 पितहिजानिशिवकोअपमानी । दक्षज तन तजि दीन भवानी ॥  
 ऐसहि जो ज्ञानी कविजाता । शिव बैरीसों त्यागत नाता ॥

दो० गुरु पितु पति भ्राता सुहृद जो शिव बैरी तात ।

सकलभांति निज शत्रुसम बुधत्यागतसबनात ॥

सो० सुनु मुनीश अस ज्ञान भाषत बेद पुराण बुध ।

कोटि गवास समान शिव निन्दककोहै बदन ॥

यहै विचारि सती तन त्यागा । भयो विध्वंस दक्ष कीयागा ॥  
 जस दुर्दशा भई विधि सुतकी । भईन असकोउरांडअसुतकी ॥  
 मुनि बिस्तार सहितसो भावा । जड़ चेतनी मांझ हम गावा ॥  
 सो तन तजि जगमातु भवानी । गिरिगहिमंचल घरप्रगटानी ॥  
 कह्यो रमा सुनु कृपा निधाना । एक अचरजमोरे मनमाना ॥  
 कीन कौनि तप गिरिवर भारी । जेहि घर मातुभई अवतारी ॥  
 सुरनर मुनिसब तजि जगमाता । भईजाय गिरिघरगिरिजाता ॥  
 औघर दानी शिव जग माई । लहर वहर नहिंपरतजनाई ॥  
 एक समय गिरि काशी जाई । मणिकर शिवमंदिरबनवाई ॥  
 मेष कृष्ण तेरति शनिवारा । लखिप्रदोष बोला शिवप्यारा ॥  
 करि ब्रत मणि मयलिं बनाई । थापित कीन शंभु गिरिगई ॥  
 हूँ प्रसन्न प्रगटी जग माता । मांगु मांगु बरजो मनभाता ॥  
 सो स्वरूप बरणौं क्यहि भांती । जोसुरमुनिके दृष्टिन आती ॥  
 उपमा रहित कहै श्रुति जाको । बरणौरूप कौन विधिताको ॥  
 गौर रूप सब भूषण धारी । अष्टभुजी केहरि असवारी ॥  
 सबकर जलज हथ्यार समेत । दुष्ट दलन जन रक्षाहेत ॥  
 चरण कमल किमिजात बताये । मुनिमनमधुपरहत जहँछाये ॥  
 ध्यावतज्यहिहम विधिदिनसती । अपरकथा कहबोजड़ भांती ॥  
 दो० प्रगटि रमा जगमातु तव कह्योपुत्र बर मांगु ।



है अदेय तुमको सकल लखितुम्हरो अनुरागु ॥

सो० मांग्यो प्रथम गिरीश उमा शंभुपदकी भगति ।

पुनि मांग्यो लचिशीश तुमसमान पाऊंसुता ॥

एव मस्तु बोली जग माई । तुम्हरी सुता होव हम आई ॥  
 म्वहिं समान नहिं शिवपरराखी । अंतर्द्वान भई असभाषी ॥  
 है प्रदोष ब्रत सब ब्रत राऊ । लखी रमा यह जासु प्रभाऊ ॥  
 तेहिपर कृष्णपक्ष शनिवारा । करत ब्रतीको अति सुखकारा ॥  
 कह्यो रमा यह कौनि भलाई । सुता होव याची जगमाई ॥  
 कह्यो विष्णुसुनु प्रिया सयानी । जासु बुद्धि शिवचरण समानी ॥  
 सो कछु नातसों का जन राखत । चरण कमल कोर स अभिलाषत ॥  
 जिमि नित दरशन लै मुनिराया । बुद्धिमान स्वइ करत उपाया ॥  
 इमिहिं विचारि हिमंचल राई । जो मम सुता होय जगमाई ॥  
 बालापन निज गोद खिलाउब । चरण कमल निज हृदय लगाउब ॥  
 श्रवत जिताहि अपर नहिं वरई । तेहि हित हित मोहिं सन शिव करई ॥  
 अिहो धन्य मम भाग्य बड़ाई । जेहि घर शंकर होहिं जमाई ॥  
 हरि विधि जाहि ध्यान धरि ध्यावै । ध्यानहुं में नहिं दरशन पावै ॥  
 तासु चरण पूंजब भरि हाथा । असु तेहि वारि चढ़ाउब माथा ॥  
 कह्यो रमा गिरि बहुत मतोना । अस उपाय जो धित धरि कीना ॥  
 तब धरि ध्यान शंभु बनवारी । कहन लग्यो परकथा विचारी ॥

दो० देवर अंतर्द्वान भै जब गिरिको जगमाय ।

गिरि मन मैना उदरमें बास कियो तब जाय ॥

सो० है बड़ अचरज तात आउब उदरहिं ईश्वरी ।

प्रभा तासु विलसात सो आवत कब उदर में ॥

दोहृद रूप भयो गिरि घरनी । बढी प्रभा जनु कोटिन तरनी ॥  
 रहित पाप सब भा संसारा । परवत भये सकल मनियारा ॥  
 अमल नदी पय सरिस सोहाई । त्रिविधि बयारि बहै सुखदाई ॥  
 सफल फूल सब तरुवर सोहे । काल अकाल न एकहु जोहे ॥  
 जीवन सकल तजा सब बैरा । मोर सांप मंजारी पैरा ॥  
 महिष अश्व असु केहरि हाथी । लवा बाज सबमे इक साथी ॥



मैना गर्भ जानि जग माता । रहत हिमंचल अति हरषाता ॥  
 बार बार मैना मुख जोहत । गिरिभभाग्यलवि सुरपतिमोहत ॥  
 सुख युत इमि बोले नव मासा । दशम मास भा मातु प्रकासा ॥  
 ऋतु वसंत मधु मास पुनीता । सुखदकाल बहु उष्णनशीता ॥  
 नौमी तिथि सितपक्ष अनूपा । मृगनक्षत्र असु दिनद्विजभूपा ॥  
 अर्द्ध निशा शशि उदय सुहावा । जन्मि मातु सब जगहरषावा ॥  
 नभ में दासिनि सम दमकानी । मैना पुर भै प्रकट भवानी ॥  
 अष्ट भुजी सब आयुष लीन्हें । नृप शिंजार विभूषण कीन्हें ॥  
 शशि बदनी शशि बाललिलारे । भरुम त्रिपुंड्र स्वमाथ सँवारे ॥  
 तीन नेत्र गुचि रवि शशिमाना । दासहिं वितै देत सुखनाना ॥

दो० अरुणकमलसमपददोऊतरवाजिमिरविबाल ।

सुरमुनिजाको ध्यानधरि बोरीहोतनिहाल ॥

सो० सुरयुत विधिभगवानप्रकटिजानिजगमातुको ।

आयेसब गिरिथान करि प्रणाम अस्तुतिकरत ॥

छन्द

जय जगमाता जय सुखदाता । जयशिवकामिनतुमबहुनामिन ॥  
 जय शिवनारी जग सुखकारी । तवपद ध्यावत सबसुखपावत ॥  
 हम तव दासा मनक्रमभासा । करि अतिदाया हरुनिज माया ॥  
 मागत वागे युग कर जोरी । दे निज भक्ती जो सुख युक्ती ॥

दो० सुनि वितती सब सुरनकी एवमस्तु कहिदेवि ।

सुरनविदाकरिगिरिभसन बोलत भैसुरसेवि ।

सो० करितपतुमसुखखानिकन्यामांग्योमोहिंसम ।

करिनिज वरकीकानि हौंप्रकटी तवभवनमें ॥

अस कहि द्वै कन्या जग माई । मनुजसता सम रोयसुनाई ॥  
 धन्य धन्य मैना मुनि धन्या । भईमातु जगजिहि घरकन्या ॥  
 आदि अनादि सदाअविनाशिन । पराचीनअविमुक्तिनिवासिन ॥  
 अर्वा चीन जाहि श्रुति गाई । सो लीला वश सुता कहाई ॥  
 सुता जन्म जाना सब काहू । गिरिपुर सुरपुर भग्योउछाहू ॥  
 गायक गंधर्व गावत गीता । अप्सरगण नाचहिं करिप्रीता ॥



कोउताली कोउढोल बजावत । कोउ मृदंगपर ताल लगावत ॥  
 वीण सितार भेरि सहनाई । सकल बजाय सुमंगल गाई ॥  
 बरषै फूल सकल सुर फूले । नभपर छाये रहे घर भूले ॥  
 देत हिमंचल दान विशाला । भूषण बसन रतनमणिमाला ॥  
 जो पावत सो परहि बहावत । स्वमनरुचितपुनिदूनरपावत ॥  
 एकसे एक लहे अस दीन्हें । दानी याचक परत न चीन्हें ॥  
 जातकर्म कीन्हों गिरिराई । मणिगण भूषण बहुरि लुटाई ॥  
 पांचदिवस बीते यहि सुखमा । दुख असकुदिनपरेबहुदुखमा ॥  
 छठयें दिवस छठी क्रमजानी । उत्सव अधिककीनगिरिरानी ॥  
 बाजत नभ अस नगरनिशाना । घरघर अधिक मोद उमड़ाना ॥  
 सजत बधाई घर घर नारी । मंगल वस्तु लेत भरि थारी ॥  
 मैना करि अस्नान सुहाई । रतन जटित चौकी धरवाई ॥

दो० तेहिपर बैठि शिंगार नृप रवि भूषण सजवाय ।  
 सुता गोदलै मोद युत बहु धन दीन लुटाय ॥  
 सो० हय गज धेनु मंगाय सहित अलंकृत दान करि ।  
 पट भूषण पहिराय विदा करत याचक सकल ॥

आवत पुरतिय सहित बधाई । रोचन सुता शीशपर लाई ॥  
 गावत मंगल गीत मनोहर । उत्सवसहित सुनावत सोहर ॥  
 जो मांगत सोइ पावत सोई । देत गिरीशहि अतिसुख होई ॥  
 उयोतिषशास्त्र धरे मुनि रूपा । आवत भयो भवनगिरि भूपा ॥  
 धरयोनामतेहि हृदय विचारी । उमा शिवा अस शैलकुमारी ॥  
 गिरिजा पारवती भुवनेशी । महा कालिका मातु महेशी ॥  
 यहिविधि उत्सवभयो अनेका । समस्थनहिंकोउसबकहिवेका ॥  
 थकतकहतज्वइश्रुतिविधिषेया । परकी कौन करै तहँ लेषा ॥  
 बार बार निज भाग्य मनावत । लैगोदी गिरि अति दुलरावत ॥  
 कबहुं चूमि तरवा मुंहलावत । कबहुं सू घिशिरातिसुखपावत ॥  
 किल किलाय कबहुं जगमाई । लपटि जात गिरिके उरजाई ॥  
 सकल काज तजिगे गिरिराई । निशिदिनलिहेरहत जगमाई ॥



छन्दसवैया ॥

पयके पिआवन हेत कबौं जब मैं नहुं लेत गिरीश से मांगी ।  
 ज्यों मणित्यागि अही पदुखीति मिहो तगिरीश भवानिक त्यागी ॥  
 लागै न वेर लखै द्रुत फेरि दुलारिके राखत गोद सभागी ।  
 देखोरमा तेहि भागिसमाको जो है परज्योतिसोयो अनुरागी ॥  
 बारहि बार दुलारि उलारि गिरीश तिया निज गोद भरै ।  
 आनंद कन्द विलोकिकै आनन प्यावत पय अति मोदकरै ॥  
 आपनि भाग्य मनाय महा जगदीश मनायकै पायँ परै ।  
 देखोरमा तेहि भाग्य समाको जो है पर ज्योतिविनोदकरै ॥

दो० प्रिये वत्स कहि वत्सप्रिय दुलरावत हिमि तात ।

कबहुं करत जगमातु सुधि जो भ दाबिरहि जात ॥

सो० पुनि माया जगमात डारि देत निज तातपर ।

मानि सुताकर नात दुलरावत कहि वत्सप्रिय ॥

कबहुं चेति शिशु खेल भवानी । रोवत चितकरि अति हिमलानी ॥  
 दम्पति दुखी होत तेहि देखी । सुर मनाय करि दान विशेषी ॥  
 दीठि झरावत चतुर बोलाई । कहत साम्बशिव होउ सहाई ॥  
 जब हँसि देत सुता हरषाई । सुखी होत दम्पति अधिकाई ॥  
 इमि कछु दिन बीते मुनि ज्ञानी । चलन बकैयां लागि भवानी ॥  
 गितु गोदोते उतरि महेशी । जननिहिं निरखि चलत अति वेशी ॥  
 दौरि मातु उर लेत लगाई । मुख चुम्बत अति शय दुलराई ॥  
 कबहुं निरखि पितु करि किलकारी । कनियां हित कर देत पसारी ॥  
 झपाट उठाय लेत गिरिराई । शिरसूँघत अति हृदय लगाई ॥  
 गिरि अति भाग्यवन्त कधि जाता । जेहि घर सुता भई जग माता ॥  
 जासु रूप नहिं वेद बतावत । सो प्रत्यक्ष गिरिवर दुलरावत ॥  
 पांचवर्ष बीते गिरि वारी । शिशुपनत जिपुनि भई कुमारी ॥  
 खेलन लागि सखिनके साथी । लखिलखि दम्पति होत सनाथी ॥  
 कंदुकादि सब खेल भवानी । खेलत महा मुदित हरषानी ॥  
 विद्या पढ़न लागि जगमाई । शीघ्र बहुत विद्या सब पाई ॥  
 श्रुतिजननी ज्यहि अंश जवानी । पढ़व तासु लीला अनुमानी ॥



दो० खेलत गुड़िया मुदितमन सखिनसहित जगमात ।  
गिरिमैना तेहि खेललखि अतिशय मन हरपात ॥

सो० खेलत खेल अनंत तासु खेलको कहि सकै ।

उत्पति पालन अंत जासु खेल अतिगावहीं ॥

विधिपतिनीकोध्यायभाषौ गिरिजा शिवसुयश ।

देवी करै सहाय सुभग ग्रंथ पूरण बनै ॥

सब सुर बिष्णुविरंचि दिगेशा । गिरि पुर आवत धरिगिरिवेशा ॥

सनमानत तेहिगिरि सुरजानी । जात स्वधरकरि दरशभवानी ॥

एक दिवस नारद कर बीना । हरि गुणगावत बहु लवलीना ॥

करि लालसा दरश जग माई । गयो हिमंचल पुर मुनि राई ॥

देखि हिमंचल नारद आवत । कीन्हप्रणाम सोमाथलचावत ॥

कनक सिंहासन पर बैठाई । पद पखारि निज शीशचढ़ाई ॥

असतेहिजलसौंभवनसिंचावा । सुतन बुलाय प्रणाम करावा ॥

तेहि पाछे जगमातु बुलाई । मुनि पद मेलि कह्योगिरिराई ॥

यद्यपिसतसुतमुहिंबिधिदीन्हा । तदपि सुतादै हर्षित कीन्हा ॥

जानि परत मुहियहमुनिराई । यहिते मम कुल परमसुहाई ॥

करि करुणा याको कर देखी । गुण अवगुण सबकहौबिसेखी ॥

तबमुनिलखिगिरिजाकरहाथा । अचरज बहुत करीमुनि नाथा ॥

सकलभागिविधि बलसेभिन्ना । अरुआयुरतेहिलखी अछिन्ना ॥

अविनाशिनिसर्वापरिभाशिनि । भव भवबिभवपराभवकाशिनि ॥

कह्यो हिमंचल सन मुनिराई । सब प्रकार गिरिजा सुख दाई ॥

भाग्यवती अतिशय तवकन्या । यहिते तव कुल है है धन्या ॥

परयक रेख परी कर माहीं । हवै सत्य तहँ संशय नाहीं ॥

अगुण अगेह दिगम्बर योगी । याको कंत मिलै बिष भोगी ॥

तेहिपतिवरियहहरषबिसेखी । सासु ससुर सपन्योंनहिं देखी ॥

दो० सुनि नारद के वचन गिरि दम्पति भयो अचेत ।

मुख सूरयो नैनक बह्यो बोल्योकृष्ण न श्वेत ॥

सो० धरि धीरज गिरि नारि समुझिसह्य नारद वचन ।

सुता सनेह विचारि नारद के पगु में परयो ॥



नाथ कह्यो लक्षण जोइ जोई । संशय हीन सत्यसब होई ॥  
 परमुहिं समुझिपरयो कछुनाहीं । किमि सुखहोय अंसपतिपाहीं ॥  
 प्रथम सुता विधि कह्यो अदागी । मुनितेहिपतिकोकह्योअभागी ॥  
 दुइ किलसै यक भवन कपाला । अष्ट भुजी अरु अष्टकपाला ॥  
 काग मराल चलै किमि साथू । यहसंदेह मोहिं मुनि नाथ ॥  
 सो करि कृपा नाथ सबभाषौ । दास जानिकर गोयनराखौ ॥  
 अरु गिरिजा पर करिमुनिदाया । करि विचार सो कहौउपाया ॥  
 जस है भाग्यवती मम कन्या । तैसहि बरलहि होयसुवन्या ॥  
 तब मुनि कह्यो परी जस रेखा । कोटि उपाय न कूटत देखा ॥  
 पर अब हमरे असमति आई । सो सुनिये मैना गिरि राई ॥  
 जस वरन्यो गिरिजा बर बेषा । तसहमसबशंकर महँ देखा ॥  
 परको होत अमंगल जोई । मंगल लखौ शंभु महँसोई ॥  
 मंगल गहब मनुज व्योहारा । तेहिते शंभु अमंगल धारा ॥  
 परब्रह्म शिव अगुन अगेही । चारुयो विष बनिदेव सनेही ॥  
 दिशा वस्त्र धारयो त्रिपुरारी । दासन देत पटम्बर भारी ॥  
 अहि भूषण पहिरत वृषभासन । कौरुभादिमणिदैनिजशासन ॥  
 दो० करै सुता जो तोरि तप रीझै जो त्रिपुरारि ।  
 बरै शिवाको शंभुतब सबदुख देवै जारि ॥  
 सो० जो बरन्यो हम दोष गिरिजावरमें रेखलषि ।  
 सो गुणहोवै चोष जोकदाचि शिव सों बरै ॥  
 मथत सिंधु निकरयो विषभारी । रहे सकलसुरविधि बनवारी ॥  
 कोउन भो समरथ तेहि माहीं । लेय बचाय जरत सुरकाहीं ॥  
 तब विचियायशरण शिव ताका । शरणा गत रक्षक शिवसाका ॥  
 तुरत प्रगटि चारुयो विषभारी । लीन बचाय सुरा सुर झारी ॥  
 यह शिवकी नहिं नेकपरिच्छा । विषअरुअमीप्रकटजेहिइच्छा ॥  
 सुमिरण जासुसकल दुखहारी । रमा सहित जेहिजपतमुरारी ॥  
 करैजु तप तव सुता सयानी । होय प्रसन्न शंभु बर दानी ॥  
 जो कदाचि विधि परसेव्याहा । लिखाहोय पर सुनुगिरिनाहा ॥  
 तौ विधिलिखामेदिशिवस्वामी । गिरिजाव्याहकरै वृष गामी ॥



विष्णु विरंचि आदि सब लेखा । मेटिन सकत कर्म को रेखा ॥  
 तेहि शिव मेटि करै बहु बारी । रंकसे भूप भूप भिषियारी ॥  
 अस कहि बिदा भये मुनिनाथा । चले कहत शंकर गुण गाथा ॥

दो० तहँ प्रमाण तुलसी लिखा जो भागवत अकाम ।

तुलसी रेखा कर्म को मेटि सकै नहिं राम ॥  
 पुनि अस भाष्यो ज्ञान पसारी । भावी मेटि सकै त्रिपुरारी ॥  
 असो लखत न जो शिव ध्यावै । सो पुरुष खरमान कहावै ॥  
 नारद गया बिदा है जबहीं । मैना कह गिरिवर सों तबहीं ॥  
 नाथ भरोस तजौ मुनि बचना । तजि विचारकर कारज अपना ॥  
 घरवर जहां होय सब लायक । गिरिजा व्याह करौ गिरिनायक ॥  
 ऐसे करब कहा गिरि राई । दैवहु बोध प्रिया समझाई ॥  
 इमि जब बीति गयो कछु काला । बय वपुधारयो गिरिवर बाला ॥  
 भीतर रहन लागि गुरु लाजा । सखिन साथ सीखत घरकाजा ॥  
 व्याह योगलखि सुतासयानी । गिरिसों कहत भई गिरि रानी ॥  
 घरवर जहां होय सब लायक । सुता विवाह करौ गिरिनायक ॥  
 एक दिवस भोरहि जगमाई । निज जननी सों कह शिरनाई ॥  
 मातु स्वप्न देख्यो मैं राती । तबसे चित हरष्यो बहुभांती ॥  
 एक विप्रवर गौर स्वरूपा । अति सुन्दर सब भांति अनूपा ॥  
 माथे सुभग त्रिपुंड बनाये । श्वेत भस्म सब अंग लगाये ॥  
 मुहिं उपदेश कीत सो आई । कसन करौ गिरिजा तप जाई ॥  
 तपसे वृद्धि तेजकी होवै । दुख दरिद्र सबको तप खोवै ॥  
 तपसे भाग्य बढ़ै अधिकारी । तपसे कृपा करै त्रिपुरारी ॥  
 तपसे जो रीझै शशि भाली । देय मिटाय रेख दुख वाली ॥

दो० तिहिते मुहिं आयसु जननि पितुसों देहु दिवाय ।

करौं जायतप विपिनमें सब दुख जायन शाय ॥

सो० सुनि नारद के बैन जो भाष्यो कर देखिकै ।

चितमें होत न चैन जानिसत्य मुनिवर बचन ।

सब मैना हिम वान बुलाई । सुता स्वप्न सब कह्यो सुनाई ॥  
 सुनि हरषान बहुत गिरि राई । मैना सों कह वृत्त बुझाई ॥



रह्यो यही मोरचो चित माहीं । सुना सनेह कहत प्रियताहीं ॥  
 अस कहि विरलभयोगिरिराई । मनिके रजतफनिकजिमिगाई ॥  
 मै नहुं विरल भई बहु भांती । लगी जरन दम्पति कीछाती ॥  
 पुनि धीरज धरि सुता बुलाई । आशिष दे बहुभांति सिखाई ॥  
 घर तपकरौ जोरि सब सामा । नकरु अनाथ मातुपितुग्रामा ॥  
 बन कलेश बहुभांति विचारी । लहत बोधनहिं हृदयहमारी ॥  
 गिरिजा कहपितु मातु सुनाई । बिनकलेशनहिंसु वञ्चुतिगाई ॥  
 होय नमोहिं तपकरत कलेशू । लखि परिणामहरषसुखवेशू ॥  
 शिष आशिष दीजैपितु माता । जिमि होवै मंगल बनजाता ॥  
 अस कहिपितुपद गह्योभवानी । अरुप्रणाम जननी पद ठानी ॥  
 असुदै बोधसकल निज भूता । सखिन समेत चलीजगमाता ॥  
 शिवा रूप किमिकहौं बखानी । नहिं दूतजियहिउपमाआनी ॥  
 गज वृष सिंह मृगा पशुजानी । उपमा तासुन मन ठहरानी ॥  
 रम्भा कंज प्रवाल अनारा । श्रीफल अंब जानि जड़सारा ॥  
 शुक पिकखंजहंस लखिपक्षी । उपमा तासुलग्यो नहिंअच्छी ॥  
 शशि कोबंधु गरल को जानी । दिनमलीनलखिमतिसकुचानी ॥

दो० लखिआदरशितबालरवि मृगमन आमिष जानि ।

तिहि उपमा जगमातुकी कहत बुद्धि सकुचानि ॥

सो० सरपिनलखिविषखानिरतिकेपतिकेतननहीं ।

उपमा मनहिं न मानिहै अनूदगिरि नंदनी ॥

चंचल रमा न ठहरत कवहू । भागिअभागिलखतजगसबहू ॥  
 निशि दिनबकत रहै विधिरानी । इनउपमा नहिं योग्यभवानी ॥  
 कबिमय सुधा बनै कविजाई । परम रूपहै कच्छप आई ॥  
 रज्जु रूप शोभा धरि आवै । अरु शृंगार मंदर तन पावै ॥  
 अरु पुनिरतिप मयैनिजपानी । उपजै रमा तहां गुण खानी ॥  
 सकुचि कहत कविमान भवानी । जहां अतरु तहँ रेंडप्रधानी ॥  
 जब घरछांड़ि चलीवन माता । भये अचेत मातुपितु भूता ॥  
 भये सकलगिरि मणि द्युतिहीना । भवन बसेर भूत जनुकीना ॥  
 शुक सारिक जो शिवा जियाई । मणिमयपिंजरनराखि पढ़ाई ॥



तिन सब रोय कहैं दुखबानी । जियव कौन भल बिनाभवानी ॥  
 पशु की दशा जहां असगई । मातु पितागति किमिकहिजाई ॥  
 हिमिमैनातजि जीवनआसा । हाय हाय कहि लेत उसासा ॥  
 वेद गिरा मुनि तबतहँआये । प्रेरनकरि जन मातु पठाये ॥  
 कहि तिनकथा महेशभवानी । समुझायो गिरिवर गिरि रानी ॥  
 बोधितभेलखिसुखपरिनामा । जानेहुं सुतहि सत्य सुखधामा ॥  
 वहां शिवा पहुँचो वनमाहीं । धूलित कीन भरुन तनमाहीं ॥  
 अस त्रिगुणद्वैतवेदविधाना । वेदो बनै कीन तहँ थाना ॥  
 अंग अंग सदाक्ष बनाई । जनु प्रत्यक्ष तप तनुधरि आई ॥  
 करनलगी तप शंभु भवानी । तपन रीति जिमि वेद बखानी ॥  
 करतपाठ श्रुतिसारत्रिकाला । जपत मंत्र सरवर्न विशाला ॥

दे० मंत्रन पर सरवर्न सम गावत वेद पुरान ।

जेहिउर नितसो मनुलसै तिहिसमधन्यनआन ॥

सो० ब्रह्मा इंद्र मुगारि जपत जाहि नित इष्ट करि ।

वोरी कहत पुकारि जपौ याहि जो सुख चहौ ॥

यहिविधिगिरिजातपतसुवनमा । धरे ध्यान शिव शंकरमनमा ॥  
 अब मुनीश सुनियेपरगाथा । चरित कीन जोइ शंकर नाथा ॥  
 जबते सती कीन तनभंगा । तबते शिव मनभयो अचंगा ॥  
 जानिसती निजभक्त अनन्ना । विरहवंत निज मनकरि खिन्ना ॥  
 सतीविरह जगफिरतअकेले । कबहुं न जात देवमुनि मेले ॥  
 सुमिरतजाहिमिटतदुखसारो । तिहि दुख यह लीलाअनुसारो ॥  
 यहिविधिफिरे शंभुसबदेशा । कीन्हे चरित विकल को भेशा ॥  
 कबहुं जावनहिं अबकैलासा । बिन सति लगिहै बहुतउदासा ॥  
 असकहिनिजमनमंत्रविचारी । चाहत कीन चरित्र पुरारी ॥  
 गयो तुरंत शंभु हिमि गिष्टा । जो अति पावन ठौर वरिष्टा ॥  
 बटतर बैठि तहां त्रिपुरारी । निज स्वरूप को ध्यानसम्हारी ॥  
 लीन चढ़ाय श्वास ब्रह्मण्डा । लागि समाधि अनूप अखंडा ॥  
 तिहिअवसर तारकबलधारी । दीन निकारि देव मुनि झारी ॥  
 है निज इंद्र बैठि इंद्रासन । अपर सुरन पदलै दै दासन ॥



रहै तासुबध शिवसुत हाथा । दीन रहै वर तिहि विधिनाथा ॥  
सुरसबधिकलफिरतवनमाहीं । मखहु भाग पावत सुर नाहीं ॥

दो० तब सब सुर विधिपहँ गये कोन्ह्यों त्राहिपुकार ।

हाथ जोरि बिनती कियो राखु राखु करतार ॥

सो० तुम विधि देव सहाय किहि कारण अब भूलेहू ।

तारक असुर बनाय सुरन सितम बिच डारहू ॥

रच्यो तासुबध शिवसुतहाथा । सो लखि परत असम्भव नाथा ॥

सती दक्ष मखमें तनत्वागा । शिवमर तबसे भयो बिरागा ॥

पुनि अवतरी देव दुखजानी । जाय हिमंचल गेह भवानी ॥

सो सुर हेत जाय तप ठानी । बैठि समाधि शंभु निरवानी ॥

लखि तप मातु देवभेचासी । अब निराश सबके मनभासी ॥

शंभुसमाधि अखण्डअमाई । किहि विधि है है देव रिहाई ॥

तबविधिकह्यो धरौसुतधीरा । सब विधिहरी शंभु शिव पीरा ॥

यदपिसमाधि सदाशिव धा । तदपि करी सब काज तुम्हारा ॥

शिवशिवजपौधगैशिवध्याना । करिहि सदाशिव सबकल्याना ॥

करहु पारथी पूजन तासू । तिहिते तुष्टहोय शिव आसू ॥

जाहु भवन नहिं बेरलगावहु । पठै काम शंकरहि जगावहु ॥

करै क्षोभ शंकर मनमारु । तब शिव करै विवाह विचारु ॥

तब है बिदा गये सब देवा । लागे करन पारथी सेवा ॥

असु सुरेश तब कामबुलावा । बहुत भांति तिहि शीघ्र नवावा ॥

कह्यो मित्र कसकाज हमारा । देखि परत नहिं पर हितकारा ॥

मित्र वही गावत अतिचारी । जो अपदा में लेय सँभारी ॥

दो० कह्यो काम हर्षाय तब कारज कहौ सुनाय ।

करौं काहिकी भूष्ट तप क्यहि वृषदेउमिदाय ॥

सो० सुर नर नाग सुगरि इनकी है गनती कहा ।

ब्रह्मा विष्णु पुरारिइन्है जीतिनिजबश करौं ॥

कह्यो. पुरंदर तब हरषाई । तारक असुर वृत्तान्त सुनाई ॥

तेहि बरदान दीन इमिधाता । शिव सुत हाथ होय तवधाता ॥

ताते भा अस मंजस भारी । तन तजि दीन्ह्यों दक्ष कुमारी ॥



पुनिहुं मातुकरि सुरपरनेहा । जन्मी आय हिमाचल गेहा ॥  
 सो तप करत शंभुपति लागी । शिव समाधि बैठे सब त्यागी ॥  
 को अस समरथ ताहि जगावै । अस बुझाय तेहि व्याहकरावै ॥  
 तुमतिजिअपरनहै यहिलायक । तेहिते करो काज सुख दायक ॥  
 सुनिअसमनमथ कीनविचार । शिव विरोध नहिं मोर उवार ॥  
 पुनि हरषान वारिचर केतू । निजकर जानि काज सुरहेतू ॥  
 लै पुष्पायुध कर रतिकंता । सुमिरत आयो तुग्त वसंता ॥  
 अपर सैन मारु गन आई । देखि सैन अतिशय हर्षाई ॥  
 रतिपतिऋतुपतिजबयकसाथा । करयो कोपलै धनुशर हाथा ॥  
 सकलजगत तेहिके भेअनुचर । ज्ञान विराग तक्यो गिरिकंदर ॥  
 ज्ञानवान सबभे अज्ञानी । योगिन योगतजा तजि कानी ॥  
 सुरनर नाग असुर मुनि माहीं । जोन कामबश असकीउनाहीं ॥  
 काम कलामे सबजग रांचा । तजि शिव भक्तअपरनहिंवांचा ॥

छन्द यकशंभुको जन छांडि मुनिवर कामके बश सब परे ।  
 सब योगयोगिन छांडितप ब्रह्मसकलमनमनसिजहरे ॥  
 कोकहै चित चैतन्य करनी मुयहु मनभे सब हरे ।  
 जब तलक पहुंचेहु शंभुके ढिगबीच असकौतुक करे ॥

दो० कामकला शिव भक्तपर लग्यो न मुनिवर एक ।

जिमि शशिसायारबिउपरसमुझिपरतनहिंनेक ॥

सो० बरत न मुनिवरदीप जिमि अहिपति सन्मुखकबीं ।

तिमि शिव दास समीप काम कलानहिं व्यापई ॥

पहुंचि तहां निज कलाअनंगा । लीन समेटि जक्तभा चंगा ॥  
 शिव ढिगमें निज कलापसारी । ऋतु बसंत दीन्ह्यो बिस्तारी ॥  
 फूलि उठे सब तरु यक साथा । त्रिविधबयारिबही मुनिनाथा ॥  
 कोकिलादि बोलत शुभ बानी । बोली सुभग प्रेम रस सानी ॥  
 अप्सरादि नाचैं बहु गावत । ज्यहिसुनिसिद्धयोगबिसरावत ॥  
 नेकनशंभु तासु बश आवत । ऊंट न भागत सूप बजावत ॥  
 परब्रह्म शिव अकल अभोगी । जासु नाम जपिजागत योगी ॥  
 सोकिमि काम कलाबशआवै । दीप कला शठ रविहिंदिरावै ॥



देखो मुनि शठकी शठ ताई । चहत वारिपर भीति उठाई ॥  
 कउनिहुं यतन न शिव कहैं जीतत । फिरत लाजनि जमन महँ चीतत ॥  
 जब न जगे शिव तब करि कोधा । जो न लखत निज पर परयोधा ॥  
 सकल कला तब निज करि दूरी । निज मनमें तब अधिक बिसूरी ॥  
 चढ़ि रसाल तरुपर खिसियाई । पुष्पवाण कर लीन बनाई ॥  
 श्रवण प्रयंत खींवि धनु माग । अति रिसाय शंकर पर डारा ॥  
 लगत बाण जाग्यो त्रिपुरारी । समुझि मागति कोप पसारी ॥  
 करत कोप कांप्यो संसारा । खरभर सागर हट्यो पहारा ॥

दे० चहुं दिशि चितयो शंभु तब तरु पर देख्यो मार ।

तीसर नयन उधारि कै तुलत कह्यो तेहि छार ॥

सो० सुनु मुनीश अस ज्ञान अनल जानि जे कर धरहिं ।

जरै न काहि अयान पियत गरल मरि है सही ॥

जब जरि काम छार है गयऊ । हाहाकार सकल दिशि भयऊ ॥  
 भोग मलीन योग भा चंगा । सुरन शोचलखि कारज भंगा ॥  
 रति सुधि पाय मरव पतिकेरा । रोवत जाय शम्भु कहैं घेरा ॥  
 छोरि केश सब भूषण त्यागी । रोवन लगी शम्भु पद लागी ॥  
 नाथ न मम पतिकर अपराधा । सुरन पठै निज कारज साधा ॥  
 तव बिरोध जस गति श्रुति गावा । सो विधि भली मोर पति पावा ॥  
 है प्रहयक्ष सब वेदन माहीं । शिव बिरोध सुख सपन्यो नाहीं ॥  
 यद्यपि उचित भयो श्रुति वानी । तदपि नाम तव औघड़ दानी ॥  
 सांसत करि पुनिलेहु उबारी । रीति बडेन की वेद पुकारी ॥  
 त्यहिते म्वहिं अब जानि अनाथा । उचित होय सो करुण गिमाथा ॥  
 सुनि बिनती रतिके रि मुनीशा । अति संतुष्ट भये गौरीशा ॥  
 है प्रसन्न बोल्यो रति ओरा । मम करुणा जी है पति तोरा ॥  
 पर कछु काल धरो मन धीरा । जन्मी काम हरी तब पीरा ॥  
 युग द्वापर गोलोक बिहारी । मम शासन है है अवतारी ॥  
 कृष्ण नाम है है तेहि केरा । तासु तनय है है पति तेरा ॥  
 तेहिसे है है तोर मिलापू । छूटि जाय तब तब परितापू ॥

दे० अवतै तव पति तन विना करि है सब जग काज ।



तेहिते नाम अनंगहै कह्यो शम्भु महाराज ॥

सो० सुनि वरदानमहेश अतिहि हरष रतिकोभयो ।

कूट्योसुरन कलेशसुनि फिरिजियवरतीशको ॥

अस बरदै रति को त्रिपुरारी । निज गिरि मे कैलास विहारी ॥

रति बरलै अपने घर आई । देव सकलविधि पास तिधाई ॥

काम जरब रति कर वरदाना । सकलकथाविधि पास बखाना ॥

अबजेहिविधि होवैशिवव्याहा । सो उपाय करिये सुर नाहा ॥

तब विधिलै सुरकेरि समाजा । गये क्षीरनिधि जहँ महाराजा ॥

रमासहित तहँ लखिबनवारी । सकलसुरन जयजयतिपुकारी ॥

हम हैं सब के अग्र मुनीश । अस्तुतिकीनि नाय पद शीशा ॥

जयजगदीश सकल जगपावन । जय गरीब कोकट नशावन ॥

दीन दयाल कृपाल परेश । जयसुर नायक जयति रमेश ॥

देवन कष्ट परयो जब जबहीं । लिह्योउबारितुमहिंतबतबहीं ॥

सुनिविनती लखि देवदुखारी । अति कृपाल हैंकह्यो मुरारी ॥

हेविधि कौन कष्ट भा भारी । जो तुम ताक्यो शरण हमारी ॥

तब हम नाय शीश कर जोरी । कीन निवेदन बहुत निहोरी ॥

तारक असुर महा बलधारी । सो सब देवन दीन निकारी ॥

ताको बध शिव सुतके हाथा । सोलखिपरत असम्भवनाथा ॥

जबसे सती कीन तन त्यागा । तबसे शिवमन भयो विरागा ॥

दो० यदपिप्रकटिपुनिगिरिशघर तपतहेतत्रिपुरारि ।

तदपिअरुचिशिवव्याहसोंजानिपरतबनवारि ॥

सो० कोउन अस समरस्त जो समुझाय महेशको ।

बनवै पुनिहुं गृहस्त व्याह करैसुरदुखनशे ॥

सुनि अस कष्ट सुरन को भारी । अतिशयदुखितभयोबनवारी ॥

करि विचार दीन्हों मनठीका । शरणागत रक्षक शिवलीका ॥

मोहिं हवै अतिशय दृढ़ताई । शरण गये शिवकरी सहाई ॥

राखत मोर दुलार अतीवा । परब्रह्म शिवहै सुख सीवा ॥

शरण गहे पुरवत मम इच्छा । बहुत बार लैदीख परिच्छा ॥

असकहि मगन भये बनवारी । तनपुलकयो लोचनबहैवारी ॥



शिव शिवकहिपुनिधोरजकीन्हा । अमय दानसबदेवन दीन्हा ॥  
 लैविधि सुरन साथ मधु नाशी । गे कैलास जहां कैलाशी ॥  
 पृथक पृथक सब साथ नवाई । जयजयबम्बम् गिरासुनाई ॥  
 तब सब के ह्वै अग्र मुगारी । लागे अस्तुति करन सम्हारी ॥  
 जय अद्वैत अखण्ड गिरीशा । जयमनोजहर जयतिमतीशा ॥  
 जयअनादि जयजय अविनाशी । जय सुजान जयघटघटवासी ॥  
 माया तब अतिशय बलवानू । घटघट करत ज्ञान अज्ञानू ॥  
 हरि मतिदेव काममति घाली । जाग्यो ताहि वेद पथ पाली ॥  
 तुम्हैं विरोध कौन सुख पावा । दक्ष कथा सब बेदन गावा ॥  
 कामहिं लखै करै नहिं चेनू । तिहि खल लखो मूढ़ होकेतू ॥

छन्दतोटक

जय कामारी । जल विहारी ॥ जय मखहारी । जन दुखदारी ॥  
 जयअविनाशी । दयाप्रकाशी ॥ जय त्रिपुरारी । जन सुखकारी ॥  
 जय कैलासी । घटघटवासी ॥ जय परमेशा । आदि परेशा ॥  
 जयजय शंभू । सुर अवलंभू ॥ मानिले सेवा । राखिले देवा ॥

दो० सुनिविनती हरिनाथ की बोल्यो औघड़ दानि ।

मांगुमांगुमनरुचितवर मोहिंप्रसन्नअतिजानि ॥

सो० बोल्यो रमा निवास यदपिसकल तुमजानहूँ ।

तदपिजानिमोहिंदान ममरुचिकोपूछाचहत ॥

प्रथम भक्ति दीजे निज चरणा । ज्यहितेसुखदनपरश्रुतिवरणा ॥  
 पुनि सब सुरकीसाय मिटावो । करिनिज परिणयसुरहरषावो ॥  
 सबके मन अभिलाष महेशा । देखैं तोर विवाह परेशा ॥  
 यद्यपि तारक कीन दुखारी । होहिंसुखित तवव्याहतिहारी ॥  
 परम शक्ति जो सती भवानी । जोतन तज्यो दक्ष जड़ ज्ञानी ॥  
 सो औतरी हिमंचल गेहा । करि करुणा देवन पर नेहा ॥  
 सोतप करत तोहिंपति लागी । पितुगृहसकलभोगसुखत्यागी ॥  
 कीन महातप वरणि नजाई । मनो धर्यो तनतप छबिदाई ॥  
 अस तपकोउन कीन कृपाला । सुरमुनिअसुरमनुजखगव्याला ॥  
 तिहिदैबर गिरिभवन पठावो । व्याहि ताहि सब सुरहरषावो ॥



असवर देव मनोजविताशी । जो प्रसन्न मोपर सुखराशी ॥  
 एव मस्तु तब शंकर भाषा । पर भई सब सुर अभिलाषा ॥  
 कहि जय शंभु फूल सबवषे । सुनि वरदान सकल सुरहरषे ॥  
 बारम्बार शीश सब नाई । गये सुलोकन बिदा कराई ॥  
 तब शिव सुमिरयो सप्तऋषीणा । आय सकलनायो पद शीशा ॥  
 गौरवरण शिर जटा बनाये । माथे भस्म त्रिपुंड्र लगाये ॥

दो० करमाला रुद्राक्षको शिव शिव जपत सुजान ।

गिरिजामांजि जल गंगसों तेज पुंज जनु भान ॥

सो० नाय शीश कर जोरि शिव आगे टाढ़े भये ।

बड़ीभाग्य प्रभु मोरि दासजानि जो सुमिरेहू ॥

उचित होय सो देव रजाई । कारज करौ सकल हरषाई ॥  
 कह्यो शंभु सब सुनौ सभागी । गिरिजा तपत व्याहममलागी ॥  
 तिहि ढगजाहुताहि भटकावहु । लेहु परीक्षा पुनि फिरि आवहु ॥  
 सुनि असविदा सप्तऋषिभयऊ । जहां तपत गिरिजा तहँ गयऊ ॥  
 गिरिजा देखि सप्तऋषिकाहीं । कीन दण्डवत तिनपद माहीं ॥  
 तिनहुं मनहिं मनकीन प्रणामा । जानि जगत जननी भव भामा ॥  
 ऊपर आशिर दीन्ह विशेषी । जायनिकट तिहिकी तपदेखी ॥  
 पूंछ्यो किहिकारण तपकरहू । किहि अवराधहु का उरधारहू ॥  
 गिरिजा कह्यो सुनौ मुनिराई । हँसिहौ मोरि सुनत जड़ताई ॥  
 भूमिपरी करकहौ अकासा । चहत उड़ा बिनपंख वतासा ॥  
 चहत अजम्भव सम्भव कीन्हा । वारिपभीति करन चितदीन्हा ॥  
 जो परब्रह्म अतीश अभेदा । जासु चरित नहिं जानत वेदा ॥  
 सो शिवभा कैलास विहारी । रमासहित ज्यहि जपत मुरारी ॥  
 तासुसंग हम चहत विवाहा । यह प्रणहै हमरो मुनि नाहा ॥  
 सुनत हँसे बहु सप्त ऋषीणा । हौ आखिर तौ सुता गिरीणा ॥  
 कोदौ डारन धान विशेषी । जड़के होत जड़ै हम देखी ॥

दो० यदपि पिता तब बुद्धिघर तद्यपि अहै पषान ।

तासु सुता किमि नहिं चहै संगति भूतसमान ॥

सो० जो विधि तुम्हें बनाय लह्यो बड़ाई जक्तमें ।



सो किमिगयो भुलाय बुद्धि बनावत रूपसभ ॥

योगी जटिल दिगम्बरठ्याली । अगुण अरूप अगेह कपाली ॥  
 रहत प्रेत संग भूत लगाये । मातु पिता त्वहि वेदन गाये ॥  
 दानदेत नहिं करत बिबेका । करत काम धरि निजमन टेका ॥  
 नहिं काहूकी लेत सलाहा । चिंतत नहीं रंक अरु नाहा ॥  
 जो कोउ ताली गाल बजावै । ताको संग बहुत त्वहि भावै ॥  
 खात भांग अरु जहर धतूरा । निशिदिन बनये रहत सरूरा ॥  
 असबरपाय कौनसुखकरिहौ । घोटत भांग जन्मभरि मरिहौ ॥  
 अस तुम रूप अनूपम पाई । वृथा करन हितको बौराई ॥  
 जानिपरत नारद मुनि आये । तेहिसिखउबसोहिंपरतजनाये ॥  
 जो मानत नारद उपदेशा । तासु भवन छूटत अरु देशा ॥  
 लखि यहतुम्हरोरूपअनूपम । अरुअसबुधिलखियतशोचतहम ॥  
 तुम्हैं योगहैं रमा निवासा । पुर वैकुण्ठ करत जो बासा ॥  
 जाके कंचन महल सोहाई । रूप अनूपम जात न गार्डै ॥  
 ताको रूप सकल मन भावन । जलजबदनशशिकामलजावन ॥  
 मणियुत भूषण बसन विराजै । माथे मुकुट देखि रवि लाजै ॥  
 कौस्तुभाक्षिमणि ज्यहिकेमाला । सुरन शीशमणि अरुजगपाला ॥

दे।० तेहिहितकरतिउ तपसरम तबजानित बुधिमान ।

अजहु खैर लखु सांझ जो आवै भोर भुलान ॥

सो० जो मानहु ममबैन तौ हमसाधै गयन सब ।

करौ सकल सुख चैन ब्याहि विष्णु वैकुण्ठमें ॥

सुनत महा रिस कीन भवानी । लखितुममुनिहमबहुतभुलानी ॥  
 तनसउजनमन कपटन चीन्हा । वृथाबात तुमसन हमकीन्हा ॥  
 जो द्विज शिवनिन्दकमुनिराई । तेहितेश्रुतिकह भलो कसाई ॥  
 तुम्हैं लखतभा पाप अतीवा । तुम शिवनिन्दकहौ जड़जीवा ॥  
 भयो तपस्या अबमम खंडित । करितिश्चयभाषतश्रुतिपंडित ॥  
 संचित पुण्य रहत नहिं रोकी । शिवनिन्दककरबदनबिलोकी ॥  
 पुनि निस्तार कीन श्रुतिचारी । निन्दक रसना लेय उखारी ॥  
 द्विजौ होय शिव निन्दक जोई । तेहिके हते पाप नहिं होई ॥



जो नहिं पौरुष आपन सरई । कात मूं दि तेहि ढिगते टरई ॥  
 तेहितेतुममोहिं बहुदुखदीन्हा । तपमें आव विघनतुम कीन्हा ॥  
 अस रिसहोय देउं तोहिं जारी । आपानल निज तेज प्रचारी ॥  
 पुनिलविद्विजतनकीनक्षमापन । भयोपिलंब धोमग आपन ॥  
 जो तुम शिवमें दोष गनावा । सो गुणचोपहृदयममभावा ॥  
 तुम ह्यहि अर्थ न जानत मूढ़ा । बाणीनिगमअगम अतिगूढ़ा ॥  
 दो० घट घट जाको बासहै ताहि अगेही नाम ।

पट भूषण मणि सोनमयसजब रूपनरकाम ॥

सो० निरगुण ब्रह्म अपेद निज इच्छित सरगुण भयो ।

उपहि गुणभावतवेद निरगुण अकलअनीह कहि ॥  
 निजहिभयोपुनि निज रहिजाई । तेहिके तातमात किमिगाई ॥  
 विधि हरि याहि बनायो जोई । तेहिके तातमात किमिहोई ॥  
 हरिगुण रूप बखान्यो जोई । सो सब सत्य झूठनहिं होई ॥  
 पर बुध कहत विवेकहि साजी । नीब कीटनीबहि सौं राजी ॥  
 यद्यपि विष्णु सकल गुण धामा । शंकर अगुण अरूप अनामा ॥  
 तदपि जन्म हारिउं शिवसाथा । को गुण दोषलखै मुनिनाथा ॥  
 कोटि जन्मलगि असहठधरहूँ । रहौं कुमारिकिशिवसनबरहूँ ॥  
 अब तुम तुरत यहांसे जावो । पुनिनिजवचननमोहिंसुनावो ।  
 सुनि अस हर्षित सप्तऋषीणा । बोलिउठे जय उमा गिरीणा ॥  
 तुम जग जननि शंभुजगताता । जयजयसकल जकपितुमाता ॥  
 काहेन अस प्रण करौभवानी । जन्म जन्म तुम शंकर रानी ॥  
 पराचीन तुम शंभु बिहारिनि । अर्वाचीनसकल सुख कारिनि ॥  
 अस कहि विदा भये हरपाई । शंकर ढिग पहुंचे सब जाई ॥  
 कहि जयशंभु माथ सब नाई । विस्तर युत गिरिजा वृतगाई ॥  
 असतप कोउनकीन प्रभुआना । अबहै उचितदेव वर दाना ॥  
 असकहि विदा शंभु सन पाई । कहि जय शंभुगये मुनि राई ॥

दो० तबमन हर्षितहैबहुत वृषपर चढ़ि वृषयान ।

गिरिजा ढिग पहुंचे तुरत देन हेत वरदान ॥

सो० तब करुणा करि भूरि कहु गिरिजे गिरिजा रमण ।



भयो तोरितप पूरि मांगु मांगु मन रुचित बर ॥  
 सुनत शंभु बानी गिरि कन्या । आपनिभाग्यलख्यो अतिधन्या ॥  
 तपत भयो अति खिन्न शरीरा । सो भै रुष्ट पुष्ट गै पीरा ॥  
 सखिनसहितसोइ परतलखाई । मानहुं तुरत भवन ते आई ॥  
 हाथ जोरि महि माथ लचाई । शंकर रूप लखत हरषाई ॥  
 सो स्वरूप कछु कहौं सम्हारी । सकल कहत श्रुति मानतहारी ॥  
 पांच बदन शिर जटा बनाये । गंग धार तहँ अधिक सोहाये ॥  
 भस्म त्रिपुंड्र श्वेत शिव माथा । शोभित तहांवाल निशिनाथा ॥  
 तीन नेत्र अरविंद समाना । अरु शशि भानु अग्नि अनुमाना ॥  
 रचत सृष्टि ज्यहि दृष्टि पसारी । दाहिन रच्यो ब्रह्म रजधारी ॥  
 पालत जग ज्यहिते सोइ वामा । तिहिते विष्णु सतोगुण धामा ॥  
 करत महा लय मध्य उधारी । तिहिते महा काल तमधारी ॥  
 सुभग कान अति सुन्दर सोहत । अहिकुंडल अति शयमन मोहत ॥  
 गौर बदन करपर लजावै । कुंद इंदु नहिं समता पावै ॥  
 भ्रुकुटी कौश कामकी गाई । गुहनाशा तहँ अधिक सुहाई ॥  
 सुमद प्रबाल लाल लव हरई । बीज अनारहि रद रद करई ॥  
 सुभग कपोल शंख छविहारी । चिबुक सोहावनि अति सुखकारी ॥  
 दो० कम्बु कंठ शुचि रेखतहँ वृषभ कंध दशबांह ।  
 भूषण मणियुत व्यालतहँ पहिरे गिरिजानाह ॥  
 सो० शूलादिक हथियार दश लीन्हे दश हाथमे ।  
 डागत दुष्टहि मार रक्षाकरि निज दासकी ॥  
 नाग यज्ञ उपवीत सोहावा । तहँ रुद्राक्ष मालमन भावा ॥  
 उरु विशाल न सो कहि जाई । त्रिवलित उदर महा सुखदाई ॥  
 नाभी गहिरि वरणि नहिं जाई । कटिके हरि तहँ अति सुखदाई ॥  
 चरम गजा सुर अधिक सुहाई । अरु शार्दूल चर्म सुखदाई ॥  
 दिशा वस्त्र तिहिको श्रुति गावा । है अथाह तिहिकेर बनावा ॥  
 रम्भा खम्भा जांघ सुहाई । गुलुफ गोल नहिं जात बताई ॥  
 चरण जलज कहि जात न शोभा । मुनिमन मधुप रहत जहँ लोभा ॥  
 सुमिरत जाहि मिटत दुख भारी । धरत ध्यान ज्यहिविधि बनवारी ॥



शिवपद होय जाहिमन वासी । भुक्तिमुक्ति ज्यहिकी मुनिदासी ॥  
 रमाभागि तिहिकीबडि जगमा । धात ध्यान जोइ शंकर पगमा ॥  
 असकहि मगन भयो बनवारी । मूँ दिनयनशिव ध्यानसम्हारी ॥  
 पुनिशिवशिवकहिनयनउवारी । कहनलख्यो शिवरुथा उदारी ॥  
 दम्भहुसहित जोशिवपदध्यावै । इतसुख भोगि मुक्तिउतपावै ॥  
 तरवा अरुण नजात बताई । कोटिबालरवि का छबिछाई ॥  
 नखद्युतिजलजदलनजनुमोती । सुमिरत दृष्टिदय महँहोती ॥  
 इमि शिवरूप देखि जगमाई । करिप्रणाम पुनि अस्तुतिगाई ॥  
 जयजगपवन सकलसुहावन । जयति भक्त कोकट नशावन ॥  
 जयविधिविष्णुसकलपुस्वामी । जय परब्रह्म सकल घटगामी ॥

दो० इमि अस्तुतिकरि शैलजा परी भूमि जिमि दंड ।

सुधि न रही निज देहकी बाढी प्रीति अखंड ॥

सो० तब शंकर हरषाय कह्यो मांगु वर हे प्रिया ।

निजरुचिकहौसुनाय देवसोई जो मांगिहौ ॥

तब गिरिजा हरषाय मुनीश । बोलत भई नाय पद शीश ॥  
 प्रथमहिं भक्ति देहुनिजपदकी । जो कुठार है माया मदकी ॥  
 पुनि दूसर मांगौ तजि लाजा । लाजकिहे कहूँ होत अकाजा ॥  
 लखोजो मोहिंचरणविश्वासी । ममपतिबनौ जानिमोहिंदासी ॥  
 असकहि गिरिजा रहीचुपाई । सुनि शंकर अतिशय हरषाई ॥  
 एवमस्तु तब कह्यो कपाला । नभ से झरी फूल की माला ॥  
 लगे बजावन देव नगारे । कहिशिवगिरिजा जयति पुकारे ॥  
 गिरिजै कह्यो शंभु करिनेहू । अब तुम लौटि जाहु निजगेहू ॥  
 जबतुम्हरोपितुकरिजगरीती । वरकर खोजकरै करि प्रीती ॥  
 तब हम कछुलीला देखराई । व्याहि तुम्है आनव जगमाई ॥  
 तनकनमोहकिह्योमनअपने । तुमतजिमोहिं न परप्रियसपने ॥  
 तुम निर्द्वन्द्व अनादि भवानी । धरत सुतन लीला मनमानी ॥  
 अवयहतनतुम्हरोअविनाशी । मम सँग रहो सदा सुखराशी ॥  
 यह प्रसंग राखेहु तुम गोई । निजपितुमातहि कह्यो न सोई ॥  
 गगनगिराकछुकह्योवखानी । जेहिते वर खोजै सुख खानी ॥



मदयुतहै तुम्हरो पितुमाता । तिहिमदखोय करव हम नाता ॥

॥ दो० अस कहि अंतरधान भे शंकर तव जग माय ।

॥ सखिनसहित निजभवतको चलतभईहरषाय ॥

॥ सो० पहुंची तव जगमाय सखिन सहित पितु मातुघर ।

॥ सकल उठे हरषाय जिमिहिं रंक धन रागिलखि ॥

मातहि कीन प्रणाम भवानी । हृदय लाय लीन गिरिरानी ॥

पुनि प्रणाम पितुकेपदकीन्हा । गिरिहुलाय हृदयमहँलीन्हा ॥

अति सुखभरे हिमंचल मैना । प्रेमभरे निकसत नहिं बैना ॥

मनहुं फणीश गई सणिपावा । रंक लह्यो धन चोर उठावा ॥

जिमिहरषित यकतनयानारी । पाय पुत्र परदेश विहागी ॥

तषित लहै जल शीतसोहाई । क्षयावंत वर भोजन पाई ॥

रोगी सुखित खोय तनरोग । योगी सिद्धि भये वर योग ॥

लहि शिव भक्ति शंभुको दासा । जाको रुचतन है पर आसा ॥

तिमि गिरि मैना गिरिजा पाई । भये सुखित नहिं जातबताई ॥

बार बार उर लेत लगाई । द्विजनबोलि धनरागिलुटाई ॥

बज वायो आनंद बधावा । उत्सव हरष न जात गनावा ॥

तवगिरिजहिगिरिवरगिरिनारी । पूंछ्यो तप वृत्तान्त सुखारी ॥

केहिविधिजायकीनतप बतमा । लखिनपरतकिंरितुअमनमा ॥

केहिविधिभयो सिद्धिसबभाषौ । कहौ सविस्तर गोयन राखौ ॥

काचरदान पाय फिरि आई । हरषित करो मोहिं सबगाई ॥

तव गिरिजा महिमाथ नवाई । जस तव कीन सुदीन बताई ॥

पुनिशिव शासन बात सुनाई । कहा गगन बानीभै माई ॥

मुहिं सुनाय भै गिरा अकाशा । गिरिजाभयो तोर दुख नाशा ॥

॥ दो० मनिसिद्धि बरजाहु घर अब है है सुख भूरि ।

॥ यह सुनि हमघरकोचलीं मानिमनहिंतपपरि ॥

॥ सो० सुनि मैना हिमवान हरषित दीन्ह्योदान बहु ।

॥ लखि गिरिजाकल्यान दम्पति हरषनजातकहि ॥

अब सुनु मुनि शंकरकीलीला । जोकरिखबसकलजगकीला ॥

॥ ज्ञानिहिं अज्ञ अज्ञ दै ज्ञाना । सकल नचावतनिजमनमाना ॥



सकल खेलावत खेल मजेका । कोउनहिंसमरथ तेहिजनबेका ॥  
 लहत भेदहारत श्रुति चारी । शेष गनेश रमेश तमारी ॥  
 अब सुनिये मुनिकथारसाला । जसगिरि प्रेरनकीन म भाला ॥  
 कछु दिनगये हिमंचल रानी । बोलिगिरीशहि कह्योसोबानी ॥  
 ब्याहयोग भै सुता हमारी । उचितहोय जसकरहुबिचारी ॥  
 जसतुमहो सब गिरिवरराजा । सुताहेत तस करहु समाजा ॥  
 घरवर सुंदर होय सुभागी । देहु सुता तिहिको अमुरागी ॥  
 रूपवानसब विधि सुखखानी । तेहि वरसुता देहु अनु मानी ॥  
 करु बिवाहइमिशोचिगिरिंदा । जिमिनहोयगिरिजडकहिनिंदा ॥  
 सुनि इमि प्रियावात गिरिराई । निजमंत्रिन कहँलीन बुलाई ॥  
 करिमंत्रिनसनबिविधसलाहा । खोजन वरपठयो गिरिनाहा ॥  
 इक द्विज सुभग जानि सज्जाना । तेहि पठयोकरिबहुसनमाना ॥  
 नागलोक सुर लोक मझाई । लखि ममयोगखोजुवरजाई ॥  
 तब द्विज चलयो महा हर्षाई । यक्षलोक पहुँच्यो तब जाई ॥  
 मणि ग्रीव से कीन प्रणामा । कहत भयो अपनो मनकामा ॥  
 जोगिरिराज हिमंचल नामा । तेहिके सुता भई सुख धामा ॥

दो० सो पठयो तुमपास मुहिं सुताब्याह अनु मानि ।

करु प्रमाण जो मन रुचै हैबिवाह सुख खानि ॥

सो० यक्षपसूँद्योकान हेद्विजवर का कहत हौ ।

हैको पशु अज्ञान जोब्याहै जग मातु को ॥

तुम लखिपरत मोहिंअतिज्ञानी । परप्रभाव तेहिकोनहिंजानी ॥  
 गिरिजा सकल जक्त की माई । लीला हेत धार्यो तन आई ॥  
 तेहिविवाह हितममढिआयो । चाहत मो कहँ नर्क पठायो ॥  
 तबद्विजचलयो त्यागिसोओका । गयो तुरत गंधर्व के लोका ॥  
 पूर्व उक्त तहँ पाय जवावा । अग्निलोक को गयो सितावा ॥  
 सोउ गिरिजा जगजननि बताई । धर्मराज पहुँ गा द्विज राई ॥  
 सोउ गिरिजै भाष्यो जग माता । फिर्योविप्रलखिअचरजवाता ॥  
 नैऋत वरुण पवन के पासा । गयो विप्रलौढ्योतजि आसा ॥  
 गिरिजै सकल कहत जग माई । करत प्रणाम साथ महिनाई ॥



तब कुवेर पहुँ गयो द्विजेश । भाषत भयो गिरीश सँदेश ॥  
 सुनि विवाह गिरिजा धन राई । अनुचित कहि महिमा धनवाई ॥  
 गिरिजा सकल लोककी माता । हटकेहु द्विजहि न कहु असबाता ॥  
 तब ईशान लोक द्विज गयऊ । तहौँ मनोरथ नहिंकछु भयऊ ॥  
 इंद्र लोक तब गा द्विजराई । सुरपति देखि बहुत हरपाई ॥  
 सिंहासन परथित सुर राऊ । ज्यहि छवि देखि होत मनचाऊ ॥  
 माथे मुकुट कनक मणि भूजै । भस्म त्रिपुंड्र महा छवि छाजै ॥  
 कानन सुभग विराजत कुंडल । बैठे देव सकल करि मंडल ॥  
 दुहुँदिशि चँवर चलै अति भारी । गावत गीत अप्सरा सारी ॥

दो० तिहि क्षण द्विजतहँ पहुँ चिकै इंद्रहिकीन प्रणाम ।

हाथ जोरि ठाढ़े भयो कह्यो सकल मनकाम ॥

सो० जोगिरिपति हिमवान बुद्धिधाम ऐश्वर्यधर ।

तिहि धर सुतासयान नाम उमा छविकी भवन ॥

तुमसन चाहत तासुको व्याहा । करो प्रमाण सहित उतसाहा ॥  
 तुम्हैं योग यह हवै विवाह । तुम सुरेश वह गिरिवर नाहू ॥  
 सुनि सुरेश लीन्हों दबकाई । द्विजका करसि बहुत शठताई ॥  
 गिरिजा सकल जग महतारी । जो तुम कहत लगत मोहिंगारी ॥  
 को शठ असवृष विनावृषाना । गिरिजा व्याह करै अनुमाना ॥  
 तुरत जाहु हियँसे तुम भागी । बचन तोर सुनि पातक लागी ॥  
 भाग्यो द्विज तहँते तुरताई । निज मनमें बहु अचरज पाई ॥  
 सकल देव भाषत तिहिमाता । को तिहि करै पुरुषकर नाता ॥  
 विधि पहुँ गयो तुरत द्विजराई । तहौँ तिही विधि उत्तर पाई ॥  
 विधिहु कह्यो गिरिजहि निजमाता । कीन प्रणाम बहुत हरषाता ॥  
 तहौँते लौट्यो द्विजतजि आसा । मनमें शोचत बहुत उदासा ॥  
 तब निज मन में कीन विचारा । पुर वैकुण्ठ हवै जग न्यारा ॥  
 गिरिजहि कहत सकल जगमाता । हैं भगवान सकल जगताता ॥  
 सो करिहैं यह व्याह कबूला । जाउँ तहां नहिं भटकौ भूला ॥  
 अस कहि गयो जहां बनवारी । पुर वैकुण्ठ महा अति कारी ॥  
 पहंचि दूरिते कीन प्रणामा । हर्षित भयो देखि घनश्यामा ॥



दो० ताकी छवि बरनों कछु न जस देखी द्विजराय ।  
 सकल कहत छवि जासुकी वेदहुरहत चुपाय ॥  
 सो० सुंदर सुभग शरीर नीलनीरधर द्युति लसै ।  
 पाट पीत वर चीर जगोदामिनि कद परलसै ॥

शिखरिणीछन्द

शिर सुन्दर मुकुट विराजै । अति मणि युत कुंडल छाजै ॥  
 लखि केश कस्तुरी लाजै । जनु बैठे भँवर समाजै ॥  
 बहुसोह त्रिपुंड्र लिलारे । करि वेद विधान सँवारे ॥  
 जेहि उग्रमा वेद न पावत । नहिं दूसर तिहि सम गावत ॥  
 बनि भौंह कमान मनोजा । अति शोभित नैन जलोजा ॥  
 बहु शोभित सुन्दर नासा । तहँ अधर प्रवाल प्रकासा ॥  
 रद करत दाड़िमहिं हांती । अस हसनि हवै दुख नासी ॥  
 तहँ ग्रीवा कम्बु विराजै । अस वृषभ कंध छवि छाजै ॥  
 तहँ सुभग माल रुद्राक्षा । बहु सोहत है कमलाक्षा ॥  
 अस कौस्तुभादि मणि सोहै । सो धन्य ध्यान धरि जोहै ॥  
 भुज चारि अजान विराजै । तेहि देखि करी करि लाजै ॥  
 तहँ अंगद बलै विराजै । जनु दीप निशा में राजै ॥  
 तहँ नंदक कंज सुदर्शन । अस शंख महा अरि मर्दन ॥  
 अस हृदय सुभग सुखदाई । शीवत महाद्युति पाई ॥  
 अस त्रिवलित उदर विशाला । तहँ नाभि सजल कर लाला ॥  
 कटि केहरि को मद हारी । तहँ पीत बसन छवि न्यारी ॥  
 बहु हरत जांघ द्युति कोला । तहँ गुलफ गोल अन मोला ॥  
 अस चरण कमल द्युतिहारी । तहँ मुनि मन भँवर बिहारी ॥  
 तरवा रविवाल समाना । अति सुभग न जात बखाना ॥  
 तेहि साथ नवावत ओरी । शिव भक्ति चहै अन थोरी ॥

दो० अस लखि रूप अनूप हरि द्विजवर बहु हर्षाय ।  
 करि प्रणाम ठाढ़े भयो बोल्यो अज्ञा पाय ॥  
 सो० सुनिये कृपा निधान नाम हिमंचल मेरु पति ।  
 ताघर सता सयान रूप अनूपन जात कहि ॥



नाम उमा अंबिका भवानी । सर्व गुणागरि है छवि स्वानी ॥  
 तेहि बिवाह हितबरखोजनका । पठै मोहिं सब सुरलोकनका ॥  
 सकल सुगनपहँहम फिरिआये । सबसुरतेहि जगमातु बताये ॥  
 करि दंडवत मूँदि सब काना । तेहिद्व्याहनकहँ कोउनमाना ॥  
 यक्षा दिक से ब्रह्म प्रयंता । असन समर्थ बनैतेहि कंता ॥  
 तब मनमें हम मंत्र विचारी । सकल जक्त पितुहैं बनवारी ॥  
 अस विचारकरिकै मन महँगद । आयन तात ध्यायतुम्हरोपद ॥  
 शिवा मातु जग तुम जग ताता । रुचै तो व्याह करो हर्षाता ॥  
 असकहि द्विजवर माथ नवाई । कानमूँदि हरिशिवशिवगई ॥  
 हे द्विजवर तुम बड़े अनारी । कहि अधर्ममोहिं लावतगारी ॥  
 शिवा मातु जग पुनि मम माता । क्यहि विधिहोयपुरुषकरनाता ॥  
 आदिशक्ति निज तंत्रबिहारिनि । भवभवविभवपराभवकारिनि ॥  
 निज इच्छा करि धरत सरूपा । लीलाकरत अखंड अनूपा ॥  
 ताके पतिकर खोज न पावो । कोटिन जन्म चहै तुमधावो ॥  
 अबिनाशी सर्वोपरि भासी । सो निर्वैद निरीह करासी ॥  
 ज्यहिहमविधिसुरमुनिधरिध्याना । खोजतलहतनतासुठिकाना ॥  
 दो० एहि मद युत खोजा चहत गिरिपति दूत पठाय ।  
 हवै असम्भव बात यह गिरि बुधि गई बिलाय ॥  
 सो० घटघट रहा समाय सकलपास सबते अलग ।  
 प्रेमकिहे मिलिजायभक्तवश्य अचरजनहीं ॥  
 तेहिते तुम द्विजवर अब जावो । मोर सँदेश गिरीश सुनावो ॥  
 गिरिजा वर गिरिजा सन यांचै । करै बिवाह सुयश जगमाचै ॥  
 अस सुनि द्विजपतिमाथनवाई । चल्यो तुरत गिरिवरपहँआई ॥  
 कहत भयो सब कथा द्विजेग । ज्यहिविधिधूमिफिरचोसुरदेशा ॥  
 सब सुरकह्यो शिवै जग माता । मोहिं मूढ़ बनयोअति ताता ॥  
 तब मैं जगपितहरिहिविचारी । हरिपहँ गयो काज निजधारी ॥  
 तिनसों कीन निवेदन जाई । उमा व्याह हितमाथ नवाई ॥  
 सुनत तुरत तिनमूँद्यो काना । महिं कहिमूढ़ हँस्योभगवाना ॥  
 हे द्विज मोहिं देत क्यों गारी । शिवा मोरि जननी सुखकारी ॥



ताको पति है अलख अनपा । श्रुतिहु न जानत तासुसरूपा ॥  
 निज अनुमान कहतसबकोई । जिहि जस रुचै लखै तससोई ॥  
 सुनि असबिष्णुबचनठगिगहेऊं । निज मनमें अस संशयगहेऊं ॥  
 हरिहुकहत जेहिको निजमाता । तेहिसों कौन करै बरनाता ॥  
 तब मुहिंबिदा कीन हरिनाथा । अरुचिंतितलखिकीनसनाथा ॥  
 कह्यो सँदेश गिरीशहि जाई । पूंछ्यो वरनिज सुताबुलाई ॥  
 निज मुख शिवाकहै पतिजाही । ताहि बिवाहि होय उत्साही ॥

दो० असकहि मोहिं कह्यो बिदा जगपति हरिमहराज ।  
 सो सब तुम सों दीन कहि करोउचितलखिकाज ॥  
 सो० सुनि अस बिष्णु सँदेश बारबार गिरिपति मुदित ।  
 जगपति बिष्णु रमेश सो गावत गुण मम सुता ॥  
 अहोभाग्य ममसम नहिं दूसर । जाम्योकमलभाग्यबशऊमर ॥  
 जगमें अपर न मम सम भाई । जाकी सुता भई जग माई ॥  
 कहँ मैं नीच बुद्धि को हीना । कहँ सर्वोपरि बिष्णु मतीना ॥  
 जो योगिनके ध्यान न आवत । सो मम सुता केरगुण गावत ॥  
 नेति नेति जेहि बेद न गावा । सुता हेत सँदेश पठावा ॥  
 सुखमहँ मगनअतिहिगिरिराई । बहुत बार लगि रह्योचुपाई ॥  
 पुनि धरि धीरप्रियहिनिजबोली । बिष्णु सँदेश कह्योसबखोली ॥  
 पूंछ्योउमहिं कहै ज्यहि नाहू । तेहि बिवाहि करिये उत्साहू ॥  
 अस सुनि मैना बहु हरषाई । लीनउमा निजदिगहिबुलाई ॥  
 कीन प्रणाम गिरिशलखिमाता । बोलत भयो सहित हरषाता ॥  
 तव बिवाहहित सब सुरपाहीं । गयो बिप्र मान्योकोउ नाहीं ॥  
 हरिहु तुम्हें भाष्यो निजमाता । तहँ पर सुरनकेरि कसबाता ॥  
 तबमुहिं बिष्णु सँदेश पठाई । उमाकहे बर किहे भलाई ॥  
 तेहि कारण पूंछ्यो मैं तोहीं । स्ववर बताय देहु तुम मोहीं ॥  
 तासु संग मैं करों बिवाहा । होवै हरष सहित उत्साहा ॥  
 तब मसकानि उमा हरषाई । पुनि लज्जित है माथ नवाई ॥

दो० कह्यो उमातब मातुसन जो मोहिं पूंछत तात ।  
 सो मैं देव बताय बर परनहिं बदलै बात ॥



षो० जो तुम पितु अस माय कीजै सप्त प्रमाण की ।

तो मैं देऊँ बताय निजभर्ता द्विजसों अलग ॥

तब दम्पति करिवचन प्रमाना । कीन्ह्यो तुरत विष्णुकी आना ॥  
जाहि कहो तेहि किहे भलाई । अस कहि दम्पति रहेचुपाई ॥  
तब गिरिजा लै विप्र यकंता । दिह्यो बतायतुरत निजकंता ॥  
उत्तर दिशि जो गिरि कैलासू । रजत मयी अति सुंदर आसू ॥  
तहँ मंदार विपिन अति सोहै । त्रिविधिवयारिमदनमनमोहै ॥  
तहँ एक योगी तपत अमाया । सुंदर सुखद बराकी छाया ॥  
मंगल खानि अमंगल भेखी । भूलत सकलतासु गतिदेखी ॥  
सर्वोपरि तेहि को श्रुति गावत । बहुत वृद्ध निजरूपलखावत ॥  
बनत बाल निजरुचि ठहराई । होत जुवानिज इच्छा पाई ॥  
दिशा बस्त्र निजको सो कीन्हो । दासन समनिपटम्बरदीन्हो ॥  
रहत सदासो भस्म लगाये । तपत सदासो आपुहि ध्याये ॥  
भूषण नाग कपाल क माला । ओढ़े रहत बाधको छाला ॥  
डूँड बूढ़ वृष बाहन राखत । भांग धतूरसदा बिबचाखत ॥  
रहत सकल जगसों सो न्यारा । न्यारी चाल धरे अविकारा ॥  
मणि पट सोन सजब नर काजू । तेहतै गहत न सो महाराजू ॥  
दासन देत सकल बसु चीती । कौस्तुभादिमणिकरिबहुप्रीती ॥

दो० तुम्हैं लखैहैं रूपनिज बहु मलीन अति दीन ।

अमेहुनतुमतेहिरूपलखिलीलासमुझिमहीन ॥

सो० सर्वोपरि तेहि जानि किह्यो तिलक तेहि भालतुम ।

निज मनमें अनुमानि विष्णुकेर अस मम वचन ॥

जो कछु तुम्हैं देय करि दाया । सो लै लिह्यो जानिबहुपाया ॥  
मातु पिता सन तुम तेहिरूपा । कह्यो न आय सत्यद्विजभूपा ॥  
सर्वोपरि तेहि केरि समाजा । बरन्यौ काम रूप तेहिव्याजा ॥  
अस कहि बिदाकीन द्विज राई । द्विजवर चलयो हर्षिशिरनाई ॥  
शोधि सुनाइत भयो पयानी । नपितोचलयोमानिजजमानी ॥  
अति शय मूढ़ रहै सो नाई । द्विजवरनहिंकछुताहिजनाई ॥  
मगमहँ द्विजसों पूछत नाई । केहि नृपपास चलततुमभाई ॥



चलो जहां बड़ होय नरेश । जहँ वांमिलै वस्तु धन वेश ॥  
 द्विजवर कहत चलो करि मष्टा । पहुँचवतहँ होय जहँ सृष्टा ॥  
 कछुक कालमें पहुँचे तहँवां । गिरि कैलासरहै मुनिजहँवां ॥  
 लखि गिरि द्विज बरकीनप्रणामा । समुझिमनहिंमनपूरणकामा ॥  
 चढ़ि गिरिपर देख्यो मुनि जाई । अतिभीषननहिंमार्गलखाई ॥  
 केहरि गज बोलत रव भारी । रहत धीरनहिंव्यालनिहारी ॥  
 अति बड़ धीर चला द्विजजाई । भागतनापितअतिचिल्लाई ॥  
 बहु रिसाय द्विजको गरियावै । मरण ठानितू द्विजकहँ जावै ॥  
 तबद्विज कह्योन बकुजिमिकागा । चला आव मम पाछेलागा ॥

दो० यहि विधिपहुँच्यो विप्रवर बटतरजहँ शशिमाथ ।

करवत कीन प्रणाम बहु निजकहँ मानि सनाथ ॥

सो० लख्यो तहां वृषकेत धरे समाधि अखंडमुनि ।

कुंद इंदु समश्वेत गंगधार बहै शीश सों ॥

धरे चौधपन खिन्न शरीरा । भस्म विभूषित भूषण कीरा ॥  
 दिशा वस्त्र पहिने शिरमाला । विस्तर किये बाघको छाला ॥  
 शशिशुभाल सुभगसुचिनेना । सोहत सुभग व्यालउपनैना ॥  
 बांधा एक वृषभ तहँ बूढ़ा । असशिवरूप लख्यो द्विजगूढ़ा ॥  
 समुझि शिवाबाणी धरिधीरा । बैठ्यो विप्र त्यागि सब पीरा ॥  
 शम्भुरूप अति भीख नहेरी । बोलत नापित आंखि तरेरी ॥  
 सूझ्यो काह तुम्हें द्विजराई । भागिचलो झटजीव बचाई ॥  
 विप्रमनहिंमन शिवहि बिसूरी । कहत जागिकरु मनसापूरी ॥  
 तबशिव निरखि विप्र दृढ़ताई । अस अनुराग समुझिजगमाई ॥  
 आसन बदलि सुनैन उयाग । जाग्यो शम्भु द्विजेश निहारा ॥  
 हाथजोरि महिमाथ नवाई । आगे ठाढ़ भयो द्विजराई ॥  
 नाथ हिमंचल नाम गिरीशा । बहु ईश्वर्यमान धरणीशा ॥  
 तिहिघर सुताभई सुखकारी । रति लाजत जेहिरूप निहारी ॥  
 तिहिविवाहहित हमसबदेशा । फिरिन बसैं जहँ सकलसुरेशा ॥  
 सकलसुरनतिहिकहिजगमाता । चह्योकीननहिं कोउवरनाता ॥  
 तब हमगयन जहां भगवाना । तेउतिहिको निजमातुबखाना ॥



दो० तब रमेश हम सों कह्यो गिरिजा तत्त्व लखाय ।

पूँछि उमासों तासुबर करौ तिलकतिहिजाय ॥

सो० तब हम तहँ सों आय सकल कथा गिरिसोंकही ।

धरि शिर विष्णु रजाय उमा बोलि गिरि पूँछेहू ॥

तब गिरिजा गिरवरसनभाषा । जो तुम सप्त करौ तजि माषा ॥

तब मैं निजपति रूप लखाऊँ । है रहस्य द्विजवरहि बताऊँ ॥

जिहिकरिआवै द्विजवर टीका । ताको फिर नहिं करो अलीका ॥

सुनिअससुताबचनगिरिराजा । सप्त प्रमाण कीन महाराजा ॥

तब लै मोहिं यकांत भवानी । नाथ कथा सब कही बखानी ॥

तिहि अनुशासनलहिहरषाता । देख्यो आय चरण जलजाता ॥

देखि चरणअतिहरषिसोहावा । मिट्योसकलपुरकोपछितावा ॥

अब मुहिंहरषिदेहुअनुशासन । करितवतिलककरौं दुखनाशन ॥

हँस्योमहेश सुनत द्विजबानी । आखिर तौ गिरिसुता भवानी ॥

कोउ सुरेशकरनाम बतावति । करिबिवाहगिरिपतिहुलसावति ॥

गिरिसब गिरिन केर है राजा । हमरे हवै न एक समाजा ॥

कहँ अतिदीन कहांअतिनाहू । समते होय बैर अस ब्याहू ॥

गिरिजा सुंदर रूप नवेली । जेहि सँग रहत अनेक सहेली ॥

मैं अति बूढ़ भूत सँग लाये । का सुख लहै तासु ढिग आये ॥

कह्योविप्रमोहिंनहिंभटकावो । तजौं नहीं जो लाख छिपावो ॥

उमा कृपा पायो मैं ज्ञाना । ज्ञान पाय नहिं कोउ भटकाना ॥

दो० अब आयसु मोहिँ देहु प्रभु करौ तिलक तव भाल ।

उत्सव युत ब्याहो उमा सब जग होय निहाल ॥

सो० सुनि सुनि द्विज के बैन बहु रिसात रोमारि है ।

मन महँ करत न चैन यहि तपसी सों का लहब ॥

जे शिवतत्त्व बहिर मुनिराई । तिनकी गति अस वेद बताई ॥

सुधरत नहीं पाय सतसंगा । जिमि उलूक नहिं लखै पतंगा ॥

तब मुसुकाय कह्योअसशंकर । जो मनरुचै करो सोइद्विजवर ॥

तबद्विजवरकरिहरषविशाला । कीन्ह्योतिलकमुदितशिवभाला ॥

जबद्विजशिवकेतिलकचढ़ावा । देवन हरषि सुसन झरिलावा ॥



बाजे बहु विधि गँगन नगारा । देव बधू नाचै नभ द्वारा ॥  
 हरषित भयो सकल सुरकेतू । जानि तारका सुर बधहेतू ॥  
 तब द्विज विदा हेत गिरनाई । तनक भस्म शिव दीन बिदाई ॥  
 तिहि बहुमानि विप्रनिजपागा । लीन्ह्यो बांधि सहित अनुरागा ॥  
 तब कूँी निजमनहिं बिसूरी । मिली राख है है का पूरी ॥  
 तब निज नेग सुनायो भारी । मूठी राख दीन त्रिपुरारी ॥  
 लिह्यो बांधि बेसननिजजामा । चलत बेर नहिं कीन प्रणामा ॥  
 विप्रहि देत मनहिं मन गारी । यहै दुष्ट मम नेग बिगारी ॥  
 शिव माया अतिमुनिबलवानी । करहु न संशय असजियजानी ॥  
 यदपि दृष्टि रविसम सबमाहीं । फूलहिंकंजकुमुदकुम्हिलाहीं ॥  
 चलयो विप्र मग मे चित चाऊ । अतिशयदुखितचलतमगनाऊ ॥

दो० तब नापित बहु क्रोधकरि छोरि भस्म झिकिदीन ।

जिमि गति मुकुर न भावई जो जड़ लोचनहीन ॥

सो० सो लै भस्म बयारि डारयो दक्षिण देश में ।

देखौ दृष्टि पसारि बसत तहां बहु लक्ष्मी ॥

पहुंचे उभय हिमंचल नगरी । कही हाल द्विज नृपसौसगरी ॥  
 जस गिरिवर तुमहौमहराजा । मिल्यो तैसवर सहितसमाजा ॥  
 जस है रूप खानि जगमाई । रूप ज्ञान निधि तसवर पाई ॥  
 प्रथमजैस बुधि सिखयोमाई । तसद्विजवर गिरिपतिहिमुनाई ॥  
 है प्रसन्न गिरिद्विजसनमानी । मैनासन सब वृत्ति बखानी ॥  
 अतिहरषित दम्पतितबभयऊ । द्विजकहँ दान मान बहु दयऊ ॥  
 है द्विज बिदा गयो निजगेहा । छोरयो भस्महि सहित सनेहा ॥  
 सबिधि पूजि भाजनमहँधरेहू । महाद्रव्य शिव तिहि घरभरेहू ॥  
 उमड़योद्रव्य भवन द्विजराई । नृपहुसे अधिकी परत लखाई ॥  
 एक दिवस नाइनि तहँआई । द्विज धन देखत बहुत तिहाई ॥  
 द्विजतियसे पृच्छ्योअनखाता । कबसे तव घर अस धन राता ॥  
 द्विजतियबोली सहितहुलासा । शिव विभूति यहभूतिप्रकाशा ॥  
 तब नाइन निजपतिपहँ जाई । द्विजकी वृत्त कही समुझाई ॥  
 तब नापित निज चितकरिचेतू । शिव ठिग चलेहु भस्मके हेतू ॥



निशिदिन चला जात अतिधावत । अतिशयथकितन गिरिको पावत ॥  
गिरि कैलास भयो अति दूरी । जयहिविधि अमल है अतिछुगी ॥

दो० गिरत परत पहुँच्यो तहां मांग्यो शिवसन जाय ।

नाथ भस्म मम गिरिगई दीजै पुनि दुसराय ॥

सो० तब शंकर हँसि दीन धूनी दीन लखाय तेहि ।

बांध्यो मन दुइतीन चलत भयो शिर लादिके ॥

विधिपति नीको ध्याय अतीवा । शंकर सुयश कहौं सुखसीवा ॥

मम उर बैठि सहित करुणार्ई । मातु सुयश शिवदेहु बताई ॥

बहुअमकरि नापित मगमाहीं । पहुँच्यो आय सुवरतिय पाहीं ॥

छोरि गांठि बिज घरमहँ धरेहु । बढ्यो राख तेहि घर भर भरेहु ॥

बिनहुं प्रीति फल गावत वेदा । भस्मसे मिलत मिटत सब वेदा ॥

पर जो प्रथम करै तेहि निन्दा । ताको फल नहिं मिलै मुनिन्दा ॥

तिहिते नापित सुखित न भयऊ । प्रथम राख कहिके झिकि दयऊ ॥

तिहि घर राख बढ्यो अधिकारी । ढोवत नाइति रोवत भारी ॥

ढोय ढोय सब बाहेर डावा । उप सुमेरु सो भयो सुहावा ॥

कनक मयी अतिशय मनियारा । लखत न नापित ज्ञान विसारा ॥

लख्यो जाय द्विजसन तब नाई । निजधन बांढि देहु मोहिं भाई ॥

वृत्त में दाय हवै मम तोरा । क्यों नहिं बांढि देत बार जोरा ॥

तब द्विज दपटि दीन वहि नाई । नापित गयो जहां गिरिगई ॥

घुगुली कीन जाय मनमारी । सुनहुनाथ कछु वितय हमारी ॥

बहुत नाथ यह दुष्ट द्विजेश । कछु न कानि तव कीन गिरेश ॥

उमातिलक यह जहँ करि आवा । रहत न धीर करत सुधि ठावा ॥

दो० तुम समान तहँ साज नहिं वरण शिवा अनुरूप ।

बहुत वृक्ष कंटक मयी घरको लख्यो न जूप ॥

सो० हरिहरितहँ बहुखानिके हरिगज अतिरव करहिं ।

हरि लटके बहुकान हरिछाला तहँ बस्य है ॥

अतिशय वृद्ध न सो कहि जाई । तेहि पुरको नहिं अपर लखाई ॥

सकल केश सिततन जज्जरसे । लकुट सहाय उठत दरपरसे ॥

नगन सकल तन भस्म लगाये । रीझत निजहि सुढम सब जाये ॥



भांग धतूर राशि नहिं लेखा । जाति अन्ननहिं किंचित देखा ॥  
 बहुतहि किंचित कहतबनैना । चलत बेर नहिं दीन चबैना ॥  
 बैल बूढ़ तहँपर यक रहई । मोरे जान यान तेहि अहई ॥  
 बहु हटक्यों द्विजको हठलाई । कछु न सुन्योबातद्विजराई ॥  
 बरवश तिलक तासुशिरसारा । कछुडर तोरि न कीनविचारा ॥  
 अससब वृत्तकहा हम स्वामी । करो उचित तुमहौ बड़नामी ॥  
 अससुनिबहुतगिरिशमुसकाना । द्विजसों बैर समुझिनहिंमाना ॥  
 मैना सुनत भई विकलाता । सुनहु नाथ नापितकी बाता ॥  
 सर्वस झूठि कहै नहिं नाऊं । द्विजहिबोलि सबबातमिलाऊ ॥  
 बरु गिरिजा ममरहहिं कुमारी । ऐसे बरहि न बरिहौ वारी ॥  
 असकहि विकलभईबहु मैना । कम्पिततन निकरै नहि बैना ॥  
 गिरि उठाय तब हृदयलगावा । जलमँगायतेहिवदनसिँचावा ॥  
 प्रेमविवश शोचहु नहिंभामिन । करबसोईजोसचि तवनामिन ॥

दो० तबगिरि निज सबज्ञातजन भ्राताजे बुधिवानि ।

सकल बुलायो करि विनय मंत्र हेतु अनुमानि ॥

सो० सुर वपुधरि सब मेरु अस्तोदय विंध्याचलहु ।

मंदर आदि सुमेरु आये गिरिनामी सकल ॥

हिमि सबको सार सनमानो । आसनउचितदीन सुखखानी ॥  
 सबसों सकल वृत्तांत बखानी । प्रथमहिजिमितपकीनभवानी ॥  
 सकलसुरनमहँजिमिद्विजगयऊ । जिमिनकोऊसुरसमरथभयऊ ॥  
 जिमिसब उमैकह्यो जगमाता । करिनसकेहुजिमितेहिवरनाता ॥  
 पठयो जिनि संदेश रमेश । विस्तरयुत सबकह्यो नगेश ॥  
 पुनि जिमिउमा शपथकरवाई । जिमिप्रणकिह्योकह्योसबगाई ॥  
 जिमि द्विजबरलै उमा यकंता । दिह्योलखायद्विजहिनिजकंता ॥  
 द्विजनापितजिमिगे यकसाथा । करीतिलक जिमिशंकरमाथा ॥  
 लह्योभस्मजिमिउभयविदाई । लीनविप्र जिनि शीश चढ़ाई ॥  
 नापितनिदरिजिमिहिंझिकिदीना । सोसबगिरिश निवेदनकीना ॥  
 द्विजबरलह्योजिमिहिफलभूरी । रंकते राज भयो लखि छूरी ॥  
 पुनिहु गयो तपसी पहँ दौरा । दीन दिखाय तपस्वी कौरा ॥



बांधि बोझ जिमि नापितधावा । करिअम बहुतभवनलै आवा ॥  
धात राख जिमि भईतमासी । कहतमोहिं आवतबडिहांसी ॥  
तेहि घर ठौर रह्यो अस नाही । नाउनिहै बैठि र्याहिमही ॥  
अति रोवत ढोवत तहँ नाइनि । बिनाप्रीतिनहिंकछुफलपाइनि ॥

दो० तासु द्वार जब ठेरभा उप सुमेरु सम भाय ।

सबके देखतकनकमयनपितहि राखलखाय ॥

सो० चलि सब देखहु सोय कनक मयी सो लखिपरत ।

तेहिते मम मन होय सर्वो परि सोइ बर हवै ॥

प्रीति सहित धरि भस्म द्विजेश । भयो धनीलखिलजतधनेश ॥  
सोलखिमम मन बरसुखखानी । परनहिं चेतकरत मनरानी ॥  
तेहिते तुमहो सब बर लायक । निजनिजमंत्रकहौसुखदायक ॥  
तब सब कह्यो सुमंत्र बिचारी । एक बात सुनिलेहु हमारी ॥  
लगन हेत पठवहु सब सामा । पातीलिखोखोलिमनकामा ॥  
करीआय द्विज अधिक बड़ाई । रूप राशि बय षोडश गाई ॥  
राज समाज सुरेश समाना । ममतेअधिकसोकीनबखाना ॥  
सो हम यहां लगन ठहरावा । फागुन असितभूतबनिआवा ॥  
अर्द्धनिशा शशिवार मनोहर । तेहिदिनव्याहरच्योगिरिजाकर ॥  
तेहि दिन आयेहुसहितबरात । परजस रूप कह्यो द्विजताता ॥  
द्विज भाषित पर रूप न अहौ । कोटियतन गिरिजानहिंपैहौ ॥  
अरु मम सरवर होय बराता । राजसमाजसकलदिशिपाता ॥  
गायक किन्नर अरु गंधर्वा । होहि नाट कीरति मद दर्पा ॥  
अग्नि धर्म सब होहि बराती । नैऋत बरुणपवनदिशि पाती ॥  
धन दीशान पुरन्दर विधि हरि । आवैं सकल देव शोभा करि ॥  
तब गिरिजा कर होयविवाहा । होयउभयदिशिअधिकउच्छाहा ॥

दो० यहि विधि सामा लगन संग जाय दास सत मान ।

तेऊ आवैं देखि जस तस तुम करहु प्रमान ॥

सो० जब असकीन प्रमाण मैतहु मनमें अति रच्यो ।

जोरयो लगन समान पूर्वउक्त पाती लिख्यो ॥

पाती दिह्यो विप्र के हाथा । नपितहु चलेहु लगनकेसाथा ॥



और दास सत मानस सामा । चलतभयहुकरिगिरिहिंप्रणामा ॥  
 हर्षित बहुंत होत मग नाई । अबद्विजकपटसकलखुलिजाई ॥  
 द्विजहिशोचजसभा तेहिकाला । सोनहिंबनतकहतमोहिंबाला ॥  
 चोरी बरुनु धायो जनु जहँवां । धनी चलयो तस्करयुततहँवां ॥  
 शिव माया नहिंकरत बिचारू । अथवन रबि नहिं पायनिहारू ॥  
 जस जसद्विज कैलासनिहारत । तसतसदुखित होतमनमारत ॥  
 मन महँ गह्यो शरण शिवकेरी । राखु आव गिरिजा पति मेरी ॥  
 द्विज कलेश गिरिजापतिजाना । शिवा प्रीतिलखिके वृषजाना ॥  
 डमरू दीन बजाय महेशा । सब सुर जान्यो शंभु सँदेशा ॥  
 तुष्टा तनय आय शिर नावा । चित्र बिचित्र मकान बनावा ॥  
 यदपि रह्यो शिवगेह सोहावा । तदपि नई बहु कृत्य बनावा ॥  
 कनकमयी भुईं भीति बनाई । मणिसों मीना अधिक रचाई ॥  
 कच्छा सप्त महा द्युति कारी । सतमहला तेहि उपर अटारी ॥  
 प्रति कच्छा फाटक अधिकारी । बज्रमयी सब टाटक कारी ॥  
 चँदवा पीत तहां दर दोजी । लहेतनउपमातेहिकबिखोजी ॥

दो० मनमें कीन बिचार तब उपमा बुद्धि पसारि ।

कोटिन रबि यकठेभये करत महा द्युति कारि ॥

सो० आयो सहित दिगेश सुरपति सबसामा सहित ।

सुरा सहित विधिमेश लक्ष्मी युत आवतभयो ॥

सनकादिक अस सप्त ऋषीणा । सकल प्रजापति गये मुनीणा ॥  
 यक्षा दिक अप्सर गंधर्वा । सजि सजि रूपगयेतहँ सर्वा ॥  
 अहि पति आयो साजसजाई । अपर नाग आयो सब धाई ॥  
 यहिबिधिसकलदेव मुनिनागा । आय करनशिव सेवन लागा ॥  
 सिंहासन पर शिव बैठाई । सेवा करन लगे सुर राई ॥  
 दक्षिण दिशि बैठे बन वारी । हम दिशि बामहर्ष युत भारी ॥  
 आगे युगकर जोरि सुरेशा । ठाढ़े परखत हुकुम महेशा ॥  
 रबि शशि छत्र लिये करदोऊ । पवन डुलावत है सुर कोऊ ॥  
 किन्नर ग्रंथप गावत गीता । अप्सर गण नाचत करि प्रीता ॥  
 गंगा यमुना चमर डुलावत । मनहुजड़नकोशिवहिचिन्हावत ॥



सनकादिक सब बेद सुनावत । सकल प्रजापति अस्तुतिगावत ॥  
 शिव गणवने महा छवि धारे । विस्तर भय नहिं बरषयो वारे ॥  
 कोउ सुर लिहे हाथमें डब्बा । पान खवावत सहित अदब्बा ॥  
 तेहि छिन जसशिवरूपबनाहै । बरषत थकत सहस रसनाहै ॥  
 नेति नेति कहि वेद पुकारत । चुप साधत बानी मन हारत ॥  
 पर निजगिरिहि सुपावनकारी । कछुवरनौ निजमतिअनुसारी ॥  
 षोडश वय शिशुकीअनुहारी । कुंद इंदु सम शोभा धारी ॥  
 जटा जूट बांधे शिर भारी । गंग बृंद जनु मणि द्युतिकारी ॥

दो० अहि मणि युत कुंडल करन मणि दिखात अहि नाहिं ।

तीन नयन अंजन सहित खंजन लखि सकु चाहिं ॥

सो० सुभग बाल शशि माथ श्वेतभस्म त्रयपुंड्र तहं ।

भौह धनुक रति नाथ जनुखीचेहुशशिकेनिकट ॥

गोल कपोल महा द्युति कारी । लजितशंखजिहिछविहिनिहारी ॥  
 नासा सुवा चोंच सम भासी । अधर प्रवाल केर मद नासी ॥  
 हँसी मंद जनको दुख नाशै । दिज जनु दाड़िम बीजप्रकाशै ॥  
 ग्रीवा कंबु कला द्युति हारी । वृषभ कंध सब भूषण धारी ॥  
 दशभुज भूषण अस्त्र समेत । जासु छांह ओरी सुख हेतू ॥  
 यहिविधिसकल अंग नुखधामा । सज्यो राज महाराजक सामा ॥  
 बुद्धि छोटि शोभा लखिमोटी । करकी छांह पांव पर लोटी ॥  
 जलजचारण शोभा अतिलसई । मुनिमनमुदितभवँरजहँवसई ॥  
 धारतध्यानज्यहिविधि बतवारी । वर्णत परगति होत गवारी ॥  
 तरवालाल प्रवाल लजवै । कोटि बाल रवि शोभा पावै ॥  
 यहिविधिवैठि शंभु सिंहासन । चहुंदिशिउत्सवकरतप्रकाशन ॥  
 ताही समय हिमंचल दासा । लगनसहितपहुंचे गिरिपासा ॥  
 उत्सववाजन सहित द्विजेशा । हरषसहितगिरि चढयोऋषेशा ॥  
 प्रथमद्वारकहिहिमिरिनामा । द्वारपालकहि कीन प्रणामा ॥  
 तेहि रजाय लै भीतर पैसे । दुसरे द्वार कीन पुनि तैसे ॥  
 यहिविधि कच्छा सात नघाई । शंभ पास पहुंचे तब जाई ॥

दो० भे सनाथ शिवनाथ लखि कीन्ह्योनति करजोरि ।



द्विज हर्षित यहिमिसु भयो तस्करलहे अखोरि ॥

सो० गिरिजोभमि जिमिदंडकहि द्विजजय आरतहरण ।

मेटेहु पीर प्रचण्ड राखेहु मम पति जकमें ॥

पाती दीन विष्णु के हाथा । बहु मुसुकात पढ़त हरि नाथा ॥  
 मोरेहु कहे न भा भूम दूरी । अबहीं गिरि रोइहै भरि पूरी ॥  
 सामा सब रखि लीन सुरेशा । विसुकर्महि बुलवाय ऋषेशा ॥  
 कह्योरचौ गिरिजनहितबासा । जिमिनलह्योइनकबहुसुपासा ॥  
 प्रतिजन सुन्दर भवन रचाई । प्रीतिसहित गिरिजननटिकाई ॥  
 कनक मयीसब भूमि अटारी । मणि सीना मय घेलि सँवारी ॥  
 पाटमयी छत भूमि बिकौना । बन्यो जडाऊ कहत बनैना ॥  
 कनकमयीतहँ पलंग बिछाई । अहिगज मुक्ता जटित बनाई ॥  
 क्षीर फेनुसम बनी सुपेती । मंजुलविमल लखतसुखदेती ॥  
 तापर तकिया धरी सोहाई । जर मणि मुक्ताखचितबनाई ॥  
 लगे विजन त्रयपवन पसारा । मणिदीपकतहँ अतिउजियारा ॥  
 चौकी कनक मयी तहँ सोहै । झारी सजल देखि मन मोहै ॥  
 पानदान सहँ पान भरा है । सहित मणालन चारि घरा है ॥  
 षटरस युत पकवान धरा है । विस्तर भयनहिं मानधरा है ॥  
 सोहै कल्पवृक्ष प्रति द्वारे । कामधेनु प्रतिघर सुख भारे ॥  
 सेवक दुइदुइ प्रति घर माहीं । कारज वस्तु लिहे कर माहीं ॥

दो० यहिविधि गिरिजन बासलै करतचिंत मन माहिं ।

जस संपति यकवास घर तससबनगपुर नाहिं ॥

सो० रहे सहर्ष अथाह तीन दिवस गिरिजन तहां ।

नित नित अधिक उच्छाह दीख शम्भु दरबार में ॥

बिदाहेत तब द्विज शिरनाई । दान मानयुत भई बिदाई ॥  
 चले सकल शिवकहँ शिरनाई । अति हर्षित नहिं पंथसिसाई ॥  
 हरिसों बोलि कह्यो त्रिपुरारी । करो बिदा सब देव मुरारी ॥  
 गिरि दम्पतिके अतिमद भारी । वेदकहत मोहिं गर्व अहारी ॥  
 गिरि मद प्रथम काब हमदूरी । तब तेहिदेव हर्ष भरि पूरी ॥  
 जस मदसहितलिखाउनपाती । तसरोवहिशिरधुनिधुनिछाती ॥



जब मदस्यागि शरण मम आई । तब हम तुमको लेव बुलाई ॥  
 तब तुमसुरन सहित तहँ आई । किह्यो बरात सबहि हर्षाई ॥  
 तब हरि विदा भये शिरनाई । सकल देवगे विदा कराई ॥  
 जिमि बाजीगर डंक सकेला । रहिगा आपुहि आपु अकेला ॥  
 द्विजकेसाथ सकल गिरिदासा । पहुँचे जाय हिमंचल पासा ॥  
 कहि जय जीव नवायो माथा । कहनलग्यो शंकर गुण गाथा ॥  
 जस बरनाथ रूप गुण खानी । नहिं दूसरि तस उपमा आनी ॥  
 बयकिशोर सब भांति अनूपा । गौर वरण महाराज स्वरूपा ॥  
 सोपुरभवन बरणि किमि गाऊं । इन्द्रभवनतस नहिं लखि पाऊं ॥  
 हमें मिल्यो जस बासकखानी । नहिं तस आपकेरि रजधानी ॥

दे।० जिन जिन सुरन बरातको पाती तुमलखि दीन ।

तिन तिनको सेवाकरत तहँपर हम लखिलीन ॥

खे।० पाती हरिकर दीन बहुत हँसे हरि बांचि तिहि ।

नापित अतिमतिहीन ऐस उपद्रव कीन ज्यहि ॥

हरिविधि इन्द्रकरहिं ज्यहि सेवा । कहै कौन मूसख परभेवा ॥

जोधन तहँवां मिल्यो विदाई । सोलखि धनपति रहहि लजाई ॥

सुनिसुनिनिज दासनकी बानी । गिरि हरषे हरषी बहु रानी ॥

मैना हरष न जात बताई । करै चार सब इत उत धाई ॥

गुणिन बोलि गिरिपुर रचवावा । गंधादिक से गली सिँचावा ॥

बहुविधि सकल बजार बनाई । तोरण केतु पताक लगाई ॥

नई कृत्य सब पुर महँ कीन्हा । सब पुरानिवाहेर करि दीन्हा ॥

प्रतिघर कलश लगाय नवीने । झाड़ें मुकुर लाय सब दीन्हे ॥

छतैं सकल लाये जरतारी । होत जहां रविसम उजियारी ॥

न्यौते सकल भाय गिरिराजा । आयो मन्दर सहित समाजा ॥

अरु सुमेरु विन्ध्याचल आयो । अस्तोदय गिरियुत दल आयो ॥

चित्रकूट मणिकूट सुवेला । अरु त्रिकूट आयो युत मेला ॥

धरि धरि देवरूप सब आयो । विस्तरभय नहिं सकल गनाये ॥

सागर सकल रूप धरि आयो । आय नदी सब शोभा छाये ॥

विपिन सकल आयो धरिरूपा । बदरी कजरी आदि अनूपा ॥



सबको बास दीन गिरिराऊ । कारज सकल करत चितचाऊ ॥

दो० संचय कीन्ह्यो अन्न सब करी राशि गिरिमान ।

पूपादिक पकवान सब रचवायो हिमवान ॥

सो० व्यंजन सब रचवाय षटरस भोजन राशिको ।

दीन्ह्यो राशि लगाय बनै बनै मिष्ठान सब ॥

भोजन जहँ लगि लोक बतावा । सो गिरीश बहुभांति रचावा ॥

बन वायो गिरि सकल मिठाई । विरारभयनहिं नामगिनाई ॥

यहि मिस गिरिपकवान बनाई । बहुसंचय कचवान कराई ॥

चूरनादि गोधूम सुहावा । तंदुलादि की राशि लगावा ॥

उरद मूंग बेसन बहु भांती । संचय कीन अन्नबहु जाती ॥

घृत कुप्पा कोटिन भर वावा । तेल कुप्प नहिं जात बतावा ॥

दधि अरु दूध धरे बहु कूपा । स्वाद जासु बहु भांतिअनूपा ॥

पानी मिष्ठ कूप मँगवाई । वासित करि भरि कुंडरखाई ॥

यहिविधिसंचयकरिगिरिनाथा । निज मन कह्यो गर्बके साथ ॥

जसमें जोर्यों बरनु अनेका । पर समरथ नहिं यह खैबेका ॥

कितनो होय बरात अथोरा । तेहिते चुकै अन्न नहिं मोरा ॥

यहिविधिकरिसंचयसबसामा । परखन लग्योलगन सुखधामा ॥

वहां शंभु गिरिमद सबजानी । गिरि मद हरौ बुद्धिअसठानी ॥

एक दिवस रह लगन मसेशा । सुमिर्यो कबिसनकाहिमहेश ॥

पहुं चितुरत तेहि माथनवाई । जयजयकहिमुनि अरुनुतिगाई ॥

कौन हेत मुहिं सुमिरेहुस्वामी । शासन देहुजानि अनु गामी ॥

दो० करहि विघ्नकिहि काजकोजारिदेहि किहिकाहि ।

को असहै संसारमें भजन करत तब नाहि ॥

सो० तब शिव कह मुनकाय कारिह लग्नहैव्याहकी ।

चलो चलो तहँ धाय शिवा व्याहिसब दुखहरौ ॥

सुनि हरषित भे कविरवि ताता । भये तयारसहित हरषाता ॥

अपनहु भे तयार वृष गामी । वृषहितयारकीनशिवस्वामी ॥

प्रथम रूप जोइ नापित देखा । पर्योमहाप्रभुतससोइबेषा ॥

महा वृद्ध जर्जर तन भूता । लसत मनहु योगी अवधूता ॥



केश श्वेत नहिं रूप स्वहावा । खिन्नकवौजनु अन्न न खावा ॥  
 वैसिन वृद्ध बैल अति डागर । जीवन बस्य केर तहँ पाखर ॥  
 भांग धतूर लादि तेहि ऊपर । बैली जीर्ण गिरै बहु भूपर ॥  
 अलख अलख कहि चलेपुरारी । चलेहु कबिहु अनिशिगुतनधारी ॥  
 पहुँच्यो जाय हिमंचल बागा । बैठ्यो डासि चर्म बर नागा ॥  
 हिमिजन रहे बरात निहारत । अरुनिज ओर समाजसम्हारत ॥  
 बीत्यो जब बासर त्रय जामा । आयोन कछु बरात क सामा ॥  
 तब अतिबिकलगिरीश्वर भयऊ । खबरि हेत बहु लोग पठयऊ ॥  
 मैना कादिक पुत्र सुहाये । खबरि हेत चढ़ि अश्वन धाये ॥  
 फिस्थो घूमिके कोश हजारन । कतहुं न खबरिलह्यो गिरिवारन ॥  
 उमा सखी धरिचंचल गतिही । जोइ पियारि उमाके अतिही ॥  
 मिलिदशपांच कह्यो अस बाता । चलो लखी पुर बाहर बाता ॥

दो० निकरि गई तेहि बागमें जहँ शंकर आसीन ।

लखि तपसी करि दंडवत बोली गिरा रसीन ॥

सो० हे वर तपसी तात किहि मग आयो तुम यहां ।

देख्यो कतहुं बरात आवत पुर कैलास से ॥

आज सखी मम राज दुलारी । तेहि उदवाह लगन सुखकारी ॥  
 नहिं आयो वर नाहिं बराता । तेहितेहै सब पुर विकलाता ॥  
 जो तुम दीख होय मग माहीं । तौ बतलाय देहु हम काहीं ॥  
 तुम्हरे चेलन भात खवाउब । बस दाना बस बैल दिवाउब ॥  
 बोल्यो शंभु बहुत मुस काता । हमहीं हैं वर यहै बराता ॥  
 जाय कहो तुम गिरिवर पाहीं । टिकी बरात बगैचा माहीं ॥  
 लै अगवानी करो बिवाहा । करो खेदनहिं कछु गिरिनाहा ॥  
 सुनत सखी कीन्ह्यो रिस भारी । दुष्ट न बोलसि बात सम्हारी ॥  
 अति गय शिशु मम राज दुलारी । तिहि तुम मूढ़ देत है गारी ॥  
 कह्यो शंभु नहिं मानहु गारी । समझहु सत्य सुबात हमारी ॥  
 हमरे नगिर द्विज तिलक चढ़ाई । चीन्हत मोहिं हवै भल नाई ॥  
 यह सुनि सखिन बहुत रिसवाई । धरि धरि टांग भूमि धिसलाई ॥  
 एकहि दौरि बैलको मारैं । शिशुन पकरि तिनको झझकारैं ॥



कविसनि ताड़ित भयेअतीवा । बैलहु कर टूटेहु अतिग्रीवा ॥  
फिरीं सखी दै दै बहुगारी । कवि सतिगे जहँ बैठि पुरारी ॥  
रोवन लगे बहुत चिललाई । वृषहु आय बहु रोय सुनाई ॥

दे० धरयो न नेकहु धीर तिन बहुधीरज शिव दीन ।

चहत दिवावा कर सखिन जान्यो शंभुमतीन ॥

सो० शिव इच्छा प्रकटानि बैरै लाली पिपरि बहु ।

सखिन अंग लपटानि अंग अंग काटन लगीं ॥

शिर असु अवणन और ललाटा । ग्रीवा नयन बदनमहँ काटा ॥  
भुजकर उदरसु अस्थन माहीं । पृष्ठ उरु पद धरिधरि खाहीं ॥  
अंग अंग जस काटत सोई । कूदि कूदि सखि भागतरोई ॥  
जबबहुबिकलसखिनकहँ जाना । फेरयो बैरै शंभु सुजाना ॥  
सखी भागि गिरिजा घरआई । भूत सदृश भे अंग सुवाई ॥  
बोलिनआवत अतिहिविहाला । हँस्योतिन्हैलखिगिरिवरबाला ॥  
परसखि बहुत ठठोली लावा । अद्भुत रूप कहां तुम पावा ॥  
विकलदेखिगिरिजानिजदासिन । अमीदृष्टचितयो अविनाशिन ॥  
पुरवत भई गई सब पीरा । मिटयोवरणभि सुचितशरीरा ॥  
तबपूँछयो गिरिजा करि धीरा । मिल्योकहां तुमको असपीरा ॥  
तब कर जोरि माथ महिनाई । बोलत भई सखी मुसुकाई ॥  
तपसी एक बागमहँ आवा । सो अतिवृद्धन जात बतावा ॥  
पराचीन बहु खिन्न शरीरा । धूलित भरम लपेटे कीरा ॥  
दिशा बस्य नहिं बस्य पुराना । दुइ शिशु साथ बूढ़वृषजाना ॥  
लाहे वृषपर बहु बिष झोरी । माया जानत हवै अथोरी ॥

दे० देव विवश तहँ जाय हम तिहिसीं पूछा जाय ।

देख्यो होय बरात कहुं हमसों देहु बताय ॥

सो० तबसोकह मुसु काय हम वर यहै बरात है ।

गिर वर सों कहुजायलै अगवानी जायमम ॥

अस सुनि क्रोध कीनहमभारी । बहुत भांति तेहिको धिकारी ॥  
अब न कह्यो असबात भुलाई । नाहिं तो लेहौं जीभ कढ़ाई ॥  
नहिंमान्योपुनिपुनि सोइभाषा । तनक अदबनहिंतुम्हरोराखा ॥



तब हम टांगखींचि घिसियाई । बहुत कलेश दीन जगमाई ॥  
 अरु दुहुँ शिशुन बहुतहममारा । वृषहिकीनताड़ित अधिकारा ॥  
 निजकलेश नहिंसो मनआनी । तनक कोप नहिं कीनभवानी ॥  
 जब वृषशिशु रोये परिचरना । तबकीन्ह्यो अतिकोपअपरना ॥  
 सुनुमुनीश शिवकर असवानै । निजसों चूरु न उर में आनै ॥  
 सेवक पीर सहत नहिं नेका । देत सजाय शंभु धरि टेका ॥  
 शिवहिसतायसकतनहिंपीरा । दास पीर से होत अधीरा ॥  
 जबलगहनतनदास कसाला । तबलग दुखितरहतशशिभाला ॥  
 अस प्रभु छांडिभजैपरकाहीं । लखो ताहि खरतन नर माहीं ॥  
 इमिहिकहतभेमगनविधाता । अश्रु बहे गदगद भइ गाता ॥  
 क्षणकधीरधरिशिवशिवभाषा । देखि अधिक नारद अभिलाषा ॥  
 लाग्यो कहन शंभु गुणगाथा । कहत रमासन सोइ हरिनाथा ॥  
 दो० कोप करी तपसी तबै बरुरै दीन उड़ाय ।

सकलअंगकाटनलगीं सो गतिबंरणिनजाय ॥

सो० गिरिजै इमिहि सुनाय कहत सखी धर धर हिये ।

भूषण बसन गिराय हाय करत पीटत शिरहि ॥

सखिनवृत्ति व्याप्यो सबनगरी । गिरिवरसुन्योतासुवृतसगरी ॥  
 धरधर कांपि उठ्यो गिरिराजा । शोचनलाग्यो सकलसमाजा ॥  
 नापित कहा सो आवा आगे । द्विजवर कह्यो झूठकेहिलागे ॥  
 द्विजवर बसत सदा मम संगी । कबहुनकिह्यो तासु मनभंगा ॥  
 किहिकारण मोसों छलकीन्हा । जो मुहिंआजु शत्रुफलदीन्हा ॥  
 पुनि तिहिदेउँ कौनविधिवोरी । सब अनुचरनकीनमतिभोरी ॥  
 जिनको करत बहुत विश्वासू । लगन संग पठ्यो वरपासू ॥  
 सो सब आयकह्यो जसबानी । सो सगरी विपरीति दिखानी ॥  
 तजिनिजभागिदोषकिहिलाऊँ । भा अनुकूल ईश कहँ जाऊँ ॥  
 मैंनहुषहिविधि दुखमहँजरई । उर ताड़ना बहुत विधि करई ॥  
 सुतालाय गिरिगिरिते गिरऊँ । जीवत व्याह न यहिसँगकरऊँ ॥  
 कहँ यह तुरिया वैधृत धोरी । कहँ मम तनया नवलकिशोरी ॥  
 सोन सदृश ममसुताअनूपा । कहँ यह जटिल फटिकके रूपा ॥



कहँ नरशीश मालमृगछाला । कहँ पट पाट कनक मणिमाला ॥  
 अंगराग मम सुता लगावै । चिता भरम देखत भय पावै ॥  
 सुतासुभगवर कुशलसाता । नरकी होय तुरत पितु माता ॥

दो० यहि विधि असमंजस बढो सो गति कही न जाय ।

नपितहि बहु आनँद बढो द्विजवर बहुखिसियाय ॥

सो० द्विज मन दुखी विचारि बहुत दुखी जग मातु भै ।

शिव सों प्रेम सम्हारि मनहो मन विनवत भई ॥

छन्द

अरु गिरिजजा निजपानि पातीलिखत विनती साज हे ।

जय जयति स्वस्तिश्रीय मन् महाराज राज विगज हे ॥

शिव शंभु शंकर ईश जगपति त्रिसुरवर गिरताज हे ।

सुनि विनय ममलखि मोहिं दासीबनौ सममहाराज हे ॥

नहिं आदि है नहिं अंत तुम्हरो बाल वृद्ध न जवान हौ ।

जब चहत तब तसबनततुम विनुतंत्र निजअनुमानहौ ॥

अब त्यागि यह अवधूत बाना वृद्ध दीन अमान हौ ।

बनिलसहु सुंदर काम तन शिशु सदल है गय जानहौ ॥

दो० परब्रह्म भगवान शिव तुम्हें कमी है काह ।

जाते किंचिन रूपधरि आयो करन विवाह ॥

सो० हरि यादिक जगदीश इंद्रादिक जगपति सकल ।

जिहिसेवतनयशीश सो किमिभिविषारीबन्यो ॥

जो ममपितु करिके अभिमाना । नापित कहे तुम्हें लघुजाना ॥

निजहिमानि बड़ भेज्यो पाती । आवहिंजिमि महाराजबराती ॥

सो सब चूक क्षमापन कीजे । जानि सुआपन आपन कीजे ॥

बहु संताप सहत द्विजताता । मुहिंधिककहतजननिपितुजाता ॥

सुता नहीं यह हवै तमासा । यहिविधिकरत मोर उपहासा ॥

लखतभागि ममसबपरधोरी । अरुमुहिंकहत सकलकुलबोरी ॥

चारिउ वेद करत इमिगाना । जन प्रण राखब है तब बाना ॥

जो मैं सत्य सेवकिन तोरी । तौ पति राखु सदाशिव मोरी ॥

मनबचक्रमजो दृढमतिमेरी । तब तजि होय न गति परकेरी ॥



तव ममलाजलाज द्विजवास । राखु राखु पति राखन हारा ॥  
असकहि विजयासखीबुलाई । तिहि दीन्ह्यो बहुमान बडाई ॥  
ले पाती तपसी पहुँ जाहू । जाहु अभय पर लखै न काहू ॥  
करि दंडवत दिह्यो यह पाती । विनयकिह्योचितचेतिसोहाती ॥  
जो कछु सकरुण देवै उत्तर । सोसुनि ममढिग आयोहरवर ॥

दो० ले पाती विजया चली सुख महँ मगन अचेत ।

उपज्यो ब्रह्मज्ञान तिहि शिव सन्मुख चितदेत ॥

सो० अहो भाग्य मम आज शिवपद लखब प्रत्यक्षही ।

ज्यहि देखन के काज बहुतप्रतन हरिविधिकरत ॥

जोपदधरत शिवानिजमनमा । जिहिपदलागिबसतमुनिबनमा ॥

सोपदहमनिरखबभरिनयना । मम सम भाग्यवती कोउहैना ॥

जो पद सेय घात जगकारी । जिहि सेये जगपाल मुरारी ॥

सिद्धिद भे गणपति जिहिध्याई । तपत सूर्यजिहि सेयअमाई ॥

होत निख जिहि सेवतलाखी । अहो भाग्य सोदेखब आखी ॥

यहि विधिमगनहोत मगवीचा । पहुँची विजयागिरिश्रवणीचा ॥

जहँ आसीन रह्यो अवि नाशी । पहुँचि तहाँगै गिरिजादासी ॥

लखि शिव पद भै पूरण कामा । कीन प्रणामभाषि निजनामा ॥

दे पाती दूनो कर जोरी । ठाढ़ि भई करि प्रीति अथोरी ॥

पढ़ि पातीलखि गिरिजाप्रीती । तिहिउत्तरलिखि कीनअभीती ॥

सो विजया कर दीन महेशा । विदाकीनसब काटि कलेशा ॥

आय शिवा कर दीन्ह्यो सोई । बांचिशिवातिहिप्रमुदितहोई ॥

लिखा रहै युत नेह घनेग । सकल मनोरथ पूरब तेरा ॥

बहुत मगन भै गेल कुमारी । जानि कृपा करिहैं त्रिपुरारी ॥

दो० अबसुनमैना गिरिचरित भयोजयसजिहिकाल ।

सूझतनहिं कछुयुक्तिपर क्षणक्षण होत विहाल ॥

सो० अस लखि विंध्य सुमेरु मंदरादि जे बुद्धिवर ।

लेकरि सुमति घनेर आये मैना गिरिश्र ढिग ॥

सुर गिरिकह्यो ससम्मत बाता । मैना सहित सुनो गिरि ताता ॥

रोय रोय नहिं होय निवाहा । करोकाजकछु सहित सलाहा ॥



प्रथम जबैसब सुर ढिग ताता । बर खोजन पठयो हुलसाता ॥  
 तब सब सुरतव कन्या काहों । मानिमातु जग मान्यो नाहों ॥  
 विधिहु विष्णुजिहिमातुपुकारा । अपर कथा तहँ कौन पसारा ॥  
 पुनि द्विज मुख वैकुंठ निवासी । तुम्हरे ढिग संदेश प्रकाशी ॥  
 जाहि शिवा बर देय बताई । ताहि बरो संदेह मिटाई ॥  
 लखोताहि सबजग करस्वामी । हमहूँ तिहिपद करत नमामी ॥  
 तब द्विज बर लै सुता रजाई । करी जाय तिहि साथ सगाई ॥  
 जिहि सेवत श्रीपति बनवारी । ताहि कहत कम होय गवारी ॥  
 मम मतिसे सोहैसब लायक । लीला करत अबहिं गिरिनायक ॥  
 पुनि परिणाम सहित हरपाई । अस हमरे डरमांझ समाई ॥  
 तिहि बूझ्य हैज्ञान बिसारी । जानिबूझि नहिं बनौ अनारी ॥  
 एकसंग अरु नापित द्विज भूषा । गयो लखो कसपरपर रूपा ॥  
 परम अकिंचिनि नापित देखा । महाराज समद्विज वर पेखा ॥  
 निजनिजभावसरिस फलपावा । सोसब आंखिन दीखसोहावा ॥

दो० लगन साथपुनि जेगये तेसब देख्यो जाय ।

शेष सुरेश रमेश विधि सेवत प्रीति लगाय ॥

सो० अबबनि आयो बूढ़बहु कुरूप अरु दीनबर ।

है स्वतंत्र आरूढ़ रुचै जोई सोइ सो करत ॥

पुनिजसकीन्ह्योसखिन विहाला । सोसबदेख्यो नयनहिमाला ॥  
 अब तजि खेद सुनो मतएकू । गिरिजा सनपूँछो कगिटैकू ॥  
 और सुनो एक बात हमारी । सकलबुद्धिबल लेहुविचारी ॥  
 कन्या सदा मातु पितु के वश । तासु लाजवश होयचहैजस ॥  
 पर तिय कैस्यो होय कुबेसा । निजमुखचहतनकवरनगेशा ॥  
 गिरिजा तो गुण रूप निधाना । तिहिउपमानहिंवेद बखाना ॥  
 सोनिजमुख किमिकुपतिबतैहै । हैहर्षित किमिद्विजहि पठैहै ॥  
 यहि में है कछु कारण आना । लीला करतजानि अभिमाना ॥  
 गिरिजा कहा किहे हैबरु भल । और बात जानौसबनिरफल ॥  
 अससलाह सुनिगिरिवर मैना । गिरिजहिबोलिकह्यो शुभवैना ॥  
 हेमम प्राण प्रिया शर्वानी । सकलशोच हरसबसुखदानी ॥



सदा मातुं पितु की तुम भक्ता । किहिकारण अबकरतअशक्ता ॥  
 सबसुर तम्हैं कह्यो निजमाता । कह्योमात निजहरिहुविधाता ॥  
 तिहिते हमैं जानि शरणाई । सत्य सत्य सब देहु बताई ॥  
 क्यहिबरहितबनमैंतपसाध्यो । क्यहिद्विजसौनिजमुखऔराध्यो ॥  
 कौन रूपद्विज आय बतावा । कौन वेष अब परत लखावा ॥

दो० कहोसकल विस्तार युतकरहु न नेकहु लाज ।

समयहोन में बदतबुध लाजसे होतअकाज ॥

सो० आयो सकल महान उत्सव को दुखमहँ परे ।

तिहितेकहुतिमिज्ञाननिनिदुखकटिउत्सवठनै ॥

अस कहि सब जनगयो चुपाई । गिरिजहुसुनिबहुगई लजाई ॥

अधो चितै महि खोदन लागी । सुमरयो शंकर चरण अदागी ॥

सबहि सुनाय कह्यो तब बैना । माता ओर अधो करि नैना ॥

जोतपसी ठहरयो आरामा । सो सर्वज्ञ सकल गुण धामा ॥

लखिअभिमान होत नहिंराजी । शरणगये सबभांति निवाजी ॥

सर्वोपरि सब कला विभासी । मदाहार तिहिको श्रुतिभासी ॥

जोपाती भेज्यो मदमाती । तिहिते असबर बन्योबराती ॥

ज्यहि तुम लखो सर्व बरपाता । आवैं विष्णु विरंचि बराता ॥

तेविधि हरि सेवत शिवहेरी । जे लै गये लगन तव प्रेरी ॥

औरहु सुरन दीख पद सेवत । उत्सवसहित जन्मफललेवत ॥

बरहु देखि महाराज समाना । आय तात ढिगकीन बखाना ॥

सोअब बन्यो बढ करभिक्षा । तुम्हरे मदकी लेत परिक्षा ॥

तिहितेमदतजितिहि ढिगजाहू । लेहु सोई जोमन अवाहू ॥

अस कहिरहि जगमातुचुपाई । सकल गिरीशन केमन भाई ॥

तयसबमिलिअसकीनविचारा । चलो चली तहँ सबएकबारा ॥

मदतजिआहि आहिसबबोलो । करिविनतीतिहि मनगतिखोलो ॥

दो० असकहिमंदरविंदुअरुसुरगिरिहिमिगिरितात ।

चलेसकल आरामको जहँ तपसी विलसात ॥

सो० आगे करि हिमवान शिवपहँ गे करि दंडवत ।

हमहैं बहुतअयान असकहियितभे जोरिकर ॥



तिहि अवसर बहुलीला धारी । हराचह्यो तिनमद मदनारी ॥  
 कविशनिजोदोउशिशुसुखशीला । जानिशंभु मनकीन्ह्योलीला ॥  
 खेलव छांडि शंभु ढिग आये । भूँखभूँख कहि रोय सुनाये ॥  
 तबशिव कह्योयहांसे डोलो । मुहिं विषचढो जात नहिं बोलो ॥  
 खेल्यो नेर न जायो दूरो । कछु ह बेरमे पैहो पूरी ॥  
 जब गिरि द्वारचार है जाई । तुरत कलेवा गिरिश पठाई ॥  
 पुनिपुनिकविशनिरोयसुनाई । भूँख लागि बहुरहो नजाई ॥  
 जबलगि हमै देहु कछु देवा । जबलगि भेजै गिरिश कलेवा ॥  
 देर करत अगवानो माहों । जानिपरत गिरिघर कछुनाहों ॥  
 अससुनिगिरिजनकहगिरिपाहों । शिशुन खवायदीनकछुचाही ॥  
 तब गिरि शिवसों कहकरजोरी । बिनतो एक सुनहु प्रभुमोरी ॥  
 आयसु दीजे शिशुन खवाऊं । निज सेवकसँग स्वघरपठाऊं ॥  
 तब तपसी कह भले नजेशा । शिशुन खवाउब है फलवेशा ॥  
 ये शिशुहैं मम प्राण समाना । तजिपितुमातुसाथममठाना ॥  
 तबशनि कविकह युत चतुराई । गये दास सँगकवनि भलाई ॥  
 भूँख सहब नहिं पर घरजावै । बिन स्वामीनहिं पेटअघावै ॥

दो० तब शिवकहा गिरीश सन जाहुशिशुन सँगतात ।

इन्हैं खवावो आय पुनि कहौ स्वमन की बात ॥

सो० तब गिरीश हरपाय आयो घर दोउ साथ लै ।

बेदी निज लिपवाय बैठायो आदर सहित ॥

पीढ़ा कनक रतन मणि पारे । तेहिपर बैठ्यो कविरविवारे ॥  
 परसन लाग्यो चतुर सुआरे । पटरस परस्यो चतुर विधारे ॥  
 दालि भात रोटी घृत बोरी । बरा फरा अरु सेव फुलोरी ॥  
 अबवा भटवा पान रसाजा । बचकाधोंधिलासदधिविराजा ॥  
 खरका बरी तरी मसरंगी । चर फर नमकी रंग बिरंगी ॥  
 रिकवछ और बरी ब मगौरी । कमीकहाजहँ निजथितगौरी ॥  
 क्षीर स्वीर मेवा बहु डारी । करिकपूर बासितसुखकारी ॥  
 कोमल पूरी पूष पिकोरी । सुभग पिराक पराठकचोरी ॥  
 तहां बहुत परसी तरकारी । कछु रुनामतेहिकरों शुमारी ॥



रम्भा पनस परोरा लाऊ । सूरन कुम्हड़ा शाक बिँवाऊ ॥  
 तेहि पाछे बहु दई मिठाई । अतिबरमिष्ठ मधुरबिमलाई ॥  
 पेड़ा लड्डू सेव बतासा । मिसिरी कन्द अनर्ससबासा ॥  
 बरफी अपर अमिरती गाई । अस बताय फेनी सुख दाई ॥  
 गट्टा चँदिया आदि मिठाई । बिस्तरभय सब नाम न गाई ॥  
 यहि विधिबहुठ्यंजन परसावा । एक कौरमें कबिशनि खावा ॥  
 पुनि बहु परस्यो चतुर सुआरा । एककौरमें पुनि चखि डारा ॥

दो० परसत देखत सकल जन खातनतिन्हैं लखात ।

तब गिरिसों स्वरतारकरि बोल्यो कबिरवितात ॥

सो० सुनौ तात हिमवान तव सेवक अति दुष्ट हैं ।

परसतकरि बहुमान देतन भोजन विधिभले ॥

अससुनि हिमगिरिबहुतरिसाई । गयो आप जहँ रहै रोसाई ॥  
 परसायो भोजन बहु न्यारे । एक कौरमहँ तिनचखिडारे ॥  
 भोजन घर भोजन नहिं रहेहू । तबगिरिपतिसोंकबिशनिकहेहू ॥  
 जौ अस करतब रहै तुम्हारे । तौ कत भोजन देन सिधारे ॥  
 तब गिरिश मैना कहँ कारी । कह्यो पुत्र मम आज्ञा कारी ॥  
 जो पकवान महा गिरि ढेरी । इन्हैं देखाय देहु अनबेरी ॥  
 खांय पेट भरि कहगिरि नाथा । तब मैनाक गयो लै साथी ॥  
 अन्न महा गिरि दीन देखाई । एक कौरमहँ कबिशनि खाई ॥  
 तब कबिशनि बोल्योपरबोली । देतन भोजन करत ठठोली ॥  
 हवैं बहुत गिरिलोग खराबा । भले बरात न लायों बाबा ॥  
 दुइ शिशुआयनगिरिश बराता । भोजन मिलत न पेटअघाता ॥  
 जो औते सुर मुनि बहु जाती । तौ केवल गिरिकी पति जाती ॥  
 पुनि बोल्यो कबिशनि बहुरोई । भूखलागि नहिंजात रहोई ॥  
 पक्व अपक्व मोट कृष नाजा । जौ कछु होय देहु महाराजा ॥  
 तब गिरिजो सीधादिक काजा । जोरयो रहै सुअन्न समाजा ॥  
 कबिहिशनिहिसबदीनदिखाई । देखत सकललीन तिनखाई ॥  
 अस जल कुंड सकल पीडारी । पुनिपुनि मांग्योभोजनवारी ॥  
 अस असकहि गुरुपाससिधाई । भूखे जाइत कौनि भलाई ॥



दो० शिधटिग पहुंचि प्रणाम करि रोवन लगे पुकारि ।

झूठहि कहि गिरिलैगये दिह्यो न भोजन बारि ॥

सो० तब शंकर हँसिदीन भे प्रसन्न तेहि चरित लखि ।

भूख सकल हरि लीन करि कसणा उर लायहु ॥

तबगिरि को छूट्यो अभिमाना । सर्वोपरि तपसी कहँ जाना ॥

लै सँग सुतन और सब भाई । परे सकल तपसी पद जाई ॥

त्राहि त्राहि कहि पाहि पुकारी । करो कृपा तुमहौ मद हारी ॥

हौं जड़ तोर प्रभाव न जाना । पातीलिरख्योसहितअभिमाना ॥

कीनकानिनहिंबिष्णु सिखावा । सो फल भली भांति मैं पावा ॥

तुम सर्वोपरि हौं सर्वेश । जेहि ध्यावत युतरमा रमेश ॥

मैं मुहिसे प्रभु बहुत गवारी । क्षमा करो सब चूक हमारी ॥

करि शासन पुनिकरै क्षमापन । वेद कहत सोइ हवै बड़ापन ॥

अब तजिके यह खिन्नस्वरूपा । पूरहु साध मोर सुर भूपा ॥

जस मोरेमन होय उछाहा । भूप रूप धरि करो विवाहा ॥

अस सुनिबिनय हिमाचलकेरी । भयो प्रसन्न शंभु सुख ढेरी ॥

तथा अमृतु बोल्यो सुख रासी । वरपत फूल भये नभवासी ॥

हिमि गिरिसों बोल्योपुनिशंभू । अबसुखसजोत्यागिसबदम्भू ॥

आवहु साज सहित अगवानी । तब बरात देखो मन मानी ॥

यहिसिसिद्धिदाकीन गिरकाहीं । गिरसुखकहतबनतकछुनाहीं ॥

कुटुम सहित बूड़त कधिनावा । बचेहोतसुख तिमिगिरपावा ॥

दो० छूटि राज अरि हाथते जिमिसुख मिलै बहोरि ।

तेहिते दश गुण गिरि समन बाढ्यो हर्ष अथोरि ॥

सो० शंकर मनहि विचारि डमरू दीन बजाय तब ।

सुनत सुरा सुर झारि चले हरषि शंकर जपत ॥

सकल जानि शिव केरविवाहा । सजिवजिचलेसहितउत्साहा ॥

गरुड चढ़े हर्षित बनवारी । बहुत सजे पट भूषण धारी ॥

भूषण सकल नवीन बनाये । अहत बसन सुमहोनसोहाये ॥

पट जरकसीजड़ी मणिमोती । जेहियुतिसहसभादुद्युतिखोती ॥

माथे मुकुट नवीन स्वहावा । कनकजटितमणिरविसमभावा ॥



कानन कुंडल जर मनि यारे । तेहि पर परी लट घुघुवारे ॥  
 इमि सब अंग अंग बहु भूषण । वरणिन जात अनूप अदूषण ॥  
 माथे शुभग त्रिपुंड सवारे । उपमा जासु खोजि कविहारे ॥  
 इमि सरबांग सुशोभा धारी । होत छकितमनध्यानसम्हारी ॥  
 जरमय मणियुतशुभगउपाना । ध्यावतजाहि मिलत निर्वाणा ॥  
 अरु नइ साज खगेश बनाये । आय शंभु पदमे शिर नाये ॥  
 हाथ जोरि महि माथ नवाई । बिनती करन लगे सुरसाई ॥  
 जय महेश जय शंभु कृपाला । जै आरत हरजय शशिभाला ॥  
 ईश अनीश अनादि अनंता । वेद कहत यश नेति भनंता ॥  
 जय गुणरहितसकल गुणकारी । त्रिगुण परे शिवसून्यविहारी ॥  
 निज इच्छिततुमधरतस्वरूपा । हरिविधिविष्णुसकलदिगभूपा ॥

छन्द

मम रूप धरि तुम त्रिजग पालहु ब्रह्महै जग शिरजहू ।  
 लय करहु शंकर रूप धारी सर्व पर शिव बरजहू ॥  
 धरि भानु रूप तमारि हौ तुम शीत करि निश करबनौ ।  
 है इंद्र सुर पुर राज भोगो अग्नि है ज्वाला ठनौ ॥  
 जम धाम दुइ बनि रूप शंकर सकल जगको निस्तरो ।  
 अरु निरित पतिको रूप धरि पुनि मानि जन पीडाहरो ॥  
 धरि वरुण रूप महेश शंकर सकल त्रिजग जलेश हौ ।  
 धरि इमिहि तन जग काज साधत काटिसर्व कलेश हौ ॥  
 पुनि पवन रूप स्वरूप नवकधि बनत जगके प्रानहू ।  
 तेहि त्यागि परको मूढ़ खोजत मंद बुद्धि अजान हू ॥  
 छन्द वनि दर्बेसा करु सुख बेसा वनि ईशाना देनिर्वाणा ।  
 होतधरणिधर वनिकेमन्दर वनिअहिरावा धरणिउठावा ॥  
 इमिबहुरूपा धरतअनूपा इमितवलीला सुखदरशीला ॥  
 बेदनजानत नेतिबखानत लहितवदाया मूर्खहुगाया ॥  
 दो० इमिहम शिव नुति करिरमा परम प्रफुलित गात ।  
 देखन लाग्यो रूप शिव जो नहि बरनि सिरात ॥  
 सो० देख्यो नयन हमारि तहँ रसना नहिं को कहै ।



रसना कहै पुकारि सोउ नयन विन सोचही ॥  
 पर निजमतिसम कहववखानी । होन पवित्र हेत निजवानी ॥  
 महा राज सम साज बनाये । गोर बरनशुचिकनकलजाये ॥  
 माथे मुकुट कनक सनियारा । मानहुकोटि भानु द्युतिधारा ॥  
 कानन कुण्डल जर मणि सोहै । तेहिपरअलकश्याममनमोहै ॥  
 चन्द्र बदन खोड़ष वय धारे । सेत भरम त्रयपुंड्र लिलारे ॥  
 तीन नेत्र रवि शशिगुचि नाना । वन्यो भौहँ जनुशुभगकमाना ॥  
 गोल कपोल जातनहिं गाई । लेत सोलजनु शंखगोलाई ॥  
 नासा शुभग सुवा मद हारी । अधर अरुण बिम्बागतिटारी ॥  
 बीज अनारहि रदकररदहर । हँसी संद सेवक निज दुखहर ॥  
 श्रीवा कम्बु कला द्युतिहारी । वृषभ कंध सोहत भुज चारी ॥  
 बहु सोहत शिवबाहुअजाना । कनक रतन मय भूषण नाना ॥  
 मणिकंठागलमध्य विराजत । ध्यानकरत जनको दुखभाजत ॥  
 विषश्यामतान जातवखानी । लहतमहासुखजेहिलखिध्यानी ॥  
 उदरविशाल तहां मणिमाला । पीत वसन छविहर रविवाला ॥  
 नाभी गहिर महा छविदाई । हरि कटियुत किंकिणी सुहाई ॥  
 धोती जरद बर्क छविखोती । तेहिदिग उभय गुहीमणिमोती ॥

दा० रम्भा खम्भा जानु युग गुलुफ गोल सुख खान ।

ज्यहिकोध्यानी ध्यानकरि लहतपरमनिरवान ॥

सा० चरण अरुण अरविंद जहँ मुनिमन मधुकरनितै ।

पियत सुखद मकरंद भुक्ति मुक्ति जो इच्छहीं ॥

पद जावक पावक छवि हारी । तरवा अरुण महा सुखकारी ॥  
 मणि जर रचित विमानबनाई । तेहिपर शम्भु बैठि हरषाई ॥  
 यहिविधि लखिअच्युतहरषाई । नतिनुति करतगयो निकटाई ॥  
 देखि शम्भु अच्युतकर साजा । महा प्रसन्न भयो महाराजा ॥  
 उठि आसन दहिनेपर दीन्हा । धरिकगृहदयलाय शिवलीन्हा ॥  
 सबगिरीश बतहरिहि सुनावा । सुनिहरि बारबार गिरनावा ॥  
 जो चाहौ सो करो पुरारी । त्राहित्राहि तुमहौ मदहारी ॥  
 जो तुमसे कोउ करै गवारी । सोजनुनिजकर बातविगारी ॥



बड़ेन केरि है यह प्रभताई । सांनिकरितुरतहि करुणार्ई ॥  
 अतिभलकीन कृपा प्रभुकीन्हा । जन्मलाभ सबकाहुन दीन्हा ॥  
 रहो लालसा जस सुर मनमा । सो तुम पूरकीन यहिक्षणमा ॥  
 यहिविधि छकितहोत बनवारी । बार बार शिवरूप निहारी ॥  
 तेहिअवसर पहुँचे हममुनिवर । हंस चढ़े सुन्दर भूषणधर ॥  
 संग लिये सब वेद पुराना । धरे रूप सब शैव सुजाना ॥  
 कश्यपादि मुनि सँग सब मेरे । पहुँचे सकल शम्भुके नेर ॥  
 तुम्हैं आदि मुनि लै संगताता । गये शम्भु द्विगयुत हुलसाता ॥  
 दो० कीन्ह्योहम नुति नतिबहुत लखि शिवशोभासीव ।

॥ बाम भाग आसन दियो करि शिव कृपा अतीव ॥

सो० पुनि आये सनकादि धूलित भस्म त्रिपुंड्र धर ।

॥ तासु जन्ममुनिवादि जासुभाल बिनभस्मको ॥

कर रुद्राक्ष सुमिरनी लीन्हे । शिवशिव जपत ब्रह्मरसमीने ॥  
 आय शम्भुपद नायो माथा । ठाढ़े भयो जोरि युग हाथा ॥  
 देखि शम्भु सबकादिक प्रीती । उठि आसनदीन्ह्यो जगरीती ॥  
 छकित भये शिवरूप निहागी । जयजय शब्दकह्योमुनिझारी ॥  
 तब आयो इन्द्रादि दिगेशा । अनल समन नैऋतपतिकेशा ॥  
 पवन कुबेर दिगप ईशाना । सजे साज पट भूषण नाना ॥  
 निजनिज बाहन संग बनाई । आय शम्भुपद सब शिरनाई ॥  
 सबकर आदर कीन पुरासी । आसन उचितदीन मदनारी ॥  
 लखि शिव रूप छकितहै देवा । लागे करन शम्भुकी सेवा ॥  
 सविता आदि सकल ग्रहआये । आय शम्भुपद माथ नवाये ॥  
 किन्नर गन्धर्व अप्सर आदी । आये सकल सुमंगल वादी ॥  
 नाय शम्भुपद शिर बहुबारा । नाच गवनई कीन पसारा ॥  
 नाचत गावत ताल अदम्भू । देखन लगे देव युत शम्भू ॥  
 शेषादिक आये वर नागा । मानिभाग्य निजयुत अनुरागा ॥  
 दानव दिव्य निशाचर आये । विस्तरभय सबनाहिं गनाये ॥  
 भूत पिशाच प्रेत बहु भांती । उदसव युत आये बंधु जाती ॥  
 दो० आये गण कैलास ते भैरव नंदि मखारि ।



क्षेत्रपाल आदिक सकल जो शंकरहि धियारि ॥

सो० विस्तारभय सब नाम ताहिं गनायो गणनके ।

शिवपदकरतप्रणाम होतछकित शिवरूपलखि ॥

संख्या शंभु गणतकी भारी । को अब करि तेहिबनैअनारी ॥

जाहि गनाय सकै नहिं वेदा । किमिकहिसकैअपरतेहिभेदा ॥

जब सब थकठे भई बराता । सकल सजाये साजअघाता ॥

देखि शंभु अतिथय मुसकाई । हरिसोंकहतगिरिशजड़ताई ॥

बाजा सकल बराती बाजत । वर्षाकाल मेघजनु गाजत ॥

तासा ढोल झांझ रव भारी । सुननदेत नहिं शब्द परारी ॥

वीण मृदंग पखावज भीरी । सरंगो तबलतितारन फीरी ॥

शंख मँजीर घंट घरियारा । ऊंट अश्व गज उपरनगारा ॥

गज घंटारव अधिक सुहाई । रथ किंकिणी महा रवदाई ॥

यहिविधि शंभु बरात बखाना । अब सुनियेगिरिकेर समाना ॥

जब गिरि शिवसों बिदा कराई । आयो निजघरसुखमनलाई ॥

देख्यो भवन भरा पकवाना । ठौर ठौर सब भरा समाना ॥

जेतिक कवि अनिलीन्ह्यो खाई । तासुदून सब परत लखाई ॥

भयो मगन गिरिकधि सुखचैना । सकल प्रसंग सुनायो मैना ॥

मैनहु सुनत महा सुख कीन्हा । सर्वोपरि तबशिवहँ चीन्हा ॥

बहुत दानदै बिप्रन रानी । करतचारमिलिसखीसयानी ॥

दो० तेहिअवसर गिरिचर चतुर गिरिपुरपहुंचे आय ।

लागे कहन बरात गति अस बरको बपुगाय ॥

सो० सुनत गिरिश हर्षाय बजवायो बाजा हरषि ।

बिप्रन बहुत बुलाय दीन दान नहिं जातगनि ॥

तब मैनाक बोलि गिरिराई । और सकल सुत लीन बलाई ॥

हरष सहित बाले गिरिवानी । लेहु जाय शंकर अगवानी ॥

सुनि मैनाक साजि बहु साजा । कह्यो बजावो सुखकर बाजा ॥

हयगजस्यन्दन अधिक सँवारी । चले लेन अगवानि पुरारी ॥

अगवानी सुर आवत जाना । भूषण वसन सजे विधिनाना ॥

निज निज बाहन चढ़े बराती । तुरंग नचावत भे बहु भांती ॥



दुहुं दिशितुरंगनचावतचातुर । लखिनहिं परतिकला अति आतुर ॥  
 छूटे दुहुं दिशि अनलखिलोना । तिहिलखि होति प्रलय शुचि मौना ॥  
 मिलत परस्पर गिरिहु सुरेश । सो सुखनहिं कहि सकत अहेषा ॥  
 तब मैनाक स्वपूरण कामा । जाय विष्णु ढिग कीन प्रणामा ॥  
 शिवहि निरखि भामगनविशेषी । निजसमान नहिं पर कहँ देखी ॥  
 तब करजोरि विष्णु सोभाषा । नाथ कृपा पूरेहु अभिलाषा ॥  
 अब करि कृपा चलो मम द्वारे । पूरण करो मनोरथ सारे ॥  
 तथा अस्तु तब कहि भगवाना । बिदा कीनतिहि दै सुख नाना ॥  
 तिहि करि बिदा विष्णु हरषाई । शिवहि प्रणाम कीन शिरनाई ॥  
 नाथ चलो चलिये गिरि द्वारे । द्वार चार होवै सुख सारे ॥

दो० तब शिव कह्यो रमेशसों सबही आयसु देहु ।

भिन्नभिन्न निज दल सहित चलत जाय सब देव ॥

सो० कौतुक होय अनेक सकल लखावहिं निज महत ।

क्रमसों सहित विवेक सकल चलै गिरि द्वारको ॥

लखि शिव मानसहसि सुरराई । भलेहि नाथ कहि शीघ्र नवाई ॥  
 सब सुरबोलिसु आयसु दीन्हा । शिवइच्छा कहि हर्षित कीन्हा ॥  
 निज दल बाहन साजि सवारे । पृथक पृथक चलिये गिरि द्वारे ॥  
 भलेहि नाथ कहि सब सुरराई । निज निज दल करि भिन्न बनाई ॥  
 हर्षित चले सकल गिरि द्वारे । सब पाछे शिव स्वदल सवारे ॥  
 गह गहाय बाजे सब बाजा । आगे चल्यौ सुकिन्नर राजा ॥  
 अब सुनिये पुनि शंकर माया । मैनाहि मोह भयो मुनिराया ॥  
 मैना निज मन कीन विषादा । जिहिनित भा द्विजनापित बादा ॥  
 द्विज मुख से बहु सुन्यौ बखाना । पुनि नापित तिहि निंद्यौ नाना ॥  
 लगन साथगे जे गिरि दासा । तिन सब आय कह्यो सुख भासा ॥  
 पुनि आयो सोइ बनि अवधूता । योगी जटिल मलीन अपूता ॥  
 महा वृद्ध बहु खाक लगाये । दुइ शिशुसँग वृषयान बनाये ॥  
 तिहिलखि मै जस व्याकुल नगरी । सो गतिकहत बनत नहिं सगरी ॥  
 अब सब कहत ताहि महाराजा । बनत न वर्णत भूरि समाजा ॥  
 यह अचरचनहिं जात बखानी । तिहिते मोहिं अब असमन मानी ॥



प्रथम लखौं बररूप स्वनैना । द्वार चार तब करौं सुचैना ॥

दो० लखब सुनैनन ठीकहै परसों सुनबो फीक ।

नारद तुम्हैं बुलायहू असनिज मनदे ठीक ॥

सो० तबपद मेंशिर नाय बैठि धौरहर जालढिग ।

मोहिंशिवदेहु लखाय तुमसों बहुविनतीकरी ॥

तेहि अवसर किन्नर गंधर्वा । अप्सर गणयुत भूषण सर्वा ॥

आयो सकल बजावत बाजा । शिवगुणगावतविमलसमाजा ॥

तिहिपतिनिरखिनिजहिलखिधन्या । तुमसोंकह्योपित्रकीकन्या ॥

हे नारद ये शिव अवि नाथी । कहौसत्यमोहिंलगिनिजदासी ॥

तबतुमकह्योविहँसिमुनिनायक । येशिव नाटक बाजकगायक ॥

सुनि तबबचन बहुत हरषाई । बार बार तब पद शिर नाई ॥

जाके अस बाजक नृत धारी । सो कब देखब नयन पसारी ॥

पुनि आयो शुचिदल बहु भारी । अजवाहन अतिशयद्युतिकारी ॥

ताहि निरखि मैना शिवजानी । नारद सों पूछी तब बानी ॥

हे नारद येहैं शिव साई । तब तुम कह्यो मंदमुसकाई ॥

येशुशुचिशुचि तनशिवदासा । महा तेजस्वी परम प्रकाशा ॥

अससुनि मुदित भईगिरिरानी । बार बार निजभाग्य बखानी ॥

जेहि दासन करहै अस रूपा । सो बर होइहि रूप अनूपा ॥

तिहि अवसर आयो यम राजा । महिष चढ़े तनतेज बिराजा ॥

तिन्हैं जानिशिव तुमसोंयांची । तबतुम कह्योतासुगति सांची ॥

येहैं यम दक्षिण दिशि पाता । जोन भजेशिवतिहिकर दाता ॥

दो० तब आयो नैऋत दिगपप्रेत चढ़े छवि खाति ।

तिहि लखि तुमसों पूछेहू मैनाशंकर जानि ॥

सो० तबमुनिकह विहँसातनैऋत पतिशिवदासये ।

शिवहि जपतदिनरात पुण्यमान जनसाथलै ॥

पुनि दल वरुण देखिगिरि रानी । वाहनमकर महाछविलानी ॥

तिन्हैं जानि शिव बहु हर्षानी । मुनिसों कहतभईमृदुबानी ॥

जानि परत मोहिंये शिव साई । तबमुनिबोल्होबहुमुसकाई ॥

पश्चिम दिगप बड़ा शिव दासा । वरुण नामबहुतेज प्रकाशा ॥



तिहि अवसर आयो जग प्राणा । बाहन हरिणसुशैवत बाना ॥  
 भूषण बसन नवीन बनाये । महा तेजस्वी छविअधिकाये ॥  
 तिहिलखि जानि शिवापति मैना । है हर्षित मुनि सों कहबैना ॥  
 ये गिरिजा पति परत लखाई । बोल्यो नारद अति मुसुकाई ॥  
 शम्भु दास यह नाम समीरा । शिव निंदकन देत बहु पीरा ॥  
 तब कुबेर आयो छबिखानी । ताहि शिवापति जान्यो रानी ॥  
 पंकी नारद कह मुसकाई । यह शिव भक्त दिगप धनगई ॥  
 इन्है शंभु बहुविधि अपनावा । दै वर आपन मित्र बनावा ॥  
 सुनत मगन भै गिरिवररानी । सर्वोपरि निज भाग्य बखानी ॥  
 हे नारद जेहिके अस पायक । सो कस है हे सर्व सुहायक ॥  
 तिहि अवसर आयो गृहधीशा । साथ सकल गृहयुत रजनीशा ॥  
 तेजपुंजसुठि रविहिविलोकी । बढी प्रीति उर रहत न रोकी ॥

दे० पूंछ्यो तुम्है प्रणाम करि यह मुनि शंभु मतीन ।

तिहि तुम शंकर दास कहि मैं नहिं उत्तर दीन ॥

सो० करि शिवभक्ति अनंत तिहि बल टारत जक्ततम ।

यहि गुण वेद भनंत साक्षी कर्म अकर्म को ॥

तब आयो अष्टम दिगपाला । साजे भूषण बसन विशाला ॥  
 बैल चढ़े गण साथ लगाये । कोटि मिहरसम द्युतिअधिकाये ॥  
 तिहिलखि मैना छकित विशेषी । ताहि सद्य गिरिजापति लेषी ॥  
 पूंछतही तुम कह मुसकाता । ये ईशान नाम दिगपाता ॥  
 इंद्र सहायक शिव अवतारा । पालत जगहि करत सुखसारा ॥  
 तिहि अवसर दलसुरपति आवा । छबिनिधान द्युतिखानसुहावा ॥  
 भूषण बसन नवीन बनाये । गजपर चढ़े महाछवि छाये ॥  
 चंवरढात दुहुंदिशि सुखकारी । छत्र लसै शिर ऊपर भारी ॥  
 तिहिलखि मैना कह हरपाता । यह गिरिजापति मंगल दाता ॥  
 सो सुनि नारद कह मुसकाई । नाम पुरंदर है सुरराई ॥  
 सेय शिवहियह सब सुखजीता । सकल सुरनपति भयो अभीता ॥  
 सुनि मैना बहु हारभरोई । जिहिसेवक अस सो कसहोई ॥  
 तब आयो विधिबाजसजाये । हंस चढ़े मुनि गण संगलाये ॥



अहण वरण तन तेजविराजै । चारिबदन अतिशय कविछाजै ॥  
सनकादिक सोहतरविमाना । रूप धरे सब वेद पुराना ॥  
तिहिलखि बहु मैनाहर्षानी । नारदसों पूछा मृदु बानी ॥

दो० यहु गिरिजा पति शंभु है नारद कह मुसकाय ।

यह विधि जग करतार है इनके शंभु सहाय ॥

सो० करत सदा जग सृष्ट धारि रजो सत लोकमें ।

करि शिवकी इन इष्ट लही बहुत अधिकारको ॥

तब आयो चढ़ि गरुड़मुरारी । शोभा जासु न जात पुकारी ॥  
सुमिरिजाहि छबि कहँ छबिहोई । तिहि छबिकक सकहै कविकोई ॥  
शोभा धाम श्याम घनरूपा । कौस्तुभादि मणि सजे अनूपा ॥  
निरखि ताहि मैना हर्षाई । पूछा मुनिसों शीश नवाई ॥  
समझि परत यह शिव शिवदाता । तबतुमबो ल्यो बहु मुसकाता ॥  
हैं ये रमानाथ जग पालक । अमरसहायक असुरन घालक ॥  
सेय शिवहि भे त्रिजग विहारी । सृष्टि अवनलयके अधिकारी ॥  
शिव समान सबकाम प्रकाशी । गतिहु देत जपि शंकरकाशी ॥  
कहँ लगि इनकर कहौ विहारा । इनसे परनहिं शिवहि पिपारा ॥  
मुनि मैना अतिशय हरषानी । विधिहि हरिहि शिवसेवक जानी ॥  
बढ़ी लालसा वर देखिबेका । परअभक्तिजग सुखमनबेका ॥  
बिना शंभु जगजाल तथाहै । बिना वारिको ताल यथाहै ॥  
है परन्तु शिव ध्याउत्र नीका । भक्ति अभक्तिहोय यश टीका ॥  
मैना मनगति जानि महेश । कीनक्रोध बहु स्वमन परेश ॥  
चाहत व्याह रूप मम देखी । सो देखाय टारौं सब शेखी ॥  
धरौं रूप अवधूत समाना । जेहि विधिना पित आयबखाना ॥

दो० जेहि विधि आयौ बागमें वृद्ध विन्न धरिरूप ।

सो दिखाय सब मदहरौं लीला होय अनप ॥

सो० रोयलेय भरि पेट जिनि न करै असमद कबौ ।

मायामोरि असेट जो बरवश तेहि सतिहँस्यो ॥

शिवमन क्रोध लखा बनवारी । सकल रंगमें भंग विचारी ॥

हाथ जोरि शिव शरण गयो है । उभय हाथ शिवचरण दयो है ॥



अबहिं क्रोधकर अवसर नाहीं । नाथ विचारि लेहु मनमाहीं ॥  
 करहु न रंगमें भंग गोसाई । खींचब उचित न चंगचढ़ाई ॥  
 बुद्धिमान जड़की जड़ताई । उलटिकरतबहुविधिकरुणाई ॥  
 यक तो नारि सहज अज्ञाती । दूजे पाहन तिय जड़ जाती ॥  
 करहु क्षमा सब चूत मिटाई । तुम करुणा सागर सुरराई ॥  
 करहु क्षमा मम मानि निहोरा । मैं सेवक तुमहो प्रभु मोरा ॥  
 मैं नहिं रूप अनूप लखावो । उत्सव ठनै जक्त हर्षावो ॥  
 सुनिहरिविनय शम्भु मुसकाई । तथा अस्तु कहि साथ नवाई ॥  
 तुम मम प्राणपीय हरिनाथा । विनयतुम्हारिसकलमममाथा ॥  
 सुनु मुनीश शिवकी यहबानी । निजप्रणतजत दासकी कानी ॥  
 अस प्रभु त्यागि भजै जोआना । सो पामर स्वरश्वान समाना ॥  
 कहतइमिहिंभे मगन विधाता । पुलकितरोम शिथिलभेगाता ॥  
 धरयोधीरकहि शिवशिवकधिमुखा कहनलग्योपरकथासहितसुख ॥  
 सुनिहरिविनयक्षमापनरिसकरि । आगेचल्योमहाप्रभुहँसिकरि ॥

दो० धारे छबिवत रूपजस तेहि शतगुण छबिधारि ।

कोटिभानु समभा लसै शोभन जातिनिहारि ॥

सो० सब निज गणन महेश दीनरूप निजरूप सम ।

वराणिसकतनहिंशेष सहसलपनसोंगणनछबि ॥

यदपि शंभुगण सदा सुहावन । तदपिसमयतेहि अकथबनावन ॥

तब नारद मैनकहि बुझाई । देखु शंभुदल युत हर्षाई ॥

रथपर मध्य शंभु कह जानो । निरखिरूप सबसंशय भानो ॥

तब मैना चितयो तेहि ओरा । चितै न जात महा छबिजोरा ॥

तिलमिल दृष्टग्रयोमुख भयऊ । तबहै विमद शरणशिवगयऊ ॥

दृष्टि शक्ति दीन्ह्यो तेहिशंकर । करुणाकरि सबहरयो भयंकर ॥

सुनहु प्रिया असहै शिव बानी । अपराधिहु पर क्रोध न तानी ॥

मदवश यदपि करै अपराधू । मद हरि शंभु बनावत साधू ॥

असको पर मुनि दीन दयाला । सुमिरततुरतहिकरतनिहाला ॥

असप्रभुतजि जोरहत भुलाना । किहिविधिहोय तासुकल्याना ॥

भजै परहि शिवकाहिं भुलावै । जमनसरिसतेहिकोअतिगावै ॥



परहि भजै तजिकै वृषकेतू । नरक बन्धो मुनि तेहिके हेतू ॥  
 लखि मैना शिवको बहु भांती । मुदितभई करिशीतल छाती ॥  
 बार बार लखि पद अरविन्दा । पियतमधुपइव छवि मकरन्दा ॥  
 हरष पयोध मगन भै रानी । तन सुधिगई न निकरत बानी ॥  
 तब तुम नारद ताहि जगावा । द्वार चारकी सुरति करावा ॥  
 दो० ह्वै चतन्य तब पदपरी धन्य धन्य मुनि राज ।  
 मानि महा उपदेश तब सुता कीन तपसाज ॥  
 सो० तेहिफलमिल्यो महेश जिहिसर्वोपरि श्रुतिकहे ।  
 अब सब छूट कलेश प्रथम मोहवश अनखेहूँ ॥  
 असकहि तुरत उठी गिरिरानी । द्वारचारको अवसर जानी ॥  
 भूषणवसनस्वतनसजिनाना । विप्रन बोलि दियो बहुदाना ॥  
 वदी द्वार सुगन्ध लिपाई । गजमुका सों चौक पुगाई ॥  
 कनककलश तहँ शुभग रचाई । बहुविधि गौरि गणेश पुजाई ॥  
 बाती सहसकमानिक दीपा । सकुचतजिहिछविनिरखिअहीपा ॥  
 कनक धारपर तेहि धावाई । परखन लाग्यो शंभु अवाई ॥  
 दम्पति गांठि जोरि भे ठाढ़े । शिवपद प्रीति बढी उरगाढ़े ॥  
 तबलगि पहुँचिगयो शिवद्वारे । बाजत दुहुँदिशि अनैदनगार ॥  
 गावत बहु तिय चढ़ी अटारी । मारत तंदुल प्रेम सम्हारी ॥  
 तब रथते उतराय पुगारी । बसन विचित्र पांवड़े डारी ॥  
 अरघदेत मधुपर्क करावा । मुनिगण सबस्वस्त्ययनसुनावा ॥  
 तब दम्पति मैना गिरि राई । कीन आरती प्रेम बढाई ॥  
 भयेमगत छवि शंभु बिलोकी । दम्पतिप्रीति रहतनहिरीकी ॥  
 दायज दीन न जात बखानी । कमीकहां जहँ बसतभवानी ॥  
 लीन्ह्योसुरपति सकल सिहारी । दियो दान बहु बिग्रहँकारी ॥  
 याचक सकल अयाचक करिकै । गा जनवासे बहुत उधरिकै ॥  
 छन्द ॥

भयो द्वारचार अपार उत्सव कहत नहिं कुतुहल बनै ।  
 सब देव हरषैं फूल बरषैं जय शिवा शिव सब भनै ॥  
 रस प्रेम पागे नेग मांगे याचकादिक सुख भरे ।



सब करि अयांची जाचि जांची काम परि पूरण करे ॥

दो० द्वारचार विधिचार करि शंकर सहित बरात ।

जनवासे गवनत भये उरुनव बरणि न जात ॥

सो० अबसुनु चरित अपार मनिवरजोगिरिजाकरी ।

कीन्ही स्वमनविचार द्यौतासम पूं जाउचित ॥

ऋद्धि सिद्धि सब लीन बुलाई । आय तुरत सबमाथ नवाई ॥

शासन उचित देहु जगमाता । करै काज सबहर्षित गाता ॥

तब गिरिजा कह कछुमुसकाई । जाय बरात करो पहुनाई ॥

रचहु सकल पाहुनहित सामा । जो जेहिलायकतेहितसधामा ॥

यहिमालखो उभय विधिकामा । शिवसेवनअरुममपितुनामा ॥

सुनि अस शासन माथ नवाई । मुदित तुरत जनवासे आई ॥

लखि शिव सेवन बहु हर्षाई । रचनारच्यो न जाति बताई ॥

जिसनी रहै निपुणतातिनमा । कीन्ह्योप्रकटसकलतेहिछिनमा ॥

जसरचनातिन प्रकटि देवाई । शेषसहसमुख सकत न गाई ॥

निजमतिसमकछु कहौं रखानी । सुनहुमुनीश्वर बहु सुखमानी ॥

ऋद्धि सिद्धि पहुंची जनवासा । प्रतिजनरच्यो बरातिनिवासा ॥

चटा पटी मणि सेत असेता । भूमि बनायो बहु छवि देता ॥

कनक मयी सब भीति अटारी । रच्यो मणिन सों बूटा कारी ॥

शतमहला जनुकुवत अकाशा । कोटिमिहरसम होत प्रकाशा ॥

खंभा गजरद अपर प्रवाला । मनमोहनतेहिछविलखिबाला ॥

बजूमयी सब लागि किवारे । तिनपर वेलिबनी मणि यारे ॥

दो० मणिगंछित जरतार पट तेहि छतरची बनाय ।

गजमुक्ता गुच्छावली झालरि तहां लगाय ॥

सो० तेहिसमभूमिबिछायचिकै डारिप्रतिदरतिमिहिं ।

शोभावरणिनजाय मनहुंउदयरविशशि विपुल ॥

कनकमई बहु खाट बनाई । प्रतिघर अकयक सेजबिछाई ॥

तेहिपर सुन्दर रची सुपेती । बहुमंजुलशशिसमछविदेती ॥

बसन सुकोमल छीर फुहोसी । खोडस खोडसधरचोउसीसी ॥

जरमणिखिचितविजनलटकाई । त्रिविधिवयारि देतसुखदाई ॥



चौकी धरी कनक मणि केरी । चित्र विचित्र जातनहिं हेरी ॥  
 तेहिपर बसन विचित्रमझव्या । तहवां पान धरे भरि डव्या ॥  
 मेवा युत चौघड़ा सुहाई । अरु सुगन्ध भाजन सुखदाई ॥  
 शुभग पूतगीसी मतिलाई । हाथ लिहे मणिदीप सुहाई ॥  
 तासु प्रभा अतिशय सुखदाई । दिवसरैन नहिं परत जनाई ॥  
 भाजन कनक भरे पकवाना । पटरस चारिप्रकार बखाना ॥  
 भरि भाजन दधि दूध मलाई । वरणि न जात अनेकमिठाई ॥  
 करिकपूर वासित बहु शीतल । भरेकनक भाजन निर्मलजल ॥  
 दुइ दुइ सेवक बहु सजानी । खड़े सदन प्रति जोरे पानी ॥  
 रम्भादिक बहु रूप सँवारे । रसिकहेत सोहत प्रतिदारे ॥  
 कामधेनु बांधी प्रति घरघर । कल्पवृक्ष प्रतिद्वार सुखदतर ॥  
 द्वार द्वार अपसर गण नाचत । कलाकरै नट गण सुख साजत ॥

दे० मृदु मंजुल तंदुल मलय बिल्व पत्र कंजादि ।

पूजा हित जर थारमे भरो धरो गंधादि ॥

सो० बिछी आसनी स्वेत धरे माल सद्राक्ष के ।

थपे लिंग वृषकेत द्वार द्वार पर दृषद के ॥

असलखिसकलवरातिनथाना । उतरतभे लखिउचितठिकाना ॥  
 शिवा भक्ति जानी वृषजाना । सकलगिरिशकर करतबखाना ॥  
 उयोतिषशास्त्रधरेमुनिसूरति । गिरिहि बतावत सकलमहूरति ॥  
 जानिसमयशुभ साइतनेका । गिरिसों कह्यो चढ़ाव चढ़ेका ॥  
 गिरिशासनगिरिसुतसजानी । जाय विष्णु पद जोरयो पानी ॥  
 करिविनती बहुअस्तुतिगाई । पुनि चढ़ाव हित विनय सुनाई ॥  
 सुनि चढ़ाव साइतभगवाना । भे हर्षित नहिं जात बखाना ॥  
 लीन बुलाय सुरेस मुरारी । कह चढ़ाव हित करहु तयारी ॥  
 तब चढ़ावकर सुनतबलावा । बहु विधि बजकन बाज बजावा ॥  
 साजि बसन भूषणविधिनाना । चढ़ि खगेश हरिकीन पयाना ॥  
 रंक होत नृप जिहि करुणाई । तासु सजब जगगीति बताई ॥  
 चढ़िगज चलतभयो अमरेशा । भूषण बसन साजि विधिवेशा ॥  
 भूषण बसन साथ लै भारी । तजत धनद मद जाहिनिहारी ॥



पहुंचे गिरिश द्वार सुखधामा । आगे है गिरि कीन प्रणामा ॥  
 करन लग्यो निज भाग्य बड़ाई । हाथ जोरि बहु विनय सुनाई ॥  
 योगी ध्यात ध्यान बहु ध्याई । ध्यानहु में नहिं होत लपवाई ॥

दे० जिहिलगिबनवसितपकरततजिनिजराजनरेश ।

सो प्रत्यक्ष मम द्वार पर ठाढ़े चढ़े खगेश ॥

सो० सुनिगिरि विनय रमेशउतरि गरुडसेभूमिपर ।

बोधेहु गिरि शहि वेशभाग्य वंततुम समनपर ॥

तुम्हरी सुता भई जग माई । जिहि अवलम्ब सकलसुरराई ॥  
 भाग्य तारि कोसके बखानी । जाकी सुता भई सर्वानी ॥  
 जिहिलगिश्मभुलकलजगताता । तुम सौं आय करी सुत नाता ॥  
 जहुँ शंकर निज कीननिवासा । तहंपर कीगति कहततमाया ॥  
 सर्वो परि सब को सुख देवक । हम सब जासुचरण केसेवक ॥  
 कीन जुई शंकर पद प्रीती । सोसबसुरन लयोजनु जीती ॥  
 अम गिरिवर समुझाय मुरारी । लगे जपन निज इष्ट पुरारी ॥  
 सुनि हरिवचन हर्षि गिरि राई । हरिकहँ भीतर गयो लिवाई ॥  
 कनक सिंहासन बुझ धर वाई । हरि हरि माझव तर बैठाई ॥  
 होन लग्यो तब कृत हर षाई । उमहिं गर्गमुनिलीन बुलाई ॥  
 करि सिंगार सखी लैआई । आसन उचित उपर बैठाई ॥  
 उमा चरण लखि इंद्र मुरारी । कीन प्रणाम जानि महतारी ॥  
 पूजा उचित सकल करवाई । भषण वसन चढ़ाव चढ़ाई ॥  
 देखि चढ़ाव धनद मद छूटा । नेगी बहुत बहुत धन लूटा ॥  
 बाजन बाजत विविधि प्रकारा । सो सुख रहत बनतनहिंबारा ॥  
 छूट खारतब शहित हुलासा । सकल बराती गे जन वासा ॥

दे० तबयोतिष मुनिठयाह कीकह्यो महूरतिआय ।

सुनि गिरिवर मैनाक कोहर्षित लीनबुलाय ॥

सो० सुतसों कह हर्षात जाहु बुलावन शंभुको ।

गासो तुरत बरात जायविष्णु ढिग नुतिकरी ॥

महाराज अब करि करुणाई । चलहुविवाह लगनशुभआई ॥  
 चलिye वरयुत हेत विवाहा । होय विवाह सहित उत्साहा ॥



अस सुनि विष्णु बहुत हर्षाई । जाय शंभु पह माथ नवाई ॥  
 लविप्रसन्न शिवविनय सुतावा । प्रभुहिबुलावनगिर सुतआवा ॥  
 जानि विवाह लगन शुभनाथा । चलहुगिरिश घरसबसुरसाथा ॥  
 तथा अस्तु कहि शंभु मुनेशा । लग्यो तयारी करन महेशा ॥  
 बाजन सकल लगेतब बाजन । निजनिजसाजलगेसुरसाजन ॥  
 कोऊ बसन सजत है सानिक । कोउभूषणपहिरतमणिमाणिक ॥  
 कोउ लैअंगरागतन लावत । चढ़ितुरंगकोउअधिकनचावत ॥  
 निज निजवाहन चढ़िदिग्पाला । चलत भयेसब ओरहिमाला ॥  
 ऐरावत पर चढ़ि सुर राई । चलत भये बहुरूप बनाई ॥  
 साजि हंस चढ़ि चले विधाता । तिहिसंगमुनिगणबहुहुलसाता ॥  
 चढ़ि खगेश बहु रूप संवारी । हर्षित चलत भये बनवारी ॥  
 कौस्तुभादि बहु भूषण धारी । पीतवसन नहिजात निहारी ॥  
 श्याम फाम घनश्याम लजावै । हँसी मंद जनु दुःख नसावै ॥  
 शंख चक्र नंदक कँज धारी । ध्यान करत कोटितजनतारी ॥

दो० यहिमिसरमानिवास प्रभुजासुसंगजिमिदास ।

ताहिमोहबससूढमति तजतस्यागिविस्वास ॥

सो० भजत जाहिवनवारि तहंनर गतिकोजडकहै ।

वोरीहृदयसम्हारिभजशिवशिवजोसुखचहसि ॥

शिवहु तयार भये चलिवेका । मिलतिनउपमाछबिकहिवेका ॥  
 कुन्द इन्दु सम रूप विराजै । सकल कलामह भूप विराजै ॥  
 गोर रंग षोडश वय धारी । अलक असेत बनीपुंघु वारी ॥  
 अमर नदी तहं करत कलोला । कनकमोरमणिजटितअमोला ॥  
 भाल विशाल बाल शशि सोहै । भरम त्रिपुंड सेत मन मोहै ॥  
 तीन नेत्राविशशि शुचिभावा । भौंह कौशजनु काम बनावा ॥  
 निरखि नैन मृग नैन लजाई । नाकम सुवा नाक रिपु जाई ॥  
 अंजन निरखितजयमदखंजन । चितवतिसुभगदासदुखभंजन ॥  
 माथे मलय विन्दु युत रोरी । धाद्योकुजहिजनुशशिवरजोरी ॥  
 जरमणि युतश्रुति कुंडललोला । अधर लेतविद्रुमगति मोला ॥  
 नासहि शंख कपोल गुलाई । निरखिदशनदाडिमदुखपाई ॥



श्रीवा चारु कंबु मद हाथी । वृषभ कंध सोहत भुजचारी ॥  
 कोउधरनत दणवाह अजाना । कोजानेजिहिवेद न जाना ॥  
 वदपि वेद वरणत सुखपाई । तदपि नेति कहि रहत चुपाई ॥  
 शेषादिक यदि सुमति बखानत । तदपिअजानतकहचुपठानत ॥  
 गावतयश नितब्रह्म मुरारी । तदपि न जानत भेद पुरारी ॥  
 निस दिनभनै शंभुजस बानी । कहि अथाह पर बनै अयानी ॥  
 शिवकर भेदलहा कोउनाहीं । लौनयंत्रिकाजिमि कधि माहीं ॥

दो० तिहि तेमैवरन्यो उभय वेदमान दिग्मान ।

चित्रिततहिकछुलखुसुमुखि स्वच्छितशंभुसुजान ॥

सो० तहं भूषण बहुसोह वलयविजायठनव रतन ।

जिहिलखि कुंजरकोहशेषादिकमोहैं सकल ॥

प्रति अंगुरी मुदरी छविदा है । चमकदे खिलजितसविताहै ॥  
 शूला दिक आयुध सब धारे । जन रक्षक दुष्टन क्षय कारे ॥  
 गले माल रुद्राक्ष सोहाई । मणि कंठातहं अतिछविदाई ॥  
 हृदय विशालमहा छविसोहत । त्रिबलितउदरदेखिमनमोहत ॥  
 असित रोमतहं अतिछविदाई । शशिपरमनहुं श्यामघनछाई ॥  
 तासु मध्य सोहत नाभी बर । उठतभवैरजनु रवितनयापर ॥  
 कटिकेहरितह पीतपटम्बर । सदुतिलसतिजनुविजुलछटाबर ॥  
 तिहि ताशुभग पीतपट धोती । उभयटिगनलाग्योमणिमोती ॥  
 नारद यह शिवकी सबलीला । जासु अजावश सबजगकीला ॥  
 कबहुं न शंभु गहतपटभूषन । है परंतु जनको मन पूषन ॥  
 लखतनकोउशिवकोशिवकसहै । मुनिपरंतुशिवजन रुचिवेशहै ॥  
 जो जसशिवहि ध्यानधरिध्यावै । तिहिकहैं तसप्रभु रूपलखावै ॥  
 योगीलखत शिवहिजिमियोगी । भोगीलखतशिवहिमुनिभोगी ॥  
 महाकाल दुष्टनन देखावत । अतिकृपालनिजजननलखावत ॥  
 अधिनहृदयप्राकृत पुरुषसम । शंभुलखावत जिमिन भजैमम ॥  
 बिन शिवभजे न पापेतिराई । तिहिते अधी न शिवपदध्याई ॥

दो० सकल बरातिन गिरिजनन तिहिक्षण रुचिमहराज ।

तिहिते शिव महाराज बनि धारयो रुचिको साज ॥



सो० रम्भा खम्भा जानु गुलुफ गोल अनमोल है ।

पदमरोज अनुमानु जहँ मुनिमन मधुकरबसै ॥

तहँ जावक पावक छवि हारी । मनहुं बाल वि किशियसारी ॥  
 तरवा अरुण प्रवाल समाना । धरतध्यान जिहिविभिभगवाना ॥  
 कौस्तुभादिमणिजटितउपाना । जिहियरिध्यानमिलतनिरवाना ॥  
 साज्यो वृष अवलंब मुनीशा । वृषभ रूप जनु धरयो रतीशा ॥  
 स्वेतवरण अवयव बिलसाई । रुष्ट पुष्ट सुंदर छविदाई ॥  
 गुटमुटार दुइ शृंग सुहाई । टीला बननि न जात बताई ॥  
 जाकोसुमिरिमिलतबहुवाहन । हयगजरथ सिविकामुनिनाहन ॥  
 वामपदज जिहि केर खगेशा । दक्षिण पदते हंस रिखेशा ॥  
 ताकीछवि किमिवरणिसिराई । जापर चरण धरत शिवसाई ॥  
 मुहरी पाट गुही जर तारी । जगमगजोतिउठतिअधिकारी ॥  
 मणिमय जीन पीठ पर धारी । अद्भुत गति उपमाते न्यारी ॥  
 चंचलता नहिं जात बताई । रसा उपर खुर नाहिं लखाई ॥  
 तिहि चढ़िचले शंभु त्रिपुरारी । बाजन बजन लगे अधिकारी ॥  
 कोउसिविकापरशिवहिवतावत । वृष कोतल अवलंबनचावत ॥  
 सब गण सजतभये शंकरसम । चहुं दिशचलतभयेकरिबमब्रम ॥  
 चलीं अप्सरानाचत कमळम । गावत किन्नर गीत परम रस ॥

दो० कनक दंड लै दंडधर चलत भये जस गाय ।

महाराज सुरराज शिव दौलत उमर बढ़ाय ॥

सो० यहि मिसि चले पुरारि व्याह अर्थ गिरि भवनको ।

चलत भये सुर झारि पुर पाछे सब साजि सजि ॥

दक्षिण चलत भये बनवारी । सजे साज खगपति पर भारी ॥  
 बांये चढ़े हंस हम मुनिवर । वरणिनजातशानतिहिअवसर ॥  
 गिरिश द्वार पहुंचे सबलोगा । देखि गिरिश मेटयोसबसोगा ॥  
 आगे है गिरि कीन प्रणामा । शिवहि उतारि चलयोलैधामा ॥  
 बसन विचित्रपरत तहँपांवर । पग पग होत शंभु न्योछावर ॥  
 दुहुं दिशचँवर विजनशिवकेरे । सेवत चले जात बहु चरे ॥  
 पुनिबनवारि चरणधरि शीशा । भीतर चलयो लेवाय गिरीशा ॥



तिमिहिभांतिममचरणमनाई । भीतर चलयो गिरीश लिवाई ॥  
 नमिनमि इंद्रादिक सबदेवन । भीतरचलयोलिवायगिरिशजन ॥  
 सबकोकरि आदर गिरिनाहू । आसन उचित दीन सबकाहू ॥  
 कनक सिंहासन दुइधरवाई । हरिहि हमै तिहि पर बैठाई ॥  
 मणिमयएकसिंहासनजरको । धरेउ चौक पर आसन हरको ॥  
 करिलोकिकवेदिक ढपोहाग । शांति पढ़त मुनि नाथ अपारा ॥  
 अरघ सहित मधुपर्ककराई । तिहि ऊपर शिव कहँ बैठाई ॥  
 पूजा उचित कराय मुनीशा । शिर बसन दुइ दीन गिरीशा ॥  
 धोतो यक पहिरी त्रिपुरारी । गावत गीत सकल वर नारी ॥  
 पर गिरिजा हित दीनपठाई । मुनिवर गिरिजहि लीनबुलाई ॥  
 सखी सिंगार सहित लाँचाई । माड़व तर जहँ हैं शिव साँझ ॥

दो० गिरिजा पदलखि सकलसुर जक्त जननिअनुमानि ।

लागे करन प्रणाम सब अहो भाग्य निज जानि ॥

सो० आसन उचित धाय शिव पूरुब पश्चिम मुखहि ।

गिरिवर जा बैठाय तिहि पाछे बैठीं सखी ॥

तब मुनिवर मैतहिं बुलवाई । करि शृंगार सखी लाँचाई ॥

तासु सिंगार सकै को गाई । शिवामातु जग सो तिहि माई ॥

उत्तर मुख बैठ्यो गिरिराई । सठ्य भाग मैना बैठाई ॥

शाखोचार करन के हेतू । पूछ्यो शिवहि गोत्र गिरिकेतू ॥

शिव मायावश रह्योनचेता । यदि पुरलख्यो मरम वृषकेता ॥

मायावशसबसुमतिबिलाई । पूछत शिवहि गोत्र जड़ताई ॥

कह्योगिरिशबिनगोत्रबताये । करब न कन्या दान सुहाये ॥

तबशिवविधिहितातनिजभासी । पुनिपरतात कह्यो मधुनासी ॥

पुनिपरपितामहाशिवनिजकह । दीन बताय हिमंचलको यह ॥

मुनिगिरिवरहि मोहभाभागी । समुझ्यो नहिं शिवतत्त्वअनारी ॥

तब नारद निज बीनबजाई । मतिकरु मतिकरुगिरिजडताई ॥

जाकर भेद वेद नहिं पाई । तिहिपूछत तूम करिजडताई ॥

अकुल अतीह अनामअरूपा । निराकार निरवध्य अनूपा ॥

जब न रह्यो यहजक्तपसारा । तबहिं करत शिव शून्यविहारा ॥



है चनादि नहिं आदिबिचारा । है अनंत नहिं अंत विकारा ॥  
लीला करन हेत त्रिपुरारी । धर्यो रूप निज इच्छा चारी ॥

दो० निज इच्छा सों प्रगट है वाके तात न मात ।

हरि विधि जाके अंशते प्रगट भये जग पात ॥

सो० जब निज इच्छा धारि भयो सकार अकार ते ।

तब लीला अनुसारि विष्णुरच्यो निजबामसे ॥

तब हरिनाभी कमलजमाई । निज सबज विधि रूप बनाई ॥  
कमल नालसे प्रकट लखावा । तेहिते हरिविधि बाप कहावा ॥  
विधिहि जक्तकर सर्गसिखावा । विष्णुहि सबजगपाल बनावा ॥  
बहु बरदानउभय कहदीन्हा । तब हरिविधिवहु अस्तुतिकीन्हा ॥  
होहु नाथ तुमहूं औतारी । तबहैं त्रिसुर काज जग सारी ॥  
तहौं विवेक रहै यह स्वामी । हम सेवक तुम प्रभुवृषगामी ॥  
तेहि तन रहौ सुरन के मेले । पर ब्रह्म यहि रूप अकेले ॥  
येव मस्तु तब शंकर भासी । अंतर ध्यान भयो अवि नासी ॥  
तेहिवरबसविधिभृकुटिजरूपा । धर्यो शंभुयह रूप अनूपा ॥  
तेहितेविधिहितात निजभाषी । जग लीलाशिवमनअभिलाषी ॥  
पर अस मानव बड़िजड़ ताई । सब परलखो शंभु गिरि राई ॥  
परब्रह्म शिव परम परेशा । जासु अंशते विधिहु रमेशा ॥  
जेहिध्यावतनित विधिवनवारी । तेहिगति पछव बनबअनारी ॥  
बरखो जै जब बिप्र पठायो । तब सब शिवामातु सरगायो ॥  
तबन लख्योकस तत्वमुताका । बन्यो आजु तुमअज्ञ पताका ॥  
जेहिहरिविधिहु मातुनिज गावै । तापति आन बाप कहं पावै ॥  
सुनि असनारद बचनविशाला । सत्य सत्यसब कहसुरमाला ॥  
सुनिअसगिरिवरबहुखिशियाई । शंकर चरन शीशतब नाई ॥  
मेटु मेटु मम चूक महेशा । मैजड़ लख्यों न तोहिंपरेशा ॥  
नारद करी सहाय हमारी । अब जान्यो सबतत्व तुम्हारी ॥

दो० तब शिवके दम्पतिहरषि पावै पखारन लागि ।

सुरसिहाय बरषै सुमन धन्य धन्य गिरि भागि ॥

पद पखारि जलशोश धरि कीन्हो कन्या दान ।



बेद मंत्र भूषण सहित उत्सव बहु उमड़ान ॥  
 सो० धरि कन्याको हाथ सौंपि दीन त्रिपुरारि को ।  
 ग्रहण कीन शशि माथ कीनकामनुतिबेदमत ॥  
 कीन पौपुँजी आय तब गिरीश के बंधु जन ।  
 पद जल शीशचढ़ाय देहिंदाननहिं जातकहि ॥

छन्दसवैया

जो पद बारिज बारिज नंदन बारिज नाभि निहारत हैं ॥  
 सो पदको बशभाग्य गिरीशन भीतर भौन पखारत हैं ॥  
 जो पदको सनकादिक ध्यावत ध्यानहुमें नहिं पावत हैं ॥  
 सो पदको प्रत्यक्ष गिरीश न हाथ धरे शिर लावत हैं ॥  
 दो० जेहि पद लागि नृपराज तजि करत विपिनतपघोर ।  
 करत करत तपतन तजत तबहुं मिलब कठोर ॥  
 सो० जेहि पद लागि मुरारि बसि बट्टी बन तप करत ।  
 सो पद गिरिवर झारि पूजत हैं बिन योग तप ॥  
 सुर सराहि सब बरषै फूला । नहिंपर भाग्यगिरीश न तूला ॥  
 कान लागि विधिके बनवारी । कह गिरिभागि सकलतेन्यारी ॥  
 हे विधि तपसी वाते भिन्ना । गिरिवरविधिलखिपरतअच्छिन्ना ॥  
 कोटि कोटि मुनियतन बनावैं । तबहुं न निरखि शंभु पदपावैं ॥  
 सो प्रत्यक्ष गिरि भवन मझारी । पूजत चरण शंभुगिरि झारी ॥  
 अस कहि मगन भयेबनवारी । शिवशिवकहिपुनिज्ञानसम्हारी ॥  
 तासु भाग्य नहिंलखोबिधाता । जाकी सुता भई जग माता ॥  
 अस कहि बोधित है बनवारी । लगे जपन निज इष्ट पुरारी ॥  
 कन्या दान पौपुँजी पाछे । मंगन नेग लह्यो बहु आछे ॥  
 तब मुनि आयसु शंभु भवानी । एक आसन बैठे मुनि ज्ञानी ॥  
 तब अभिषेक भयो श्रुति रीती । आशिष अक्षत छूट सप्रीती ॥  
 हृदया लंभन आदिक चारा । मुनिन करायो सब व्योहारा ॥  
 पुनि सिंदूर दान विधि कीन्हा । उमा शीश शिव सेंदुरदीन्हा ॥  
 लीन बहोरि हिमंचल भगनी । लह्यो नेगसो जातन बरनी ॥  
 बरषे फूल हरषि सुर झारी । बाजन बाजत सबसुखकारी ॥



गांठि जोरि तब शंभु भवानी । भावैर परन लगे मुनि ज्ञानी ॥

दो० लागे जब भावैरि फिरन मुनिवर शिवा महेश ।

मणि मय खंभ न लखि परत सुंदरदंपतिभेश ॥

सो० मनहुं धरे बहु वेषरति पतिरतियुत हर्ष युत ।

देखन शिवा महेश बोरसे दौरे फिरत ॥

तब मैनाक शिवाको भ्राता । लाजा परछत बहु हुलसाता ॥

पायो बसन विचित्र पटोरे । सब तन पहिरयो मोदअथोरे ॥

सातबार फेरयो तब भावैर । नेगिन सकल लह्योन्यौछावर ॥

जसकछु ब्याहरीति श्रुतिगार्डे । महा मुनीशन सकल कगार्डे ॥

दायज विविध देत गिरि राई । सुरपति सकल सिहारतजाई ॥

मड़ये तर बहु बख लुटावा । उबरा सो जनवास पठावा ॥

शिवगिरिजा करभयहु बिवाहू । लह्यो लोग सब लोचन लाहू ॥

हरि आदिक तबगे जनवासे । कुहवर गे शिव उमा हुलासे ॥

शची शारदा रमा सयानी । गिरिवरपुर तिय सबगिरिरानी ॥

कुहवर को सबचार करावत । हँसिहँसिशिवको बहुतरिझावत ॥

नेग पाय बाती शिव टारी । करत ठठोली सबमिलि नारी ॥

कनक थार मणिमाल धराई । शिव गौरी कहँ द्योत खिलाई ॥

लक्ष्मी धरे गौरि को करवर । द्यूतखिलावत हँसिहँसि हरवर ॥

शिवको हस्त धरे तबशारद । द्यूत बतावत हँसि हँसि नारद ॥

चंचलता दुहुं दिशि फैलाई । भई परस्पर जीत हगार्डे ॥

भा लहकौर चार मुनि राई । शिवहि गौरि शिवगौरि खवाई ॥

दो० मोद भरी पर सुरतिया करत सकल रसबात ।

लखत न गौरी शंकरहिं सकलजक्त पितुमात ॥

सो० माया बख सब नारि करत ठठोली शंभु सन ।

औसर उचित विचारि द्वैप्रसन्न मुसक्यातशिव ॥

तब शिवगौरि गये जन वासे । देखि लोग सब भये हुलासे ॥

लखि निज काम सुपूरण देवा । लागे करण गौरि शिव सेवा ॥

वर्षि सुमन दुन्दुभी बजावैं । बम्बम्करिसबशिवहिरिझावैं ॥

है सब सुरके अग्र रमेश । लाग्यो अस्तुतिकरण ऋषेश ॥



जै जै गौरि उमा शर्बानी । जै शिव शंकर औघड़ दानी ॥  
 हौ अनादि तुम अंत बिहीना । निजइच्छितविचरतपुरतीना ॥  
 सबते भिन्न सकल उर बासी । नाशहीन तुमहौ अविनाशी ॥  
 मृत्युंजय तुम मृत्यु बिहीना । परा चीन तुम अर्बा चीना ॥  
 महा काल तुम काल बिहारी । सब के घट घट होत बिहारी ॥  
 प्रथम रहौ तुम शून्य समाई । फिर निजइच्छित रूप बनाई ॥  
 रचत सृष्टिधरि ब्रह्म स्वरूपा । पुनि द्वि विष्णु रहत जगधूपा ॥  
 तम टारन हित बनत तमारी । शीतलताहित हौ निशिकारी ॥  
 द्वि इंद्रादिक सब दिक् पाला । करतकाज जगको शशिभाला ॥  
 पुनि जगमें बनि रूप नरेशा । करतकाज जग सकलमहेशा ॥  
 करि विचार मनमें सुर हेतू । बालक बन्धो आज वृषकेतू ॥  
 करहु कृपा पालहु सब देवा । करहु सुफल शंकर निजसेवा ॥

चिभंगी छन्द

हे मद हारी जै मधु आरी बम् मख दारी शंभु हरे ।  
 मद अकवाली अदमजवाली फारिगवाली माहसरे ॥  
 सब सुखखानी औघड़दानी शिव शर्बानी ब्रह्म परे ।  
 खिद्यत ओरी कुनमंजूरी देहमजदूरी अदल गरे ॥

द्वितीय चिभंगी छन्द

सब जगपाली अरिगणवाली पोस्त गिजाली शाहजहां ।  
 खालिकराजिक सादिक वाहिद बेद बखानत कहतअहां ॥  
 हौ निर्बाणी औघड़ दानी हर गह दानी राज निहां ।  
 विदेह तसद्दु क कदमतवरुंक तुमतजिओरी जायकहां ॥

टीका पहिले छन्दको फारसी शब्दका

मदअकवाली नाम महाप्रतापी अदमजवाली  
 नाम अविनाशी—फारिगवाली नाम  
 सच्चिदानंद माहसरे नाम चंद्रभाल  
 खिद्यत ओरी नाम—ओरीलाल स्तुति  
 कर्ताकीसेवा —कुनमंजूरी नाम अंगी



कार करो— देहमजूरो नाम मजदूरीदो-  
 अदलगरे नाम तुमकैसेहो समदर्शीहो  
 इति

टीका दूसरे छंद फारसी शब्दों का ॥

पोस्तगिजाली नाम मृगछालाके धारणकर्ता-  
 शाहजहां नाम संसारपति  
 खालिक नाम सृष्टिकर्ता—राजिक नाम  
 पालनकर्ता सादिक नाम सत्य  
 वाहिद नाम निर्द्वन्द्व हरगहदानी नाम  
 प्रतिसमय ज्ञानांतर विदेहतसदुक्त  
 नाम देहुन्यौछावर कदमतवरुंक  
 नाम पदपावन  
 इति

दो० सुनविनती अस विष्णु की शंकर कह्यो पुकार ।

मांगुमांगु मन रुचितबर देवै विनहिं सिहार ॥

सो० कह रमेश शिरनाथ जो पूरहु प्रभु खातिरम् ।

अनपावनी अधाय देहु भक्ति निज शातिरम् ॥

पुनि दूसर बर देहु कृपाला । सकलसुरनलखिभक्तिविशाला ॥

तारक बधन नाथ जिमि होई । करहु कृपा करि शंकर सोई ॥

अस कहि मौन भये हरि नाथा । एवमस्तु बोख्यो शशि माथा ॥

तब गिरिजानिजपितु घरगयऊ । फिर जनवाससुउत्सवठयऊ ॥

शिव पर सुरन फूल झर लाई । बाजन बाजत अति गहगाई ॥

अप्सर गण नाचत करि प्रीती । किन्नर गंधर्व गावत गीती ॥

हरि हर आयसु सकल बराती । मज्जनकरत भये सुख मांती ॥

भरुम त्रिपुंड्र लगावत अंगन । षटदशविधिपूजत शिवलिंगन ॥

तिहि पाछे गंधादि लगाई । भूषण वसनसजत अधिकाई ॥

\* अर्थात् मान हमारा अर्थात् दृढ़ भक्ति



निज निज सभामान युत बैठे । पेखनादि देखत सब अँठे ॥  
 प्रथम पहर बीतत गिरि राई । शर्वत बहु घट दीन पठाई ॥  
 तिहि पाछे पकवान अनेका । भरिभरिकांवरिसहितविवेका ॥  
 पठवत भयो सकल सुर बासा । देखिभावगिरिसकलहुलासा ॥  
 भोजन करत सकल हुलसाई । अरपि शंभु नैवेद्य लगाई ॥  
 यहिविधि बीतिगयो जबबासर । भा ज्योनार तयार गिरिशघर ॥  
 सुरन बुलावन हेत हुलासे । पठयोगिरिनिजसुतजनवासे ॥

दो० तवनग सुतचढ़ि नागपर भूषण बसनबनाय ।

मंत्री युत जनवास में पहुंचत भो हरषाय ॥

सो० गहि रमेश केपायँ भोजन हित विनती करी ।

चलिये करुणा लाय पावन कीजै भवनमम ॥

यदपि न भोजनप्रभुतुम लायक । तदपिकरो करुणा सुरनायक ॥  
 यदपि नतव लायक जिवनारा । दासमानि प्रभु राखु दुलारा ॥  
 षटरसनितहिमिलतजिहिदासन । तासुयोग ममघरकहँ आसन ॥  
 जुरेहुनतुम लायक कछुभोजन । अमकरावत विनहिं प्रयोजन ॥  
 ढांख पात महँ साग अलोना । जोर्यों करिबहुयतन बनोना ॥  
 पर सुनि शवरी बिदुरकहानी । करत ठिठापन त्यागिगलानी ॥  
 अरु पुनि सुन्यो वेदकी गाथा । बिलुदलमहँरीझतशशिमाथा ॥  
 पुनि रीझत चाउर दुइ पाई । रंक सेराव करत शिव साई ॥  
 पुनिशिव मगन होतजल धारा । देत इतहु उत हरष अपारा ॥  
 यहै समुझि शंका मन त्यागी । पठयो गिरिश बलावनलागी ॥  
 सुनि विनती मैनाक रमेशा । भयो प्रसन्न कृपा करि वेशा ॥  
 पुनिमुसक्याय कह्योलक्ष्मीशा । धन्य धन्य तुम धन्य गिरीशा ॥  
 सब सुख बस्तु भरो तवगेहा । जिहि पर शंकर कीन सनेहा ॥  
 सब जगमातु जासु घर कन्या । ऋद्विसिद्धि जिहि सेवतधन्या ॥  
 तिहिघर कौनिबस्तुकी कमती । ऋद्विसिद्धिजिहि केपदनमती ॥  
 किमिबरणौ गिरिभाग्य बड़ाई । जिहि घर शंकर भयौ जसाई ॥

दो० सनकादिक जिहिध्यानमेंनिरखतहोयँनिहाल ।

सोप्रत्यक्ष गिरिभवनमें भयो शक्तियुत बाल ॥



॥ सो० करतगिरीशबखान मगनभयो मधुरिपुबहुत ।  
 पुनिधरिशंकरध्यान धीरजधरिशिवशिवजप्यौ ॥  
 करि गिरिसुतहि विदा बनवारी । आपु शंभुके निकट सिधारी ॥  
 हाथ जोरि महि माथ नवाई । बोलत भेशिव आयसु पाई ॥  
 नाथ हिमंचल भवन मझारो । होत भई ज्यवनार तयारी ॥  
 गिरि सुत जो मैनाक सुहावा । हेतु बुलावन मम ढिग आवा ॥  
 बहुत कीन विनती मम पाहों । भक्ति समेत नेक मद नाही ॥  
 करि प्रणाम तिहिविनयपुरारी । विदा कीन करु जाय तयारी ॥  
 तिहिते सकल सुरन कहँनाथा । देहु रजाय चलैं तव साथी ॥  
 भले नाथ कहि कह्यो महेश । सब कहँ देहु निदेश रमेश ॥  
 होय तयार न लावहिं बारा । चलैं गिरिशघरहितजिवनारा ॥  
 तब सब सुरन बोलाय रमेश । दीन सुनाय महेश निदेश ॥  
 सुनिसुर हरषि फूलझरिलार्ई । बाजनबाजक अधिक बजाई ॥  
 भूषण बसन पहिरि सब देवा । आय करत शंकर पद सेवा ॥  
 सजि बाहन रथनाग तुरंगा । चले सकलछबि धारिअनंगा ॥  
 नाचैं तुरंग जायँ नभ काहों । नभ छुडि कूदि परैमहिमाहों ॥  
 बाजक बाजा विविध बजावैं । ताल अकिन सुरतुरंगनचावैं ॥  
 यहिविधिनकलबरातीसजिसजिचलेगिरिशघरशिवशिवभजिभजि

॥ दो० किन्नर गंधप अप्सरा प्रथम चले मुनिराय ।  
 तिहिपाछे बाजक सकलबाजाविविधबजाय ॥  
 सो० तासा ढोल मृदंग बीण पखावज शहनई ।  
 सारंगी मुरचंग झांझ मँजीरा तबल मुख ॥  
 हय गयंद पर होत नगारा । यहिविधि बाजन बजत अपारा ॥  
 बनी बरात बरणि नहिंजाई । बर्णत शारद रहत चुपाई ॥  
 विमलसाजसजिगुचिझलकाई । अजचढ़िचलत भयोहुलसाई ॥  
 साथलियेबहु सुभ समाजा । भूषण बसन नवीन बिराजा ॥  
 सुभगबनावताज यमराजा । चलयोमहिषचढ़ि सहितसमाजा ॥  
 संग महादल बरणि न जाई । मणियुत भूषण बसन सुहाई ॥  
 प्रेत चढ़े नैऋत पति जाई । सहित समाज सुसाज बनाई ॥



पुण्यमान जन लै बहु साथ । किहे बनाव जपत शशि माथा ॥  
 बाहन मकर वरुण छबिधारी । सहित समाज जपतत्रिपुरारी ॥  
 बहुविधि भूषण बसन बनाई । जसछवि बन्यो न जातवताई ॥  
 चलयोपवन बहु साज बनाई । भूषण बसन समनि अधिकाई ॥  
 संग महादल सुखवि सुहाई । मृगचढ़ि चलतभयो बिलसाई ॥  
 चलो कुबेर महाछवि लाई । चढ़ि पुष्पक शंकर पद ध्याई ॥  
 वरणिसकै को तासु समाजा । शंभु मित्र सब धन को राजा ॥  
 वृषभ चढ़े ईशान सिधारा । रूप अनूप शंभु अवतारा ॥  
 शशि शशिरूप धरेशशिभाला । गौर बदन त्रय नेत्र विशाला ॥

दे० कनक तार मणि पट जटित तासु झूल झलकाय ।

गज पर चढ़ि सुरपति चलो मनमहँ शंभुमनाय ॥

से० सुर दल संग अतीव भूषण बसन नवीन युत ।

पुर शिविकापर जीव शोभावनत न कहतसब ॥

तबद्विजराज चलोद्विजराजा । उडुगण युत भूषण ससमाजा ॥  
 भूषण युत मृग रथ महँ साजे । सुभग किंकिणी घंट बिराजे ॥  
 चलो भानु रथ अश्व जुताई । शोभा तासु सकै को गाई ॥  
 शिवशिव जपत महातमहारी । जरतरोग जेहि ध्यानसमहारी ॥  
 तब हम चले अधिक हर्षाई । हंस साज बहु भांति बनाई ॥  
 अरुणवरण सबबसनसुलाला । भूषण मणियुत कनकप्रवाला ॥  
 वेदशास्त्र सब धरे शरीरा । सनकादिक सब मुनिगण धीरा ॥  
 सकल प्रजापति रूपसवारै । सम संग चले जपत शिवप्यारै ॥  
 पुनिबनावकरिसबविधिभारी । गरुड़ साज सजि चले मुरारी ॥  
 बन्यो शरीर सुभगघनश्यामा । पहिरे रहत पीत पट जामा ॥  
 असित केश घुघुवार सबरे । श्याम कंज पर भवँर बसेरे ॥  
 तिहिपरकनकमुकुटरविशाला । हलकत कुंडल कान विशाला ॥  
 भरम त्रिपुण्ड ललाट सुहाई । तिहिपर मलय बिंदु छबिदाई ॥  
 बन्यो भौंह जेनु कौश अनंगा । धरत ध्यान सब पातक भंगा ॥  
 अरुणकमलसम दृगयुत अंजन । सुखबिनिरखिलजितमृगखंजन ॥  
 चितवनि सुभगहरतिदुखओरी । सुवा मदन मद नासा छोरी ॥



लजितपंचजन देखि कपोला । अधर लेत विद्रुम मद मोला ॥  
मुक्तावलिजिमिद्विजसुखकारी । बीज अनारहि करत अनारी ॥

दो० कंबु कंठ त्रय रेख तहँ कंठा समनि प्रवाल ।

कौस्तुभादि रुद्राक्ष युत वैजंती बनमाल ॥

सो० वृषभ कंध भुज चार करि करसम भूषणसहित ।

शोभित तहँ हथियार शंख चक्र पंकज गदा ॥

हृदयविशाल उदरसुखमूला । नाभि गहिरि तहँ पंकज फूला ॥  
कटि केहरिमहँ पीतपिछोरी । मुक्ता मणि गाँछी चहुँ कोरी ॥  
धोती पीत लाल ढिग भारी । ध्यान करत दुख देत बिदारी ॥  
केदलीलजितजानुछविदेखी । गुलुफ गोल अनमोल विशेषी ॥  
पदजलजात न जात बताई । मुनिमन भवँर रहत जहँछाई ॥  
जाको ध्यान करत नितओरी । होत सुखित दुख बंधन छोरी ॥  
तरवा लाल मनोरवि वाला । धरत ध्यान सुखकरत कमाला ॥  
जटितनीलमणिकनकखराऊँ । शोभा देत अधिक हरि पाऊँ ॥  
चलतभये इमि भगण रमेशा । करि बनाव बहु चढ़े खगेशा ॥  
शिवहुसगणनिजकीनपयाना । भूषण बसन सजे बर नाना ॥  
माथेमौर कनकमणि सोहत । तिहिभा कोटि भानुमनमोहत ॥  
कुन्द इन्दुसम रूप बखानत । पुनि सकुचत कविउपमाठानत ॥  
कोटि कुंद कोटिन निशिकारी । जिहिबपुनिरखिजातबलिहारी ॥  
कोटि काम जुरि बनै मयंका । शिवसमरूप कहत मन शंका ॥  
हवै अदर्शित बाल पतंगा । कंबु कीर खंजन मुख खंगा ॥  
मृगवृषपोल सिंह पशुजानी । कमलसकंटक पुनि बस पानी ॥  
दाड़िम कदली कुंद प्रवाला । जम्बु बिम्ब ए जड़तरु माला ॥  
निशिकरबढ़ै घटै प्रतिदिनदिन । पुनिसकलंक सतावतविरहिन ॥

दो० तिहिते उपमा सहित मैं कह्यो न शंकर फाम ।

शंकर रूप अनूप है उपमा को नहिं काम ॥

सो० जिहि को रूप अनूप तिहि उपमा कहँ मिलिसकै ।

वर्णत अति शिव रूप नेति नेति कहि चुपरहत ॥

गौर बदन षोडश वय धारे । भाल विशाल त्रिपुण्ड्र सवारे ॥



जटाबीच सुरसरित कलोला । मुसकी मंद लेत मन मोला ॥  
 तीन नेत्र सोहत युत अंजन । वितवनिकरत दास दुखभंजन ॥  
 माथे पर शशि बाल सुहाई । नीलकंठ छवि वरणि न जाई ॥  
 पहिरे सुभग पीत पट धोती । उभय ढिगन गांछी मणिमोती ॥  
 अरुण चरण सेवक दुखहारो । ध्यावत जाहि मिलत सुखभारी ॥  
 जिहि ध्यावत हरिविधिसुरराई । पर गति कहब हवै जड़ताई ॥  
 पहिरे शंभु मनोहर पाऊं । मणि मय सुंदर कनक खराऊं ॥  
 वृषभ चढ़े शिव कीन पयाना । सहित स्वर्गण दल सुंदरवाना ॥  
 बिस्तर भय गण रूपन भाखा । शिव सम रूपसाज सबराखा ॥  
 चलत जानि शिवको सबदेवा । लागे करन सकल सुर सेवा ॥  
 बायें बिधि दहिने बनवारी । चले जात रुचि शंभु निहारी ॥  
 गज पर लिहे इंद्र कर छाता । करत शंभु पर आतप वाता ॥  
 कोउलीन्है कर चवर डुलावत । कोउ शंकर को पानखवावत ॥  
 कोउलै छरीविरद यश भाषत । कोउ सुनियशहि प्रेमरसचाखत ॥  
 कोउ करलिहे पीलको भाजन । शिवसेवत सोइ होत महाजन ॥

दो० यहिविधि शंकर सुरन युत पहुंचे गिरिश दुवार ।

आगे है गिरि राज नमि बिनती कीन अपार ॥

सो० चौकी कनक धराय धोयो शिवके चरण गिरि ।

पाग शीश ते नाय गिरिपोंछ्यो शंकर चरण ॥

जेहि ध्यावत मुनि ध्यान लगाई । सो प्रत्यक्ष धोवत गिरि राई ॥  
 गिरि समभाग्यवान मुनि कोहै । जो परेश सनबंध करो है ॥  
 ताही मिस हरि चरण मुनीश । धोयो पोंछ्यो आपु गिरीश ॥  
 तैसेन धात चरण गिरि राई । धोय पोंछिकै शीश चढ़ाई ॥  
 सकल सुरन पद गिरिसुत धोये । प्रीति समेत शंभुसम जोये ॥  
 कनक सिंहासन मणियुततीने । बेदी मध्य धराय नबीने ॥  
 तेहिपर शिवहि प्रथम बैठारी । तेहि दक्षिण बैठे बनवारी ॥  
 बैठ्यो बायें धात सुआसन । निरखत जात शंभुको शासन ॥  
 तेहि गिरदा बैठे सुर झारी । यथा योग्य आसन अनुसारी ॥  
 सबको मान बहुत गिरि कीन्हा । बिनय दान सबहीको दीन्हा ॥



चतुर सुआर लगे जब परसन । सब रस मेघलगे जनुबरसन ॥  
 जल भाजन प्रथमहिं परसावा । तेहि पाछे पनवार धरावा ॥  
 कनक थार अरु कनककटोरन । परस्यो व्यंजन गिरिशकिशोरन ॥  
 षट रस भोजन चतुर प्रकारा । परस्यो सब कहँ गिरिशसुआरा ॥  
 व्यंजन बैदिक लौकिक जेते । चतुर सुआरन परस्यो तेते ॥  
 अगणित व्यंजन जाति सुहावा । बिस्तर भय कछुजातनगावा ॥

दे० उचित समय लखि मांगेहू भोजन नेग समाथ ।

बहु धनदीन गिरीशतब निजकहँ मानिसनाथ ॥

सो० धनपति कोटि हजार जाकी इच्छा सों बनै ।

ताको खेल बिचार मांगत धन गिरिराज सों ॥

तब सब शिवकी पाय रजाई । भोजन करन लगे सुर राई ॥  
 पंच कौल शिव अरपन करके । जेवन लगे आचमन करके ॥  
 गिरिपुर तिय सुर जेवत जानी । लागीं गावन गारि सुबानी ॥  
 सुनि गारी सब हँसत सुरेश । खात बिलम्बिहरष युतवेश ॥  
 चितै हरिहि मुसकात महेश । हँसत चितै विधिओर रमेश ॥  
 यहि विधि हँसत परस्पर सुरमुनि । व्यंगवचन कोउ कहत सुमनगुनि ॥  
 कोउ सुर गिरिवर भागि सिहाई । यहि सम भयोन कोउ सुर राई ॥  
 सब सुर बिष्णु बिरंचि समेता । भोगत शंकर जासु निकेता ॥  
 विधिसों कहत बिष्णुमत माहीं । आजु हिमंचल सम कोउ नाहीं ॥  
 जेहि घर शंकर पदको पानी । परस्यो ताहि को सकै बखानी ॥  
 जेहि अरपत मुनि भोग लगाई । सो प्रत्यक्ष गिरिघर महँ खाई ॥  
 जाको रूप वेद नहिं जानत । नेतिनेति कहि सदा बखानत ॥  
 सो प्रत्यक्ष गिरिघर जिमिबारा । लीला करि जेवत ज्यवनारा ॥  
 अस कहि मगन भये बनवारी । सुनत मगन भे विधिजगकारी ॥  
 पुलकित गातरोम भये ठाढ़े । नयनन मध्य प्रेम जल बाढ़े ॥  
 पुनि शिवशिव कहि धीर जलाई । भोजन करन लगे मुसकाई ॥

बिष्णु पद भजन गारी ।

गारी गावत सकल सुनारी । सुनहु महेशरमेश सकल सुर गारी  
 अधिक पियारी ॥ शंकर घर यकनारि सुंदरी सकल जक्त सेन्यारी ।



भक्ति नाम तेहिको श्रुति बरणै है सबको अधिकारी ॥ जो मांगै  
तेहि ताहिदेत शिव दूषण सकल बिसारी । जो रति करै ताहि  
सँग ताको करत महावृषधारी ॥ करि बिरंचि तेहिमहँ रतिसुख  
लहि भयो सकल जगकारी । अरु गहि ताहि सहित आदर भो  
जगपालकवनवारी ॥ इंद्रादिकसबदिगपति तेहिगहि भयोसकल  
अधिकारी । रावण वाण ताहि गहिलहेऊ उभयलोकसुखभारी ॥  
तेही नारिको आदर भारीकरै सुखिव हितकारी । भक्तिहीनतेहि  
को पशुमानों नरमहँ नाहिं शुभारी ॥ निज पुरुषन हित हम  
तेहि मांगत देहु सदा त्रिपुरारी । शैवी सुनिबहु रीझिमनहिंमन  
शम्भु तथारतु पुकारी ॥

॥ दो० भोजन करि तब सकल सुर अँचयो पायो पान ।

जनवासे गवनत भये हृदय जपत वृषयान ॥

॥ सो० शिवहु गये जनवास गणन सहित बहुसुखितमन ।

होनलग्यो सुहुलास नाचपेखना विविध विधि ॥

कछुक बेरमहँ सब सुर जाती । करत भये विश्राम बराती ॥

जागे सकल निशा अवसाना । लागे जपन नाम वृषयाना ॥

शौचक्रिया करिकरि असनाना । भरमादिक धारे शिव बाना ॥

विधिवत युत पूजी शिवलिंगा । पूजत जिहि सब पातकभंगा ॥

शिव पूजा करि मुनिनरनारी । करतल लहत पदारथ चारी ॥

लिंग पूजि शिवको सब देवा । पुनि उठि करत शम्भुपदसेवा ॥

कहत आजु पूजा फल पावा । जो प्रत्यक्ष शिवपद शिरनावा ॥

मुनितपकरतध्यान धरिदेखत । तहूँ प्रत्यक्ष न शिवपद पेखत ॥

यहिबिधि शिवपदमाथ नवाई । कीन प्रणाम बिष्णु पद जाई ॥

पुनि प्रणाम ब्रह्माके करि करि । कीनश्रुंगारहरष मनभरिभरि ॥

पुनि करिमज्जनविधिहुरमेशा । पूज्यो सुख युत लिंगमहेशा ॥

पुनि प्रणाम शंकर पद कीन्हा । विविध भांतिवरआशिषलीन्हा ॥

गंधादिक सब अंग लगाई । भूषण बसन साजि सुर राई ॥

नाच करावत निजनिजथाना । बाजत बाजा अपर निशाना ॥

पुनि मज्जनकरि मैत अराती । भूषण बसन सज्यो बहुभांती ॥



सिंहासन मणि जटित सुहावा । तेहिपर बैठिहुकुम असलावा ॥

दो० सब सुर बिष्णु विरंचि युत है यकठे मम पास ।

करैं सभा बहु हरष युत होय चटक जनवास ॥

सो० करैं अप्सरा नाच गावैं गंधर्व हरष युत ।

उत्सव होवै सांच होय सुखित सब देवगण ॥

तब गिरिवर सुरजानि नहाई । रसघट बहु जनवास पठाई ॥

मोदमयी पकवान अनेका । मेवा युत बहु मिष्ठ मजेका ॥

प्रति सुरधानन दीन पठाई । लीन सुरन अतिशय हरषाई ॥

यदपि क्रुद्धि सिधितकलभरैहै । तदपि दासता गिरिश करैहै ॥

करत हरषि रसपान कलेवा । करिकरि गिरिश बड़ाई देवा ॥

पुनिसजिसजि शिवसभामजाई । बैठतसकल शिवहिशिरनाई ॥

भये बिष्णु शिव सव्य बिहारी । बायें बैठत भे जगकारी ॥

पाछे इंद्र बैठि हरषाई । शिवहि खवावतपान सुहाई ॥

कोउ सुर लिहे चवर दुहुंओरा । कोउ छत्र युत हरष अथोरा ॥

कोउ सुर बहत बिरदहरषाई । कोउ कर लीन्हैव्यजनडुलाई ॥

अप्सर गण लागींसब नाचन । बाजन सकल लगेतबबाजन ॥

गावत किन्नर गंधर्व हरषी । शिवहि रिझावतबहुगुलवरषी ॥

बहु बिधिउत्सव होत सुहावा । सुर सुनिहरष जातनहिंगावा ॥

तेहि अवसर मैनाक सुनामी । आय बिष्णु पद भयो प्रणामी ॥

हाथ जोरि बहुबिनय सुनावा । जयजयबम् बम् कहिहरषावा ॥

पाय रजाय माथ महि नाई । बोलत भयो प्रीति दिखराई ॥

नाथ साथ शिवके सब देवा । चलिये मम घर खान कलेवा ॥

यहौ चार होवै उत्सव युत । असकहिरह्योचुपायगिरिशसुत ॥

दो० सुनिमधुरिषु हरष्यो बहुत अद्भुत उत्सवजानि ।

ताहि विदाकरि शंभुपद जाय धरयो युग पानि ॥

सो० नाथ कलेवा हेत बोलन आवा गिरि तनय ।

चलौ चली वृषकेत गिरिघरमें उत्सव ठनै ॥

सुनि बोल्यो मुसकाय महेश । सुरयुत होहु तयार रमेश ॥

तब सब देवन बोलि मुरारी । कह्यो वेगि सब करहु तयारी ॥



शिवसँग चलहु कलेवा हेतू । सुनिसब अमरन हरषित चेतू ॥  
 भूषण बसन साजि विधिताना । चढ़िचढ़िवाहन कीन पयाना ॥  
 बाजक सकल बजावत बाजा । अग्र चल्यो गन्धर्व सजाजा ॥  
 विधिहरिहर निजकीन तयारी । सजी सुभग महाराज सवारी ॥  
 गिरिश द्वार पहुंचे सुखधामा । आगे है गिरि कीन प्रणामा ॥  
 चौकी कनक अनेक धराई । तेहि पर उतरे सब सुरराई ॥  
 लै पगात गिरि निजकर द्वारी । प्रथम शम्भुके पांय पखारी ॥  
 पुनिहरिविधिके पद गिरिराई । धोय पोछि निजमाथ चढ़ाई ॥  
 गिरिवर भाग्य सिहायसराही । बरषैं फूल देव उत्साही ॥  
 पुनि पर देवन पद गिरिवारन । धोयो करि बहु प्रेम पसारन ॥  
 मड़ये तर धरि त्रय सिंहासन । मध्यभाग बैठयो वृषभासन ॥  
 बायें विधि दहिने बनवारी । बैठत भे बहु रूप सवारी ॥  
 पीढ़ा कनक अनेक धराई । तिनपर बैठत भे सुरराई ॥  
 परसन लाग्यो चतुर सुआरा । षट्स भोजन चतुर विधारा ॥  
 जेवत नेग सदा शिव मांगी । दीन हिमंचल बहु अनुरागी ॥  
 रंकहोत नृप जिहि करुणाई । तिहिधन मांगब चार बताई ॥

दो० जेवत लखि तब सकल सुर पुरतिय गावतगारि ।

अति विलम्बि सुरजेवहीं गारी लगति पियारि ॥

करत ठठोली परस्पर सुरन कहत गिरिवार ।

कृपासार बुधनार सुर धर्मसार जगसार ॥

सो० कूटकाव्य बहु बोलि सुरन हँसावत गिरिशसुत ।

सुरहु कहत बहुगोलि गिरिन तुसारतुसारकहि ॥

भोजन सुख युत पाय अचैपान पाये सकल ।

गिरिसौ पाय रजाय जनवासे गवनत भये ॥

जनवासे पहुंचे सब देवा । करत जात शिवशंकर सेवा ॥

शंकर कहा रमेश बुलाई । करहु सभा सबसुर एकठाई ॥

शिवरजाय सुनिसकल सुरेशा । करि बनाव बहु उत्सव भेशा ॥

आय सभा बैठे हरषाई । भूषण बसन विचित्र बनाई ॥

मध्यसभा सिंहासन सोहत । जिहिभादेखिकोटिरबिमोहत ॥



तेहिपर शिव बैठे हरपाई । महाराज सम रूप सुहाई ॥  
 दक्षिण हरि बायें जगकारी । पाछे इन्द्र महा छवि धारी ॥  
 अपरदेव सबनिजनिज आसन । बैठत भये सुमिरि वृषभासन ॥  
 कोउसुर शिवपर चवरडुलावत । कोउसुर शिव कहँ पानखवावत ॥  
 कोउ सुरलिहे क्षत्रकर भारी । कोउ शिवरुचिकोरहतनिहारी ॥  
 अप्सरगण नाचत करि केला । शिवहिं रिझावत करि बहुखेला ॥  
 तिहिअवसर गिरि भाटपठाई । सृष्टाचारक चार जनाई ॥  
 सुनि आगमन गिरीशन केरा । देवन मनभा हरष घनेरा ॥  
 बाजक अधिक बजायो बाजा । सुरनबनायो विविधसमाजा ॥

दो० हिमगिरि सुरगिरिकनकगिरि मंदरादि गिरिराय ।

सृष्टाचारे को चलयो भूषण बसन बनाय ॥

सो० हयगय विविध बनाय शिविका रथ बाहनसजे ।

तिनपर चढ़ि गिरिराय चलतभयो जनवासको ॥

तुरंग नचावत केल कबीले । साजे भूषण बसन नबीले ॥

बाजक बाजा विविध बजावैं । नटी नागरी नाचत जावैं ॥

छरीदार बर बोलत आगे । भाषन विरद भाट वर लागे ॥

यहिविधिहरषसहित गिरिराई । पहुंचि गये जनवास सुहाई ॥

बाहन त्यागि भये भुङ्गामी । मिले परस्पर गिरि सुरनामी ॥

उठि आसन दीन्ह्यो सबकाहू । विष्णुचरण परस्यो गिरिनाहू ॥

पुनि शंकरपद माथ नवाई । बैठत भयो रजायसु पाई ॥

होत परस्पर जग व्योहारा । गन्धादिक के चलत फुहारा ॥

बांटयो पान हरष मेवायुत । लाग्यो होत परस्पर अस्तुत ॥

अप्सर गण नाचत छवि छाये । वरणत यश बहु भाट सुहाये ॥

गिरि कुँवरन सुरकरत ठठोली । देतगारि बहु गोलिन खोली ॥

तबहिं गर्ग गिरिराज पुरोहित । लाग्यो पढ़न विनय अतिसोहित ॥

सवैयाछन्द ॥

नाथ कहै बुधलोगन यद्यपि होत महासुख पुत्रके जाये ।

तद्यपिसो यहिअवसरमें लखिमोमतसों विपरीतसुहाये ॥

जोनहिं होत सुतागिरिगेहमें क्यों बनती असबातबनाये ।



योगीकेध्यानमेंआवै नहीतेहिहेत प्रत्यक्ष हरिउहरआये ॥  
 नाथ गिरीश गरै बहुलाजमें नेकन भै तुम्हरी पहुनाई ।  
 झूठहिपांवपखारिकै भोजनदीन्हीन ढांखकेपातदेखाई ॥  
 आयेसबै सुरशम्भुकेसाथ बनीनतनी तिनकी सिवकाई ।  
 सोअपराध क्षमोक्षमकाय भरोगिरिसाथ कृपा अधिकाई ॥  
 बोलिउठ्योविधिताप्रतिउत्तर है गिरिकीसबभांतिबडाई ।  
 जोसुखदेवलह्यो गिरिगेहमें सोनलह्यो कतहूँ तनपाई ॥  
 भोजनस्वादकहे नसिरात न व्यंजनजाति गनेगनिजाई ।  
 सेवनभांतिकहांलौं कहौं जेहिकी बशहै सुरधाम भुलाई ॥  
 दो० यहिविधिविनतीपरस्पर भयो उभयदिशितात ।

नेगलह्यो नेगिन सकल बरणे नाहिं सिरात ॥

सो० तबहै बिदा गिरीश जात भये निज भवनको ।

सुखभा बिस्वाबीश सोसुखजात न तातकहि ॥

राति भये गिरि जेवनहेतू । लीन बुलाय सकल सुरकेतू ॥  
 पुनिहुं गिरिश ज्यवनारकरावा । प्रथमदिवस से द्विगुणितभावा ॥  
 पुनिबीस्योयहिविधिदिनतीनी । नितनित भै पहुनई नवीनी ॥  
 चौथेदिवस चतुरथी करमा । मुनिन करायो सकलअशरमा ॥  
 सोउदिनभा ज्यवनारअतीवा । दिनदिन बढ़त मोदको सीवा ॥  
 तेहिपरदिवस बिदा सुरमांगी । राख्यो गिरिवर बहुअनुरागी ॥  
 नितनितकरतअधिकसिवकाई । सुरनविदानहिंगिरिहि सुहाई ॥  
 तबगिरीशनिज निकटहँकारी । बहुबोधित करि कह्यो मुरारी ॥  
 शिव चाहत कैलास सिधावा । कहतनसकुचितोरलखिभावा ॥  
 सेवक सेवा बश त्रिपुरारी । दास सकुच राखत उरभारी ॥  
 निजरुचि तजत दासरुचिराखी । वेदपुराण संत सब साखी ॥  
 तेहिते शिवहि बिदा अबकरहू । मूरति तासु सदा उर धरहू ॥  
 भलेहिनाथकहि गिरि शिरनावा । बहुत उदासभयोगिरिरावा ॥  
 तबगिरिवर निजभवन सिधाई । मैना सों सबबात जनाई ॥  
 शिवकी अबतुम करहु बिदाई । बहुतभांतिम्वहिंविष्णुबुझाई ॥  
 तेहिते करब बिदा अब नीका । शिवरजाय सब धर्मकलीका ॥



दो० मैना सुनत उदास मै प्रेमवारि भरि नैन ।

तन पुलक्यो सूर्यो अधर मुखसों उठत नैन ॥

सो० बोधितकीन गिरेश उचित समय नहिं दुख लखो ।

जानो शिवहि परेश तामूरति उरमें रखो ॥

तब मैना धरि धीर अपारा । लागी करन विदा कर चारा ॥

तिहि अवसर शंकर सुरकेतू । विदा हेत गे गिरिश निकेतू ॥

सजे रूप महाराज समाना । थकत शेष जिहि करत बखाना ॥

मैना निरखि शंभु सुखकारी । गिरी चरण पर प्रेम सम्हारी ॥

पुलकिगात लोचन जल बहई । गदगद बचन शंभुसन कहई ॥

नारि सहज जड़ अज्ञ कपाला । तिहिपर पाहन पुनि नृप बाला ॥

प्रथम तुम्हार भेदनहिं जानी । नापित मुख सुनि निंदा ठानी ॥

लख्यों न तुम्हें चराचर नाथा । सो अपराध क्षमौ शशि माथा ॥

लघुको चूक रूप श्रुति गावै । क्षमा रूप बड़ वेद बतावै ॥

करौ क्षमा मम चक कपाला । त्राहि त्राहि शरणागत पाला ॥

पुनि दूसर वर देहु गुसाई । अब नहिं होउँ प्रथमकी नाई ॥

माया तोरि महा बलवानी । अबन करै म्वहिं कबहुं दिवानी ॥

पुनि तीसर वर देहु दयाला । बहु शिशु अज्ञ हवै मम बाला ॥

जानत नहिं गृहकाज गुसाई । सखिन मध्य खेलत अब ताई ॥

जो कछु चूक करै अज्ञाता । सो क्षमियो करि कृपा अघाता ॥

नारद सों सुनि सतीहवाला । रहत न मम चित चेत कपाला ॥

नाथ क्षमब अपराध पुराका । तुम सर्वज्ञ सुधर्म पताका ॥

जो अब चूक करै बशमाया । तौ क्षमियो प्रभु करि बहु दाया ॥

दो० नाथ उमा मम प्राण प्रिय क्षमब चक यदि होय ।

अस कहि शिव चरणनपरी दीन दीन जिमिरोय ॥

एवमस्तु शंकर कह्यो कीन्ह्यो बोध अनेक ।

अविनाशिन तव कन्यका डरपौ अब नहिं नेक ॥

सो० तब मुनिवरन बुलाय मैना कीन्ह्यो चार सब ।

परछन चार कराय विदाभयो शिव सासु सों ॥

स्वजन भजन केह्यात शंभुकरत लीलास्वमुनि ।



शिव के नात न ज्ञात भक्तिनात यक शिवरखै ॥

असकहि मगनभयो जगकारी । गदगद कंठ नयन बह्यो बारी ॥  
 पुनि धीरज धरि शंभु मनाई । लाग्यो कहन कथा सुखदाई ॥  
 विदामांगि मुनिगे जब शंभू । मैना उर दुख भयो अदम्भू ॥  
 सूरयो अधर जरयो सबगाता । धरनी उपर परी बिलखाता ॥  
 देखिहि मंचल प्रियहि उठावा । कहि पुराण इतिहास बुझावा ॥  
 अबहिं शोचकर अवसरनाहीं । धीरज धरहु समझि उर माहीं ॥  
 सुता विदाकर साजहु साजू । अवसर उचित करहु सबकाजू ॥  
 सुनि मैना धीरज उरकीन्हा । अवसर उचित काज चितदीन्हा ॥  
 बोलिलीन तव गिरिवररानी । विप्र बधू कुल बधू सयानी ॥  
 सबसों कह मैना गिरनाई । उमहिं पतिव्रत देहु सिखाई ॥  
 सुनि असजरठ विप्रकुलनारी । बैठीं लै यकांत गिरिवारी ॥  
 सुनहु उमाहम अससुनिपावा । तुम्हैं सकल सुर मातु बतावा ॥  
 शिव जगतात माततुममाता । विधि बश भयो सुताकर नाता ॥  
 तिहिते तुम्हैं सुमिरि जगनारी । होयँ पतिव्रत माहिं सुखारी ॥  
 तुम्हैं सिखाउब अनुचितमानी । जक हेतु कछु कहैं बखानी ॥  
 पुरुष हेतु बहु धर्म विधाता । रच्यो देव असु पित्र सुहाता ॥  
 तीरथ व्रत मख होम सराधा । करत जाहि उपजत बहु बाधा ॥  
 नारिनपर करि दया बहूता । रच्यो तासु वृष सहज सुपूता ॥  
 पतिव्रतजो हठ करितिय गहही । लहै पदारथ जो मन चहही ॥  
 देव पित्र पतिही को जानै । ईश्वर रूप पतिहि को मानै ॥  
 लखै सकल तीरथ पति चरणा । पतिसेवन सबव्रत श्रुतिवरणा ॥  
 पति निंदक बहु तपवृषधारिन । होय सदा रवरवा बिहारिन ॥

दो० जगमें पतिव्रत चारि हैं तिन्हें कहौं बिस्तारि ।

तुम्हैं सुमिरि गति प्रथमकी लहैं सकल जगनारि ॥

सो० उत्तम मध्यम नीच लघु निकृष्ट ये श्रुति कहैं ।

हैं सब जग के बीच प्रथम द्विती तव किंकरी ॥

उत्तम सदा रखैं मनमाहीं । आन पुरुष विधि बनयो नाहीं ॥

मध्यम परपतिकह असजाना । तात भूत अस पुत्र समाना ॥



ये दुइ कलिमहँ होइहैं थोरी । जिन पर कृपा करो बरजोरी ॥  
 नीचस्वपतितजिआननगहही । कुलकीकानि समुझिमनरहही ॥  
 लघुबिन अवसर पतिब्रतधारै । अस निकृष्ट भयते मन मारै ॥  
 इनहूँ केर होय कल्याना । जो पतिकर नहिं करै अमाना ॥  
 प्रथम दुतीया जो हम भाषा । मुक्तिखानितिनको अभिलाषा ॥  
 पतिब्रत धारिण बहु वृषहीना । बर तपस्वि से लखो बलीना ॥  
 अब वरणौंकछु जग व्योहारा । जिहिविधिपतिब्रतकरतअचारा ॥  
 पति से ऊंचन बैठै कबहूँ । यदपि कहैपति सकुचै तबहूँ ॥  
 पति बाहेरसे जब गृह आवै । तुरत नारि गृह काज मिटावै ॥  
 माथ सूँदि पति आज्ञा धारै । अनुचितउचित न नेकसिहारै ॥  
 पतिआगे निज शीश न खोलै । बोलकठोर नृपतिसों बोलै ॥  
 पति जेंवाय पुनि जेंवै आपू । करि सुख बात हरै संतापू ॥  
 करैसिंगार विविध निज तनमा । जेहिलखिहरषहोयपतिमनमा ॥  
 पति हरषन हित यतन सुठानै । कबहूँ सकुच न पतिउरआनै ॥

दो० कहौं चतुर गुण नारिके जोहैं सुभग कुलीन ।

दुर्लभ है संसार में भाषत संत मतीन ॥

छंद सवैया ॥

कोप करैपति दासिबनै अस सेजविषे गनिकामिस भावै ।  
 भोजन बेर बनै जननी बहु व्यंजन दियुत मान खवावै ॥  
 जोपै कदाचि परै अपदावनिकै मतिया शुभ मंत्र बतावै ।  
 ओरी कहै असनारि जहां मुख थानतहां बढिकैश्रुति गावै ॥  
 सो० जिहि घरमें असनारि तिहिघरकी शोभा कहत ।  
 लहत शेष श्रुति हारि नेतिनेतिकहि चुपरहत ॥

छन्द सवैया ॥

मूढ़ समूढ़ छली अकुली मति मंद गव्वार कुरूप कठोरा ।  
 दोन मलीन दयावृष हीन महातनक्षीन अधीन अजोरा ॥  
 रोग भरे पर नारि धरे बर क्रोध करे बकवाद अथोरा ॥  
 ओरी कहै इमहूँ पति निंदि लहैतिय नरक विषेदुखयोरा ।  
 दो० निज परुष को त्यागि कै परसों राखैं हेत ।



जन्म कोटि बसि रवरवा दुखसों रहैं अचेत ॥  
 सो० पति वंचक जोनारि ताहि बादि बह्मरची ।  
 ओरीकहत पुकारि तिमिशिव निंदक पुरषको ॥

नृप द्वारे मधु पान अथाई । जाय न नारि सुकारज पाई ॥  
 असु उद्यान विषे रस रंगा । जायन नारि विनापति संगी ॥  
 पति निंदक सुन्दर तिय कैसे । बहु फल विषे इंदोरन जैसे ॥  
 पति निंदक तिय जन्मै जहवां । विधवा होय युवा तन तहवां ॥  
 ऐसहि पुरुष शंभु अपमानी । होय रव रवा को अस्थानी ॥  
 पतिको दुष्ट कहै मन माहीं । गूंगी होय अपर तन माहीं ॥  
 पति जेवाय पुनि जेवै आपू । पति सुख लागि सहै संतापू ॥  
 असतियको अतिसंत बखानत । लहै सकल सुखनि जमनमानत ॥  
 महा दुष्ट वै नारि भवानी । निजपति बंचि परहिरति ठानी ॥  
 वंचक पति तन्मै जहां जाई । चिह्न रहै तिहिके तन छाई ॥  
 होय कुरूप अंग कछु भंगा । विधवा होय लहतपति संगी ॥  
 जो कदाचि बैधव बचि जावै । तौ बांझिन द्वै जन्म गवाँवै ॥  
 यहितन विधिवश जोपति सेवी । मिटै सो अघ पर तनमें देवी ॥  
 तदपि रहै तन चिह्न विशाला । एक दांत मुख भीतर काला ॥

दो० इमिहि सुनारि कुनारिके धर्म कहा समुझाय ।

लखवन देवी ओरनिज जगहित कहा बनाय ॥

सो० सुमिरित नाम तुम्हार जो तिय पति ब्रतधारहीं ।

तिन्है नहोय विकार सदा प्रीति पति पद रहै ॥

सुन गौरी मनमें मुसकाई । लज्जित द्वै पुनि माथ नवाई ॥  
 तब सजाय शिविका गिरिराऊ । विदा करन हितकीन बनाऊ ॥  
 रवि भूषण षोडश सिंगारू । सखिन सज्यो सब करि चित चारू ॥  
 शिविका बननि वरणि नहिं जाई । कोटिभानु समभा अधिकारी ॥  
 लागी मिलन उमा महतारी । मैना लाय लीन उर बारी ॥  
 छोंड़त पुनिहुं लगावत छाती । विरहबढ़ी नहिं बरनिसिराती ॥  
 मातु विरह बरनव बड़ि हानी । तिहिते मैं संक्षेप बखानी ॥  
 भामिनि असु भूतन मिलि देवी । पितुपद लागि मिली जगसेवी ॥



पुनि पुरनारिन मिलिहु भवानी । पुनि जननी उरमें लपटानी ॥  
 पुरनरनारिन बरवण कुटवाई । शिविका ऊपर दीन चढ़ाई ॥  
 शिविका अपर बने बहु भासी । तिहिचढ़िचलत भई बहुदासी ॥  
 बड़ी भाग्य तिन केरि रमाहै । जिन्हैं लीननिज साथ उमाहै ॥  
 शिविका उठत लुटायो जस धन । बरणि सकत नहिं तस सहसानन ॥  
 लखि बकसीस समय कहै ओरी । लीजै मातु नेक सुधिमोरी ॥  
 उठी पालकी गइ जनवासे । निरखि बराती भयो हुलासे ॥  
 विश्वादि क सब कीन प्रनामा । प्रथक प्रथकलैलै निजनामा ॥  
 तब हरि सब नेगिन बुलवाई । कीन अयाचक द्रव्य लुटाई ॥  
 कीन बरात पयान सुहाई । बाजक बाजा विविध बजाई ॥

दो० ऐरावत सजि हरि चलयो साजिहंस जगकार ।

गरुडसाजि श्रीपतिचलयो सुमिरिमनहि त्रिपुरार ॥

सो० शिवहुस्वकीन पयानसाजि वृषभ निजगणनयुत ।

चले संग हिमवान पहुंचावन सत सुतन युत ॥

तब निज गरुड रौंकि बनवारी । गिरिवरसनबो लयो सुखकारी ॥  
 जाहु लौटि बहु दूरिहि आयो । नहिं लौटव गिरिपतिकी भायो ॥  
 लौटत नहीं कह्यो बहु बारी । देखि प्रेम हरषाय मुरारी ॥  
 शिवसों कहा दोऊ कर जोरी । सुनहुनाथ विनती यक मोरी ॥  
 प्रभु पहुंचावन गिरिवर आवत । प्रेमविवश लौटबनहिं भावत ॥  
 बार बार निरखत पद बारिज । निजमुखविदा करहु प्रभु आरिज ॥  
 सुनि हरि वच मुसकयाय पुरारी । गिरिपतिसों मृदुबचन उचारी ॥  
 आयहु दूरि जाहु अवगेहू । भूलव हमैं न राखव नेहू ॥  
 उचित समय नहिं कीजै मोहू । बालक जानि तजवजनि छोहू ॥  
 हँसे मनहिं मन हरिहु विधाता । बालकबनत सकल जगताता ॥  
 सुनि गिरि वर शंकर की बानी । ठाढ़े भयो जोरि युगपानी ॥  
 परयो दंड इव वृषके चरणा । बोलत ब्राहि ब्राहिहौं शरणा ॥  
 प्रथम चूक कीन्हों अनजानी । तब मायावश सुमति भुलानी ॥  
 अब जान्यों प्रभुकी प्रभुताई । हरि विधिकरत जा सुशिवकाई ॥  
 तुमनिरगुण सरगुण तन धारा । तुमसे प्रकट सकल संसारा ॥



हरि विधितव अंशजश्रुतिगावत । तवगुणकहि श्रुतिपारनपावत ॥  
माया तोरि बहुत बलवानी । जो सबकी बुधिकरत अयानी ॥  
ज्यहि परतव करुणा मदनारी । तेहि माया नहिं करत अनारी ॥

छन्द ॥

अबनाथ हमवर मांगहीं करि करुण दृष्टिहि देखहू ।  
अपराध चूक क्षमापना करि आपनो करि लेखहू ॥  
जब तक रहैं जग बीच पुनिपर जन्म जहँजहँ औतरै ।  
तहँ शंभु तवपद भक्तितजि परकामना नहिं चितधरै ॥  
दो० एव मस्तु शंकर कह्यो करि गिरिवरहि हुलास ।  
बिदा कीन तेहि भवन को आपु चलयो कैलास ॥  
सो० तबगिरि दोउ करजोरि चरण कमल हरिके छुयो ।  
बिधिसों बहुत निहारि कीन प्रणाम सुदासवत ॥  
सुरपति युत सब सुरन प्रणामा । करिहैबिदाचलयोनिजधामा ॥  
आय भवन सब करिकुल चारू । कीनबिदा सबसरितपहारू ॥  
इहां शंभु पहुँचे कैलासा । सुरनसहितबहुकरतहुलासा ॥  
बाजक अधिक बजायो बाजा । पहुँचबजानिस्वगिरिमहराजा ॥  
परछन चार मुनीश करावा । दान मान सब याचकपावा ॥  
तब ज्यौनार भयो बहुभांती । जैवत भे हरषाय बराती ॥  
तब सब सुरन परे हरि चरणा । निजअभिलाषकह्यो द्वैशरणा ॥  
नाथ कृपालखि शंभु बिवाहा । पायो सकल जन्मको लाहा ॥  
पर अभिलाष सुनो परमेशा । तव सेवा बश हवैं महेशा ॥  
करहु शंभु अभिषेक मुरारी । शिव गौरी एक थल बैठारी ॥  
जो रीझै शंकर लखि शरणा । तव मागैं वर तारक मरणा ॥  
यहौ सुसुख भरि नयन निहारी । तब निज घरनचलैबनवारी ॥  
सुनि अस बिनय सुरनकी रंगा । निजहुकरी अभिलाषअभंगा ॥  
हाथ जोरि महि माथ नवाई । शिव सन कह्योरजायसुपाई ॥  
अस अभिलाष सुरन मनआई । करैं नाथ अभिषेक सुहाई ॥  
शिव गौरी बैठैं एक आसन । सकल देव पूजैं वृषभापन ॥  
दो० कह्यो शंभ मुसकयायतव जस रुचि होय तुम्हारि ।



कीजे निजमनरुचित सब मुहिसुचितोरिपियारि ॥  
 सो० सुनि अस शंकर बैन रमानाथ सब सुरन युत ।  
 करि मनमें बहु चैन जोरन लाग्यो वस्तु सब ॥  
 तीरथ जल सब लीन मंगाई । मंगल वस्तु करी यक ठाई ॥  
 लेपादिक गंधादिक नाना । जोरेउ बहुत न जातबखाना ॥  
 कंजकनक करवीर सुहावा । मंदा रादिक पुहुप मंगावा ॥  
 बेल पत्र तुलसी दल पाना । दधि अस दुर्ब अनेकविधाना ॥  
 रोम पाट पट बसन विचित्रा । अस मिष्ठान्न अनेक पवित्रा ॥  
 भूषण सकल कनक मणि केरे । जोरयो सुरन विष्णु के प्रेरे ॥  
 तब शिवको असनान कराई । मणि सिंहासन पर बैठाई ॥  
 मज्जन करि जग मातु भवानी । वाम भाग बैठी शिव रानी ॥  
 प्रथम रमा युत नाथ रमेशा । पूज्यो गौरी सहित महेशा ॥  
 रमानाथ निज पीत पिछौरी । पीछत भयो चरण शिवगौरी ॥  
 पंचा मत चर्णन पर नाई । बार बार बहु भक्ति दिखाई ॥  
 पुनिलेपादि सुगंध लगावा । पुष्प माल उरमें पहिरावा ॥  
 भक्ति सहित मिष्ठान्न जेवाई । पुनि अचमन करिपानखवाई ॥  
 धूप दीप कीन्हों बहु बारी । चौदह विधि आरती उतारी ॥  
 करि जप पंचाक्षर त्रय माला । पाट कह्यो श्रुतिसारविशाला ॥  
 पुनिकरजोरिशुभास्तुति ठानी । जय महेश जय औघड़ दानी ॥

छन्द ॥

श्रुति संत सरोजहिभानुतुम्हीं । कुमुदीजनको शशिमानतुम्हीं ॥  
 खल बन हेत कृशान तुम्हीं । जनचात्रिकको नयसानतुम्हीं ॥  
 तव भक्ति विना सुखता सपने । हम दीख बिचारिहृदय अपने ॥  
 जेहि ऊपर नेक कृपा तुम्हरी । तेहिकी बिगरी सगरी सुधरी ॥  
 कपि कुंकुट तारि दई तुमहीं । गति सोमिनि नारिदईतुमहीं ॥  
 सुत दीक्षित पाप न जात कहे । तेहिको क्षणमें सब पाप दहे ॥  
 तेहिते तव शरणहि आय परे । अब राखिले राखिले शंभुहरे ॥  
 सब देव सतावत तार कहै । तजिके तुमताहिन मार कहै ॥  
 सबरै अतहै सुलतान तुम्हीं । सब याचक है यजमानतुम्हीं ॥



सबसेवक सेव्य प्रमाणतुम्हों । निजवोरिहिकोसुखखानतुम्हों ॥

दो० अस सुनि बिनती विष्णुकी है प्रसन्न मद नारि ।

कह्यो मांगु बर मन रुचित देवै बिनहिंसिहारि ॥

सो० तुम सम परन पियार मोहिं बहतइमिवेद हरि ।

तेहि पर परउपकार बसत हृदयतवममरुचित ॥

सुनि अस शंभु बचन बनवारी । मांग्यो प्रथमभक्ति अविकारी ॥

माया रहित भक्ति दुखदावनि । प्रथमदेहुमोहिंसो अनपावनि ॥

बिन शिव भक्ति महानृप कैसे । बिधवा तिय भूषणयुत जैसे ॥

तेहिते तव पद पदुम सनेहू । घटै कबहुं नहिं अस बर देहू ॥

बर दूसर दीजै महाराजा । मारु तारुका सुर सुर काजा ॥

तव सुत हाथ बधन तेहिहोई । करि सुत हनौ वेगिप्रभुसोई ॥

अस सुनि बिनयरमापतिकेरी । एव मस्तु बोल्यो सुख ढेरी ॥

तव पूज्यो करि भक्तिबिधाता । सुरा समेत परम हरषाता ॥

षोडश विधि पूज्योकरि भक्ती । बहुत रिझावतभे शिव शक्ती ॥

आयसु लै मांग्यो बरदाना । प्रथमभक्तिमोहिं देहु सुजाना ॥

बिनशिव भक्तिहवै कसपंडित । बहु सुंदर तन नासा खंडित ॥

तेहिते प्रथम भक्ति निज दीजै । पुनि दूसर बध असुर करीजै ॥

एव मस्तु तव शंकर भाषा । परकीन बिधिकी अभिलाषा ॥

पुनि पूज्यो सेववा करि प्रीती । शची समेत सुसेवक रीती ॥

उक्ति भांति बहु भक्ति जनाई । पूजनकरि बहु अस्तुति गाई ॥

लीन उभय बरपाय रजाई । प्रथम भक्ति पुनि देव रिहाई ॥

बिनशिवभक्ति धनीकस लेखो । बिनाशूँडिकरजिमिगजदेखो ॥

एवमस्तु भाष्यो तव शंकर । कीन्ह्यो दूरि सुरेश भयंकर ॥

दे० पुनि सबदिक्पति पूजिहू प्रथकप्रथक सुखराशि ।

मांगेहु प्रथमहि भक्तिबर दूसर तारक नाशि ॥

सो० पुनिपूज्योदिननाथ पुनिनिशिकर युवतिनसहित ।

लै बरभयो सनाथ भक्ति अपर तारक बधन ॥

पुनि पूज्यो अप्सर गन्धर्वा । किन्नरादि यक्षादिक सर्वा ॥

पुनि शेषादिक नाग अनेका । पूजा कीन्ह्यो सहित विवेका ॥



देवजाति जहँ लग तहँ रहेऊ । प्रीति सहित सबपूजत भयऊ ॥  
 सकल भक्तिबर पाय अघाई । भूमि अकाश बम्भ रव छाई ॥  
 नाचत गावत प्रफुलित देवा । बरत फूल जनावत सेवा ॥  
 तब सबको करि बिदा पुरारी । सबहों सों मृदुगिरा उचारी ॥  
 जाव सुषेण रहौ घरजाई । हमहैं तुम्हरे सदा सहाई ॥  
 राखेहु सदा चरण ममध्याना । करब सदा तुम्हरो कल्याना ॥  
 अससुनि सकलदेव मुनिझारी । चलतभये जयजयति पुकारी ॥  
 पहुँचे निज निज घर सबदेवा । लागे करन सदा शिव सेवा ॥  
 सुनु मुनीश शिवकी यह बानी । दीन हेत प्रभु औघड़दानी ॥  
 सब पाछे मुहिं हरिहि बुलाई । उभय पीठपर स्वकरफिराई ॥  
 कीन्ह्यो बहुत दयालखि दासा । कह्यो जाहु अब निजनिजबासा ॥  
 तुमसे अपर न प्रिय ममकोऊ । हरिविधिमम अंशजतुमदोऊ ॥  
 तुम अरु ममसे नेक न भेदा । वाक्य अर्थसम गावत वेदा ॥  
 जाहु सदा सुमिरत मुहिरहेऊ । लिह्यो सोई फलजो मनचहेऊ ॥  
 सुनहुरमा शिव समको स्वामी । जेहिपर कृपाकरै सोइ नामी ॥  
 करि अस्तुति बहुप्रेम प्रणामा । है है बिदा चले निज धामा ॥  
 दो० शिव मरति उर राखिकै ध्यान हेत कधिजात ।  
 तुम्हैं सहित बैकुण्ठहम पहुँचे बहु हरषात ॥  
 सो० सुरा सहितगे धात सत्यलोक आनंदमय ।  
 सुमिरत तहँ दिन रात गौरीशंकर के चरण ॥  
 कहत इमिहिभे मगन बिहारी । तनपुलकि तउरगदगदभारी ॥  
 कछुक बेर बीह्यो यहि हैना । शिवशिवसुमिरिउधार्यो नैना ॥  
 लखि अभिलाष रमा प्रभुभारी । कहतलगे शुभ सुयश पुरारी ॥  
 जबसे शंभु ठ्याहि घरआयो । गिरिपरसबसुखसंपतिछायो ॥  
 सतीमरे कछु रहै उदासी । सोदलिकला नवीन प्रकाशी ॥  
 फूलत फलत भये सब तरुवर । अमल नीरभे सरितसरोवर ॥  
 गिरि ऊपर बहु मणि प्रकटानी । कामधेनु बहु प्रकटिदिखानी ॥  
 सहज बैर त्यागेहु पशु पच्छी । यकसंगचरत सिंहअरुवच्छी ॥  
 गननदशा नहिं जाति बताई । प्रफुलित फिरत महासुखपाई ॥



फूल्यो बहुत विपिन मंदारा । जहँ नित शंकर करतविहारा ॥  
 यहिविधिबहुतदिवसचलिगयऊ । नितनितहोत सुमंगलनयऊ ॥  
 प्रकटभयोतब षडमुखशिवसुत । करत बहुतलीला सुखअद्भुत ॥  
 उहसब भयो न जात बखानी । हर्षित भे शिवशंभु भवानी ॥  
 जन्मतहीँ तरुकासुर मारेउ । सकल सुरनको कष्टनिवारेउ ॥  
 सुरन उपर करि बहु करुणार्ई । असुरमारि सुरविपतिनशार्ई ॥  
 बर्षिफूल सुर पदशिर राखी । निजनिजभवनबसेजयभाषी ॥

दो० षटमुख महिमा तेज यश वरण्यो बहुत मुनीन ।

तेहिते मैं संक्षेप कहि निजमन पूरण कीन ॥

जो सुनि है संसारमा प्रेम सहित चितलाय ।

तेहिपर हरिहर करिकृपा देहैं विपति नशाय ॥

सो० अमी सरिस यह गाथ सुनि आनंद नारद भये ।

पिता चरण धरिमाथ कीन्ह्यो बहुविधि दण्डवत ॥

सुनि यहकथा रसाल बहु प्रसन्न जगमातु मै ।

पुनि पुनि भई निहाल बहुतनई भरता चरण ॥

कह्यो विष्णु सुनु सिंधुकुमारी । अपरनकोउशिवसमहितकारी ॥

यद्यपि रही व्याह रुचि नाहीं । लखिसुरबूढ़त पकरचोबाहीं ॥

मोपर करत सनेह विशेषी । राखतमान मोर निजलेखी ॥

मोरे मन जसहै बिश्वासा । तसमम कहाकरतलखिदासा ॥

असकहि मगन भये बनवारी । देह गेहकी सुरति बिसारी ॥

कछुक बेरमहँ करि चितचेत । लाये जपन नाम वृषकेतू ॥

लखि असप्रेम विष्णु जगमाई । जोरि युगुलकर माथ नवाई ॥

नाथ एक शंका मनमोरे । सो छूटहि करुणा बश तोरे ॥

यश तव प्रेम शंभु पदमाहीं । देखत बनत कहत प्रभुनाहीं ॥

श्रुतिशारद वरणत थकिजाई । शेष सहस मुख सकैं नगाई ॥

अरु तव जनन लखे संसारा । बरु कलिमें तिनकोअधिकारा ॥

निन्दत शिवहि किहे हठभारी । बनेदास तुम्हरे बनवारी ॥

माला तिलक पितम्बर धारी । पूजत शालिग्राम सम्हारी ॥

निन्दत शिवहि कौनमतलाई । ज्यहि तव इष्टकहै श्रुति गाई ॥



तिनकीहै यह कौन भलापन । निन्दतजेहि पूजत प्रभुआपन ॥  
जक्तनाथ ममनाथ मुरारी । कहि यहि वृत्तहरो भूमभारी ॥

दो० सुनतरमाको प्रश्नइमि शिवशिव कहि हरिनाथ ।

कह्यो मोरजनहोय किमि जो निन्दत शशिमाथ ॥

सो० जैसि ठिठाईआज किह्योकिह्योनहिं कबहुं प्रिय ।

दिह्योमोहिं बहुलाज गिवनिंदक कहि मोरजन ।

शिव निंदक मुख देखै जोई । गो बध सरिस पाप तिहिहोई ॥

करत जोई शंकर अपमाना । लखो ताहि मम शत्रु समाना ॥

सकुचि रमा दूनों करजोरी । नाथ चूक मेटौ अब मोरी ॥

बिनजाने इमिकिह्योठिठाई । तुन सर्वज्ञ कहु क्षमताई ॥

पर कलिमें जगमें बहु देखा । सुंदर धरे विष्णु जनु वेषा ॥

निंदत शिवहि महा हरषाई । तिखवत परहु सुज्ञान लखाई ॥

तिनकीवृत्त नाथ नहिं जानौ । किहि अनुचर किहिकिंकरमानौ ॥

नाथमोहिंलखि अज्ञस्वदासी । तिनकी वृत्त कहौ अविनासी ॥

रमहिमोहबलखिवनवारी । कहनलग्यो गुन कथा विचारी ॥

यहैप्रश्न विधिसौं मुनिकीन्हा । लखि सुतमोह बोधविधिदीन्हा ॥

जोइमुनिसौं बरणातजगकारी । सोइ रमासन कहत मुरारी ॥

मुनिपुलस्त्यविधिकोसुतजोई । विश्वेश्वरा तासु सुत होई ॥

ता सुत भा रावण बलवाना । बीस बाहु दश माथ बखाना ॥

सो निश्चर पति भा लंकेशा । जाको चरित विदित सबदेशा ॥

जानतसकलदेश तिहिकरनी । तिहिते मैं संक्षेपहि बरनी ॥

तासु तनय सुरपतिकोजीता । जीति सकलसुर भयो अभीता ॥

दो० करत पाप संताप बहु गो द्विज सुर के साथ ।

जहँ सबपै तहँ एक गुण करतभक्ति शशिमाथ ॥

सो० जाके शंभु अधार तासु पाप का करि सकै ।

भजन शंभु अंगार पाप तूल के ढेर हित ॥

एक समय रावण बलवाना । देखन चह्यो सकल सुरथाना ॥

इंद्रपुरी प्रथमहिं सो गयऊ । ठौर ठौर सब देखत भयऊ ॥

पुनि यमराज पुरीमहँ आवा । शमन गणन सब सैर करावा ॥



नर्क कुण्ड तहँवाँ दश शीशा । निरखत भयो आठ अस बीसा ॥  
 भगो नर्क शीश तिहि माहीं । बज बजात कीरा तिहिमाहीं ॥  
 वहपापी तिहिमा चिगधारत । कौवा टोंट शीश पर मारत ॥  
 सो लखि रावण बहुभयपाई । शमन गणन पूंछ्यो फुसलाई ॥  
 करनी कौनकिहे हिंघआवत । करहु न बैर वृत्त यहि गावत ॥  
 शमनगणन तब कहसमुझाई । सुनहु वृत्त यहि निश्चर राई ॥  
 करै पाप द्विज धेनु सतावै । पर अपकार विषे मनलावै ॥  
 है कामी पर नारि हरैया । हरै विप्र धन करि चतुरैया ॥  
 तजिनिजनारिपरहिमनलावै । सो यहि कुंडविषे खल आवै ॥  
 निंदहि सर सुरभाग छड़ावै । धेनु भाग सूकरहि खवावै ॥  
 निज स्वारथहित झूठबखानै । पर अकाजलगि सुजतन ठानै ॥  
 निजहिबलीलखिअबलनशावै । कारण रहित सुक्रोध बढ़ावै ॥  
 पित्र छियाह करै निजसूना । तिहिखलको यहिमादुखदूना ॥  
 श्रुति मारगतजि चलै कुपंथा । क्रोध करै साधै मन मंथा ॥  
 बेल काटि रूंधै फुलवाई । सो यहि मांझ सहै दुख आई ॥

दो० यहि मिस करणी जो करै सो यहि कुंडहिआय ।

करतभोग चिधरत सदा कागकिर्म तिहिखाय ॥

सो० यह सुनिकै दश शीश बहुत बिचारेहु निजमनहिं ।

लख्यो सुविस्वा बीस निज पुर में करणी यहै ॥

तबबिचारकीन्ह्यो मनमाहीं । लेउं पटाय सकल क्षण माहीं ॥  
 लीन्ह्यो निजसेवकन बुलाई । कह्यो बेगि यहि लेउ पटाई ॥  
 सुनिआयसुनिश्ररपतिनिश्रर । लागे पाटन रवरव कंदर ॥  
 गिरितरुभरि डार्योबहुमाटी । लीन्ह्यो बीस कुंड तिन पाटी ॥  
 देखि उपद्रव यम भय पाई । पुर वैकुंठ जाय गुहराई ॥  
 त्राहित्राहिकहिअस्तुतिगाई । होहु रमापति बेगि सहाई ॥  
 नाथनिशाचरपति रिसवाई । लेत रवरवा कुण्ड पटाई ॥  
 बीस कुंड सो लीन पटाई । रहे आठ सोउ रहन न पाई ॥  
 तजि प्रभुकोतिहिरोकनहारा । राखु मोहिं करि कृपा अपारा ॥  
 तबहँसिकह्योविष्णुमहराजा । महा प्रबल शिव अज्ञा विराजा ॥



शिवशिवजपेकुशलनितहोई । जानित तुम तिहि दीन भुलोई ॥  
 अबहमजतन कहैं सोकीजै । है अधीन शिव पर चित दीजै ॥  
 निश्वरपतिअबहींनहिंमरिहै । हठ बध हमरो कहा न करिहै ॥  
 एक तौ हवै महाबल धारे । दूजे शंभु तासु रखवारे ॥  
 ब्रह्मा दीन ताहि वरदाना । नरके कर तिहि को बध ठाता ॥  
 यहिते हम मानुषतन धरिबै । विपिनमांझ शिवकी तपकरिबै ॥  
 शिवरिझाय तिहिपक्षछड़ाई । लै वर बाण हनब तिहि जाई ॥  
 तिहिते लै तुमसीखहमारी । करहु काज निज जन बिचारी ॥

दो० बिनय करो तेहि जोरि कर जानि कुशल यहिमाहिं ।

तुम्हरे पुर परिवार के मम पुर ऐहैं नाहिं ॥

सो० लखिके सबल अरात बिनय सहित तेहि टारिये ।

पुनि तहँ झूठिन बात शैव हेत नहिं यमपुरी ॥

दनुज बिशेषि शैव बर होवैं । सपन्यों शैव न यमपुर जोवैं ॥  
 बिष्णु बात सुनिके यम राई । आय रावणहिं बिनय सुनाई ॥  
 नाथ रवरवा कुण्ड न पाटो । अधिन हेत नहिं दंड उचाटो ॥  
 जयहिकरणी यम कुण्डबिहारी । सो मम पुरमें है अधिकारी ॥  
 तेहि कारण हमयाहि पटाइत । निजपुरवासिनदुःखमिटाइत ॥  
 नाथ सुरासुरदोउ शिव दासा । शिवजन लेत न यमपुर बासा ॥  
 कैरयो शैव होय अध कारी । शंभुनाम अध बिपिन कुठारी ॥  
 तेहिते यह हम करितकरारा । हियां न ऐहै तब परिवारा ॥  
 यह सुनि रावणकीनक्षमापन । हरषि दीन सब सेवक आपन ॥  
 यहिविधिआठकुण्डरहिगयऊ । बीस पटे नहिं पुनिसो भयऊ ॥  
 तबतेबहुत काल चलि गयऊ । कोउन कबौं निरय थल गयऊ ॥  
 कमिया सकल रव रवा केरे । रुमि कागादि क्षुधाके प्रेरे ॥  
 यम राजहि बहु रोय सुनाई । अधीन आवत का हम खाई ॥  
 तब यमराजदीख धरिध्याना । शंभु नाम अध तूल कथाना ॥  
 तबनिजमनयमराजबिचारी । गे बैकुण्ठ जहां बनवारी ॥  
 ठाढ़ भये दोनों कर जोरी । करवत कीन प्रणाम निहोरी ॥  
 दो० पुनि लाग्यो अस्तुति करत कहि जय जय जगदीश ।



जगपति रमानिवास प्रभु जयजय मुनि सुर शीश ॥

सवैयाछन्द ॥

जय अविनासी । घटघट बासी ॥ जय वृषसेतू । खगपति केतू ॥  
 लक्ष्मी नायक । जगसुखदायक ॥ सर्वसहायक । तुमसबलायक ॥  
 है अवतारी । जक्त बिहारी ॥ करततमाशा । स्वमनप्रकाशा ॥  
 मच्छ तनधारी । वेद उबारी ॥ कच्छपरूपा । धरि सुर भूपा ॥  
 कधिमथिडारा । रत्ननिकाश ॥ किङ्क अवतारा । दिति सुतमारा ॥  
 नरहरिभयऊ । जनसुखदयऊ ॥ धरितनबावन । सुरपतिआवन ॥  
 कलिवलिराजा । करिसुरकाजा ॥ है प्रसरामा । द्विजवर धामा ॥  
 अकलअदम्भू । करितप शम्भू ॥ शिवहि रिझाई । बलवरपाई ॥  
 खलनृपमारी । स्वजनउबारी ॥ क्षितिलैलीना । द्विजनकदीना ॥  
 है रघुनायक । लैधनुशायक ॥ मुनिमखराखी । सबजगसाखी ॥  
 बहुखलमारी । मुनितियतारी ॥ सिया विवाही । है उत्साही ॥  
 तबमनभावा । बनहिसिधावा ॥ करितप शंकर । लैबर सरवर ॥  
 जतनसमेता । करिकधि सेता ॥ बनै शिवाला । थापिमभाला ॥  
 रावण मारी । देव उबारी ॥ तब सुरहरषे । बहुगुल बरषे ॥  
 है यदुवंशी । लै मुख वंशी ॥ करि बहुलीला । गोपिन मीला ॥  
 पुनिहै बोधा । यमनन बोधा ॥ करिअतिनिंदा । यमननछिंदा ॥  
 है पुनि शापी । आपहिआपी ॥ अतिमहँभाषा । गोयन राखा ॥  
 पुनिकलिअंता । तुमअकीकंता ॥ कलकी रूपा । है द्विज भूपा ॥  
 खलगनमरिहौ । सुजनउबरिहौ ॥ अबहमशरणा । करुप्रभुकरुणा ॥  
 तुमप्रभुस्वामी । मैंअनुगामी ॥ रखु मरयादू । सुनि फिरियादू ॥

दो० इमि विनती सुनि शमन की है प्रसन्न सुख सिंधु ।

कह्यो माँगु यमराज बर लखिमुहिं आरत बंधु ॥

सो० कहौ वृत्त निज खोलि कौन कष्ट तुमको परयो ।

राखहुकछुक न गोलि सकल बांछित देव हम ॥

तब करजोरि कह्यो यमराई । विनती मोरि सुनहु जग साई ॥

निरय कुण्ड जोबसु अरुबीसा । बीस तहां खोयो दश शीसा ॥

रहे आठ सोउ जात सुखाई । बिना अधीरहि कौन भलाई ॥



कमियासकलमरततेहिभूखन । मम ढिग आय देत सबदूखन ॥  
 सुरन जात तहँ प्रभु कसुणार्ई । असुरन रावण लीन बचाई ॥  
 नरहु पाप सब डारत जारी । एक बार शिव नाम पुकारी ॥  
 एकहु बार कहत शिव जोई । देत जन्म शत पातक खोई ॥  
 मम गणबांधतलखिअघजाको । शिव गण कीनिलेत झटताको ॥  
 तासु पाप बहु मम गण भाषत । शिवगणनेकनसो उरराखत ॥  
 कहत कहे शिव पाप कहाहै । शिव भाषी परताप कहाहै ॥  
 ममगण फिरतबहुत खिसयाई । ममढिगआवत मुहँलटकाई ॥  
 सुनि यम बचन हँस्यो बनवारी । कह्योइमिहि हैनाम पुरारी ॥  
 शिवके कहत होत अघ छारा । दीपक यथा तूल अंबारा ॥  
 भूल्यो कहत शंभुको नामा । दासी बनत मुक्तिहिधामा ॥  
 सोमिनि नारि कथा तुमजानी । व्याधि किरातभयेसुखखानी ॥  
 गुणनिधि यथा लह्यो सुखसारा । सोतुम जानत सबव्योहारा ॥

दो० शंभुनाम महिमा कहत सकुचत शारद शेष ।

श्रुतिहुनेति कहिचुपरहत यमसों कह्योरमेश ॥

सो० जाहु शमन निज धाम कहरमेश बहु बोधदै ।

करब तुम्हारो काम जो सहाय शंकर करै ॥

हमरे शंकर नाम अधारा । तिहि बलपालित सबसंसार ॥  
 तुमहूँ जाय जपो शिव नामा । तिहिते होय सकलतवकामा ॥  
 अस कहि बिदाकीन यमराजा । पुनिमनहमचिन्त्योयमकाजा ॥  
 अस्मरि मुण्डी गणन बुलावा । त्रिपुरहेतुजिहि प्रथमबनावा ॥  
 तुरतसोगणपहुंच्यो तिहिठामा । ममपद वारिज कीन प्रणामा ॥  
 अस सुनि लक्ष्मी दुहुँकरजोरी । हरिसोंपूँछ्यो बहुतनिहोरी ॥  
 विधि सों नारद माथ नवाई । निज शंकायुत विनयनुनाई ॥  
 नाथ कहो मुण्डी गण कोहै । त्रिपुर कौन जिहिहेतबन्योहै ॥  
 त्रिपुर कथा विस्तर युत भाखो । दास मानि कछु गोयनराखो ॥  
 जानि परत शंकर तिहि मारी । तिहिते नाम परचो त्रिपुरारी ॥  
 सुनि अस विनय पुत्रकी धांता । सरहेहुलखिशिवपदमनराता ॥  
 तुम्हैं विदित सबकथा गिरीशा । बन्यो अज्ञ जग हेतु मुनीशा ॥



लगे कहन विधि कथा सुहाई । बार बार शिव पद शिरनाई ॥  
रमहि मानदै बहुत मुरारी । लागे कहन कथा मदनारी ॥

दो० कश्यपपतिय दिति वंशमें भयेतीनि अमरारि ।

विधिउदेशितिनतपकियो बरअबद्ध चितधारि ॥

सो० बहुतबिकट तपकीन लखिप्रसन्न बहुधातभो ।

जाय तिन्हैं वचदीन मांगो बर जो मन रुचै ॥

लखि मुहिं कीन प्रणाममुनीश । अस्तुति कीननाथ पदशीश ॥

मांग्यो बरमन रुचित सुरारी । देहु तीनि पुरमुहिं जगकारी ॥

धात मई तीनिहु पुर स्वामी । पुनि होवे सो मारुत गामी ॥

मन माना लैजाय उड़ाई । रसा अकाश पताल सुहाई ॥

एक एक पुर तीनिहु भ्राता । राज करें हमतहँ सुख राता ॥

देहु अपर बर करि करुणाई । अवध होयँ हमतीनहुं भाई ॥

तबविधिकहकरि मनहिउदासी । अवधहोतनहिं कोउजगवासी ॥

शिवतजिअपर अवध जगनाहीं । देखोकरि विचारि मनमाहीं ॥

जो बर प्रथम तात तुम मांगा । सोहम ठीकमनहिं अनुरागा ॥

दूसर बर पर लेहु बिचारी । सुनिमनसमुझिकह्योअमरारी ॥

तीनिहु पुर छेदे यक बाना । तिहकरबध ममदेहु सुजाना ॥

जाहिं मृत्यु नहिं होय बिधाता । सो पुर भेदि करै मम घाता ॥

तब हम मुनि मन बहु हर्षाई । एवमस्तु भाष्यो तुरताई ॥

तब हम मयकहँ लीन बुलाई । रचहु तीन पुरकह समुझाई ॥

हाटक रजत ताम्र मय चारू । चलै पवन पथ असुरबिहारू ॥

तबमयअसुरजानि ममशासन । तुरततीनिपुररच्योमुदितमन ॥

पाय पुरन सो असुर गुमानी । एकएक में कीन्ह्यो रजधानी ॥

देव जाति सब दीन निकारी । भये असुर सुर पदअधिकारी ॥

दो० इंद्रहि लीन्ह्यो जीति तब छीन सुरन अधिकार ।

भोगन लाग्यो राज सुर निर्भय सब अमरार ॥

सो० करत राजयुत नेत पालत प्रजहि स्वप्राणसम ।

पूजत सब वृषकेत गहे वेद मत लोक मम ॥

पूजत विष्णु परम हित लाई । हरि हर सेवक तीनिहुभाई ॥



भूलेहु तजत न श्रुति को पंथा । त्यागत क्रोधलोभ मनमंथा ॥  
 तिहिमिस करततासु पुर बासी । पूजत हरि हर ज्ञान प्रकाशी ॥  
 चारिहु वरण गहे निज धर्मा । अयतजिकरतसकलशुभकर्मा ॥  
 एक नारि ब्रत पुरुष अमानो । त्रियहुपतिब्रतबहुविधिठानी ॥  
 तजि सुरअपरन दुखमहँ आरी । असत्रिपुरा सुरनीतिसिहारी ॥  
 यहि विधि बीतिगये बहु काला । सकलदेवजग फिरतविहाला ॥  
 एक दिवस निज गुरु मत पाई । इंद्र सकल सुरलीन बुलाई ॥  
 जीव सहित सुरपति सुरसाथा । मम पुरगये जोरि युगहाथा ॥  
 त्राहि त्राहि विधिकह सब देवा । बहु विधिकीनजोकिर सेवा ॥  
 देखि सुरन हमगे खितियाई । निजबरबलतितको दुखपाई ॥  
 बरस बरस कहि तिन्हें बझाई । छूटो दुख शिव करुणा पाई ॥  
 सुरन साथ लैतबहम मुनिवर । गयेक्षीरनिधि जहँ जगदुखहर ॥  
 त्राहि त्राहि कहि कीन प्रणामा । हरो देव दुख तुमसुख धामा ॥  
 सुरहु सकल बहु त्राहि पुकारी । कीन प्रणाम जोरि युग तारी ॥  
 हम हैं सबके अग्र मुनीश । अस्तुति करन लगे नै शीश ॥

छन्द॥

जयवनवारी सुरन गुहारी मधुमदहारी सिंधु मथं ।  
 जयकधिजाता कंत अघाता मुनिमनराता वेदकथं ॥  
 जनदुखदारीस्वरुचिविहारी सुरहितकारीदीनहितं ।  
 निजप्रणपारी असुरनमारी सुरनउबारी कोरचितं ॥  
 दो० सुरहुअसुर यदिभक्तितो तदपिसुरनकोकाम ।  
 करतसदा तुम श्रुतिवदत दीनबंधु तव नाम ॥  
 सो० सुनिबिनती विधिकेरिकह्योरमाहमकरिकृपा ।  
 कौन विपति भैठेरि जो तुमआयो ममशरण ॥  
 सुरन क्रांति लखि परतमलीना । दीनकौनदुख असुरबलीना ॥  
 बेगि सुरहुनिज विनति सुनावो । लेव सोईबर जोमन भावो ॥  
 करत पक्ष तुम्हरो हम जैसा । शंभु सहाय करत मम तैसा ॥  
 तब त्रिपुरासुर की सब गाथा । कीननिवेदन हम मुनिनाथा ॥  
 सुनत कौन बहु क्रोध मुरारी । क्षणमहँ देउँ त्रिपुरको जारी ॥